

ი. უთუკაშვილი

გლეხობის კლასობრივი დიფერენ-  
ციატია საქართველოში XIX  
საუკუნის მეორე ნახევარში  
(გორის მაზრის მასალების მიხედვით)



## შ ე ს ა ვ ა ლ ი

გლეხობის კლასობრივი დიფერენციაციის საკითხი კაპიტალიზმის ხანის ისტორიის ერთ-ერთ ურთულეს პრობლემას წარმოადგენს.

XIX საუკუნის მეორე ნახევარში საქართველოში ადგილი ჰქონდა ძირეულ, თვისობრივ ცვლილებებს, რომლებიც, საბოლოო ანგარიშით, განსაზღვრავდნენ საზოგადოების განვითარების შემდგომ გზებს. ფეოდალიზმი ირღვევა და ილუპება, მტკიცდება და ძალაში შედის კაპიტალიზმი, იმ დროისათვის პროგრესული მოვლენა. ამას კი თან სდევს კაპიტალიზმისათვის დამახასიათებელი ერთ-ერთი ნიშანდობლივი თვისება — მასების განუსაზღვრელი გაღატაკება. მშრომელი ხალხის მატერიალური ცხოვრების დონე საგრძნობლად უარესდება. კაპიტალიზმი ჰქმნის თავის მესაფლავეს — პროლეტარიატს.

სსრ კავშირისა და დემოკრატიული ქვეყნების მაგალითზე ისტორიამ დაგვანახა, რომ ისეთი უაღრესად მნიშვნელოვანი ამოცანის გადაჭრაში, რომელიც კაპიტალიზმის დამხობასა და ახალი საზოგადოებრივი წყობილების შექმნაში მდგომარეობს, ქალაქის პროლეტარებთან ერთად მნიშვნელოვანი როლი სოფლის პროლეტარებმაც და ნახევრად პროლეტარებმაც შეასრულეს.

კაპიტალიზმისა და ცარიზმის წინააღმდეგ ბრძოლის საქმეში დიდ რუს და სხვა მოძმე ხალხებთან ერთად მნიშვნელოვანი წვლილი შეიტანეს საქართველოს მშრომელებმა, მათ შორის ქართლის გლეხობამ. ქართლის გლეხობა, რომლის უდიდესი ნაწილი წარსულში უუფლებო, ლატაკი, დაბეჩავებული და დაკნინებული იყო, ჩვენს დიად სოციალისტურ ეპოქაში წელში გამართული და თავისი ქვეყნის ბატონ-პატრონია. ის მთელ ქართველ ხალხთან ერთად, კომუნისტური პარტიის მეთაურობით, ეწევა შემოქმედებით შრომას კომუნისმის სრული გამარჯვებისათვის.

წინამდებარე ნაშრომში განხილულია გორის მაზრის გლეხობის კლასობრივი დიფერენციაციის საკითხი (ქრონოლოგიური ჩარჩოა

1864—1905 წლები), რის გადასაწყვეტად დასმულია შემდეგი საკითხები:

1. რა მისცა საგლეხო რეფორმამ გორის მაზრის გლეხობას;
2. სოფლის მეურნეობისა და ვაჭრობა-მრეწველობის განვითარება რეფორმის შემდგომ პერიოდში და გორის მაზრის გლეხობა;
3. კაპიტალისტურ ურთიერთობათა განმტკიცება სოფლად და გლეხობის დაშლა.

რეფორმის შემდგომ პერიოდში გლეხობა იშლება ორ, ანტაგონისტურ კლასად — გლეხურ ბურჟუაზიად და სოფლის პროლეტარიატად. დაშლა მიმდინარეობს საშუალო გლეხობის ხარჯზე და ის დამთავრებული არ არის 1905 წლისათვის. სოფელი თანდათან მტკიცედ უკავშირდება კაპიტალისტურ ბაზარს. ეს უკანასკნელი იმორჩილებს რეფორმის შემდეგდროინდელი სოფლის ეკონომიკას — ყველაფერი ბაზრის ინტერესებს უკავშირდება, სოფლის მეურნეობის ყველა დარგი ცდილობს დაამზადოს მეტი ნაწარმი გაყიდვის მიზნით. გლეხურ მეურნეობაში ფართო სარბიელს პოულობს დაქირავებული შრომის გამოყენება. მიწათმოქმედება სავაჭრო ხასიათს იღებს, ეს კი სოფლის მეურნეობის სპეციალიზაციას იწვევს. მდიდარი გლეხის მეურნეობა თანდათან უფრო ინტენსიური ხდება. გაძლიერებით მიმდინარეობს მიწის კონცენტრაცია გლეხობის ზედაფენის ხელში. ძლიერ ფართოვდება მიწის იჯარით გაცემა. მიწას იჯარით აძლევს, ერთი მხრით, თავადაზნაურობა გლეხობას, ხოლო, მეორე მხრით, თვით ღარიბ გლეხთა მნიშვნელოვანი ნაწილი — მდიდარ გლეხებს. მიწის ბატონყმურ იჯარას თანდათანობით ცელის კაპიტალისტური იჯარა.

ამრიგად, რეფორმის შემდეგდროინდელი ქართლის სოფელი განუხრელად მიდის განვითარების კაპიტალისტური გზით, ხდება ფეოდალურ-ბატონყმურ ურთიერთობათა შეცვლა კაპიტალისტური. ამავე დროს, ძველი წარმოებითი ურთიერთობების ძლიერი ნაშთები, არ შეესაბამებოდნენ რა საწარმოო ძალთა ხასიათს, ხელს უშლიდნენ მის განვითარებას, ამუხრუჭებდნენ მას.

საერთოდ, ქართლის სოფელსა და, კერძოდ კი, ქართლის გლეხობაში მომხდარი ცვლილებები მჭიდრო კავშირშია საქართველოსა და ამიერკავკასიასა და რუსეთში კაპიტალიზმის განვითარებასთან.

რეფორმის შემდგომი პერიოდის ერთ ყველაზე საკულისხმო მოვლენად შეიძლება მიჩნეულ იქნეს ეკონომიური კავშირების გან-

მტკიცება საქართველოს ცალკეულ რაიონებს შორის. კაპიტალიზმის განვითარების შედეგად გორის მაზრა უფრო და უფრო მჭიდროდ უკავშირდება საქართველოსა და ამიერკავკასიის სხვა სამეურნეო მხარეებსა და ოლქებს ისევე. როგორც ეს ეკონომიური კავშირები მტკიცდება რუსეთთან — მის ცალკეულ მხარეებსა და ოლქებთან. მიუხედავად კარიზმის კოლონიური პოლიტიკისა, საქართველოსა და, კერძოდ, გორის მაზრის როლი მთელი ქვეყნის ეკონომიურ ცხოვრებაში თანდათანობით იზრდება.

ძლიერდება ეკონომიური კავშირი საქართველოს ცალკეულ მხარეებს შორის. იქმნება ნაციონალური ბაზარი. კაპიტალიზმის განვითარების შედეგად ყალიბდება ქართველი ბურჟუაზიული ერი. იზრდება და მრავლდება ქვეყნის საწარმოო ძალები, რაც პროგრესის უტყუარ მაჩვენებელს წარმოადგენს.

ვ. ი. ლენინმა დაამტკიცა, რომ კაპიტალიზმის განვითარება რუსეთის სოფელში რეფორმის შემდგომ პერიოდში უმთავრესად პრუსიული გზით წავიდა. ლენინის მითითებებზე დაყრდნობითა და ფაქტიური მასალის გათვალისწინებით ჩვენ მივედით იმ დასკვნამდე, რომ კაპიტალიზმის განვითარება ქართლის სოფელში მიმდინარეობდა ისეთ ფორმებში, რაც პრუსიული გზის უცუდეს სახესხვაობას წარმოადგენდა.

საკითხის დამუშავების სიძნელე. უპირველეს ყოვლისა, წყაროების ნაკლოვანებაში მდგომარეობს. ეს ეხება, პირველ რიგში, იმდროინდელ სტატისტიკას. განსხვავებით რუსული საერო სტატისტიკისაგან. რომელიც იმ დროისათვის მეტად მაღალ საფეხურზე იდგა, სტატისტიკა თბილისის გუბერნიასა და მთელ ამიერკავკასიაშიც არადაამკმაყოფილებელ მდგომარეობაში იმყოფებოდა. სტატისტიკური მონაცემები ხშირად ერთმანეთს ეწინააღმდეგება და, რაც მთავარია, ნაწყვეტ-ნაწყვეტი და მეტად ზოგადი ხასიათისაა. დიდია მისწრაფება ე. წ. საშუალო მონაცემებისაკენ, ხოლო ეს ე. წ. საშუალო მონაცემები ძალიან ცოტა რამეს გვეუბნება ამა თუ იმ სერიოზული საკითხის გარკვევისას.

ჩვენი თემისთვის შექლებისდაგვარად გამოყენებულია თითქმის ყველა გამოქვეყნებული მასალა და ნარკვევი.

გამოუქვეყნებელი მასალებიდან გამოვიყენეთ საქართველოს სსრ ცენტრალური ისტორიული არქივისა და მოსკოვის ცენტრალური სამხედრო-ისტორიული არქივის ფონდები.

წყაროების თანაბარი ღირებულება აქვს ბევრ მასალას, რაც მოთავსებულია საკვლევად აღებული ხანის პერიოდიკაში. ამ მხრივ განსაკუთრებით აღსანიშნავია ჟურნალ-გაზეთები: „კვალი“, „დროება“, „მეურნე“, „გუთნის დედა“, „სასოფლო გაზეთი“, „ივერია“, „მოამბე“, „იმელი“, „Кавказ“, „Кавказское сельское хозяйство“, „Кавказский вестник“, „Юридическое обозрение“ და სხვ.

რადგანაც გლეხობის დაშლის საკითხთან უშუალოდ დაკავშირებული მასალები ძალზე ნაკლებადაა, ჩვენ ყურადღება მეტად ვაქცევთ იმ მოვლენებზე, რომლებიც კლასობრივი დიფერენციაციის საფუძვლებს ეხება. ასეთ უმთავრეს მოვლენებად მიგვაჩნია: სავაჭრო-სამრეწველო მოსახლეობის ზრდა (ქალაქებისა და სავაჭრო-სამრეწველო დაბების ზრდა), ქართლის სოფლიდან ქალაქისაკენ, ხოლო მთიდან მთისძირა სოფლებისა და ბარისაკენ მოსახლეობის სწრაფვა, მრეწველობისა და ვაჭრობის განვითარება, რკინიგზების გაყვანა. სავაჭრო მიწათმოქმედების ზრდა, მიწის ყიდვა-გაყიდვისა და მიწის იჯარით გაცემის გაძლიერება, ნატურალური (პროდუქტებით) და შრომამიგებითი იჯარის ფულადი იჯარით შეცვლა, დაქირავებული შრომის გამოყენება და სხვ.

ამგვარად, ძირითად საკითხთან ერთად და ამ საკითხის მართებულად გაშუქების ინტერესებისათვის შევვხებით მასთან დაკავშირებულ ზოგიერთ სხვა საკითხსაც, რომელთა ყოველმხრივი განხილვა, რასაკვირველია, არ დაგვისახია მიზნად და ეს არც იყო ჩვენი თემისათვის საჭირო.

შრომაში ყურადღება მივაქციეთ სოფლად კაპიტალიზმის განვითარების შემათერხებელ ფაქტორებს. ასეთად, პირველ რიგში, აღსანიშნავია ბატონყმობის ძლიერი ნაშთები, რაც უმთავრესად შრომამიგებასა და კაბალაში მდგომარეობდა, ხოლო შემდეგ სავაჭრო კაპიტალი და ნაწილობრივ სავაჭრო კაპიტალი, რამდენადაც ისინი მაშინ დამოუკიდებლად ვითარდებოდნენ.

ისიც უნდა აღინიშნოს, რომ საქართველოში გლეხობის კლასობრივი დაშლის საკითხი ნაკლებადაა შესწავლილი. გლეხობის კლასობრივი დაშლის საკითხს ბურჟუაზიულ ქართულ ისტორიოგრაფიაში, საერთოდ, არავინ შეხებია. თითქმის ასევე ითქმის ქართულ მარქსისტულ ისტორიოგრაფიაზედაც. ქართველ საბჭოთა ისტორიკოსებს სპეციალური შრომა ამ საკითხისადმი არ მიუძღვნიათ. მიუხედავად ამისა, თანამედროვე ისტორიკოსთა ზოგიერთ შრომაში ჩვენი თემისათვის საინტერესო შენიშვნებიც გვხვდება.

გლეხობის საკითხს საქართველოში ეხებოდნენ ბურჟუაზიული ისტორიკოსები და ნაროდნიკი მწერლები.

ს. ავალიანის ოთხტომიანი შრომა „Крестьянский вопрос в Закавказье“ ძირითადად მიმოიხილავს საგლეხო რეფორმის გატარებას ამიერკავკასიაში, იძლევა ბევრ სასარგებლო ცნობას გლეხთა კატეგორიების (თანრიგების) ეკონომიური მდგომარეობის შესახებ. ამასთანავე, იგი განხილვის გარეშე სტოვებს ისეთ მნიშვნელოვან მოვლენებს რეფორმის შემდეგდროინდელი საქართველოს სოფელში, როგორიც არის, მაგალითად, გლეხობის ბურჟუაზიული დაშლ. ავალიანისათვის გლეხთა შორის ძირითად ეკონომიურ კატეგორიებად რჩება გლეხთა ფეოდალური თანრიგები (კატეგორიები). მისთვის შეუძმნეველი დარჩა სოფლად ახალი კლასების გაჩენის პროცესი.

გლეხობაში მომხდარი ბურჟუაზიული ცვლილებები შეუძმნეველი რჩებოდა ქართველი ნაროდნიკების მიერაც. XIX საუკუნის 90-იან წლებშიაც კი ისინი უარს ამბობდნენ ეცნოთ ფაქტი — საქართველოს კაპიტალისტური გზით განვითარებისა<sup>1</sup>.

არ ესმოდათ რა საზოგადოების განვითარების კანონზომიერება, ნაროდნიკები ილაშქრებდნენ კაპიტალიზმის განვითარების წინააღმდეგ; ჩვენს ქვეყანას ამ გზით წასვლა „პროლეტარიატობაში ჩააგდებსო“<sup>2</sup>.

ცნობალია, რომ შემდგომში ნაროდნიკები ესერების პარტიის სახით გვევლინებიან. ამ ახალი მოდის ნაროდნიკებს არ ესმოდათ კაპიტალისტური მეურნეობის ძირითადი ნიშნები, ყველგან და ყველადღერში კაპიტალიზმს ხედავდნენ, ჯერ კიდევ 1906 წელს ი. სტალინი, აკრიტიკებდა რა ესერებს, მიუთითებდა, რომ „მემამულეთა მეურნეობა კაპიტალისტური მეურნეობა არაა, რომ ის ბატონყმური მეურნეობის ნაშთია“<sup>3</sup>.

ქართველი მენშევიკები ნ. ჟორდანიას მეთაურობით 1910 წ. ამტკიცებდნენ, რომ კაპიტალიზმის სწრაფი განვითარება საქართველოში მხოლოდ XX საუკუნეში დაიწყო<sup>4</sup>.

1 ს. ხუნდაძე, სოციალიზმის ისტორიისათვის საქართველოში, ტ. I, 1927, გვ. 43.

2 ე. ბახტაძე, ანტონ ფურცელაძის ეკონომიური შეხედულებანი, ქუთაისის პედაგოგიური ინსტიტუტის შრომები, ტ. VII, 1947, გვ. 40.

3 ი. სტალინი, თხზ., ტ. I, გვ. 212.

4 ს. ხუნდაძე, სოციალიზმის ისტორიისათვის საქართველოში, ტ. I, 1927, გვ. 43.

ცნობილია, რომ თავადაზნაურულ-მემამულური მიწათმფლობელობა საქართველოში უპირატესობას ინარჩუნებდა 1921 წლამდე. მიუხედავად ამისა, მენშევიკების ბატონობის წლებში წვრილბურჟუაზიული პარტიები, გამოდიოდნენ რა მშრომელი მასების ინტერესების წინააღმდეგ, თავადაზნაურთა დამცველების როლში, ამტკიცებდნენ გლეხობის უხვმიწიანობას შედარებით თავადაზნაურობასთან, უარყოფდნენ გლეხობის მასიურ გალატაკებას კაპიტალიზმის განვითარების შედეგად, ამტკიცებდნენ, რომ ორთქლის გუთანინი (გაუმჯობესებული მანქანა-იარაღები — ი. უ.) არ ანადგურებს წვრილ სასოფლო მეურნეობას<sup>1</sup> და, მაშასადამე, კაპიტალიზმის განვითარებას სოფლად შეუძლია არ გამოიწვიოს გლეხთა უდიდესი მასების გალატაკება. აქედან გამომდინარეობდა მათი ოპორტუნისტული დასკვნა ბურჟუაზიასა და პროლეტარიატს შორის თანამშრომლობის შესახებ.

ჩვენთვის გარკვეული მნიშვნელობა აქვთ ფ. მახარაძის შრომებს, რომლებშიც ფართოდ არის წარმოდგენილი თვით ავტორის პირადი დაკვირვებანი. ფ. მახარაძე მიდიოდა იმ დასკვნამდე, რომ სოფლის მეურნეობა საქართველოში მიდიოდა კაპიტალისტური გზით, ხდებოდა სავაჭრო მიწათმოქმედების ზრდა და გლეხობის დაშლა.

დიდი მნიშვნელობა აქვთ პროფ. პ. გუგუშვილის შრომებს საქართველოსა და ამიერკავკასიაში კაპიტალიზმის განვითარების შესახებ. ძვირფასია „აგრეთვე, მის მიერვე გამოცემული დოკუმენტების კრებულები „Сельское хозяйство и аграрные отношения“ და გამოკვლევები საქართველოსა და ამიერკავკასიის ეკონომიური განვითარების შესახებ. განსაკუთრებით აღსანიშნავია 1956 წელს გამოქვეყნებულ შრომა „საქართველოსა და ამიერკავკასიის ეკონომიური განვითარება XIX — XX სს.“, სადაც, აგრეთვე, გარკვეული ადგილი აქვს დათმობილი გლეხობის დიფერენციაციის საკითხს.

ასევე მნიშვნელოვანია პროფ. შ. ჩხეტიას შრომები და საბუთების კრებულები: „საგლეხო რეფორმის ისტორიისათვის საქართველოში“ და „Документы по истории Грузии“<sup>2</sup>.

<sup>1</sup> ალ. ასათიანი, მიწის საკითხი საქართველოში, 1919, გვ. 8, 30—31.

<sup>2</sup> შ. ჩხეტია, საგლეხო რეფორმის ისტორიისათვის საქართველოში, თბილისი, 1950; Документы по истории Грузии. Грузия в период буржуазных реформ (1862—1872 гг), т. I, часть I, под редакцией проф. Ш. Чхетия, Тбилиси, 1954.



მნიშვნელოვანი ადგილი უკავია გლეხობის დაშლის საკითხს, უმთავრესად გორის მაზრის მაგალითზე, აკად. გ. ხაქაპურიძის წერილში „Грузия во второй половине XIX века“<sup>1</sup>.

ჩვენ ხელნაწერის სახით გამოვიყენეთ დოც. მ. ღუმბაძის გამოუქვეყნებელი შრომა „საქართველოს სოციალურ-ეკონომიური განვითარება XIX ს. რეფორმის შემდგომ პერიოდში“<sup>2</sup>; სადაც ავტორი დიდ ყურადღებას აქცევს გლეხობის დაშლის საკითხს და მნიშვნელოვან დებულებებს იძლევა.

თემაზე მუშაობის დროს გარკვეული დახმარება გაგვიწიეს, აგრეთვე, ს. ხუნდაძის, ა. კიკვიძის, ი. ანთელავასა და სხვ. შრომებმა.

თემის უკეთ დამუშავებისათვის საჭირო მასალების შეგროვების მიზნით ი. ჯავახიშვილის სახელობის ისტორიის ინსტიტუტის მიერ 1957 წლის ზაფხულში გაგზავნილი ვიყავი სამეცნიერო მივლინებაში კასპის, გორის, ქარელის, ხაშურის, ბორჯომის, ზნაურის, სტალინირისა და ლენინგორის რაიონებში; უფრო ადრე კი. სახელდობრ 1956 წლის ზაფხულში, მოვინახულე ჯავისა და სტალინირის რაიონები.

მივლინების დროს მე ჩავიწერე ბევრი ნაამბობი იმ მოხუცებისა, რომელთაც ახსოვდათ XIX საუკ. დასასრული და XX საუკ. დასაწყისი ხანის გლეხური კომლების ეკონომიური მდგომარეობა.

ჩვენს ხელთ არსებული წყაროებისა და სხვა დამხმარე მასალების დამუშავების პროცესში ვხელმძღვანელობდით მარქსიზმ-ლენინიზმის კლასიკოსების შრომებით.

<sup>1</sup> Г. В. Х а ч а п у р и д з е, Грузия во второй половине XIX века, журнал „Историк Марксист“, 1940, № 8.

<sup>2</sup> საქართველოს სსრ მეცნიერებათა აკადემიის ისტორიის ინსტიტუტის ბიბლიოთეკა, II—101.

## თავი პირველი

### საგლეხო რეფორმა აღმოსავლეთ საქართველოში და გორის მაზრის გლეხობა

#### 1. გორის მაზრის მოსახლეობა

საქართველოს ისტორიაში რუსეთთან შეერთების შემდეგ მნიშვნელოვანი ცვლილებები დაიწყო.

შეერთებისთანავე ქართლ-კახეთის სამეფო გუბერნიად გამოცხადდა და 5 მაზრად გაიყო (გორის, ლორის, დუშეთის, თელავისა და სიღნაღის). ეს მაზრები საქართველოს გუბერნიას შეადგენდნენ. 1840 წელს ჩამოყალიბდა საქართველო-იმერეთის გუბერნია, რომლის შემადგენლობაში შედიოდა თბილისის, გორის, თელავის, ბელაქნის, ქუთაისის, ელისავეტოლის, ალექსანდროპოლის, ერევნის, ნახჭევნის, ახალციხისა და გურიის მაზრები. 1846 წლიდან საქართველო-იმერეთის გუბერნია დანაწილდა. 1846 წელს მას გამოეყო ქუთაისის გუბერნია (ქუთაისის, გურიისა და ახალციხის მაზრები) და თბილისის გუბერნია — თბილისის, გორის, თელავის, სიღნაღისა და ელისავეტოლის მაზრებითა და მთისა და ოსეთის ოკრუგებით<sup>1</sup>. 1850 წლის 1 იანვარს შეიქმნა ერევნის გუბერნია — ერევნის, ნახჭევნისა და ალექსანდროპოლის მაზრებით<sup>2</sup>.

დროთა განმავლობაში ადგილი ჰქონდა ცვლილებებს ადმინისტრაციულ დაყოფაში. გორის მაზრაც თავისი არსებობის მანძილზე ზოგიერთ ტერიტორიულ ცვლილებას განიცდიდა. მაგალითად, მას გამოეყო და ქუთაისის გუბერნიას შეუერთდა ხეფინის ხევში მდებარე სოფლები<sup>3</sup>.

<sup>1</sup> Сборник статистических сведений о Кавказе, Тифлис, 1869, гл. 43.

<sup>2</sup> იქვე, გვ. 52.

<sup>3</sup> Сборник материалов для описания Тифлисской губернии, Тифлис, 1870, гл. 51.

ცვლილებები შემდეგშიაც ხდებოდა; მაგალითად, XIX საუკუნის 60-იან წლებში შორაპნის მაზრის შემადგენლობაში გადასულა 9 სოფელი: გოლათუბანი, ბეჟათუბანი, ნებოძირი, მოლითი, ზვარე, გდისი (დვისი), ვახანი, ჩრდილი და ზედუბანი. 1860—1861 წლების კამერალური აღწერით კი ზემოთ აღნიშნული სოფლები გორის მაზრის შემადგენლობაში იყვნენ<sup>1</sup>.

ამაგიე აღწერის შემდეგ გორის მაზრის შემადგენლობაში შევიდა მთის ოკრუგის ქსნის უბანი, სადაც 1651 კომლი ყმა გლეხი ითვლებოდა<sup>2</sup>. გორის მაზრა თითქმის მთლიანად შეიცავდა დღევანდელი ბორჯომის, ხაშურის, ქარელის, გორისა და კასპის რაიონებს და ახლანდელი სამხრეთ ოსეთის ავტონომიური ოლქის ძირითად ნაწილს. ის ერთი უქსხვილესთაგანი იყო გუბერნიაში როგორც ტერიტორიით, ისე მოსახლეობის რაოდენობის მიხედვით. ამის თაობაზე საგუბერნიო სახაზინო პალატა აღნიშნავდა: „გორის მაზრის მიერ დაკავებული ფართობის სიდიდისა (6127 კვ. ვერსი) და მოსახლეობის მრავალრიცხოვნობის გამო (240000 სული)... ეს მაზრა ეტოლება თბილისის გუბერნიის სამ სხვა მაზრას: ახალქალაქის, ახალციხისა და თელავისა“<sup>3</sup>.

გორის მაზრას ეკავა თბილისის გუბერნიის ჩრდილო-დასავლეთი ნაწილი და მდებარეობდა ჩრდილოეთის განედის 41°38'—42°41' და აღმოსავლეთის გრძედის 60°52'—62°21' შორის<sup>4</sup>. 1865 წლის ცნობების მიხედვით მისი ტერიტორია შეადგენდა 5940 კვ. ვერსს<sup>5</sup>. 1903 წელს კი, უფრო ზუსტი დაანგარიშების მიხედვით, 6007, 56 კვ. ვერსს, ანუ 625787,50 ლესეტინას<sup>6</sup>.

<sup>1</sup> С. Л. Авалянни. Крестьянский вопрос в Закавказье, т. II, 1913, გვ. 108.

<sup>2</sup> Документы по истории Грузии, Грузия в период буржуазных реформ (1862—1872), т. I, ч. I, под редакцией проф. Ш. Чхетия, Тбилиси, 1954, გვ. 152.

<sup>3</sup> საქართველოს სსრ ცენტრალური სახელმწიფო საისტორიო არქივი („საქ. ცსა“), ფონდი 254, საქმე 11750, ფურც. 12, 1910—1911 წწ.

<sup>4</sup> Материалы для изучения экономического быта государственных крестьян Закавказского края („МЛИЭБГКЗК“), т. VI, 1887, გვ. 135.

<sup>5</sup> Сборник статистических сведений о Кавказе, под редакцией Н. Воронова, Тифлис, 1869, გვ. 6.

<sup>6</sup> Кавказский календарь на 1907 г., გვ. 4.

ამგვარად. გორის მაზრა, მიუხედავად ზოგიერთი ტერიტორიული ცვლილებისა. ყოველთვის მაინც რჩებოდა მეტ-ნაკლებად ერთნაირი სიდიდის მქონე ადმინისტრაციულ ერთეულად.

რელიეფის მიხედვით მაზრა სამ ნაწილად იყოფოდა: ჩრდილო მთიანეთი, ბარის მიდამოები და სამხრეთი მთიანეთი. ჩრდილოეთით აღმართული მაღალი მთები მუდმივი თოვლით იყო დაფარული. ეს მთები სამხრეთით თანდათან დაბლდებოდა და უერთდებოდა ვაკეებს. ვაკე ადგილები უმთავრესად მდინარე მტკვრისა და მისი შენაკადების სანაპირო ველებს წარმოადგენდა. სამხრეთით კვლავ მთიანეთი იწყებოდა: ეს მთიანეთი უფრო დაბალი იყო, ვიდრე ჩრდილოეთისა.

მაზრაში კონტინენტალური კლიმატი ბატონობდა. ამასთან, რელიეფის დიდ სხვადასხვაობასთან დაკავშირებით, ჰავაც განსხვავებული იყო. ჩრდილო მთიანეთის სოფ. შუა ერმანსა და მის მახლობლად მდებარე სოფლებში ზამთარი ხშირად 8 თვეს გრძელდებოდა, თოვლი ზოგჯერ ავვისტოს ბოლოს მოდიოდა, რის გამოც შემოსვლას საშემოდგომო ქერიც კი ვერ ასწრებდა. ნალექების ყველაზე მეტი რაოდენობა მოდიოდა სურამის მიდამოებში (620,7 მილიმეტრი), ყველაზე ნაკლები — გორში (525,1 მილიმეტრი)<sup>1</sup>.

ადმინისტრაციულად მაზრა დაყოფილი იყო 5 უბნად ანუ საბოქაულოდ. ზოგჯერ უბანთა სახელწოდება იცვლებოდა, ბოქაულის რეზიდენციაც ყოველთვის ერთსა და იმავე სოფელში არ ყოფილა. თუ 1868 წელს საბოქაულოთა ცენტრები იყო ახალქალაქში, ბორჯომში, ცხინვალში, სურამსა და ტყვიავში<sup>2</sup>, 900-იან წლებში ტყვიავისა და ახალქალაქის მაგიერ ვხვდებით ხიდისთავსა და მეჭვრისხევს<sup>3</sup>.

უბანი შედგებოდა სასოფლო საზოგადოებებისაგან, სასოფლო საზოგადოება კი სოფლებისაგან. საკმაოდ ხშირი იყო სასოფლო საზოგადოებების შეერთება-გაყოფა: თუ 1884 წელს მაზრაში 124 სა-

<sup>1</sup> П. Г. Кавдуралов, Очерк виноградарства и виноделия в Карталиннии, 1897, გვ. 14.

<sup>2</sup> Кавказский календарь на 1889 г., გვ. 165.

<sup>3</sup> Сборник статистических сведений о частном землевладении в Тифлисской и Кутаевской губерниях („СССОЧЗТКГ“), под редакцией Ф. Г. Гогичайшвили, Тифлис, 1910, გვ. 394.

სოფლო საზოგადოება იყო<sup>1</sup>, ხოლო 1886—1890 წლებში — 121<sup>2</sup>, 1893 წელსა და 1900—1901 წლებში საზოგადოებათა რიცხვი 37-ს შეადგენდა<sup>3</sup>.

სასოფლო საზოგადოებები 1900 წ. უბნების მიხედვით შემდეგნაირად იყო განაწილებული:

I. ბორჯომის უბანი შედგებოდა 41 სოფლისაგან<sup>1</sup>.

II. მეჯვრისხევისა შედგებოდა 115 სოფლისაგან. ამ უბანში გაერთიანებული იყო შემდეგი სასოფლო საზოგადოებები:

ანდორეთისა — 31 სოფლით, კარალეთისა — 10 სოფლით, ქვემო ქალისა — 19, მეჯვრისხევისა — 11, მერეთისა — 13, ტყვიაივისა — 12 და ხურვალეთისა — 19.

III. სურამის უბანში შედიოდა 168 სოფელი შემდეგი სასოფლო საზოგადოებებით: ალისა — 27 სოფლით, ატოცისა — 27, ბრეთისა — 11, ქვიშხეთისა — 10, ხაშურისა — 7, ოქიანისა — 35. სურამისა — 15 და ხცისისა — 36.

IV. ხიდისთავის უბანი — 184 სოფლითა და შემდეგი სასოფლო საზოგადოებებით: ახალქალაქისა — 18 სოფლით, ბობნევისა — 45, დოესისა — 4, ზღუდრისა — 36, კავთისხევისა — 16. ქარელისა — 8, მეტეხისა — 6, ქვემო ნიჩბისისა — 8. რუისისა — 7 და ხიდისთავისა — 11.

V. ცხინვალის უბანი — 178 სოფლითა და შემდეგი სასოფლო საზოგადოებებით: ბელოთისა — 40 სოფლით, ჭავისა — 29, დიციხისა — 12, ქემერტისა — 12. ყორნისისა — 10, ორტევისა — 15, როკისა — 20, თამარაშენისა — 12, წუნარისა — 15, ცხინვალისა — 1 და შინდისისა — 12<sup>5</sup>.

გორის მაზრაში XIX საუკ. ბოლოსაც კი ქარბობდა ისეთი სოფლები, რომლებშიც მცხოვრებთა რიცხვი 25 კომლს არ აღემატებოდა. 1897 წ. მაზრაში 718 სოფელი იყო. მათგან:

<sup>1</sup> Труды Тифлисскаго губернскаго статистическаго комитета, Выпуск I, 1886, гл. 30—94.

<sup>2</sup> Свод статистических данных о населении Закавказскаго края, извлеченных из посемейных списков 1886 г., Тифлис, 1893, гл. 7.

<sup>3</sup> საქ. ცსსა, ფონდი 254, საქმე 4996, ფურტ. 4—14, 1893 წ.; Кавказский календарь на 1902 г., гл. 76—77.

<sup>4</sup> ამ უბანში ერთი სასოფლო საზოგადოება იგულისხმება.

<sup>5</sup> Кавказский календарь на 1902 г., гл. 76—77.

10 კომლამდე მცხოვრებით —	214 სოფელი
11—25	233
26—50	136
51—100	80
101—200 „	38
200 კომლზე მეტი	17

მთლიანად მაზრაში ითვლებოდა 26201 კომლი, 172951 სულით (ორივე სქესისა)<sup>1</sup>.

სოფლები კომლთა მცირე რიცხვით უმთავრესად მთიან ადგილებში მდებარეობდა.

გორის მაზრაში მოსახლეობის ძირითად ნაწილს გლეხობა შეადგენდა. ის ოთხ ძირითად თანრიგად (კატეგორიად) იყოფოდა: საბატონოდ, სახაზინოდ, საეკლესიოდ და ხიზნებად.

1838 წლისათვის გლეხთა რაოდენობა ასეთია:

გლეხთა ჯგუფები	კომლთა რიცხვი	მამაკაცთა სულადობა
საბატონო გლეხები	4462	18695
სახაზინო	2209	7705
საეკლესიო	1605	4825
ს უ ლ:	8276	31225 <sup>2</sup>

როგორც ეს მონაცემები გვიჩვენებს, საბატონო გლეხთა რაოდენობა სახაზინოებზე ორჯერ, ხოლო საეკლესიო გლეხებზე თითქმის სამჯერ მეტია. აქ ხიზნები ნაჩვენები არ არიან. ეს შეიძლება იმით აიხსნას, რომ სტატისტიკამ ხიზნები საბატონო, საეკლესიო თუ სახაზინო მიწებზე დასახლების მიხედვით აღნიშნულ კატეგორიებთან გაათანაბრა.

<sup>1</sup> Сборник сведений по Закавказскому краю, под редакцией Е. Кондратенко, Тифлис, 1902, გვ. 264.

<sup>2</sup> Сборник материалов для описания Тифлисской Губернии, под редакцией К. Зиссермана, Тифлис, 1870, გვ. 62—63.

მაზრის მოსახლეობის შესახებ 1865 წ. მონაცემები ასეთია:

		ქ. გორი		გორის მაზრა	
		მამაკაცი ქალი		მამაკაცი ქალი	
თავდაზნაურობა: შთამომავლობითი		37	59	1694	1244
პირადი		52	20	38	39
სასულიერო წოდება	მართლმადიდებლური	28	24	575	385
	სომხურ-გრიგორიანული	20	18	50	45
საპატრიარქო	მოქა- შთამომავლობითი	2	2	—	—
ლაქები	პირადი	4	3	—	—
შოქალაქები		833	897	—	—
სახელმწიფო გლეხები		295	293	21551	17513
საეკლესიო		164	180	13550	10370
ბატონყმობიდან გამოსულინი		157	88	24468	20116 <sup>1</sup>
ს უ ლ:		1542	1584	61926	49712

ცხრილი გვიჩვენებს, რომ 1838 წელთან შედარებით გლეხური მოსახლეობა გაზრდილა: ყოფილი საბატონო გლეხები დაახლოებით 1,3-ჯერ, სახელმწიფო და საეკლესიო გლეხთა რიცხვი — თითქმის 3-ჯერ.

ეს უნდა მიუთითებდეს გლეხთა ამ ჯგუფების ეკონომიური მდგომარეობის სხვადასხვაობაზე. გლეხობა იბრძოდა სახაზინო ან საეკლესიო კატეგორიებში მოხვედრისათვის, სადაც მას შედარებით უკეთესი მდგომარეობა მოელოდა. უეჭველია, ბუნებრივი გამრავლებითაც გლეხთა ეს ჯგუფები წინ უსწრებენ საბატონო გლეხებს.

**2. ხაგლმხო რეფორმის გატარება აღმოსავლეთ საქართველოში**

მე-18 საუკ. მიწურულიდან რუსეთში, ფეოდალიზმის წიაღში, კაპიტალისტური ურთიერთობა შეუჩერებლივ ვითარდებოდა<sup>2</sup>. რუსეთის მოსახლეობა, რომელიც 1800 წელს 35 მილიონ სულს უდრიდა, 1861 წლისათვის 73.6 მილიონამდე გაიზარდა. განსაკუთრებით სწრაფად იზრდებოდა ქალაქის მცხოვრებთა რიცხვი. 1724 წლიდან 1851 წლამდე რუსეთში მათი რაოდენობა 10-ჯერ გადიდა<sup>3</sup>.

<sup>1</sup> Кавказский календарь на 1866 г., გვ. 133.

<sup>2</sup> П. И. Лященико, История народного хозяйства СССР, 1952, т. II, გვ. 5.

<sup>3</sup> Н. А. Шаголов, Очерки русской экономической мысли периода падения крепостного права, Москва, 1956, გვ. 9.

1800—1861 წლებში გაიზარდა თუჯის გამოდნობა 12,2 მილიონი ფუტიდან 17,4 მილიონ ფუტამდე. რკინიგზების საერთო სიგრძე 1861 წლისათვის აღწევდა 2238 კილომეტრს, საგარეო ვაჭრობის ბრუნვა 1802 წელს შეადგენდა 109,1 მილიონ მანეთს, 1861 წელს კი 344,3 მილიონს. მრეწველობაში ჩაბმულ მუშათა რიცხვი, რომელიც 1804 წელს 95,2 ათას კაცს უდრიდა, 1861 წლისათვის 522,5 ათას კაცამდე გაიზარდა<sup>1</sup>.

ამ პერიოდში მიმდინარეობდა კაპიტალისტური საწარმოო ძალების შედარებით სწრაფი ზრდა. ძველი წარმოებითი ურთიერთობანი ხელს უშლიდნენ, ბორკავდნენ კაპიტალიზმის განვითარებას. მარქსიზმ-ლენინიზმი გვასწავლის, რომ ძველი წარმოებითი ურთიერთობებიდან ახალზე გადასვლა მიმდინარეობს არა უმტკივნეულოდ, უკონფლიქტოდ, არამედ „ძველ წარმოებით ურთიერთობათა რევოლუციური დამხობისა და ახალ წარმოებით ურთიერთობათა დამკვიდრების გზით“<sup>2</sup>.

ახლის დამკვიდრების, მისთვის არსებობის მოპოვების ინტერესები იწვევენ მოძრაობას ხალხთა მასებში. XIX საუკუნის პირველ ნახევარში ჩვენ ვხედავთ გლეხთა ანტიბატონყმური მოძრაობის უდიდეს ზრდას.

მეფის რუსეთი სხვა ქვეყნებზე უფრო გვიან დაადგა კაპიტალისტური განვითარების გზას. დასავლეთ ევროპის ქვეყნების უმრავლესობაში ბატონყმური ურთიერთობა და მისი ნაშთები მოსპობილ იქნა რუსეთზე ადრე და რევოლუციური გზით — ინგლისში XVII საუკუნის რევოლუციისა, საფრანგეთში 1789 წლის რევოლუციისა, ხოლო დანარჩენ ქვეყნების უმრავლესობაში 1848 წლის რევოლუციის წყალობით. რუსეთში ბატონყმობის გაუქმება მოხდა არარევოლუციური გზით, რადგან საუკუნეების განმავლობაში შემამულეთა მონობაში მყოფ ხალხს არ შეეძლო დაეწყო ფართო, აშკარა და შეგნებული ბრძოლა თავისუფლებისათვის<sup>3</sup>. თუ დასავლეთ ევროპის ქვეყნებში სოციალურ-ეკონომიური და პოლიტიკური ცვლილებები ჩატარდა იმ დროისათვის პროგრესული ბურჟუაზიის წინამძღოლობითა და ინიციატივით, რუსეთში ბურჟუაზია არასდროს

<sup>1</sup> П. А. Хромо в, Экономическое развитие России в XIX—XX веках, Москва, 1950, გვ. 435—439.

<sup>2</sup> ი. სტალინი, დიალექტიკური და ისტორიული მატერიალიზმის შესახებ სახელგამი, 1954, გვ. 42.

<sup>3</sup> ვ. ი. ლენინი, თხზ., გამოცემა მე-4, ტ. 17, გვ. 87.



არ გამხდარა მასების რევოლუციურ წინამძღოლად. თვით დაჩაგრულთა შორის ჯერ არ იყო რევოლუციური კლასი, რომელიც ითავებდა საზოგადოების რევოლუციური გარდაქმნის საქმეს; გარდაქმნა კი საჭირო იყო.

საწარმოო ძალები რუსეთში ნელა, მაგრამ შეუჩერებლივ ვითარდებოდა, თუმცა მათ განვითარებას ხელს უშლიდა ბატონყმური ურთიერთობა. ამიტომ აუცილებელი ხდებოდა არსებული წყობილების გარდაქმნა. წარმოებით ურთიერთობათა ცვლილებებისაკენ უბიძგებდა რუსეთს XIX საუკ. შუა ხანების მთელი ისტორია. ამ დროისათვის, განსაკუთრებით კი 50-იანი წლების ბოლოსათვის. თითქმის ყველა კლასისათვის აშკარა გახდა ამ ცვლილებათა აუცილებლობა<sup>1</sup>. ამ დროს რუსეთში რევოლუციური სიტუაცია შეიქმნა.

რუსეთის შემდგომი განვითარება მხოლოდ ერთი გზით შეიძლებოდა წასულიყო, ეს გზა განვითარების კაპიტალისტური გზა იყო. ამის აუცილებლობა გამოწვეული იყო ეკონომიური განვითარების ობიექტური კანონების მოქმედებით, პირველყოვლისა, წარმოებითი ურთიერთობის საწარმოო ძალების ხასიათთან აუცილებელი შესატყვისობის კანონის მოქმედებით. ეკონომიური განვითარების მთელი მსვლელობა ბიძგს იძლეოდა ბატონყმობის მოსპობისათვის. მეფის მთავრობა. ყირიმის კამპანიის დროს ომში დამარცხებით დასუსტებული და მემამულეთა წინააღმდეგ გლეხთა ამბოხებებით შეშინებული, იძულებული გახდა 1861 წელს ბატონყმობა გაეუქმებინა.

რეფორმამ ბატონყმობა გაუქმებულად გამოაცხადა, მაგრამ, რა თქმა უნდა, მას წარმოებითი ურთიერთობანი საწარმოო ძალებთან შესატყვისობაში არ მოუყვანია. რუსეთის კაპიტალისტური განვითარება შეიძლებოდა ორი გზით წასულიყო: ერთი იყო რევოლუციური გზა, ფერმერული გზა (ამ დროს ძველი წყობილება იმსხვრევა და ახლისათვის ადგილის განთავისუფლება სწრაფად ხდება), მეორე იყო არსებულ წყობილებასთან შეგუების გზა, განვითარების რეფორმისტული გზა, პრუსიული გზა. მემამულეები და იმპერატორი ალექსანდრე II იძულებული იყვნენ მხარი დაეკირათ განვითარების მეორე გზისათვის. ლენინი წერდა, რომ ბატონყმობის დაცემის ეპოქაში „მემამულეებსა და გლეხებს შორის ბრძოლა წარმოებდა იმის გამო, თუ რა წესით განხორციელდებოდა რეფორმა“.

<sup>1</sup> Р. Г в о з д е в, Кулачество-ростовщичество и его общественно-экономическое значение, С-Петербург, 1899, гл. 27.

პირველნიც და მეორენიც იცავდნენ ბურჟუაზიული ეკონომიური განვითარების პირობებს (ამის შეუგნებლად)<sup>1</sup>.

მემამულეები და გლეხები ამ პირობებს განსხვავებული თვალსაზრისით უდგებოდნენ: მემამულეები მომხრენი იყვნენ ისეთი განვითარებისა, რომელიც მაქსიმალურად უზრუნველყოფდა მემამულურ მეურნეობათა და ექსპლოატაციის მემამულური ფორმების მნიშვნელოვნად შენარჩუნებას. გლეხობა მიისწრაფოდა ექსპლოატაციის ყოველგვარი მემამულური და კაბალური ხერხების მოსპობისაკენ. მეორე შემთხვევაში საწარმოო ძალების განვითარება უფრო ფართო და უფრო სწრაფი იქნებოდა.

წარმოებით ურთიერთობათა საწარმოო ძალების ხასიათთან აუცილებელი შესატყვისობის კანონი გზას იკვლევდა რეფორმამდე. ფეოდალები მეფის მეთაურობით იძულებული იყვნენ წასულიყვნენ დათმობაზე. ისინი გრძნობდნენ, რომ ახალი, ბურჟუაზიული ურთიერთობის შეჩერება მათ არ შეეძლოთ. რომ ძველი წესების ხელახლებლად დატოვებას შეეძლო გამოეწვია განვითარება რევოლუციური გზით. მემამულეები იძულებული შეიქნენ აერჩიათ რეფორმის გატარება.

მეფის ოფიციალური ისტორიკოსები ბევრს ლაპარაკობდნენ „დიდი რეფორმის“ შესახებ, რომლის გატარებასაც რუსეთი უნდა უმაღლოდეს იმპერატორ ალექსანდრე II-ს, „დიდსო“. სინამდვილეში კი „დიდი რეფორმა“ ბატონყმური რეფორმა იყო და არც შეიძლებოდა სხვანაირი ყოფილიყო, ვინაიდან მას ანხორციელებდნენ პეტატონეები.

რეფორმის გატარება მეფის მთავრობისათვის, მემამულეებისათვის ყველაზე ხელსაყრელი, ყველაზე საუკეთესო გამოსავალი იყო. XIX საუკ. 50—60-იანი წლების მიჯნაზე რუსეთში რევოლუციურად სიტუაცია შეიქმნა. ამ სიტუაციას ლენინი 1859—1861 წლებით ათარბობს. რევოლუციური სიტუაცია რევოლუციად არ გადაქცეულა, რადგან გლეხთა აჯანყებები 50—60-იან წლებში დაქსაქსული და სტიქიური იყო. რუსეთში ჯერ კიდევ არ იყო რევოლუციური კლასი, რომელიც შეძლებდა ამ აჯანყებათა გაერთიანებასა და გლეხობის წაყვანას მეფე-მემამულეთა წინააღმდეგ.

<sup>1</sup> ვ. ი. ლენინი, თხზ., ტ. 13, გვ. 292.

1861 წლის 19 თებერვალს მეფის ხელმოწერით გამოიცა „მანიფესტი“ და დებულება გლეხთა განთავისუფლების შესახებ<sup>1</sup>. აღნიშნული საკანონმდებლო აქტები საჯაროდ გამოქვეყნდა მხოლოდ 1861 წლის 5 მარტს.

საგლეხო რეფორმა საქართველოში ისე, როგორც მთელ ამიერკავკასიაში, შედარებით გვიან გატარდა. სახელდობრ, საქართველოში საგლეხო რეფორმის გატარება დაიწყო 1864 წლიდან და ეს პროცესი გრძელდებოდა 1871 წლამდე.

კავკასიის მეფისნაცვალმა ბარიატინსკიმ ინსტრუქცია „გლეხთა ყოფაცხოვრების გაუმჯობესების შესახებ“ მიიღო ჯერ კიდევ 1858 წელს. მაგრამ ადგილობრივმა ხელისუფლებამ, ცხადია პეტერბურგისაკვე კარნახით. გლეხთა მდგომარეობის შესწავლას ხელი მოჰკიდა მხოლოდ 1861 წლიდან.

1861 წელს, რუსეთში რეფორმის გატარების შემდეგ, იმპერატორმა უბრძანა ბარიატინსკის შესდგომოდა რეფორმისათვის მზადებას. შეიქმნა სამაზრო კომიტეტები, შემდეგ ეს კომიტეტები გადაკეთდა თავადაზნაურთა სამაზრო ყრილობებად. ამ ყრილობებს უნდა წარედგინათ თავისი მოსაზრებანი ბატონყმობის გაუქმების საკითხებზე. შეიქმნა ამიერკავკასიის ცენტრალური კომიტეტი. ქართველი თავადაზნაურობა არ ჩქარობდა ბატონყმობის გაუქმების საქმეში. მხოლოდ გორის მაზრის თავადაზნაურობამ წარადგინა თავისი მოსაზრებანი ამიერკავკასიის ცენტრალურ კომიტეტში 1862 წლის 16 იანვარს<sup>2</sup>. 1862 წლის 25—30 აპრილის განმავლობაში მუშაობას აწარმოებდა თავადაზნაურობის თბილისის საგუბერნიო ყრილობა. თავადაზნაურობის დავალებით 1862 წლის სექტემბერში დიმიტრი ყიფიანს მიენდო პროექტის შედგენა. დ. ყიფიანმა პროექტი შეადგინა მემამულეთა აზრისა და სურვილების სრული გათვალისწინებით და 1863 წლის გაზაფხულზე წარუდგინა სამაზრო ყრილობებს (თელავის მაზრის თავადაზნაურობას — აპრილში, გორის, თბილისისა და დუშეთის მაზრებისას — მაისში). 1863 წლის მაისში შედგა თავადაზნაურთა საგუბერნიო კრება. მოსმენილ და განხილულ იქნა დ. ყიფიანის პროექტი. საგუბერნიო კრებამ პროექტი მოიწონა. მას ხელი მოაწერა კრების 539 წევრმა. 16 კაცი თავისი პროექტით გამოვიდა. „საერთოდ მემამულეთა ძირითადი მასა მოითხოვდა

<sup>1</sup> Полное собрание законов Российской империи, т. XXXVI, 1861, 83. 128, 141.

<sup>2</sup> С. Л. А в а л и а н и, Крестьянский вопрос в Закавказье, т. I, 1912, 83. 206—207.

(და ამასვე გამოხატავდა დ. ყიფიანის პროექტიც), რომ: 1. ყმები გაეთავისუფლებინათ უმიწოდ; 2. გლეხთა პირადი განთავისუფლებისათვის მებატონეებს ფული მიეღოთ ხაზინიდან; 3. მისცემოდათ გლეხებს ისეთ პირობებში და ისე მცირე რაოდენობით სანადელო მიწები, რომ მებატონეთა ადგილმამული და სახლკარი უზრუნველყოფილიყო გლეხის მუშა-ხელით; 4. „დროებით-ვალდებული“ გლეხი თავის ნადელის გამოსყიდვის დროს რაც შეიძლება არახელსაყრელ პირობებში ყოფილიყო ჩაყენებული, რათა იგი გამოუვლად დარჩენილიყო „დროებით ვალდებულის“ მდგომარეობაში“<sup>1</sup>.

თავადაზნაურთა საგუბერნიო ყრილობამ ჭერ კიდეც 1862 წლის აპრილში დაადგინა: „1. ჩვენს ყმებს თავისუფლება მიეცეთ, ჩვენ სამაგიეროთ ფული მოგვეცეს, 2. რაც ახლა ჩვენს მამულზედ სახლკარობა აქვთ და რაც ჩვენი ადგილ-მამულები უჭირავთ, ან რასაც ჩვენს ტყესა, თუ საბალახეს, თუ წყალს ჰხმარობენ, ყოველსავე ამას მათვე მივაჩემებთ, მხოლოდ პირობითა ამით, რომ მიწის შემოსავალი გვეძლეოდეს და ბეგარას ასრულებდნენ ქვეყნის ჩვეულებისამებრ, 3. ეს ჩვეულება შეუშლელად დარჩეს ჩვენსა და მათ შორის დრომდე; რა რომ ეს დრო გავა, მაშინ შემდგომისათვის ჩვენ ერთმანეთს მოურიგდებით“<sup>2</sup>.

რას ნიშნავს „მიწის შემოსავალი გვეძლეოდეს და ბეგარას ასრულებდნენ ქვეყნის ჩვეულებისამებრ“? თავად დავით ციციშვილის 1862 წლის გაანგარიშებით ეს ნიშნავს შემდეგს:

ღალის გარეშე ერთ გლეხურ კომლს წლიურად უნდა გადაეხადა ბატონისათვის 3—100 კოდამდე ხორბალი (5—100 მანეთამდე ღირებული), ძროხაზე ან ფურკამეჩზე 2<sup>1</sup>/<sub>4</sub> გირვანქა ერბო (25 კაპიკად ღირებული და რაკი საშუალოდ ერთ კომლ გლეხზე მოდიოდა 2 სული მეწველი საქონელი, ამიტომ ორჯერ მეტს, ე. ი. 50 კაპ., გადაიხდიდა), აღდგომისა და შობის დროს მინატანი (2 მანეთად ღირებული). ქათამი და კვერცხი (ერთი მანეთისა), ერთ თვეში ნათიბი თივა თავისი მიტანით (54 მანეთად ღირებული); ამას გარდა გლეხი ვალდებული იყო ბატონისათვის გაეწია შინამოსამსახურეობა (20 მანეთის ღირებულების), ტყიდან მოეტანა 1—20 მორი (1—20 მანეთად ღირებული), ბატონის ოჯახის წევრის დაქორწილების შემთხვე-

<sup>1</sup> ჰ გ უ გ უ შ ვ ი ლ ი, ბატონყმობის გაუქმება საქართველოში, ჟურნ. „ბოლშევიკი“, 1939, № 9—10, გვ. 90.

<sup>2</sup> ციტირებულია შ. ჩხტიას ნაშრომიდან „ბრძოლა საგლეხო რეფორმის გარშემო აღმოსავლეთ საქართველოში“, პუშკინის სახ. თბილისის სახელმწიფო პედაგოგიური ინსტიტუტის შრომები, ტ. VIII, 1950, გვ. 114—115.

ვაში გადაეხადა 3 მან. და 50 კაპიკიდან 25 მანეთამდე (წლიურად საშუალოდ 35 კაპიკიდან 2 მანეთსა და 50 კაპიკამდე), გარდაცვალების დროს ამდენივე, ხოლო თავისი ოჯახის გოგოს გათხოვების შემთხვევაში 5—80 მანეთამდე (წლიურად საშუალოდ 50 კაპიკიდან 8 მანეთამდე); ქვრივის გათხოვებისას 20 მანეთიდან 100 მანეთამდე (საშუალოდ წლიურად 2-დან 10 მანეთამდე), დაქორწილების შემთხვევაში 1 მანეთი, ბატონის შორს წასვლის შემთხვევაში გლეხი ბატონს აძლევს ცხენსა და ურემს (წლიურად 4 მანეთსა და 30 კაპ. ღირებული), თევზისჭერისაგან მიღებული შემოსავლის ნაწილს გლეხები აძლევენ ბატონს (წელიწადში დაახლოებით 10 მანეთამდე), გლეხური კომლის გაყრის დროს ბატონი იღებს ქონების 1/10-ს. რაც შეადგენს არანაკლებ 50 მანეთისა (ეს იანგარიშება 10 წელიწადში ერთხელ, საშუალოდ 5 მანეთი წელიწადში).

ამგვარად, გლეხს ბატონის სასარგებლოდ უნდა გადაეხადა წლიურად 115 მანეთიდან 239 მან. 80 კაპიკამდე. საშუალოდ გლეხური კომლს უწევდა წლიურად 177 მან. 40 კაპ. გადახდა<sup>1</sup>.

ქართველი საზოგადოებრიობის პროგრესული ელემენტები მოითხოვდნენ ბატონყმური ურთიერთობის ბოლომდე გაუქმებას. ილია და ნიკო ჭავჭავაძეები და კ. მამაცაშვილი მოითხოვდნენ გლეხობის მიწიანად განთავისუფლებას და ყოველგვარი პირადი ბეგარების დაუყოვნებლივ გაუქმებას.

ცნობილია. რომ ყველაფერი დამოკიდებულია პირობებზე, ადგილსა და დროზე. ყოველი მოვლენა. ყოველი აზრი უნდა განვიხილოთ არა გარემოსაგან მოწყვეტილად, არამედ სხვა მოვლენებთან კავშირში. იმ ქვეყანაში, სადაც „სურამის ციხე“ თანამედროვეობის ამბავი იყო, ილიასა და მისი თანამიმდევრების ეს მოთხოვნები უაღრესად პროგრესულ მოთხოვნებად. ხოლო ი. ჭავჭავაძე დიდ დემოკრატიად შეიძლება მივიჩნიოთ.

რეფორმის ვატარებით დაინტერესებული იყვნენ როგორც გლეხები. ისე მემამულეები. ძირითადი ხაზი ბრძოლისა რეფორმის ირგვლივ სწორედ ამ ორ კლასს შორის მდებარეობდა. მემამულეებს ბევრნაირი საშუალება ჰქონდათ თავისი ინტერესების გამოსახატავად. გლეხობა კი უშუალოდ არ იყო წარმოდგენილი მრავალგვარ კომისია-კომიტეტებში, არ ჩანდა მათი აზრი ჟურნალ-გაზეთების ფურცლებზე. გლეხობა, რომელიც რევოლუციური ბრძოლით ცდილობდა მიედწია განთავისუფლებისათვის, მხარს უჭერდა მას გახშირებული რევოლუციური გამოსვლებით. რუსეთში პუბლიცისტურ ლი-

<sup>1</sup> საქ. ცსსა, ფონდი 220, საქმე 1054. ფურც. 1, 2, 1862 წ.

ტერატურაში გლეხობის რევოლუციური ბრძოლა გამოხატული იყო ჩერნიშევსკის, დობროლუბოვისა და სხვათა სტატიებში. საქართველოში გლეხთა ინტერესების დამცველად გამოვიდნენ ქართველი განმანათლებლები ილია ჭავჭავაძის მეთაურობით.

ვ. ი. ლენინი აღნიშნული ორი ძირითადი (რევოლუციურ-დემოკრატიული და ლიბერალური) მიმდინარეობის შესახებ აღნიშნავდა: „1860-იანი წლების ლიბერალები და ჩერნიშევსკი წარმომადგენლები არიან ორი ისტორიული ტენდენციისა, ორი ისტორიული ძალისა, რომელნიც მას შემდეგ დღევანდლამდე განსაზღვრებენ ახალი რუსეთისათვის ბრძოლის შედეგს“<sup>1</sup>.

რეფორმის წინ საკითხი მკვეთრად დაისვა: გლეხური რევოლუცია ან მემამულური რეფორმა. ეს საკითხი ეკონომიკიდან იდეოლოგიურ სფეროში გადავიდა, აქ კი დიდ მუშაობას ეწეოდნენ ქართველი განმანათლებლები, რომელთა მოღვაწეობა რეფორმის დროს გაქვინითი იყო დემოკრატიული იდეებით.

\*  
\*  
\*

რუსეთთან საქართველოს შეერთებას გადაწყვეტი მნიშვნელობა ჰქონდა ჩვენი ქვეყნის მშვიდობიანი განვითარებისა და მისი ფიზიკური გადაშენებისაგან გადარჩენის საქმეში. შეერთებამ ობიექტურად ხელი შეუწყო ქვეყნის სოციალურ-ეკონომიურ განვითარებას. საქართველოს ეკონომიურ ცხოვრებაში ნელა, მაგრამ განუხრელად ვითარდება კაპიტალიზმის საწყისები, სწრაფად იზრდება მოსახლეობა, ჩნდება სამრეწველო საწარმოები, გაპყავთ ახალი და აუმჯობესებენ ძველ გზებს, მოქმედებას იწყებს საზღვაო პორტი ფოთი, ვითარდება სასაქონლო-ფულადი მეურნეობა და სხვ.

მართალია, საქართველო კოლონიურ მდგომარეობაში რჩებოდა, მაგრამ, მიუხედავად ამისა, ქვეყნის ეკონომიური განვითარება მაინც წინ, ფეოდალიზმის რღვევის გზით მიდიოდა. რუსეთი განაპირა მხარეებს ერთმანეთზე მაყოლებით აბამდა მსოფლიო მეურნეობაში. მეტროპოლიას მრეწველობისათვის სჭირდებოდა ნედლეული, ასეთით კი ამიერკავკასია და, კერძოდ, საქართველო მდიდარი იყო (სპილენძი, რკინა, ვერცხლი, მარგანეცი, ნავთი). ამიერკავკასიისა და საქართველოს თავისებური მდგომარეობაც ხელს უწყობდა მრეწველობის განვითარებას. წარმოიშვა საფაბრიკო-საქარხნო წამოწყებები, რომლებიც უმთავრესად პირველი მოხმარების საგნების წარმოებაზე მუშაობდნენ. მეფის რუსეთი საქართველოში ხელს უწ-

ყოფდა ისეთ საწარმოთა შექმნას, რომლებიც რუსეთის ფაბრიკებს სამრეწველო ნედლეულს მიაწვდიდნენ.

XIX ს. 30-ანი წლებიდან რუსეთის მთავრობამ ამიერკავკასიაში თავისუფალი ტრანზიტი და ვაჭრობა აკრძალა. აქაც გავრცელდა „მფარველობითი“ საბაჟო პოლიტიკა. ამიერკავკასია ჩაბმული აღმოჩნდა საერთო საიმპერიო საბაჟო სისტემაში. ამასთან ერთად დაწესებულ იქნა რეგულარული სავაჭრო-სატრანსპორტო კავშირი ამიერკავკასიისა იმპერიასთან. ეს კავშირი ხორციელდებოდა როგორც საქართველოს სამხედრო გზის, ისე შავი ზღვისა და კასპიის ზღვებით. 1856 წელს შავ ზღვაზე დაიწყო სავაჭრო ორთქლის გემების მიმოსვლა<sup>1</sup>.

შედარებით იაფი სამრეწველო საქონელი, რომლის შემოტანა საქართველოში თანდათან იზრდებოდა, ბაღებდა მისი შეძენის სურვილს. მებატონეები აძლიერებენ გლეხთა ექსპლოატაციას, უმატებენ ვალდებულება-გადასახადებს, ცდილობენ იმავე გლეხთა შრომით მეტი პროდუქტები და მისი გაყიდვით კი მეტი ფული მიიღონ. ვითარდება ფულადი მეურნეობა. გარდა ზემოაღნიშნული პირობებისა, საქართველოში ბატონყმობის გაუქმებას აჩქარებდა გლეხთა ძლიერი ანტიბატონყმური ბრძოლა. ბატონყმობის გაუქმების აუცილებლობას დღის წესრიგში აყენებდნენ სამეგრელოში 1857 და 1863 წწ., იმერეთში 1858 წ., გურიაში 1862 წ. და ა. შ.<sup>2</sup>

მემამულე-მებატონეები მეფის მეთაურობით დიდი ხალისით როდი მიდიოდნენ ბატონყმობის გაუქმებაზე ცენტრალურ გუბერნოებში. ამის უფრო ნაკლებ ხალისს იჩენდნენ ისინი განაპირა მხარეების მიმართ. ცნობილია იმპერატორ ალექსანდრე II უარყოფითი პასუხი ქართველ თავადაზნაურთა შეკითხვაზე, რომელიც ეხება არსებულ წესწყობილებაში ცვლილებების შეტანას<sup>3</sup>. ეს პასუხი, რა თქმა უნდა, ორკოფული იყო და არც შეიძლებოდა დიდხანს დარჩენილიყო ძალაში. მეფეს, ცხადია, ახსოვდა 1855 წლის შემოდგომა, როცა ომერ-ფაშას ემისრებმა სამეგრელოში ხმები გაავრცელეს „მოკავშირეები ბატონყმობას გააუქმებნო“ და მთელი სამეგრელო რამდენიმე დღეში დანებდა ომერ-ფაშას<sup>4</sup>.

<sup>1</sup> II. И. Лященко, История народного хозяйства СССР, 1952, т. I, 82-83, 551-552.

<sup>2</sup> გ. ხ ა კ ა პ უ რ ი ძ ე, გლეხთა მოძრაობანი საქართველოში მე-19 საუკუნეში, 1932, გვ. 72-75, 81, 112-118; შ. ჩ ხ ე ტ ი ა, გლეხთა მოძრაობა გურიაში 1862 წელს, თბილისი, 1953.

<sup>3</sup> Журн. „Колокол“, 1865, № 198, гв. 1626.

<sup>4</sup> იქვე, 82-1626.

საქართველოში გლეხთა გამოსვლებსა და აჯანყებებს უფრო აძლიერებდა ის ცვლილებები, რომელთაც ადგილი ჰქონდათ რუსეთში საგლეხო რეფორმასთან დაკავშირებით. საქართველოში მომხდარმა მრავალმა აჯანყებამ ხელი შეუწყო იმ დროს რუსეთის იმპერიაში შექმნილი ანტიბატონყმური რევოლუციური სიტუაციის გაღრმავებას.

მეფის მოხელეები რეფორმის გატარების შეფერხების მიზეზად უფრო მეტად თვლიდნენ გრ. ორბელიანს, რომელიც მაშინ მეფისნაცვლის მოვალეობას ასრულებდა. ისინი აღნიშნავდნენ, რომ დიდი მთავრის მიხეილ ნიკოლოზის ძე რომანოვის მოსვლისთანავე კავკასიაში საქმე სწრაფად წავიდა წინ. საკითხს, რა თქმა უნდა, მიხეილ რომანოვის ან გრიგოლ ორბელიანის პირადი თვისებები ვერ სწყვეტდა. რეფორმის გატარების დაჩქარების საქმეში, თვით საქართველოში გლეხთა გამოსვლების გარდა, უეჭველია მნიშვნელოვანი როლი შეასრულა პოლონეთის 1863 წლის აჯანყებამ. ამის შესახებ ნ. ნიკოლაძე 1865 წელს „კოლოკოლში“ წერდა: „როცა 1863 წელს პოლონეთის აჯანყებამ რუსეთს ევროპის ომის საფრთხე მოუვლინა, რუსეთის მთავრობამ ელდანაკრავივით მოიგონა სამეგრელოს დალატი, ფაცი-ფუციტ დეპეშა-დეპეშაზე აფრინა ტფილისში, სახელდახელოდ წამოაყენა გლეხთა საკითხი საქართველოში, დაავიწყდა საქმის თანდათანობით კეთების ტრფიალი და აიძულა კავკასიის მმართველობა, რომ გლეხთა განთავისუფლების თუნდაც რამდენიმე პროექტი წარედგინა“<sup>1</sup>.

რეფორმა იდეოლოგიურად მომზადებული იყო მოწინავე რუსი მოაზროვნეების გავლენით. ისტორიკოსი ს. ავალიანი აღნიშნავდა, რომ ისეთი კონსერვატორიც კი, როგორც იყო გრ. ორბელიანი, განიცდიდა პუშკინის დიდ გავლენას. ავალიანი ხაზს უსვამს „სურამის ციხის“ დიდ მნიშვნელობას ბატონყმობის გაუქმების იდეოლოგიური მომზადების საქმეში<sup>2</sup>.

ბატონყმური ურთიერთობების დრომოკმული წესების წინააღმდეგ გამოდიოდნენ ქართველი ინტელიგენციის საუკეთესო წარმომადგენლები ი. ჭავჭავაძე, დ. კონქაძე, ნ. ნიკოლაძე, გ. წერეთელი და სხვები, რომლებიც იმ დროისათვის მოწინავე იდეების მატარებელნი იყვნენ. ცნობილია, რომ ახალი საზოგადოებრივი იდეები და

<sup>1</sup> Журн. „Колокол“, № 198, гв. 1626.

<sup>2</sup> С. Аваляни, Крестьянский вопрос в Закавказье, т. I, гв. 213—214



თეორიები აღმოცენდებიან მხოლოდ მას შემდეგ, რაც საზოგადოების მატერიალური ცხოვრების განვითარებამ საზოგადოებას ახალი ამოცანები დაუსახა.

საქართველოში იმ დროს ვითარდებოდა კაპიტალიზმის საწყისები, ფეოდალიზმის წიაღში ისახებოდა ახალი წარმოებითი ურთიერთობანი, რომელთა განვითარებისათვის საჭირო იყო ძველის, დრომოკმულის დანგრევა, მოსპობა რევოლუციური გზით.

\*  
\* \* \*

ალექსანდრე მეორემ 1864 წლის 13 ოქტომბერს ხელი მოაწერა საკანონმდებლო აქტებს ბატონყმობის გაუქმების შესახებ თბილისის გუბერნიაში. ეს აქტები იყო: 1. დამატებითი წესები ბატონყმობიდან გამოსულ გლეხთა შესახებ თბილისის გუბერნიაში, 2. დებულება მემამულეთა მიწაზე მოსახლე გლეხთა მიწათმოწყობის შესახებ იმავე გუბერნიაში, 3. წესები გლეხთა საზოგადოებების მოწყობისა და მათ მიერ სახაზინო, საერო და სასოფლო ბეგარა-გადასახადების გალების შესახებ. შემდეგ გამოიცა კავკასიის მეფისნაცვლის მიერ 1864 წლის 4 ნოემბერს დამტკიცებული: 1. წესები გლეხთა უფლებებისა და ურთიერთობის შესახებ პირველ ორ წელიწადს, 2. დებულება ხიზანთა და შინაყმათა მოწყობის შესახებ, 3. წესები თბილისის გუბერნიის მემამულეთათვის გასამრჯელოს მიცემის შესახებ გლეხთა განთავისუფლების გამო, 4. დებულება მომრიგებელ მოსამართლეთა შესახებ<sup>1</sup>.

გლეხთა განთავისუფლების შესახებ ცნობა თბილისში, გორში, თელავსა და სიღნაღში გამოცხადებულ იქნა იმავე წლის 8 ნოემბერს, ხოლო კიდევ ერთი კვირის შემდეგ წაკითხულ იქნა გუბერნიის ეკლესიებში<sup>2</sup>.

ამგვარად, დებულების მიხედვით თბილისის გუბერნიაში მოისპო ბატონყმური დამოკიდებულება, გლეხს პირადი თავისუფლება მიენიჭა; აღარ შეიძლებოდა მისი ყიდვა, გაყიდვა ან გაჩუქება. რეფორმის არსი ჩვენში იგივე იყო, რაც რუსეთის შიდა გუბერნიებში. „კავკასიის სამეფისნაცვლოს ნაწილებში ეს რეფორმები გამოიხატა იმ საერთო დებულებების საფუძველზე, რომლებიც გამოცემული იყო შიდა გუბერნიებისათვის“ — აღიარებდა მეფის ისტორიკოსი

<sup>1</sup> შ. ჩხეტიია, საგლეხო რეფორმის ისტორიისათვის საქართველოში, გვ. 21.

<sup>2</sup> С. Эсадзе, Историческая записка об управлении Кавказом, т. I,

ს. ესაძე<sup>1</sup>. ამასთან ყველაფერი გაკეთდა იმისათვის, რომ რეფორმის გატარების დროს ქართველ მებატონეებს ცარიზმის წინაშე თავისი დამსახურების გამო ნაკლები „ზარალი“ ენახათ.

1864 წლის 13 ოქტომბრის დებულება მხოლოდ ყმა გლეხებსა და შინაყმებს შეეხო. დებულება არ შეხებია სახელმწიფო და საეკლესიო გლეხებსა და ხიზნებს. 1860—1861 წლების კომლობრივი აღწერით მათი რაოდენობა თბილისის გუბერნიაში შეადგენდა: სახელმწიფო გლეხებისა — 54083 კომლს (344169 სული), საეკლესიოსი — 8305 კომლს (55399 სული), ყმა-გლეხებისა 17281 კომლს (122247 სული); სულ გუბერნიაში იყო გლეხთა 79669 კომლი (538201 სული ორივე სქესისა)<sup>2</sup>.

1865 წლისათვის შემდეგი სურათი გვაქვს: სახაზინო გლეხთა რიცხვი უდრიდა 322153 სულს, საეკლესიო — 49417, დროებითვალდებულ გლეხთა — 122035 სულს<sup>3</sup>.

ამგვარად, გუბერნიაში რეფორმა შეეხო გლეხურ კომლთა მხოლოდ 21,6%-ს, სულადობის მიხედვით კი 23,40%-ს. გორის მაზრაში რეფორმა შეეხო 47437 სულს საბატონო გლეხს. გლეხთა საერთო რაოდენობა კი მაზრაში იმ დროისათვის 113413 სულს შეადგენდა<sup>4</sup>. განთავისუფლების დროისათვის გლეხთა მთელი მიწა (საკარმიდამო ნაკვეთების ჩათვლით) გამოცხადებულ იქნა მემამულეთა საკუთრებად. საქართველოში ყმობიდან განთავისუფლებულ გლეხს მემამულის თანხმობის გარეშე უფლება არ ჰქონდა გამოესყიდა როგორც სახნავ-სათესი, ისე საკარმიდამო და სხვა ნაკვეთები<sup>5</sup>.

ცარიზმის ისტორიკოსები ჩვეულებრივად სთვლიან, რომ რეფორმამ გლეხობა გაათავისუფლა მიწიანად. ეს არაა სწორი. რეფორმამ მხოლოდ გლეხობის მიწიანად განთავისუფლების ილუზია შექმნა. დებულებით „ნადელი“ (საკომლო მიწა) უნდა გადაცემულიყო გლეხთა მუდმივ სარგებლობაში<sup>6</sup>. ფაქტიურად კი ეს ნიშნავდა მი-

<sup>1</sup> С. Эсадзе, Историческая записка об управлении Кавказом, 1907, т. I, гл. 281.

<sup>2</sup> Сборник статистических сведений о Кавказе. Под редакцией Н. Воронова, Тифлис, 1869, гл. 37—38.

<sup>3</sup> Сельское хозяйство и аграрные отношения, составил проф. П. Гугушвили, Тбилиси, 1950, т. II, гл. 289.

<sup>4</sup> საქ. ცსსა, ფონდი 414, საქმე 10, 1865 წ.

<sup>5</sup> Полное собрание законов Российской империи, т. XXXVI, гл. 175.

<sup>6</sup> С. Эсадзе, Историческая записка об управлении Кавказом, т. I,

წის იჯარით გაცემას შემამულეთა მთელი კლასის მიერ გლეხობის მთელ კლასზე. გლეხობის მიწით განთავისუფლება ნიშნავს გლეხობისათვის მიწის გაცემას ყოველგვარი გამოსასყიდი ფასისა და გადასახადების გარეშე, რასაც ადგილი არ ჰქონია.

1864 წლის 13 ოქტომბრის დებულებაში პირდაპირ იყო ნათქვამი:

„გლეხთა ყოფაცხოვრების უზრუნველსაყოფად და მათი ვალდებულებების შესასრულებლად მთავრობისა და შემამულეთა წინაშე, ამ დებულებაში მოცემულ საფუძვლებზე დაყრდნობით. გლეხებს ადგილობრივი მამულებიდან მუდმივ სარგებლობაში ეძლევათ მიწის სათანადო ოდენობა, რომლისთვისაც გლეხები იხდიან დაწესებულ ბეგარას“<sup>1</sup>.

გლეხს საკომლო მიწა (ნადელი) აუცილებლივ უნდა მიეღო, რათა შეძლებოდა შეესრულებინა თავისი ვალდებულება სახელმწიფოსა და შემამულის წინაშე. დებულებაში ნათლად იყო გამოხატული გარე-ეკონომიური იძულება. დებულების 106 მუხლით, ბატონყმობის გაუქმებიდან 9 წლის შემდეგაც კი, „ვისაც თავისი საკარმიდამო მიწა ჯერ არ გამოუსყიდია, უფლება არა აქვს უარი თქვას სახნავ ადგილ-მამულზე და ამავე დროს დაიტოვოს თავის სარგებლობაში მხოლოდ გამოუსყიდველი საკარმიდამო ნაკვეთი“<sup>2</sup>. ამგვარად, გლეხი ან სავსებით უნდა აყრილიყო მიწიდან, ან ისევ კაბალაში დარჩენილიყო შემამულესთან. ამასთან პირველი 9 წლის განმავლობაში მას არ შეეძლო მიწის მიტოვება.

ადგილობრივი დებულება ქართველ თავადაზნაურებს ყოველგვარ პრივილეგიებს ანიჭებდა. ეს პრივილეგიები აღემატებოდა რუს შემამულე-მებატონეებისას. მეფის მთავრობა ცდილობდა განაპირა ქვეყანაში მტკიცე დასაყრდენი — თავადაზნაურობა სავსებით მადლიერი ჰყოლოდა, რათა მას „კეთილი“ მეფისა და რუსეთის სახელმწიფოს პოლიტიკური მიზნებისათვის თავი არ დაეზოგა.

დებულების მიხედვით, გლეხთა მიწით უზრუნველყოფა იმაში უნდა გამოხატულიყო, რომ გლეხებს მისცემოდა სარწყავ ადგილებში 5 დესეტინამდე, ხოლო ურწყავ ადგილებში 10 დესეტინამდე საკომლო მიწა. თბილისის გუბერნიაში გლეხთა უფლებები უფრო მეტად იყო შეზღუდული, ვიდრე რუსეთის ცენტრალურ გუბერნიებში.

<sup>1</sup> Местное положение Тифлисской губернии, 13-X-1864 г., § 3.

<sup>2</sup> Дополнительные правила о крестьянах вышедших из крепостной зависимости Тифлисской губернии (შ. ჩხეთია, საგლეხო რეფორმის ისტორიისათვის, გვ. 443).

მებატონეს უფლება ჰქონდა გლეხის საკომლო მიწის რაოდენობა სურვილისამებრ შეემცირებინა, თუკი მას იმ სოფელში, სადაც მამულები ჰქონდა, მიწების ნახევარზე ნაკლები რჩებოდა. ე. წ. მცირემიწიანი მემამულეები (60 დლიურზე ნაკლების მქონენი) განთავისუფლებულნი იყვნენ გლეხთათვის მიწის გამოყოფის ვალდებულებისაგან. ეს ქართველ გლეხს მეტად მძიმე პირობებში აყენებდა.

ნაროდნიკები გლეხთა უმიწოდ განთავისუფლებაში ხედავდნენ კაპიტალისტური წარმოების პრინციპის განხორციელებას, მიუთითებდნენ რა მარქსის დებულებაზე, რომ წარმოების საშუალებათაგან მუშაკის განთავისუფლება არის კაპიტალისტური წარმოების აუცილებელი წინამძღვარი. ამის შესახებ ვ. ი. ლენინი აღნიშნავდა: „სინამდვილეში 1861 წელს გლეხთა უმიწაწყლოდ დატოვება უმეტეს შემთხვევაში მოასწავებდა არა თავისუფალი მუშის შექმნას კაპიტალისტურ წარმოებაში, არამედ იმავე „საბატონო“, მემამულური მიწის კაბალური (ე. ი. ფაქტიურად ნახევრად ყმა ან თითქმის ყმა) მოიჯარადრის შექმნას“<sup>1</sup>.

მემამულეთა მიწებით სარგებლობის სანაცვლოდ გლეხებს ბატონის სასარგებლოდ შრომითი ბეგარა ეკისრებოდათ. ამავე დროს ისინი იხდიდნენ ღალასაც. 9 წლის შემდეგაც მიწაზე გლეხის მიერ უარის თქმა იმდენ დაბრკოლებას ხვდებოდა, რომ ეს ფაქტიურად შეუძლებელი იყო<sup>2</sup>.

ვ. ი. ლენინი სასტიკად ილაშქრებდა ცარიზმის იმ ლაქია-ისტორიკოსების წინააღმდეგ, რომლებიც რეფორმას ყოველგვარ სიკეთეს მიაწერდნენ და ამტკიცებდნენ, რომ გლეხობა მიწით იქნა განთავისუფლებული. ლენინი ამბობდა: „თავიდან ბოლომდე ფარისეველურია და ყალბი „ღიადი“ რეფორმის ის შეფასება, რომელიც გავრცელდა ჩვენში: „გლეხთა განთავისუფლება მიწიანად სახელმწიფოებრივი გამოსყიდვის საშუალებით“. სინამდვილეში კი ეს იყო გლეხთა განთავისუფლება მიწისაგან“<sup>3</sup>.

დებულებით მემამულეებსა და გლეხებს შორის დადებული უნდა ყოფილიყო საწესდებო სიგელები (уставные грамоты). სიგელში აღნიშნული უნდა ყოფილიყო იმ საკომლო მიწის რაოდენ-

<sup>1</sup> ვ. ი. ლენინი, თხზ., ტ. 17, გვ. 115—116.

<sup>2</sup> П. А. Зайончковский, Отмена крепостного права в России, Москва, 1954, გვ. 115.

<sup>3</sup> ვ. ი. ლენინი, თხზ., ტ. 4, გვ. 517.

ნოზა, რომელიც გლეხს ეძლეოდა, და ბეგარა-ვალდებულებანი, რაც გლეხს მიწით სარგებლობის სამაგიეროდ უნდა მემამულისათვის გადაეხადა. სიგელები დგებოდა მემამულესა და ცალკეულ გლეხს შორის კი არა, არამედ მემამულესა და ყველა მის ნაყმევს შორის. საწესდებო სიგელების შედგენა-დამტკიცების საქმეში გადამწყვეტი როლი ენიჭებოდათ მომრიგებელ-შუამავლებს. რომლებიც თვითონ იყვნენ მემამულეები და, ცხადია, დაიცავდნენ თავისი კლასის ინტერესებს.

საწესდებო სიგელების შედგენისას ხშირი იყო დარღვევები. სოფ. ქარელის დროებითვალდებული გლეხები სიმონა ქვრივიშვილი, სოლომონ, სვიმონ, გიგო და ოქრო საზანდრიშვილები მეფისნაცვლის სახელზე 1868 წლის 10 ივნისს გაგზავნილ თხოვნაში აღნიშნავდნენ, რომ მათმა ნაბატონარმა თავადმა ალექსანდრე ციციშვილმა არასწორად შეადგინა საწესდებო სიგელი, „რის გამო მოკლებული ვართ ჩვენს მამაპაპეულ საკარმიდამო ნაკვეთებს და ნადელებს“. გლეხები თხოულობდნენ საქმის ადგილზე გარკვევას. 1873 წლის 5 სექტემბრის დადგენილებით საგლეხო საქმეთა საგუბერნიო საკრებულო იძულებული იყო მიენდო მომრიგებელი შუამავლისათვის საქმის გადასინჯვა და, თუ სიგელში შეცდომა აღმოჩნდებოდა, „საწესდებო სიგლის გადაკეთება“. საქმე ეხებოდა 60 დღიურ მიწას. მემამულემ მაინც შესძლო გლეხების ნადელისათვის ჩამოეკლო 17 დღიურზე მეტი საუკეთესო მიწა, ე. წ. „კარის ნაფუძარი“. გლეხების შემდგომი ჩივილი უშედეგოდ დარჩა<sup>1</sup>.

1864 წელს თბილისის გუბერნიაში (ახალციხისა და ახალქალაქის მაზრების გამოკლებით) ითვლებოდა 14230 კომლი საბატონო გლეხი. მათგან საკომლო მიწა არ მიუღია 1334 კომლს. საკარმიდამო ნაკვეთი არ მიეცა 386 კომლს. 110 კომლ ბოგანოს კი სრულიად არაფერი არ მიუღია. ისეთ კომლთა რიცხვი, რომელნიც მინიმალურადაც კი არ იყვნენ უზრუნველყოფილნი მიწით, შეადგენდა 1830-ს. ე. ი. ბატონყმური ვალდებულებიდან გამოსულ გლეხთა 130/0-ს<sup>2</sup>.

მაზრების მიხედვით შემდეგი სურათი გვაქვს:

<sup>1</sup> საქ. ცსსა, ფონდი 220, საქმე 78, ფურც. 1—45, 1868—1876 წწ.

<sup>2</sup> А. К и п и н д з е, Очерк крепостного права и крестьянская реформа журн. „Кавказский вестник“, 1902. № 6.

(„განთავისუფლების“ დროს არ მიუღლიათ)

	საკარმიდა- მო მიწა	სახნაე-სათესი	საკარმიდანო და სახნაე-სა- თესი
თბილისის მაზრაში	30 კომლს	60 კომლს	1 კომლს
გორის „	248 „	600 „	71 „
დუშეთის „	57 „	179 „	2 „
სიღნაღის „	33 „	259 „	43 „
თელავის „	18 „	235 „	3 „
ს უ ლ:	386 კომლს	1334 კომლს	120 კომლს

„ყველა ესენი, უკლებლივ, მათხოვრები არიანო“ — წერდა ამ გლეხთა შესახებ „კავკაზ“-ის კორესპონდენტი<sup>1</sup>.

რეფორმამდე ყმა გლეხობის სარგებლობაში იმყოფებოდა საკარმიდამო ნაკვეთები და ვენახები 7049 დესეტინა; სახნავი მიწები 84665, აქედან სარწყავი — 34992 დესეტინა, ურწყავი — 42624 დესეტინა. საშუალოდ კომლზე მოდიოდა 5,9 დესეტინა. რეფორმის შემდეგ გლეხებს თითქმის მთლიანად დარჩათ მხოლოდ საკარმიდამოები და ვენახები, სახნავიდან კი მათ მიეცათ: სარწყავი 23376 დესეტინა, ურწყავი — 25254 დესეტინა, ე. ი. 28986 დესეტინით იმაზე ნაკლები, რაც სარგებლობაში ჰქონდათ რეფორმამდე, ამის შედეგად კომლზე მხოლოდ 3,9 დესეტინა მოდიოდა ნაცვლად 5,9 დესეტინისა<sup>2</sup>. ამგვარად, გუბერნიაში საკომლო მიწების 34% გლეხებს ჩამოაქრეს. თბილისის გუბერნიაში რეფორმის შემდეგ თითოეულ მამაკაცზე თითო დესეტინაზე ნაკლები მოდიოდა, ხოლო თითო სულზე ნახევარ დესეტინაზე ნაკლები. „28 წლის გავლის შემდეგ... გაუზვიადებლად შეიძლება ითქვას, რომ სულზე დესეტინა საკომლო მიწის ერთი მეოთხედიც კი აღარ მოდის“ — ამბობდა ყიფშიძე<sup>3</sup>.

საგლეხო რეფორმას მაინც უდიდესი მნიშვნელობა ჰქონდა. მან წარმოების მუშაკი, ყმა გლეხი პირადად თავისუფალი გახადა. გლეხსა და მის მიერ შექმნილ დოვლათზე ბატონს იურიდიული უფლება აღარ ჰქონდა. განვითარების გზა გაეხსნა გლეხობას, საქართველოს ეკონომიურ წინსვლას, ამაში მდგომარეობდა რეფორმის უდიდესი მნიშვნელობა, მისი ბურჟუაზიული შინაარსი. ამასთან რეფორმას მკვეთრად გამოხატული ბატონყმური ხასიათი ჰქონდა. მან არა მარ-

<sup>1</sup> Газ. „Кавказ“, 1884, № 73.

<sup>2</sup> А. К и п ш и д з е, Очерк крестьянского права и крестьянская реформа, Журн. „Кавказский вестник“, № 6, 1902, გვ. 24.

<sup>3</sup> იქვე, გვ. 24—25.

ტო მემამულეთა მიწები, არამედ ის მიწებიც, რომლებიც გლეხებს ეკავათ საუკუნეების განმავლობაში, მემამულეთა საკუთრებად გამოაცხადა. ამ მიწებით სარგებლობა შეიძლებოდა მხოლოდ სათანადო ღალა-ბეგარის გადახდით. გამოსყიდვისას (თუ ამაზე მემამულე დათანხმდებოდა) გლეხი ისეთ თანხას იხდიდა, რაც ბევრად აღემატებოდა მიწის საბაზრო ფასს. მიწა მემამულეთა საკუთრებაში დარჩა.

როგორც ი. ბ. სტალინი შენიშნავდა, ფეოდალიზმის საფუძველს წარმოადგენდა ფეოდალური საკუთრება მიწაზე<sup>1</sup>. მემამულეთა საკუთრებაში მიწის დატოვებით მთავრობა ცდილობდა ფეოდალიზმის ეკონომიური საფუძვლის შენარჩუნებას. რა თქმა უნდა. მიწის მემამულეთა სრულ საკუთრებაში დატოვებამ დააბრკოლა სოფლად კაპიტალიზმის განვითარება. მაგრამ ახალ პირობებში, წარმოების სწრაფი განვითარების დროს, მიწა თვით მემამულეთა საკუთრების სახითაც უნდა გამოსულიყო ახალ ურთიერთობათა სამსახურში: ერთი მხრით, მემამულეები ცდილობენ მოაწყონ მეურნეობა კაპიტალისტურ საფუძველზე, მეორე მხრით, ფართო მასშტაბით მიმდინარეობს მემამულეთა მიწების გაყიდვა-დაგირავება. აღმოსავლეთ საქართველოში მემამულეთა მიწა XIX საუკ. II ნახევარში გამოყენებული იყო წარმოების ისეთ საშუალებად, რომელიც ემსახურებოდა კაპიტალისტურ ბაზარს.

საგლეხო რეფორმის გასატარებლად 1864 წლის 8 ნოემბერს დანიშნულნი იქნენ მომრიგებელი შუამავლები. დაარსებულ იქნა საგლეხო საქმეების საგუბერნიო საკრებულო, მეფისნაცვალთან კი მთავარ სამმართველოს უფროსის თავმჯდომარეობით გლეხთა მოწყობის მუდმივი კომიტეტი<sup>2</sup>.

მემამულეთა და გლეხობის ურთიერთობათა საკითხების გადასაჭრელად მთავრობამ შექმნა დაწესებულებანი მხოლოდ ერთი კლასის წარმომადგენლებისაგან — თავადაზნაურობისაგან გამოსული მოხელეებისაგან. ამ „საგლეხო“ დაწესებულებებსა და მომრიგებელ შუამავლებს თავადი გ. თუმანიშვილი შემდეგნაირად ახასიათებდა: „...დროებითი საგლეხო წესების უსრულობის გამო სინამდვილეში ბევრი რამ არის დამოკიდებული ადგილობრივი მომრიგე-

<sup>1</sup> ი. სტალინი, სოციალიზმის ეკონომიური პრობლემები სსრ კავშირში, თბილისი, 1952, გვ. 45.

<sup>2</sup> А. П. Николан, Отчет по главному управлению наместника Кавказом, 1873, гв. 16.

ბელი შუამავლების თვითნებობაზე. თუკი მხედველობაში მივიღებთ იმას, რომ ეს უკანასკნელი, ხსენებული წესების მიხედვით, აიყვანებთან ხოლმე ადგილობრივ მიწისმფლობელთაგან, მაშინ ადვილი მისახვედრია. თუ ვის ინტერესებს ემსახურებიან შუამავლებისათვის მინიჭებული ფართო რწმუნებანი და აქედან რა ახლოსაა ფაქტიურად ბატონყმური წესების აღდგენამდე<sup>1</sup>.

თუმანიშვილი აღნიშნავს, რომ მომრიგებელ შუამავლებად უმთავრესად ისეთი ადამიანებია, რომლებიც ადგილობრივ ჩვეულებებს არ იცნობენ.

„მთელი საქმის ერთადერთი მცოდნენი შუამავლებს შორის არიან ისინი, რომლებიც თავიანთ თანამდებობაზე გადავიდნენ პოლიციის დაბალი საფეხურის აგენტობიდან, მაგრამ ეს უკანასკნელი გარეშობა საკმარისია, რომ გასაგები გახდეს, თუ როგორ იყენებენ ისინი ადგილობრივი ცხოვრების ცოდნას და როგორი მომრიგებელი შუამავლები შეიძლება იყვნენ ისინი. მათი უმრავლესობა კი კანცელარიის მოხელეები ან ისეთი პირები არიან, რომლებიც მანამდე არავითარ საქმიანობას არ ეწეოდნენ. საგლუხო საქმეთა საგუბერნიო საკრებულოები, რომელთაც მომრიგებელი შუამავლები ემორჩილებიან, უაღრესად ბიუროკრატიული დაწესებულებებია... ისინი არასდროს არ აყენებენ და არ წყვეტენ არც ერთ მნიშვნელოვან საკითხს მათი გამგებლობის დარგში“<sup>2</sup>.

საწესდებო სიგელები უნდა შედგენილიყო 2 წლის განმავლობაში. თბილისის გუბერნიაში ეს საქმე მეტისმეტად გაჭიანურდა.

ეს განსაკუთრებით გორის მაზრაზე ითქმის. 1867 წლის იანვარში მეფისნაცვლის სახელით მისი მთავარი სამმართველოს უფროსი ბარონი ნიკოლაი ატყობინებდა თბილისის სამოქალაქო გუბერნატორს, რომ მეფისნაცვლისათვის გუბერნატორის მიერ წარდგენილ უწყისში 1866 წლის 8 ნოემბრის მდგომარეობის მიხედვით (ე. ი. რეფორმიდან სწორედ ორი წლის შემდეგ — ი. უ.) საწესდებო სიგელების შედგენის საქმეში თბილისის გუბერნიაში ყველაზე მეტად ჩამორჩებოდა გორის მაზრის მომრიგებელი შუამავლების მე-4 და მე-5 განყოფილებანი. მე-4 განყოფილებაში შედგენილი არ იყო 365, ხოლო მე-5-ში — 148 საწესდებო სიგელი<sup>3</sup>. 1873 წელს კი ბარონ

<sup>1</sup> Г. Туманов, Земельные вопросы и преступность на Кавказе, С-Петербург, 1900, гл. 12.

<sup>2</sup> იქვე, გვ. 24.

<sup>3</sup> საქ. ცსსა, ფონდი 220, საქმე 935, 1867 წ.



ნიკოლაი აღნიშნავდა, რომ თბილისის გუბერნიაში შედგენილ იქნა 2389 სიგელი 15872 კომლზე, მხარეებს ხელი არ ჰქონდათ მოწერილი 248 სიგელზე<sup>1</sup>.

საწესდებო სიგლების შედგენის დროს მემამულეთა დაუფარავი სიხარბე და თვითნებობა გლეხების პროტესტს იწვევდა. ისინი უარს აცხადებდნენ ხელი მოეწერათ საწესდებო სიგლებზე. ასე იყო, მაგალითად, სოფ. ბროწლეთში. აქაური გლეხები ჩიოდნენ 1866 წელს, რომ მემამულე სულხანიშვილმა მათ გამოუყო სოფლიდან 2—2<sup>1</sup>/<sub>2</sub> ვერსით დაშორებული მიწები; ხოლო გლეხთა კარმიდამოებთან ახლოს მდებარე ნაკვეთები თვითონ მიითვისა.

საგლეხო საქმეთა საგუბერნიო საკრებულომ განიხილა ეს საქმე და აღნიშნა: მემამულე სულხანიშვილი აცხადებს, რომ ეს მიწები ხარისხით ერთმანეთისაგან თითქმის არ განსხვავდება, და, თუ საჭიროა, შეეცვლი, მაგრამ გლეხთა ამ უკმაყოფილებაში დამნაშავეა გლეხი გაბრიელ ნიკოლიშვილი, რომელიც ადრეც იყო დაპატიმრებული თბილისის ციხეში 3 თვით, რადგან მამინ მან ბატონის წინააღმდეგ მიმართული წერილი გაავრცელა გლეხებში. მემამულემ მოითხოვა ნიკოლიშვილის დაპატიმრება, სანამ საწესდებო სიგლების შედგენა არ დამთავრდებოდა. საკრებულო დაეთანხმა მემამულეს და აღძრა შუამდგომლობა გუბერნატორის წინაშე გლეხი გ. ნიკოლიშვილის დაპატიმრების შესახებ.

საკრებულოს ეს დადგენილება მოიწონა მეფისნაცვალმა მიხეილ რომანოვმა<sup>2</sup>.

რეფორმიდან 25 წლის გავლის შემდეგაც კი საწესდებო სიგლები ყველგან არ იყო შედგენილი: „საზღვარგარეთული ბერძნული მონასტრების მამულებში, სადაც ცხოვრობს დაახლოებით 20 ათასი გლეხი, უკანასკნელ დროს მხოლოდ ახლა ადგენდნენ საწესდებო სიგლებს“ — აღნიშნავდა გ. თუმანიშვილი<sup>3</sup>.

ჩვენ ს. მგალობლიშვილის ნაწერებიდანაც ვიცით, რომ, მიუხედავად ფორმალური გაუქმებისა, ქართლის მთელ რიგ სოფლებში ბატონყმობა შემონახული იყო ბერძნული მონასტრების კუთვნილ სოფლებში. რეფორმის შემდეგ „წმინდა მამებმა“ კიდევ უჯრო გა-

<sup>1</sup> А. П. Николан, Отчет по главному управлению наместника Кавказом, 1873, гл. 17.

<sup>2</sup> საქ. ცსსა, ფონდი 220, საქმე 880. ფურც. 3—4, 6—7, 1866 წ.

<sup>3</sup> Г. Туманов, Земельные вопросы и преступность на Кавказе, 1900,

აძლიერეს გლეხობის ექსპლოატაცია. ეკლესიას მხარში უდგნენ ადგილობრივი შეძლებული გლეხები და ჩარჩ-ვაჭრები. ეკლესიას ემხრობოდა ადგილობრივი ადმინისტრაცია<sup>1</sup>.

### 3. საგლეხო რეფორმა და გორის მაზრის გლეხობა ა) დროებითვალდებული გლეხები

1870 წლისათვის თბილისის გუბერნიაში 14230 კომლი დროებითვალდებული გლეხი ცხოვრობდა. მათ შორის: თბილისის მაზრაში 1176 კომლი, ბორჩალოს — 1249, დუშეთის — 2416, სიღნაღის — 2080, თელავის — 1830, თიანეთის — 323, ხოლო გორის მაზრაში — 5156 კომლი, ანუ მთლიანად გუბერნიის დროებითვალდებულ გლეხთა 36%. 1873 წლის ცნობით გორის მაზრის დროებითვალდებულ გლეხთა რაოდენობა 6686 კომლს უდრიდა<sup>2</sup>.

საწესდებო სიგლების მიხედვით: გორის მაზრაში ყოფილა დროებითვალდებულ გლეხთა 5302 კომლი (24063 მამრობითი სქესის სულადობით), მათ შორის:

ბორჯომის უბანში	43 კომლი,	175 (მამრობითი სქესის სული)
მეჯვრისხევის "	1783 "	7135 "
სურამის "	1048 "	4592 "
ხიდისთავის "	1075 "	6265 "
ცხინვალის "	1353 "	5896 "

მათ სარგებლობაში იყო მიწები:

	რეფორმამდე		რეფორმის შემდეგ მიიღეს	
	სარწყავი	ურწყავი	სარწყავი	ურწყავი
ბორჯომის უბანში	2 დეს.	132 დეს.	2 დეს.	84 დეს.
მეჯვრისხევის "	7802 "	2227 დეს.	4281 დეს.	1770 კვ. ს.
	1754 კვ. ს.	2177 საჟ.	1117 საჟ.	1858 საჟ.
სურამის	1859 დ.	4252 დეს.	961 დეს.	2549 დეს.
	735 საჟ.	1181 საჟ.	124 საჟ.	263 საჟ.
ხიდისთავის	3847 დ.	1532 დეს.	2087 დეს.	762 დეს.
	289 საჟ.	322 საჟ.	4 საჟ.	437 საჟ.
ცხინვალის	2866 დეს.	2023 დეს.	1626 დეს.	2478 დეს.
	1649 საჟ.	167 საჟ.	326 საჟ.	1527 საჟ.
ს უ ლ:	16377 დეს.	10168 დეს.	8957 დეს.	7537 დეს.
	2027 საჟ.	707 საჟ.	1571 საჟ.	1055 საჟ.
	26546 დეს.		16495 დეს.	
	334 საჟ.		226 საჟ.	

<sup>1</sup> И. Иоселиани, Сельское хозяйство и правовые отношения сельского населения, 1887, გვ. 574; ს. მგალობლიშვილი, ღამის მეზრე ცეცო, ედიშერ ჯეჯელაშვილი, რჩეული მოთხრობები, თბილისი, 1951.

<sup>2</sup> საჟ. ცსა, ფონდი 254, საქმე 2313, ფურც. 42, 1873 წ.

ამგვარად, რეფორმამდე საბატონო გლეხების განკარგულებაში იყო 26546 დესეტინა და 334 კვ. საყენი მიწა (სახნავ-სათიბი), ხოლო შემდეგ მათ მიეცათ 16495 დესეტინა და 226 კვ. საყ., ე. ი. გორის მაზრაში ყოფ. საბატონო გლეხებს ჩამოაქრეს 9851 დესეტინა<sup>1</sup> და 108 კვ. საყენი მიწა, ანუ მიწების 37%.

უბნების მიხედვით გლეხებს ჩამოეჭრათ:

ბორჯომის უბანში	47 დეს. და	2290 კვ. საყ.	—35,5%
მეჯვრისხევის	" 4086 "	" 956 "	—40,7%
სურამის	" 2601 "	" 1529 "	—42,5%
ხიდისთავის	" 2530 "	" 170 "	—47 %
ცხინვალის	" 784 "	" 236 "	—15,6%

ჩამონაქრების ყველაზე დიდი პროცენტი მოდის ხიდისთავის უბანზე, ყველაზე ნაკლები — ცხინვალის უბანზე; ეს საერთოდ, კერძოდ კი ბევრი გლეხი მხოლოდ თითო ციდა საკომლო მიწას ღებულობდა («Полпешие паша»). მაგალითად, სოფ. ძევერის მცხოვრებთაგან 3 კომლმა 40—40 კვ. საყენი მიიღო, სოფ. ახალქალაქში 6 ოჯახმა 41—41 კვ. საყ. თითოეულმა, 4 ოჯახმა — 49—49 კვ. საყ. და 2 კომლმა 50—50 საყ.<sup>2</sup>.

სოფ. წალვლის მემამულე თავად მიხეილ ამირეჯიბის ნაყმევი ორი კომლიდან რეფორმამდე გიორგი კილაძის ოჯახს ეკავა საკარმიდამო ნაკვეთი 0,5 დლიური, ვენახი — 3/4 დლიური, გრიგოლ კაპანაძეს — საკარმიდამო 0,5 დლიური, ვენახი 3/4 დლიური. ორივე კომლს ერთად ეკავა: აგრეთვე, 51 დლიური ურწყავი მიწა. საწესდებო სიგელში მითითებულია, რომ ეს მიწა თუმცა ურწყავია, მაგრამ კარგ მოსავალს იძლევა, ამიტომ თითოეულ კომლს 10—10 დლიური მიეცეს<sup>3</sup>. დანარჩენი 31 დლიური მათ ჩამოაქრეს და მებატონეს გადასცეს.

სოფ. დოესში თავად მიხეილ ციციშვილსა და გლეხებს შორის დადებული საწესდებო სიგლიდან ირკვევა, რომ 1860—1861 წლების კამერალური აღწერით ციციშვილზე ითვლებოდა ყმათა სამი

<sup>1</sup> დესეტინა უდრის 2400 კვადრატულ საყენს, დლიური—ნახევარ დესეტინას, ხოლო ჩარეკი—დლიურის 1/4-ს.

<sup>2</sup> Гас. „Кавказ“, 1884, № 73, გვ. 2.

<sup>3</sup> საქ. ცსსა, ფონდი 31, საქმე 222, 1866 წ., საწესდებო სიგელი № 197.

კომლი. შემდეგ მათ ერთი კომლი მიემატათ და მიწა, რომლითაც 1860—1861 წლებში 3 კომლი სარგებლობდა, ახლა 4 კომლს გაუნაწილდა.

მეორე ანალოგიური შემთხვევიდან ჩანს შემდეგი: რეფორმამდე ჯერ 3 კომლს, შემდეგ კი 4-ს ჰქონდა 88 დღიური სახნავი მიწა. რეფორმის შემდეგ გლეხთა ამ ოთხივე კომლს მისცეს 40 დღიური, ე. ი. ჩამოაქრეს 48 დღიური, ანუ ნახევარზე მეტი<sup>1</sup>.

ადგილობრივი დებულება აწესებდა გლეხის საკომლო მიწის უმაღლეს ზომას, მინიმუმს კი არ საზღვრავდა. მემამულე არ იყო ვალდებული ეზრუნა გლეხის ცოტად თუ ბევრად მიწით უზრუნველსაყოფად. ეს ჩანს, მაგალითად, საწესდებო სიგელში, რომელიც დადებული იყო სოფ. ავლევის მემამულე მამაცაშვილსა და გლეხთა 4 კომლს შორის. ამ სიგელით<sup>2</sup> თითოეულ კომლს მიეცა:

	საკარმიდამო	ვენახი ხეი- ლითა და კაკ- ლის ხეებით	სახნავი
პავლე ჯახველიძის ოჯახს	1/4 დღიური	3/4 დღიური	5,5 დღიური
სოსიკა ჯახველიძის ოჯახს	1/2 "	1 "	7,5 "
ლაზარე დოლაშვილის ოჯახს	1/4	1,5	4
ზაქარია გამდლიშვილის ოჯახს	1/4	—	—

ამ 4 კომლში 22 მამაკაცი იყო. ორივე სქესის რაოდენობა, მარტალია, აღნიშნული არაა, მაგრამ უნდა ვიფიქროთ, რომ იგი დაახლოებით 42-დე სულს აღწევდა. ამრიგად, პავლე ჯახველიძისა და ლაზარე დოლაშვილის ოჯახებს სულზე დაახლოებით 2 ჩარეკი (1/2 დღიური) ანუ 1/4 დესეტინა სახნავი მიწა უწევდა, სოსიკა ჯახველიძის ოჯახის წევრებს — 3 ჩარეკი (3/4 დღიური), ხოლო ზაქარია გამდლიშვილს მხოლოდ საკარმიდამო მიწა გააჩნდა.

სტატისტიკური ცნობებით საკარმიდამო ნაკვეთები დროებით-ვალდებულ გლეხთა ყველა კომლს არა ჰქონია. საწესდებო სიგელების მიხედვით, 1865—1866 წლებში შემდეგი მდგომარეობს გვაქვს (იხ. ცხრილი 1).

<sup>1</sup> საქ. ცსსა, ფონდი 31, საქმე 21225, 1867 წ., საწესდებო სიგელი № 27.

<sup>2</sup> იქვე, საქმე 21181, 1867 წ., საწესდებო სიგელი.

ცხრილი 1

გორის მაზრის დროებითვალდებულ გლეხთა საკარმიდამო ნაკვეთებით  
უზრუნველყოფა უზენის მიხედვით

უბანთა დასახელება	კომლთა რაოდენობა	ნაკარმიდამო ნაკვეთების რაოდენობა	საკარმიდამო ნაკვეთ. ფართობი	
			დესეტ.	კვადრ. საე.
ბორჯომის უბანი	54	54	12	1425
მეჯვრისხევის "	1757	1624	198	1880
სურამის "	1251	1102	198	1230
ხიდისთავის "	1133	910	118	338
ცხინვალის "	1468	1302	156	401
ს უ ლ:	5663	4992	684	474 <sup>1</sup>

5663 კომლიდან საკარმიდამო ნაკვეთები გამოუყვიათ 4992 კომლისათვის, ხოლო 671 კომლი ანუ 11,8% მის გარეშე დაუტოვებიათ.

შემდგომში კიდევ უფრო იზრდება უმიწო და მცირემიწიან გლეხთა რიცხვი. 1888 წელს გორის მაზრაში დროებითვალდებულ გლეხთა რაოდენობა 6815 კომლს შეადგენდა. მათგან საკარმიდამო ნაკვეთი ჰქონდა 4855 კომლს, უნაკვეთოდ რჩებოდა 1960 კომლი, ისინი ძველ მებატონეთა ან „სხვათა“ მიწებზე ისხდნენ.

ცალკეული უზენის მიხედვით დროებითვალდებულთა კომლებს  
ბალ-ვენახები შემდეგი რაოდენობით გააჩნდათ:

ბორჯომის უბანში	— 35	ნაკვეთი,	9	დესეტ. და	603	კვ. საე.
მეჯვრისხევის "	— 1755	"	499	"	385	"
სურამის "	— 827	"	269	"	1685	"
ხიდისთავის "	— 1050	"	348	"	90	"
ცხინვალის "	— 1014	"	302	"	1408	"
ს უ ლ:	— 4661	"	1428	"	1471 <sup>2</sup>	"

აქ ძნელია დადგენა, თუ რამდენ გლეხს არ ჰქონდა ბალ-ვენახი, რადგან მოცემული გვაქვს მხოლოდ ნაკვეთების რაოდენობა და ისიც შესაძლებელია, რომ ზოგ გლეხს რამდენიმე ნაკვეთი ჰქონდა, ხოლო ზოგი მას სრულიად მოკლებული იქნებოდა.

თუნდაც თითოეულ კომლზე რომ თითო ნაკვეთი ვიანგარიშოთ, მაინც დაახლოებით ათასი გლეხური კომლი ბალ-ვენახების გარეშე რჩება.

<sup>1</sup> „СССОЧЗТКІ“, გვ. 368—395, 430—431.

<sup>2</sup> Свод статистических данных о землевладении в Тифлисской и Кутаисской губерниях, под редакцией Е. Кондратенко, 1893, გვ. 12.

ანალოგიური სურათი გვაქვს სახნავ-სათესი მიწების განაწილება-სარგებლობის მხრივაც. გლეხებს ჰქონდათ:

ბორჯომის უბანში	190 ნაკვეთი	152 დესეტ.	590 კვ. საუ.
მეჯვრისხევის	7254	6639	1690
სუომის	5606	6140	1359
ხიდისთავის	3640	2986	416
ცხინვალის	9087	5492	1619
ს უ ლ:	25777	21411	8741

ამგვარად, დროებითვალდებულთა 5663 კომლს სახნავ-სათესი მიწა, საკომლო მიწების სახით, მიეცა 21411 დესეტინა, რაც გაფანტული იყო 25777 ნაკვეთად, ე. ი. საშუალოდ თითოეულ ნაკვეთზე 1 დესეტინაც კი არ მოდიოდა.

XIX საუკუნის ბოლოსათვის დროებითვალდებულთა თითოეულ კომლზე საშუალოდ მოდიოდა: საკარმიდამო 281 კვ. საენი, ვენახი — 587 კვ. საენი, ბალი — 10 კვ. საენი.

სახნავ-სათესი:

რეფორმამდე	სარწყავი—3 ურწყავი—2	დესეტ.	538 კვ. საუ.	5 დესეტ. 618 კვ. საუ.
რეფორმის შემდეგ	სარწყავი—1 ურწყავი—1	1772 კვ. საუ.	349	2 დესეტ. 2121 კვ. საუ. <sup>3</sup>

ამ მაჩვენებლებიდან ირკვევა, რომ ყველა სახის მიწა მოდიოდა თითო ოჯახზე რეფორმამდე — 5 დესეტ. და 1496 კვ საუ., რეფორმის შემდეგ კი 3 დესეტ. და 599 კვ. საუ.

აქ მოტანილი ცნობები ცხადპყოფენ, რომ დროებითვალდებულნი გლეხები გორის მაზრაში უფრო ნაკლებად იყვნენ უზრუნველყოფილნი მიწით, ვიდრე საშუალოდ თბილისის მთელ გუბერნიაში. ცნობილია, რომ გუბერნიაში რეფორმამდე კომლზე საშუალოდ 5,9 დესეტინა მოდიოდა, გორის მაზრაში კი 5,1 დესეტინა. რეფორმის შემდეგ გლეხებს მიეცათ თბილისის გუბერნიაში 3,9 დესეტინა, ხოლო გორის მაზრაში — 3,2 დესეტინა.

საკომლო მიწა არათანაბრად ნაწილდებოდა ცალკეული სოფლების დროებითვალდებულ გლეხთა შორის, ამასთან რეფორმის

<sup>1</sup> „СССОЧЗТКГ“, გვ. 368—395, 430—431.

<sup>2</sup> Сборник статистических данных о землепользовании и способов хозяйства в пяти губерниях Закавказского края, Под редакцией Е. Кондратенко, Тифлис, 1899 („ССДЗСХИГЗК“), გვ. 12.

შემდეგ თანდათან მცირდებოდა გლეხთა მფლობელობაში მყოფი მიწების რაოდენობა.

1900-იანი წლების დასაწყისში გორის მაზრის 22 სოფელში (აბისი, ატენი, ახალქალაქი, აწერისხევი, ბელეთი, ბრეთი, დგვრისი, ზემო აჩაბეთი, ქვემო აჩაბეთი, ქარელი, ქვიშხეთი, მეღვრეკისი, დიდი მეჭვრისხევი, პატარა მეჭვრისხევი, მერეთი, მეტეხი, მონასტერი, რუისი, თამარაშენი, თიღვა, ტირძნისი, ერედვი) 754 დროებით-ვალდებულ კომლს (ორივე სქესის 4805 სულით) ჰქონდა 1159,99<sup>1</sup> დესეტინა საკომლო მიწა და 587,93 დესეტინა საკუთარი მიწა, ე. ი. კომლზე საშუალოდ 2,32 დესეტინა, რაც სულზე შეადგენდა 0,36 დესეტინას<sup>1</sup>.

აღნიშნული სოფლებიდან დროებითვალდებულთა შორის საკუთარი მიწები უფრო მეტი რაოდენობით ჰქონდათ შემდეგ სოფლებში: ტირძნისში — 151,27 დესეტ. 59 კომლს, თიღვაში — 120,16 დესეტ. 23 კომლს, რუისში — 38,05 დესეტ. 26 კომლს<sup>2</sup>.

იმავე 22 სოფლის 754 კომლს შორის მიწა შემდეგნაირად ნაწილდებოდა (თითოეულ კომლზე):

1 დესეტინამდე		გვირა	270 კომლს	
1—2	"	"	185	"
2—3	"	"	122	"
3—5	"	"	94	"
5—7,5	"	"	55	"
7,5—10	"	"	19	"
10—15	"	"	12	"
20—30	"	"	1	" (ეს ერთი კომლი ქარელში ყოფილა) <sup>3</sup>

აღნიშნულ კომლთა შორის ვენახი ჰქონია 581 კომლს, აქედან:

	დესეტინამდე	99 კომლს	
1/16			
1/16—1/8	"	161	"
1/8—1/4	"	165	"
1/4—1/2	"	112	"
1/2—3/4	"	28	"
3/4—1	"	11	"
1—1,5	"	3	" (ერთი კომლი ატენში, ერთი კომლი
1,5—2	"	2	" დიდ მეჭვრისხევში) <sup>4</sup>

რეფორმამ გლეხთა ეკონომიური ცხოვრების პირობები კიდევ უფრო გააუარესა. გლეხთა ეკონომიური ცხოვრებისათვის დიდი

<sup>1</sup> „СССОРЪТКГ“, გვ.436.

<sup>2</sup> იქვე.

<sup>3</sup> იქვე, გვ. 442.

<sup>4</sup> იქვე, გვ. 443.

ლახვარი იყო ჩამონაქრები, რომლებიც, როგორც დავინახეთ, გორის მაზრაში ძალზე დიდი იყო და საშუალოდ შეადგენდა გლეხის განკარგულებაში მყოფი მიწის 37%-ს, ხოლო მაზრის ბევრ სოფელში 50-სა და მეტ პროცენტსაც უღრიდა. გლეხთათვის მიწის ჩამოქრა წარმოადგენდა ისტორიულ უსამართლობას, რომელიც შემდეგ დიდხანს ხელს უშლიდა საზოგადოების განვითარებას. მეორე მხრით, მემამულეები უფრო ზრდიან გადასახადებს მიწაზე. თუ რეფორმამდე გადასახადი მოსავლის 1/5—1/10-ს და 1/20-საც კი შეადგენდა<sup>1</sup>, რეფორმის შემდეგ ის შეადგენს პურის მოსავლის 1/4-ს (ღალა) და ღვინის მოსავლის 1/4-ს (კულუხი). საკარმიდამო ნაკვეთზე კი ფულადი გადასახადი იქნა დაწესებული, დღიურზე 3 მანეთი. ე. ი. მემამულე გლეხის ზედმეტი შრომის (ზედმეტი პროდუქტის) მითვისებას ახერხებს ისე, რომ ამის სანაცვლოდ იძლევა ხშირად უფრო ცოტა მიწას, ვიდრე იძლეოდა ბატონყმობის დროს. იმის გამო, რომ მიწა კვლავ მემამულეთა საკუთრებას შეადგენდა, ყმობიდან თავისუფალი გლეხების დიდი უმრავლესობის სამუშაო დრო ძველებურად იყოფოდა აუცილებელ და ზედმეტ სამუშაო დროდ. ზედმეტ სამუშაო დროში გლეხი ჰქმნიდა პროდუქტს, რომელსაც მემამულე ითვისებდა. ეს გამოიხატებოდა მემამულის მეურნეობაში გლეხის ზედმეტი შრომით ან გლეხის მიერ საკუთარ მეურნეობაში შექმნილ და მემამულის მიერ მითვისებულ ზედმეტ პროდუქტებში.

ბევრი მემამულე ძველებურად იქცეოდა და ცდილობდა გლეხისათვის ჩვეულებრივზე კიდევ უფრო მეტის წართმევას.

გორის მაზრის სოფ. ფლავის მცხოვრები, დროებითვალდებული გლეხი სოლომონ ბიძინაშვილი უჩივის მემამულე კაკო ერისთავს — ნადელში დაწესებულზე მეტ გადასახადს მახდევინებს, ხოლო, მიუხედავად ზემდგომი დაწესებულებების მიერ არაერთგზის გაფრთხილებისა, მომრიგებელი შუამავალი ზომებს არ იღებსო. გლეხი თავის ერთ-ერთ თხოვნაში მეფისნაცვლის მთავარი სამმართველოს უფროსის სახელზე 1876 წელს წერდა: „ჩემ მიერ კავკასიის მეფისნაცვლის... სახელზე არაერთგზის შეტანილი საჩივრების მიუხედავად, — ჩემზე ზედმეტი ბეგარა-ვალდებულებათა დაკისრების გამო, — გორის მაზრის I განყოფილების მომრიგებელ შუამავალს გაეგზავნა მრავალი მიწერილობა, მაგრამ იგი ათ წელზე მეტი ხნის განმავლობაში არ ასრულებს მას“<sup>2</sup>.

<sup>1</sup> Романов Михаил Николаевич, Всеподданнейшая записка от 1.VII — 1865 г.

<sup>2</sup> საქ. ცსსა, ფონდი 220, საქმე 956, ფურც. 5, 1873—1884 წწ.



ეს საქმე გლესხა და ნაბატონარს შორის 1866 წლიდან 1884 წლამდე გრძელდებოდა.

მემამულეთა შეუზღუდავ ძალადობაზე მიუთითებს მეორე ფაქტიც. სოფ. ხიდისთავის მცხოვრები გლეხები გაბრიელ და დავით მაწონაძეები 1867 წელს უჩივიან მემამულეს, აზნაურ დიმიტრი მელვინეთუხუცესს იმის გამო, რომ ამ უკანასკნელმა უკანონოდ მიითვისა მაწონაძეების კუთვნილი ორი ვენახი. გლეხებმა წარადგინეს 1836 წ. 17 სექტემბრის ხელწერილი, რომელშიც ნათქვამი იყო: „მე გორის უეზდის აზნაური დიმიტრი კონსტანტინეს ძე მელვინეთუხუცესოვი, გაძლევთ, თქვენ ჩემს სამკვიდროთა და ერთგულთა ყმათა, ამავე უეზდსა შინა მცხოვრებელთა სოფელსა ხიდისთავსა, ნასყიდასა და თევდორე მაწონაძეთა და ძეთა თქვენთა ივანესა და გაბრიელსა დავითსა და იოსებსა ამ წერილს: რომელ რადგანცა წინაპართაცა ჩემთათვის გქონიათ თქვენ დაუშრომელი ერთგულებითი სამსახური. და აწცა ჩემზედანა ყოფთ უმეტესსა სამსახურსა; და რადგანცა (ამისათვის) ჩემს მამა პაპათა არ აუღიათ თვისსა დროებასა შინა არარამე კუთვნილთა თქვენდამი ორთა ვენახთა ზედა კულუხნი და მეცა არა ძალმიცს თქვენის ერთგულების გამო არა აღმოგიკვეთთ იგი აღმოკვეთილი კულუხნი და მომავალთაცა ჩემთაგან არა გეთხოვებოდეთ თქვენ ზემო აღნიშნულთა ვენახებთა ზედან კულუხნი. რომლისათვისაც ჩემს საკუთარ ხელს ვაწერ აზნაური დიმიტრი კონსტანტინეს ძე მელვინეთუხუცესოვი. ამ წერილის დამწერი და მოწამეცა ვარ გრიგოლ კარიჭაშვილი. ამ წერილის თანახმა ვარ ნინა კონსტანტინეს ასული მამაცოვისა“<sup>1</sup>.

საგლეხო საქმეთა საგუბერნიო საკრებულომ გამოიტანა დადგენილება. რომლითაც ვენახები მემამულეს დაუტოვა, სცნო, რომ საბუთი ნასყიდობის შესახებ, რომელიც გაცემული იყო დიმიტრი მელვინეთუხუცესის ხელმოწერით, შედგენილი იყო მემამულის მცირეწლოვანობისას. ამგვარად, მემამულურმა საკრებულომ სრულიად უარყო მელვინეთუხუცესის მიერ გაცემულ ხელწერილში ნათქვამი: „კუთვნილთა თქვენდამი ორთა ვენახთა ზედა კულუხნი... არა გეთხოვებოდეთო“ და არა თუ კულუხნი, არამედ ვენახები გლეხებს წაართვა და მემამულეს მისცა. შემდეგ გამოიჩვენა, რომ მემამულე მელვინეთუხუცესი და თვით მომრიგებელი შუამავალიც გლეხებთან ურთიერთობაში ფიზიკური ძალის გამოყენებასაც მიმართავ-

<sup>1</sup> საქ. ცსსა, ფონდი 220, საქმე 79, ფურც. 43, 1868—1875 წწ. (ნინო მამაცაშვილისა დიმიტრი მელვინეთუხუცესის და იყო).

დნენ. „რაც შეეხება მემამულის მიერ მომჩივანის შევიწროვებას, ასევე მომრიგებელი შუამავლის თავად ციციშვილის მიერ მის ცემას, გამოთხოვილ იქნა ახსნა-განმარტება მომრიგებელი შუამავლისაგან. ამ უკანასკნელმა წარმოადგინა მოწმეებისა და თვითონ მაწონაძის მიერ ხელმოწერილი აქტი, საიდანაც ჩანს, რომ მომჩივანმა პრეტენზიებზე ხელი აიღო. მას განუმარტავს, რომ ეს პრეტენზიები ჩართულია მის თხოვნაში თხოვნის შემდგენელის მიერ, მისდა დაუკითხავად“. ასე იყო ნათქვამი საკრებულოს მიერ მეფისნაცვლის მთავარი სამმართველოს უფროსის სახელზე გაგზავნილ წერილში<sup>1</sup>.

ფეოდალური რენტის ყველა ფორმა (შრომაშიგებითი, პროდუქტებით, ფულადი) საკვლევე ხანის მთელ მანძილზე გვხვდება გორის მაზრის სოფელში. ამასთან თანდათან იზრდება ფულადი რენტის როლი. შეძლებული გლეხები მემამულეებს უმთავრესად ფულად რენტაზე ურიგდებოდნენ, ღარიბები და საშუალო გლეხები კი უმთავრესად შრომაშიგებასა და პროდუქტებით (მოსავლის ნაწილი) რენტას მიმართავდნენ.

დროებით-სავალდებულო დამოკიდებულება გორის მაზრაში ისე, როგორც მთელ აღმოსავლეთ საქართველოში, ფაქტიურად მუდმივ სავალდებულო დამოკიდებულებად იქცა. დროებით-ვალდებულება წარმოადგენდა ბატონყმობის ძლიერ ნაშთს. დროებით-ვალდებულ გლეხთა ინსტიტუტი დიდხანს არსებობდა; რუსეთში იგი გაუქმებულ იქნა 1881 წლის 28 დეკემბრის კანონით. ამ კანონით დროებით-სავალდებულო ურთიერთობა წყდებოდა 1883 წლის 1 იანვრიდან. ამიერკავკასიას კი ეს კანონი არ შეეხებია და ამიტომ დროებით-ვალდებულთა კატეგორია აქ ხელუხლებლად დარჩა.

შემდგომისათვის, როგორც ფირალოვი აღნიშნავს, ამიერკავკასიისათვის ასეთი დროებითი მდგომარეობა მუდმივი გახდა, ამას კი... „დემორალიზაცია შეჰქონდა გლეხებსა და მემამულეებში, იწვევდა მათ გაბოროტებას ერთმანეთის მიმართ და საქმე მიჰყავდა დაესა, ჩხუბსა და მკვლევლობათა ჩადენამდე“<sup>2</sup>.

დროებით-სავალდებულო დამოკიდებულება ხელს უშლიდა სოფლის მეურნეობის განვითარებას. გლეხისათვის უაღრესად შეზღუდული იყო საკუთარ მიწაზე მეურნეობის ჭოწყობის პირობები. ჯერ ერთი, გლეხს მემამულისაგან მიწის გამოსყიდვა შეეძლო მხოლოდ მემამულის ნებართვით (ამასთან მიწის გამოსასყიდი ფული-

<sup>1</sup> საქ. ცსსა. ფონდი 220, საქმე 79, ფურც. 5—6, 1868—1875 წწ.

<sup>2</sup> А. С. Пиралов, Аграрный вопрос и крестьянские беспорядки в Закавказье, 1905, გვ. 13.

გლეხს ყოველთვის არ გააჩნდა), მეორეც, მემამულის მიწის დამუშავებისას გლეხი არ ცდილობდა შეექმნა ინტენსიური მეურნეობა და, მესამეც, მიწის ხარისხის გაუმჯობესების შემთხვევაში მემამულე იმავე გლეხს იმავე ნაკვეთს უფრო ძვირად მიჰყიდოდა. არავითარი ყურადღება არ ექცეოდა მიწის რაციონალურ დამუშავებას. ორივე მხარე ცდილობდა მიწისაგან რაც შეიძლება მეტი მიეღო. მიწით ასეთი სარგებლობის დროს არ ხდებოდა მიწის განოციერება და მიწათმოქმედება ატარებდა „მტაცებლურ“ ხასიათს. ამის შედეგად მიწა იფიტებოდა და თანდათან ნაკლებ მოსავალს იძლეოდა.

კავკასიის მთავარმართებელი გოლიცინი იძულებული იყო ელი-არებინა, რომ „გლეხებისა და (დანარჩენ) სოფელთა სავალდებულო ურთიერთობა მიწათმოქმედებელთა მიმართ უარყოფით მოვლენას წარმოადგენდა და ამ ურთიერთობას ბოლო უნდა მოღებოდა, როგორც ბატონყმობის გადმონაშთს“<sup>1</sup>. უფრო გვიან, მეფისნაცვალ ვორონცოვ-დაშკოვი მივიდა იმ დასკვნამდე, რომ დროებით-სავალდებულო დამოკიდებულება შენდგომში არ შეიძლება მოვითმინოთ<sup>2</sup>.

1912 წლის 20 დეკემბრისა და 1913 წლის 7 ივლისის კანონებით გაუქმდა დროებითვალდებულ გლეხთა ინსტიტუტი, გლეხები გადაყვანილ იქნენ საკომლო გიწების სავალდებულო გამოსყიდვაზე. მიუხედავად ამისა, დროებით-სავალდებულო დამოკიდებულება და მასთან დაკავშირებული გადასახადები მაინც დარჩა თვით 1917 წლის რევოლუციამდე<sup>3</sup>.

1912 და 1913 წლების კანონების მიუხედავად გლეხთა დროებითვალდებულებისაგან განთავისუფლების პროცესი ნელა მიმდინარეობდა მანამდე, სანამ გლეხური მასების დაწოლის შედეგად 1917 წლის 7 ივნისს ამიერკავკასიის განსაკუთრებულმა კომიტეტმა არ მიიღო დადგენილება გამოსასყიდი გადასახადების გაუქმების შესახებ.

თუ რამდენად მძიმე ეკონომიურ მდგომარეობაში იმყოფებოდა დროებითვალდებულებული გლეხობა, ნათლად ჩანს დ. ყიფიანის სიტყვებიდან: ყმა გლეხები ხიზნებად რომ დარჩენილიყვნენ, თავის ბედს

<sup>1</sup> ციტირებულია წიგნიდან „Великая годовщина“, Ореста Семюна, 1911, გვ. 53.

<sup>2</sup> В о р о н ц о в - Д а ш к о в, Всеобщая записка, 1907, გვ. 24.

<sup>3</sup> ვ. ბ ა ბ ი ლ ა ძ ე, აგრარული ურთიერთობა საქართველოში XIX საუკ. II ნახევარში, ბათუმის სახელმწიფო პედაგოგიური ინსტიტუტის შრომები, I, 1950, გვ. 30.

დალოცავდნენო<sup>1</sup>. რასაკვირველია, მხედველობაშია მისაღები ის გარემოება, რომ დროებითვალდებულებული გლეხები უფრო მეტად იყვნენ დაბეგრული სხვადასხვა სახის ბეგარა-გადასახადებით, ვიდრე, მაგალითად, სახელმწიფო გლეხები.

### ბ) სახელმწიფო გლეხები

1877 წელს გაზეთი „ივერია“ მიუთითებდა, რომ თბილისის გუბერნიაში ნაყმევებს გარდა ცხოვრობენ საეკლესიო გლეხები, რომლებიც ახლა სახასოდ არიან შერიცხულნი, „და სახასო გლეხნი, რომელთაც როგორც ვენახები, ისე სახნავ-სათიბი მიწები უფრო უხვადა და ბლომად აქვთ“<sup>2</sup>.

სახელმწიფო გლეხთა კატეგორიაში ყოფნა უფრო სახარბიელო ყოფილა იმითაც, რომ ამ კატეგორიის გლეხის გაყიდვა ან გაჩუქება არ შეიძლებოდა. სოფ. ხიდისთავის მცხოვრები გადამდგარი პორუჩიკი ლუკა სიმონის ძე მელვინეთუხუცესი თავის ანდერძში 1847 წელს აღნიშნავდა: გლეხი დავით და პეტრე ფარემუზაშვილის ოჯახი (ერთი კომლი 13 სულით) ჩემი და ჩემი ცოლის გარდაცვალების შემდეგ სახაზინო უწყებაში გადავიდესო. ანდერძში ნათქვამია: „ორთავე ჩვენი გარდაცვალების შემდეგ ისინი მთელი თავისი უძრავი და მოძრავი მამულ-დედუღითა და ქონებით უნდა შევიდნენ სახაზინო უწყებაში“<sup>3</sup>. შემდეგ აღნიშნულია, რომ: „ეს გლეხი თავისი ოჯახით არავის არ უნდა მიჰყიდონ, არ დააგირაონ და არც გააჩუქონ; — ხოლო ჩვენი სიკვდილის შემდეგ თუ ვინმე განიზრახავს ან გაბედავს მათ ყმად მითვისებას, მაშინ ეს ანდერძი მათ უნდა წარადგინონ პოლიციის უახლოეს საუფროსოში, რომელიც ვალდებულია გამოესარჩლოს მათ, როგორც სახაზინო გლეხებს“<sup>4</sup>.

ასე იყო რეფორმამდე. რეფორმის შემდეგაც სახელმწიფო გლეხები დროებითვალდებულ გლეხებთან შედარებით უფრო ძლიერ ეკონომიურ კატეგორიას წარმოადგენდნენ.

გორის მაზრაში სახელმწიფო გლეხთა აბსოლუტური უმრავლესობა სახაზინო მიწებზე ცხოვრობდა. სახაზინო გლეხები თბილისის გუბერნიის 941 სოფელში იყვნენ გაფანტულნი. მათგან გორის მაზ-

<sup>1</sup> Д. К и п а н и, Хивинский вопрос, Журн. „Юридическое обозрение“, № 165, 1884, გვ. 99.

<sup>2</sup> უფრ. „ივერია“ № 1, 1877, გვ. 4.

<sup>3</sup> საქ. ცსსა, ფონდი 255, საქმე 2361, ფურც. 1, 1847 წ.

<sup>4</sup> იქვე, ფურც. 1—2.

რაზე 123 სოფელი მოდიოდა<sup>1</sup>. 123 სოფლიდან ქართველებით დასახლებული იყო 76; ოსებით — 23, სომხებით — 2, რუსებით — 3, სხვადასხვა ეროვნების ხალხით — 19.

თბილისის გუბერნიის სახელმწიფო გლეხობა შედგენილი იყო ყოფილ საეკლესიო და სამეფო გლეხთაგან, რუსეთიდან გადმოსახლებული გლეხებისა და იმ ჯარისკაცთაგან, რომლებიც აქ რჩებოდნენ საცხოვრებლად, აგრეთვე გერმანული კოლონისტებისა და თურქეთიდან გადმოსახლებულთაგან. ამ რიცხვს ემატებოდა, აგრეთვე, რუსეთის საწინააღმდეგო მოძრაობის მონაწილე თავადაზნაურთაგან ჩამორთმეული გლეხები. სახელმწიფო გლეხთა რიცხვი იზრდებოდა არა მარტო ბუნებრივი გამრავლების შედეგად, არაჲლ, აგრეთვე, სხვა კატეგორიებიდან ამ კატეგორიაში გადასვლის საშუალებით.

გორის მაზრაში 1873 წლის კამერალური აღწერის მიხედვით სახელმწიფო გლეხთა 3718 კომლი იყო. მათგან ქართველები — 2358 კომლი, სომხები — 564, ოსები — 686, ებრაელები — 50, ბერძნები — 36, რუსები — 24. 1884—1885 წლებში ქართველები შეადგენდნენ 2926 კომლს, სომხები — 688, ოსები — 486, ებრაელები — 58, ბერძნები — 24, რუსები — 25, სულ 4207 კომლი<sup>2</sup>.

ეს 4207 კომლი უბნების მიხედვით შემდეგნაირად ნაწილდებოდა:

ბორჯომის უბანში ცხოვრობდა 192 კომლი, მეჯვრისხევისაში — 920, სურამისაში — 985, ხიდისთავისაში — 1091, ცხინვალისაში — 898, ხოლო დანარჩენი ქალაქ გორში<sup>3</sup>.

1897 წლისათვის მაზრაში სახელმწიფო გლეხების კომლთა რიცხვი 5044 კომლამდე გაზრდილა<sup>4</sup>. მთიან ზონაში იყო სახელმწიფო გლეხთა 19 სოფელი (ბაკურიანი, ბაღაანი, ბორჯომი, გერი. გომანი, ჯომლა, დაბა, ზღუდერი, კიბასი, ყლარსი, კობი, დიდი მიტარბი, კვრივი, საზელეთი, სბა, თორი, ხოჯა, ციხიჯვარი, შუა ერმანი) ამ სოფლებში ცხოვრობდა სახელმწიფო გლეხთა 379 კომლი.

მთისძირა ზონაში იყო 15 სოფელი (ახალდაბა, ანძისი, ბერიჯვარი, ვარდგინეთი, ღრომი, გორიჯვარი, კიტრიული, კორკულა, კორტანეთი, მარალეთი, მიფარეთი, ორტევი, ქუპიანი, კობისხევი,

<sup>1</sup> „М.ДИЭБГКЗК“, т. VI, 1887, გვ. 145.

<sup>2</sup> Свод. материалов по изучению экономического быта государственных крестьян Закавказского края („СМПИЭБГКЗК“), Тифлис, 1887, т. II, გვ. 152  
<sup>3</sup> „СС.ДЗСХИГЗК“, გვ. 24—36.

<sup>4</sup> საქ. ცსსა, ფონდი 48, საქმე 2258, ფურც. 250, 1898 წ.

შელეური) 277 კომლით<sup>1</sup>. დანარჩენი 89 სოფელი ბარად იყო განლაგებული.

მაზრის სახელმწიფო გლეხთა 4207 კომლს ექირა: საკარმიდამო ნაკვეთების სახით 414,26 დესეტინა, ბალ-ვენახები — 784,41 დესეტ., სახნავი — 15410,53 დესეტინა (სარწყავი — 6474,17 დესეტ., ურწყავი — 8936,36 დესეტ.), სათიბი — 510,99 დესეტ., საძოვრები — 4594,18 დესეტ., სულ 21729,82 დესეტინა.

თითოეულ კომლზე მოდიოდა ყველა სახის მიწა — 5,17 დესეტ. აქედან ბალ-ვენახი — 0,19 დესეტ., სახნავ-სათესი — 3,66 დესეტინა.

სახელმწიფო გლეხთა მიწით უზრუნველყოფა უბნების მიხედვით განსხვავებული იყო:

კომლზე მოდიოდა	ბალ-ვენახი	სახნავ-სათესი	ყველა სახის სახმარი მიწა
ბორჯომის უბანში	0,04 დესეტ.	2,19 დესეტ.	2,96 დესეტ.
მეჯვრისხევის "	0,15 "	5,35 "	7,81 "
სურამის "	0,13 "	2,55 "	3,11 "
ხიდისთავის "	0,35 "	3,62 "	5,03 "
ცხინვალის "	0,13 "	3,25 "	4,21 "

როგორც ამ მაჩვენებლებიდან ჩანს, ბალ-ვენახები ყველაზე მეტი ჰქონდათ ხიდისთავის უბანში (კომლზე 0,35 დესეტ.), ყველაზე ნაკლები ბორჯომის უბანში (კომლზე 0,04 დესეტ.). ბორჯომის უბანში ვენახების სიმცირე აიხსნება კლიმატური პირობებითაც (უბანი ძირითადად მთიანი ზონაა). სახნავ-სათესით უფრო უზრუნველყოფილი არიან მეჯვრისხევის უბანში (კომლზე — 5,35 დესეტ.), უფრო ნაკლები მიწები აქვთ ბორჯომის უბანში (კომლზე 2,19 დესეტ.). სახელდობრ, მეჯვრისხევზე 2—3-ჯერ ნაკლები.

მიწით უზრუნველყოფაში განსხვავება არსებობდა არა მარტო უბანთა და სოფელთა შორის, არამედ კომლთა შორისაც. ამასთან ეს განსხვავება უფრო დიდი და უფრო არსებითი იყო. გლეხთა გარკვეული რაოდენობა სრულიად უმიწაწყლო იყო. მთიანი ზონის 19 სოფელში, სადაც სახელმწიფო გლეხთა 2850 სული მამაკაცი და ქალი ცხოვრობდა, იმათგან უმიწაწყლო გლეხობა შეადგენდა 185 სულს, მათ შორის 104 მამაკაცსა და 81 ქალს<sup>2</sup>. მთისძირა 15 სოფლის 2178 სულიდან უმიწაწყლო იყო 86 სული (50 მამაკაცი და 36

<sup>1</sup> „МДИЭБГКЭК“, т. VI, გვ. 266—271.

<sup>2</sup> „СМПИЭБГКЭК“, т. IV, გვ. 324.

<sup>3</sup> „МДИЭБГКЭК“, т. VI, გვ. 266—269.

ქალი)<sup>1</sup>. საერთოდ კი მთელს მაზრაში 26724 სულიდან უმეწაწყლოდ დარჩენილი იყო 1802 სული<sup>2</sup>. როგორც ჩანს, სახელმწიფო გლეხოზის 6,7% უკვე 80-იან წლებში სრულიად უმეწაწყლოა. ესენი ქართლის სოფელში ცნობილი იყვნენ ბოგანოთა სახელით.

XIX საუკ. 80-იან წლებში სახელმწიფო გლეხებს ექირათ 21729,82 დესეტ. მიწა. ამ რაოდენობაში შედიოდა: სახაზინო მიწა — 20424,53 დესეტ., საკუთარი — 961,53 დესეტ., საერთო თავდაზნაურობასთან — 343,65 დესეტინა.

ეს მიწები შემდეგნაირად იყო დანაწილებული:

	სახაზინო მიწა	საკუთარი მიწა	საერთო თავდაზნაურობასთან
საკარმიდამო	405,80 დეს.	8,46 დესეტ.	—
ბალ-ვენახები	705,58 "	78,83 "	—
ტყე	15,45 "	—	—
სახნავი { სარწყავი	5869,07 "	605,10 "	21,80 დეს.
ურწყავი	8645,31 "	269,25 "	
სათიბი	510,99 "	—	—
საძოვარი	4272,33 "	—	321,85 "

სულ 20424,53 " 961,64 " 343,65<sup>3</sup>

როგორც ვხედავთ, სახელმწიფო გლეხები 80-იან წლებში ძირითადად სახაზინო მიწებზე ცხოვრობდნენ, საკუთარი მიწა მცირე ჰქონდათ (სახაზინო — 94%, თავდაზნაურობასთან საერთო — 1,58%. საკუთარი — 4,42%).

ცნობილია, რომ გორის მაზრა სამ ეკონომიურ რაიონად იყოფოდა: I—მთიან ზონად, II—მთისძირა ზონად და III—ბარად.

სახაზინო მიწები ამ რაიონთა შორის შემდეგნაირად ნაწილდებოდა:

ცხრილი 2

გორის მაზრის სახაზინო გლეხთა სახმარი მიწით უზრუნველყოფა ეკონომიური ზონების მიხედვით

	I რაიონი (მთიანი ზონა)	II რაიონი (მთისძირა ზონა)	III რაიონი (ბარი)	სულ
სახნავ-სარწყავი	—	30.00 დეს.	6444,17 დეს.	6474,17 დეს.
სათესი-ურწყავი	893,47 დეს.	815,73 "	7227,16 "	8936,36 "
დანარჩენი	1300,01 "	463,44 "	4555,84 "	6319,29 "
ყველა სახის მიწა	2193,48 "	1309,17 "	18227,17 "	21729,82 "

<sup>1</sup> „მ.ი.მ.ბ.გ.კ.კ.“, ტ. VI, გვ. 268—271.

<sup>2</sup> იქვე, გვ. 254—265.

<sup>3</sup> იქვე, გვ. 151.

## ყველა სახის მიწა მოდიოდა:

	კომლზე	სულზე
I რაიონში —	5,79 დეს.	0,77 დეს.
II რაიონში —	4,72 "	0,60 "
III რაიონში —	5,13 "	0,84 "

სახელმწიფო გლეხთა 123 სოფლიდან მთლიანი ნაკვეთები ჰქონდა 36 სოფელს, დანარჩენი 87 სოფლის მიწები დაქსაქსული იყო მემამულეთა მიწებთან ერთად<sup>2</sup>.

სახელმწიფო მიწების ასეთ დაქსაქსულობას გორის მაზრის სახაზინო გლეხთა მდგომარეობის შემსწავლელნი (მაგალითად, ს. მაჩაბელი) ხსნიდნენ იმით, რომ სახაზინო მიწების დიდი ნაწილი წარმოდგებოდა ოდესღაც მემამულეთა მიერ ეკლესიისათვის შეწირული მიწის ნაკვეთებისაგან. შემდეგში, როგორც ცნობილია, საეკლესიო მიწა და საეკლესიო გლეხები ხაზინის გამგებლობაში გადავიდნენ. მიწების ასეთი დაქსაქსულობა გლეხურ მეურნეობაზე ცუდ გავლენას ახდენდა, რამდენადაც იგი ხელს უწყობდა მემამულეთადმი დამოკიდებული მდგომარეობის გახანგრძლივებას.

ისევე, როგორც ყოველ ადგილას, სადაც კი მიწაზე კერძო საკუთრება ბატონობს, გორის მაზრაშიც იმ დროს მიწის საკითხებზე გაუთავებელი დავა წარმოებდა. სადავოს წარმოადგენდა 2040 ნაკვეთი 10929,50 დესეტინა ფართობით. მიწის გამო ერთმანეთს ედავებოდნენ სახაზინო გლეხები, ხაზინა, მემამულეები და სხვ. არეულობა სუფევდა მიწის აღწერებში. გლეხის მიერ მემამულისაგან შეძენილი მიწა ზოგჯერ სახაზინოდ იყო ჩაწერილი. ასე იყო, მაგალითად, შემდეგ სოფლებში: ერგნეთში, კულბითში, ფხვენისში, ტირძნისში და სხვ. ზოგჯერ მთავრობის ორგანოები იძულებული იყვნენ ეცნოთ გლეხის უფლება შეძენილ მიწაზე. ასე იყო სოფელ ფხვენისში, სადაც 33 კომლიდან 7 კომლი გადაყვანილ იქნა კერძო წესაკუთრეთა კატეგორიაში 1885 წელს<sup>3</sup>.

სადავო მიწები სახაზინო გლეხებსა და ხაზინას შორის შეადგენდა 645,60 დესეტინას. ხაზინასა და მემამულეებს შორის სადავო იყო 628 დესეტინა.

სახაზინო მიწის ის რაოდენობა, რასაც გლეხი ამუშავებდა, ჩვეულებრივად, დამოკიდებული იყო გლეხის განკარგულებაში მყოფ ნიშა პირუტყვის (გამწევი ძალა) რაოდენობაზე. გუთნის შებმა

<sup>1</sup> „МДИЭБГКЗК“, т. VI, გვ. 205—206.

<sup>2</sup> „СМПИЭБГКЗК“, т. II, გვ. 273.

<sup>3</sup> „МДИЭБГКЗК“, т. VI, გვ. 163.



ცალკეულ კომლს იშვიათად თუ შეეძლო. უმეტესად, რამდენიმე ოჯახი ერთ გუთანს აბამდა („გადაბმით ხნავდა“).

სახელმწიფო გლეხთა სარგებლობაში მყოფი მიწები ორ მთავარ ჯგუფად იყოფოდა: 1. ვარგისი მიწები, რომლებიც ცალკეულ კომლთა მიერ იყო დაჩემებული („ნაფუძარი“, ან „საბლის მიწები“) და 2. დანარჩენი ვარგისი მიწები („სასოფლო“ „სახასო“, „სათუმო“)<sup>1</sup>. „ნაფუძარი“ ანუ „საბლის მიწების“ ყიდვა-გაყიდვა თავისუფლად შეიძლებოდა, მიუხედავად იმისა, რომ ისიც სახელმწიფო მიწების ფონდში შედიოდა. ღირსებით ეს მიწები გაცილებით უკეთესი იყო და მემკვიდრეობით გადადიოდა.

რეფორმას არცკი უცდია ქართლში სახელმწიფო გლეხთა მიწათმოწყობა ახლებურად. მან დროს მიანდო მასში ცვლილებების შეტანა. რუსეთის გუბერნიებში 1861 წლის კანონით სახელმწიფო გლეხებს სახაზინო მიწა კერძო მფლობელობაში გადაეცა. ეს კანონი თბილისის გუბერნიაზე არ გავრცელებულა და აქაური სახელმწიფო გლეხები 1917 წლამდე ძველებურ ურთიერთობაში რჩებოდნენ. სახაზინო გლეხებს რეფორმით მიწა არ მიუღიათ, ისინი კაბალურ მდგომარეობაში რჩებოდნენ და დროებითვალდებული გლეხებისაგან იმით განსხვავდებოდნენ, რომ გადასახადებს უხდიდნენ არა მემამულეებს, არამედ ხაზინას.

მიუხედავად ბატონყმური ურთიერთობის ძლიერი ნაშთებისა, სახაზინო გლეხები მაინც იძენდნენ მიწებს კერძო საკუთრებაში. 900-იან წლებში მაზრის 12 სოფელში (ატენი, ახალქალაქი, ბაკურიანი, დგვრისი, ზემო აჩაბეთი, ქვემო აჩაბეთი, ქვიშხეთი, მეტეხი, რუისი, თამარაშენი, ტირძნისი, ჩუმათელეთი) 383 სახაზინო კომლს (2 536 სული) ჰქონდა სახაზინო მიწა 619,01 დესეტინა და საკუთარი მიწა 201,96 დესეტინა. სოფ. რუისის 98 სახაზინო კომლს ჰქონდა 119,30 დესეტინა საკუთარი მიწა, სოფელ მეტეხის 125 კომლს 33,94 დესეტინა<sup>2</sup>; ეს მიუთითებს იმაზე, რომ მესაკუთრე გლეხთა გამოყოფა სახელმწიფო გლეხთაგან სხვადასხვა სოფელში განსხვავებული ზომით წარმოებდა.

აღნიშნული 12 სოფლის 383 კომლს მიწა არათანაბრად უნაწილდება. ყველა სახის მიწა ექირათ (თითოეულ კომლზე):

<sup>1</sup> ი. ჭავჭავაძე, ტ. VIII, გვ. 207—210; პ. გუგუშვილი, თემური მიწათმფლობელობა ამიერკავკასიაში, გეონომიკის ინსტიტუტის შრომები, ტ. I, 1946, გვ. 13.

<sup>2</sup> „СССР43ТКГ“, გვ. 440—441.

0-1 დესეტინამდე	133	კომლს
1-2	101	"
2-3	71	"
3-5	48	"
5-7,5	22	"
7,5-10	5	"
10-15	3	"

ვენახები ჰქონდათ:

1/16 დესეტინამდე	50	კომლს
1/16-1/8	93	"
1/8-1/4	95	"
1/4-1/2	66	"
1/2-3/4	17	"
3/4-1	7	"

ვენახები ჰქონია სულ 328 კომლს. აქედან ნახევარი დესეტინა და უფრო მეტი აქვს 24 კომლს. თუ გავითვალისწინებთ იმ გარემოებას, რომ ვენახი მეტად შრომატევადი კულტურაა და საკმაო შემოსავალსაც იძლევა სხვა კულტურებთან შედარებით, მაშინ შეიძლება ითქვას, რომ გლეხთა ეს ნაწილი შედარებით შეძლებულ ფენას წარმოადგენდა, გლეხთა უმრავლესობას კი (301 კომლი) ვენახების მციირე ნაკვეთები (1/16—1/2 დესეტინამდე თითოეულ კომლს) ჰქონდა!

### გ) ხ ი ზ ნ ე ბ ი

ხიზნობა საქართველოში რუსეთთან შეერთებამდე დიდი ხნით ადრე არსებობდა. პირველი საბუთი, რომელშიც ხიზანი მოხსენებულია, როგორც გარკვეული გლეხური კატეგორიის წარმომადგენელი, ეკუთვნის 1552 წელს<sup>1</sup>. ხიზანთა კატეგორია მოხსენებულია ვახტანგ VI კანონებშიც. სულხან-საბას განმარტებით ხიზანი არის ლტოლვილი („ხიზნა მტერთა და სენთ დარიდება“)<sup>2</sup>.

ხიზნისა და მემამულის ურთიერთობის საფუძველი მიწა იყო, ხიზნებად, უმთავრესად, მცირემიწიანი ან სრულიად უმიწო გლეხები ხდებოდნენ.

საქართველოში ხიზნობა ყველაზე მეტად გორის მაზრაში იყო გავრცელებული. აქ ბევრი საბატონო გლეხი, მათ სარგებლობაში მყოფი მიწის დიდი სიმცირის ან უმიწობის გამო, საცხოვრებლად გადადიოდა სხვა მემამულესთან, რომელსაც მიწით სარგებლობისა-

<sup>1</sup> „СССР43ТК1“, გვ. 440—441.

<sup>2</sup> ვ. გუჩუა, ხიზნობა და ხიზანთა საკითხი საქართველოში, თბილისი, 1954 (Автореферат диссертации).

<sup>3</sup> სულხან-საბა ორბელიანი, სიტყვის კონა, 1949, გვ. 904.

თვის უხდოდა გადასახადს (ამასთან ის ვალდებული იყო გადაეხადა გადასახადი იმისათვისაც, ვის ყმასაც იგი წარმოადგენდა). ხიზნები პარტო მემამულეებს არ ჰყავდათ, „ისინი ჰყავდათ როგორც კერძო მფლობელთ, ისე ეკლესიას და ხაზინას“<sup>1</sup>.

ხიზნის მდგომარეობის გათვალისწინების დროს თვალში გვეცემა მისი პირადი უფლებები. მემამულეს არ შეეძლო ხიზნის ყიდვა-გაყიდვა ან გაჩუქება. მაგრამ თუ ხიზანი ე. წ. „თავისუფალი“ თემიდან მოვიდოდა, იგი ხიზნის ხელშეუხებლობით სარგებლობდა მხოლოდ პირველ 30 წელიწადს, შემდეგ კი ის და მისი შთამომავლობა ყმის მდგომარეობაში გადადიოდა. ჩვეულებრივ, ხიზანი, როგორც უმიწო, ან მცირემიწიანი ყმა გლეხი (საბატონო, საეკლესიო ან სახელმწიფო), გლეხთა ერთი ჯგუფიდან მეორე ჯგუფში გადადიოდა ისე, რომ ბატონყმური ურთიერთობიდან მას გამოსვლა მაინც არ შეეძლო.

როგორც უკვე ვთქვით, ხიზანი შეიძლება ყოფილიყო მოსულერელემენტი, ე. ი. არა ყმა გლეხი. ისინი ურთიერთობას ამყარებდნენ მიწისმფლობელთან. ეს ურთიერთობა მიწისა და სანუშაო ძალის შეერთების საჭიროებაზე იყო დამყარებული. ილ. ჭავჭავაძის მოხდენილი თქმით, „იმგვარი მფლობელობა და ხმარება მიწისა, რომელსაც ხიზნობა ჰქვია, წარმოსდგა ერთის მხრივ იქიდან, რომ მიწას ხელი არ ჰყვანდა საკეთებლად, და მეორეს მხრით — ხელს მიწა არ ჰქონდა“<sup>2</sup>. ეს ურთიერთობა ჩვეულებას ემყარებოდა, რომლის მიხედვითაც მიწისმფლობელს ხიზნის პიროვნებაზე ხელი არ მიუწვედებოდა, თუმცა მფლობელს უფლება ჰქონდა თავისი მიწიდან ხიზანი აეყარა. 1865—1866 წლებში თავადი გივი ამილახვარი თხოულობს, რომ სოფ. რენეს გლეხები, რომელნიც ამილახვარის გამგებლობაში გადავიდნენ, როგორც მისი ცოლის მზითვეში მოყოლილნი, ჩაითვალოს ხიზნებად, ე. ი. რომ შესაძლებელი ყოფილიყო მათი მიწიდან აყრა. გლეხები ამტკიცებდნენ, რომ ისინი ხიზნები არ იყვნენ და ისევე იხდიდნენ ყოველგვარ ვალდებულება-გადასახადებს, როგორც ყველა სხვა გლეხი<sup>3</sup>. ამ საბუთიდან ღანს, რომ ქართლის თავადაზნაურობა ხიზნებს ჩვეულებრივ მოიჯარადრებდად სთვლიდა, იგივე საბუთი მიუთითებს ხიზანთა მდგომარეობის დიდ მერყეობაზეც.

<sup>1</sup> აღ. ასათიანი, მიწის საკითხი საქართველოში, 1919, გვ. 26.

<sup>2</sup> ი. ჭავჭავაძე, ტ. VIII, გვ. 173.

<sup>3</sup> საქ. ცსსა, ფონდი 220, საქმე 881, 1866 წ.

ფ. მახარაძე შემდეგნაირად განსაზღვრავს ხიზნების წარმოშობას: „ხიზნების სათავე ბატონყმურ ურთიერთობაში უნდა ვეძიოთ. როცა მებატონე უზომოთ აწუხებდა ყმას, ეს უკანასკნელი გარბოდა და ეხიზნებოდა სხვა მემამულეს მიწაზე უფრო შეღავათიან პირობებით“<sup>1</sup>. ფ. მახარაძე ხიზნების წარმოშობას ხედავს გარე-ეკონომიურ ძალაში („მებატონის მიერ ყმის შეწუხება“). თავადი თუმანიშვილი კი შემდეგი აზრისაა:

„...ხიზანი არის თავისუფალი ადამიანი ან სახელმწიფო, ან მემამულის, ან საეკლესიო გლეხი, რომელიც მცირემიწიანობის, შიმშილისა და სხვა უბედურებათა ან რაიმე შემთხვევითი გარემოების გამო იძულებული გახდა გადახვეწილიყო თავისი მუდმივი საცხოვრებელი ადგილიდან და მემამულესთან, სახელმწიფო ან კერძო დაწესებულებაში თავშესაფარი ეპოვნა. ხიზანი ან რჩება ძველ მემამულესთან ბატონყმურ დამოკიდებულებაში, ან არ რჩება“<sup>2</sup>.

თუმანიშვილის ამ განმარტებაში აშკარად შეიმჩნევა კლასობრივი ბრძოლის მნიშვნელობის შეუფასებლობა და ხიზნობის წარმოშობის მხოლოდ წმინდა ეკონომიური მიზეზებით ახსნა.

მფლობელობის ხიზნური ინსტიტუტი მხოლოდ საქართველოში არ გვხვდება. მსგავსი მფლობელობა განვითარების სხვადასხვა საფეხურზე სხვა ქვეყნებშიც არსებობდა. ი. ჭავჭავაძე ამის შესახებ ამბობდა: „რუსეთის ჩინში, გერმანიის ერბრახტი, ინგლისის ოლსტერის ჩვეულება, პორტუგალიის აფორამენტო და ყველა ამ გვარნი მფლობელობანი სხვისა მიწისა, ერთს ნერგუნედ ამოსულნი და ერთისა და იმავე ბუნებისანი არიან“<sup>3</sup>. ილია ამათ ხიზნობის მაგვარ ინსტიტუტებად თვლის. ხიზნური ინსტიტუტის უმაღლეს ფორმად ილიას პოლანდიური ბეკლემრეხტი მიაჩნია: ღალა ანუ იჯარა მუდმივია, ბეკლემრეხტის შეუძლია მიწა გაჰყიდოს, გააქირავოს ან ანდერძით აჩუქოს<sup>4</sup>.

მეფისნაცვალი ვორონცოვ-დაშკოვი თვლიდა, რომ ხიზნობა ყველაზე მეტად ჩინშს უახლოვდებოდა<sup>5</sup>. კოფოდის აზრით, „Жизаны —

<sup>1</sup> ფ. მახარაძე, თხზ., ტ. II, გვ. 73.

<sup>2</sup> Г. Гуманов, Земельные вопросы и преступность на Кавказе, 1900, გვ. 37.

<sup>3</sup> ილ. ჭავჭავაძე, ტ. VIII, გვ. 171.

<sup>4</sup> იქვე, გვ. 168.

<sup>5</sup> Воронцов-Дашков, Всеподавнейшая записка по управлению Закавказским краем, 1907, გვ. 37.

под чиншсвигов“.<sup>1</sup> „ჩინშევიკი“ პირადად თავისუფალი იყო. მის მოვალეობას შეადგენდა „ყოველთვის, განსაკუთრებული მოთხოვნის გარეშე, თავის დროზე, გადაეხადა მესაკუთრისათვის განსაზღვრული ჩინში“<sup>2</sup>. ზოგიერთი დამკვირვებლის აზრით, ხიზნები უვადომემკვიდრეობითი მოიჯარადრეები იყვნენ<sup>3</sup>.

რეფორმის შემდეგ, როცა გლეხი მიწისმფლობელს ეხიზნებოდა, ორივე მხარე ფიქრობდა, რომ ხიზანი მუდმივად დარჩებოდა მიწაზე, ხოლო მემამულე თავის უფლებას მიწოდან მუშაკის აყრისას არ გამოიყენებდა. ხიზანი ეწყობოდა არა დროებით, არამედ მუდმივად ისე, რომ ხიზანთა მოიჯარადრეთა იურიდიულ კატეგორიაში ჩარიცხვა არასწორი იყო. ხიზანი მუდმივ სარგებლობაში იღებდა მიწას.

რეფორმის შემდეგ ხიზანთა საკითხის მწვეველ დაყენებასთან დაკავშირებით მემამულეები მოითხოვდნენ ხიზნების ვადიან მოიჯარადრეებად მიჩნევას, რათა ვადის გასვლის შემდეგ შესაძლებელი ყოფილიყო ხიზნების აყრა.

ქართველი პროგრესული მოაზროვნეები სასტიკად ილაშქრებდნენ იმათ წინააღმდეგ, ვინც ცდილობდა ხიზანთა მოიჯარადრეებად მონათვლას. ნ. ნიკოლაძე 1880 წელს აღნიშნავდა: „ხიზნების მოიჯარადრეებად მონათვლა და მათი საერთო კანონმდებლობისაღმი დაქვემდებარება—ნიშნავს იმას, რომ მთელი ეს კლასი დაუმორჩილოთ მებატონეთა ძალადობას“<sup>4</sup>.

ი. ქავჭავაძე მოითხოვდა ხიზნის ღალისა და სამსახურის უცვლელად დარჩენას (ე. ი. არ მოხდეს მისი ზრდაო. ი. უ.), ხოლო თვითონ ხმარება მიწისა უსათუოდ ვადადაუღებელი უნდა იყოსო. ილიას მიაჩნდა, რომ ხიზნის მიერ მიწის ხმარება საშვილიშვილოა და რომ ღალა-გადასახადი უცვლელაა<sup>5</sup>. გაზეთი „დროება“ უარყოფს აზრს მოიჯარადრისა და ხიზნის იგივეობის შესახებ—„არენდატორი ყოველთვის ვადით იღებს ხოლმე მიწას და ხიზანი კი უვადოთ“<sup>6</sup>.

<sup>1</sup> А. Кофод, Сельскохозяйственные очерки Закавказья, С-Петербург, 1904, гл. 56.

<sup>2</sup> Л. Гантовер, О происхождении и сущности печено-чвишсвигова владения, С-Петербург, 1884, гл. 37.

<sup>3</sup> „СМПИЭБГКЗК“, т. II, гл. 403.

<sup>4</sup> ნ. ნიკოლაძე, რჩეული ნაწერები, ტ. II, 1932, გვ. 261.

<sup>5</sup> ა. იოსელიანი, ი. ქავჭავაძე და საქართველოს ისტორიის საკითხები, 1951, გვ. 393.

<sup>6</sup> გაზეთი „დროება“, 1880. № 77, გვ. 2.

\*  
\*  
\*

1861 წელს თბილისის გუბერნიაში იყო ხიზანთა 5938 ოჯახი<sup>1</sup>.

1876 წლისათვის გორის მაზრაში იყო 3250 კომლი ხიზანი, ყველა ისინი მემამულეთა მიწებზე ცხოვრობდნენ; მათგან ყოფილა ყმაკლეხი იყო 2310 კომლი, დანარჩენები ეკუთვნოდნენ თავისუფალ კლეხთაგან გამოსულ პირებს<sup>2</sup>.

70—80-იან წლებში ძალიან სწრაფად იზრდება ხიზანთა რიცხვი გორის მაზრაში. თუ 1882—1884 წლებში აქ 3222 კომლი იყო, 1890 წელს, ე. ი. 7—8 წლის შემდეგ, ის გაიზარდა 7148 კომლამდე, ანუ 3926 კომლით. მაზრაში ხიზანთა რიცხვი ამ ხნის განმავლობაში ყოველწლიურად საშუალოდ 400—500 კომლით იზრდებოდა.

ხიზანთა რაოდენობის სწრაფი ზრდა მიმდინარეობს არა მარტო კლეხობის სხვა თანრიგებიდან ამ კატეგორიაში გადასვლის საშუალებით, არამედ უმთავრესად მთიდან მოსახლეობის ჩამოსვლით. ხიზანთა „მცირე რიცხვი დასავლეთ საქართველოდან გადმოსახლებულთა და დიდი უმრავლესობა, რომელთაც კავკასიის მთავრობა „ტერორისტულ“ ხიზნებს უწოდებს, იმის გამო, რომ ისინი მუდმივ დავაში არიან მემამულეებთან, ჩრდილო კავკასიის მთებიდან არიან ჩამოსახლებულნი“<sup>3</sup>. თბილისის გუბერნიის ხიზანთა უმრავლესობას კავკასიის მთიელები შეადგენდნენ, რომლებიც თავის ვიწრო ხეობებში მიწის დიდი სიმცირის გამო მუდამ გატანჯული იყვნენ<sup>4</sup>. მთიდან მოსული ხიზნები უმთავრესად ტყეებში მკვიდრდებოდნენ<sup>5</sup> და ხელს ჰკიდებდნენ მესაქონლეობასა და ხვნა-თესვას.

ხიზნები ყველაზე მეტი რაოდენობით სურამის უბანში ცხოვრობდნენ (1 152 კომლი). მაზრის სასოფლო საზოგადოებათაგან კი ზორჯომის (266 კომლი), ჭვიშხეთის (145 კომლი), იტრიის (128 კომლი), წრომის (130 კომლი), ქარელის (205 კომლი), ყორნისის (157 კომლი), თორმანეულისა (117 კომლი) და წუნარის (134 კომლი) საზოგადოებებში<sup>6</sup>.

<sup>1</sup> „МДНЭБГКЗК“. т. I, გვ. 402—403.

<sup>2</sup> იქვე, გვ. 445—446.

<sup>3</sup> Прекращение хизанских отношений в Грузии, Тифлис, 1914, გვ. 23.

<sup>4</sup> З. Ванети, Социально-экономическое положение крестьян Юго-Осетии накануне революции, Известия Юго-Осетинского научно-исследовательского Института, Выпуск III, Сталинири, 1936, გვ. 227—228.

<sup>5</sup> А. Кишшидзе, Очерк крепостного права и крестьянская реформа. журн. „Кавказский вестник“, 1902, № 6.

<sup>6</sup> Свод сведений о экономическом положении хизан Тифлисской и Кутаисской губерниях, 1883, გვ. 4—20.

ხიზნები ერთგვაროვან მასას არ წარმოადგენდნენ. თანამედროვენი ხიზნებს ისევე, როგორც გლეხთა სხვა ჯგუფებსაც, ეკონომიური სიძლიერის მიხედვით ოთხ ძირითად ჯგუფად ყოფდნენ:

I ჯგუფს („ლიტრიანების“ სახელწოდებით) მიეკუთვნებოდნენ ყველაზე შეძლებულნი. მათ სარგებლობაში ჰქონდათ კომლზე საშუალოდ 20 დღიური მიწა მაინც.

II ჯგუფს შეადგენდნენ „სამჩარეკიანები“, რომელთაც ჰქონდათ 15 დღიური მიწა.

III ჯგუფს „ნახევარლიტრიანები“ (ორი ჩარეკი)—10 დღიურით.

IV ჯგუფს „ჩარეკიანები“ — 5 დღიურით.

ამ კატეგორიების გარეშე იღებენ უმიწო ხიზნები<sup>1</sup>, რომელთაც ჰქონდათ მცირე საკარმიდამო ნაკვეთები. ეს ნაკვეთები მემამულეთა საკუთრებას შეადგენდა. ხიზანთა 126 კომლს (3,9%) კი სრულიად არ ჰქონდა საკარმიდამო ნაკვეთები<sup>2</sup>.

1882—1884 წლებში კომლთა რიცხვი სახნავი მიწების რაოდენობის მიხედვით შემდეგნაირად ნაწილდებოდა:

	0—2,5 დესეტ. ჰქონდა	2,5—5 დესეტ.	5—25 დესეტ.	არ ჰქონდა სახნავი მიწა
გორის მაზრაში	829 კომლს (25,5 %)	1671 კომლს (51,5 %)	486 კომლს (15,0 %)	189 კომლს (5,8 %)
თბილისის გუბერნიაში	1586 კომლს (22,41 %)	2466 კომლს (43,8%)	1869 კომლს (20,21%)	782 კომლს (11,54%) <sup>3</sup>

ხიზანთა 25,5%-ს 2,5 დესეტინამდე მიწა უკავია, ესენია ის ე. წ. „ჩარეკიანები“, რომელთაც თვით მეფისდროინდელი სტატისტიკა ლარიზ გლეხებად თვლიდა. სტატისტიკა ერთად გვაძლევს ყველა იმათ, ვისაც 5 დესეტინაზე მეტი ექირა. შესაძლებელია ვიფიქროთ, რომ 8—10% ამ მფლობელებიდან შეძლებული გლეხები („ლიტრიანები“) იყვნენ. უეჭველია, ეს ე. წ. „ლიტრიანები“ ხშირად მიმართავდნენ დაქირავებულთა შრომის გამოყენებასაც, რადგან დიდი რაოდენობით პირუტყვის მოვლა და 20 დღიურზე მეტი მიწის დამუშავება ჩვეულებრივად მოითხოვდა მუშახელს იმაზე მეტი რაოდენობით, რაც ოჯახს გააჩნდა.

XIX საუკუნის ბოლოსათვის მაზრაში ხიზნებს ექირათ 10 493 დესეტინა სახნავ-სათესი, რაც კომლზე საშუალოდ 3 დესეტინასა და

<sup>1</sup> „МДИЭБГКЗК“, т. I, გვ. 139.

<sup>2</sup> „ССДЗСХИГЗК“, გვ. 16.

<sup>3</sup> იქვე, გვ. 17.

1 234 კვ. საყენს შეადგენდა, გუბერნიაში კი 4 დესეტინას და 1 522 საყენს უდრიდა<sup>1</sup>.

ხიზნები სარგებლობდნენ, აგრეთვე, ბალ-ვენახებით:

	0—600 კვ. საყენამდე ფლობდა	600—1200 კვ. საყენამდე	არ ჰქონდათ ბალ-ვენახები
გორის მაზრაში	191 კომლი (5,9 %)	25 კომლი (0,8 %)	2959 კომლი (91 %)
თბილისის გუბერნიაში	367 კომლი (5,43 %)	211 კომლი (3,11 %)	6125 კომლი (90,42 %)

მაზრაში ხიზანთა სარგებლობაში იყო ბალ-ვენახები სულ 29 დესეტინა და 241 კვ. საყ., ე. ი. კომლზე საშუალოდ 323 კვ. საყ. ვუბერნიაში კი ეს რაოდენობა ორჯერ უფრო დიდი იყო და შეადგენდა 614 კვ. საყენს<sup>2</sup>.

ხიზანთა მდგომარეობა ძველებურად მძიმე რჩებოდა XX საუკუნის დასაწყისშიც. მაზრის 9 სოფელში (აბისი, აწერისხევი, ბელეთი, ბრეთი, ბულბულისციხე, ქვიშხეთი, მონასტერი, ტაშისკარი, თიღვა) მცხოვრებ ხიზანთა 77 კომლს, 519 სულით (ორივე სქესისა), ექირა 262,05 დესეტინა ყველა სახის მიწა (საშუალოდ კომლზე 3,40 დესეტ., სულზე 0,5 დესეტინა). ამასთან, მიწა ხიზანთა კომლებს შორის არათანაბრად ნაწილდებოდა:

თითო დესეტინამდე ექირა	7 კომლს
1—2	15
2—3	15
3—5	23
5—7,5	13
7,5—10	2
10—15	2

მამასადამე, 17 კომლს აქვს 5—15 დესეტინამდე მიწა, დანარჩენებს კი ნაკლები.

ვენახი ჰქონდა 39 კომლს. აქედან  $\frac{1}{16}$  დესეტინამდე—5 კომლს,  $\frac{1}{16}$ — $\frac{1}{8}$  დესეტინამდე — 20 კომლს,  $\frac{1}{8}$ — $\frac{1}{4}$  დესეტინამდე — 9 კომლს,  $\frac{1}{4}$ — $\frac{1}{2}$  დესეტინამდე—4 კომლს,  $\frac{1}{2}$ — $\frac{3}{4}$  დესეტინამდე — 1 კომლს (ეს ერთი კომლი ტაშისკარიდან არის).

მიწით სარგებლობის სანაცვლოდ ხიზნები რენტას იხდიდნენ. რენტის რაოდენობა იცვლებოდა მიწის ნაყოფიერებისა და მისი მდე-

<sup>1</sup> „ССДЗСХПГЗК“, გვ. 17.

<sup>2</sup> იქვე.

<sup>3</sup> „СССОЧЗТКГ“, გვ. 437, 444—445.



ზარეობის (ბაზარსა და რკინიგზის სადგურთან სიშორე-სიახლოვის) მიხედვით.

გაზეთ „დროების“ კორესპონდენტი შემდეგს აღნიშნავდა: „მამულის მდებარეობისა და მიწის ნაყოფიერების დაგვიარად იცვლება ხიზნის ვალდებულება. ერთგან ვხედავთ. რომ გარდა დღიურზე გადაწყვეტილი ორი კოდი კირნახულისა ხიზანი იხდის დიდს სიამოვნებით კვირაში ერთხელ ბეგარას მუშით და ურმით; უხნავს მებატონეს, უთესავს, უმკის, უღეწავს კიდეც და ძღვენსაც მიართმევს. მეორედან კიდეც ვხედავთ, რომ ორი კოდის მაგიერათ აძლევს მხოლოდ ერთ კოდს დალას და მცირე ბეგარას. მესამედგან კი—არც დალას იხდის, არც ბეგარას, მხოლოდ მცირე გადაწყვეტილი ფული (მახტა) და ორიოდ ძღვენი არის მისი ვალდებულება. ამგვარი მაგალითი შეიძლება ბევრი მოეთვალოთ, სულ განსხვავებული ერთი მეორისაგან“<sup>1</sup>.

ხიზნები სახნავ-სათესი მამულებით სარგებლობისათვის გადასახადს იხდიდნენ შემდეგი სახით: ან მოსავლის ნაწილს  $\frac{1}{6}$ -დან  $\frac{1}{2}$ -მდე (გადასახადი გაიცემოდა მოსავლის ალების შემდეგ ძნების და გაღწეილი ხორბლის სახით), ან გადასახადს, იმისდა მიუხედავად, თუ როგორი მოსავალი იქნებოდა, დღიურზე 1—4 კოდამდე (კოდი=2 ფუტსა და 10 გირვანქას ან მეტს, 4 ფუტსაც კი) — ეს იყო ღალა.

სათიბი მიწით სარგებლობისათვის ხიზანი იხდიდა აღებული თივის ნახევარს, ბალით სარგებლობისათვის—ბალის შემოსავლის  $\frac{1}{4}$ -დან  $\frac{1}{2}$ -დე, ხოლო ვენახით სარგებლობისათვის  $\frac{1}{4}$ -დან  $\frac{1}{3}$ -დე. ვენახის გადასახადს კულუხი ეწოდებოდა. როგორც წესი, კულუხს ყურძნის წვენის სახით იხდიდნენ.

თუ ხიზანი მემამულის მიწაზე. საკუთარი საშუალებებით გააშენებდა ბაღს, მაშინ შესაძლებელი იყო 5—10 წლის შემდეგ მის განკარგულებაში გადასულიყო ან ბალის ნახევარი (სამუდამოდ სარგებლობისათვის), ან მთელი ბაღი 10—12 წლით სარგებლობისათვის.

ღალა და კულუხი ხიზანს საკუთარი საშუალებებით უნდა მიეტანა მებატონესთან.

გარდა აღნიშნული გადასახადებისა, ხიზანი ვალდებული იყო მინდვრით, ტყით, საძოვრითა და წყლით სარგებლობისათვის შრომამიგებითი ვალდებულებანი შეესრულებინა მემამულის სასარგებლოდ; ამას ბეგარა ეწოდებოდა. საბეგარო სამუშაო წარმოებდა, უმთავრესად, ხენა-თესვის, მოსავლის ალებისა და ბაღ-ვენახების შემუ-

<sup>1</sup> გახ. „დროება“, 1880, № 75, გვ. 1—2.

შავების დროს. მებეგრესვე ევალეობდა მემამულისათვის შემის მიტანა და დახმარება მშენებლობის დროს. სამუშაო დღეების რაოდენობა ურთიერთშეთანხმებით განისაზღვრებოდა. ხიზანთა ნაწილი პიწათსარგებლობის სანაცვლოდ ფულად გადასახადს იხდიდა.

ტყითა და საძოვრებით სარგებლობისათვის ხიზნები მხოლოდ ფულად გადასახადს იხდიდნენ. საერთოდ კი ხიზნებს უმთავრესად შერეული სახის ვალდებულება-გადასახადების გადახდა უწევდათ.

ხიზნები, კუჩაევის აზრით, პირადი დამოკიდებულების გამომხატველ გადასახადებს (საქვრივო, საჩქქმე, მოსამსახურის მიცემა და სხვა) არ იხდიდნენ, ან თუ იხდიდნენ მხოლოდ „საკუთარი სურვილით“<sup>1</sup>. მისივე აზრით, სამუშაო დღეების რაოდენობა მემამულის სასარგებლოდ წელიწადში 2—30 დღეს უდრიდა. თითოეულ ხიზანს ურემი წელიწადში 1—2-ჯერ უნდა გამოეყვანა.

ამ ვარაუდში კუჩაევი ცდება. მის მიერ მოტანილი ცნობებიდანაც ჩანს, რომ ხიზნის ვალდებულებები ფაქტიურად ყმა გლეხის მდგომარეობას გამოხატავდა.

ვეიდენბაუმიც აღნიშნავდა კუჩაევის აზრის მცდარობას. კუჩაევის შეხედულებას, რომლის მიხედვითაც ხიზნები საადგილმამულო გადასახადებს იხდიდნენ აუცილებლად, ხოლო პირად ბეგარა-გადასახადებს კი საკუთარი სურვილით, —ვეიდენბაუმი გულუბრყვილობად სთვლის<sup>2</sup>.

1863 წელს ქართლის მემამულეები დ. ყიფიანს სწერდნენ: ხიზნები მოვალე არიან უხადონ მებატონეს „დღიურზედ 2 კოდი პური ანუ ღალა მოსავლის მეექვსედი, ვენახიდან კულუხი მეექვსედივე მოსავლისა, აგრეთვე ხეხილიდამაც, კომლზედ ორმოცი მუშა წელიწადში და სამი ძღვენი.

დღიურზედ—ორი კოდი და ორი ჩანახი; გაკეთებულს ყანაზედ მოსავლის ნახევარი; წელიწადში 80 მუშა კომლზედ, 3 ძღვენი და 3 ურემი შეშა“<sup>3</sup>.

ეს იყო რეფორმამდე, რეფორმის შემდეგ კი, როგორც კუჩაევი წერს, „მემამულეებმა ხიზნებს გადიდებული ბეგარის მოთხოვნა დაუწყეს, ხოლო იმ შემთხვევაში, როცა ხიზნები ამაზე არ ეთანხმებოდნენ, მემამულეები სასამართლო ხელისუფალთ უყენებდნენ მოთხოვნას—გაესახლებინათ ხიზანნი მათ მიერ დაკავებული ნაკვეთები-

<sup>1</sup> „МДИЭБГКЗК“, т. I, გვ. 400—401.

<sup>2</sup> E. Вейденбаум, Жизнь в Грузии, 1913, გვ. 27.

<sup>3</sup> Сельское хозяйство и аграрные отношения, под редакцией проф. И. Гугушвили, т. II, 1950, გვ. 82.

დან, და სასამართლო ხელისუფალთაც არ შეეძლოთ არ დაეკმაყოფილებინათ მფლობელთა კანონიერი მოთხოვნანი<sup>1</sup>.

ამგვარად, აღიარებულია, რომ საგლეხო რეფორმის შემდეგ ხიზნების ექსპლოატაციის ხარისხი იზრდება. გადასახლების შიშით ხიზნები იძულებული არიან გადაიხადონ გაზრდილი ბეგარა-გადასახადები. თუ რეფორმამდე ხიზნის ერთ ოჯახს მემამულის სასარგებლოდ. გარდა სხვა გადასახადებისა, უნდა შეესრულებინა ბეგარა 40—80 დღის განმავლობაში, ცხადია რეფორმის შემდეგ ასეთი გაზრდილი ექსპლოატაციის პირობებში არ შეიძლებოდა ეს რიცხვი 30 დღემდე ყოფილიყო შემცირებული. მსგავსი შეცდომების საფუძველი მკვლევართა კლასობრივ შეზღუდულობაში უნდა ვეძიოთ. რად ღირს თუნდაც კუჩაევის ის აზრი, რომელიც ხიზნების ექსპლოატაციის გაძლიერებას „მფლობელთა კანონიერ მოთხოვნილებებად“ მიიჩნევს.

ჩვენ გვაქვს ხიზანთა ვალდებულება-გადასახადების ცოტად თუ ბევრად ზუსტი აღრიცხვა 80-იანი წლებისათვის. გორის მაზრის 3 259 კომლი ხიზნიდან ფულად გადასახადს იხდიდა 717 კომლი. ეს გადასახადი შეადგენდა საკარმიდამო მიწაზე დღიურზე წელიწადში 3 მანეთს, ტყისა და საძოვრისათვის კომლზე საშუალოდ 5 მანეთს, სხვა სახის მიწებზე დღიურზე 1 მან. და 50 კაპ., შერეული სახის გადასახადს იხდიდა 2 455 კომლი. ამათგან 94 კომლი დალასა და კულუჩს იხდიდა მოსავლის  $\frac{1}{6}$  ნაწილის სახით, 194 კომლი— $\frac{1}{5}$ -ს, დანარჩენები კი  $\frac{1}{4}$ -ს, ან დღიურზე 2,5—3 კოდს<sup>2</sup>. რეფორმამდე დალა-კულუჩი იშვიათად აღემატებოდა მოსავლის  $\frac{1}{6}$ -ს, 80-იან წლებში კი  $\frac{1}{6}$ -ს იხდიდა ხიზანთა მთელი რაოდენობის მხოლოდ 2,8%.

\* \* \*

1864 წლის 13 ოქტომბრის დებულება ხიზნებს არ შეხებია. გლეხოზა მოწყობის კომიტეტმა 1866 წლის 17 ოქტომბრის გადაწყვეტილებით, რაც შემდგომში მეფისნაცვალმა დაამტკიცა, უარყო საგლეხო საქმეთა თბილისის საგუბერნიო საკრებულოს წინადადება ხიზანთათვის საკომლო (სანადგლო) მიწების გამოყოფის თაობაზე. ეს შემდეგნაირად დაასაბუთეს: ა) საკომლო მიწების გაცემით მყარდება ისეთი დროებით-სავალდებულო ურთიერთობანი, რომელიც შეუთავსებელია თავისუფალ დამოკიდებულებაში მყოფ პირთა უფ-

<sup>1</sup> „МДИЭБГКЗК“, т. I, გვ. 407—408.

<sup>2</sup> ი. ქავჭავაძე, ტ. VIII, გვ. 200.

ლებებთან, და ბ) სავალდებულო გამოსყიდვის დროს საკურო იქნება პთავრობის დახმარება, რაც დროებითვალდებულ გლახთა გარდა არ შეიძლება სხვაზე გავრცელდეს<sup>1</sup>.

თავადაზნაურობა ყოველნაირად ცდილობდა დაესაბუთებინა, რომ ხიზნები აღარ არსებობდნენ, რომ ისინი ჩვეულებრივი მოიჯარადრეები იყვნენ. 1880 წლის 28 მარტს გორის მაზრის თავადაზნაურობის საგანგებო კრებამ განიხილა ხიზანთა საკითხი. აღინიშნა, რომ ზიზნები არსებობდნენ რუსეთთან შეერთებამდე, დროთა განმავლობაში ხიზნები ყმების მავვარ დამოკიდებულებაში ჩავარდნენ და მათ შორის განსხვავება წაიშალა. ხიზნები საბოლოოდ გადაიქცნენ ყმებად. მაშასადამე, — აცხადებდნენ მებატონეები, — „აღწერილი ხიზნური ურთიერთობანიც შეწყდაო“. ამჟამად ერთი მემამულის გლეხები თუ სხვა მებატონეს უკავშირდებიან, მისგან მამულს იჯარით იღებენ (სელშეკრულება იღება წერილობით ან ზეპირი წესით). ამგვარად, კატეგორია ხიზნებისა აღარ არსებობს, „ასეთი კატეგორიის გლეხები... სარგებლობდნენ მოიჯარადრეთა უფლებებით“<sup>2</sup>. „გორის მაზრაში ხიზნები უკვე აღარ არსებობენო“ — დაასკვნიდნენ მემამულეები<sup>3</sup>.

ჯერ კიდევ რეფორმისათვის მზადების პერიოდში გუბერნიის თავადაზნაურობა ცდილობდა ყმა გლეხები ეცნო ხიზნებად, სოლო იიზნები უბრალო მოიჯარადრეებად. ეს იმას ნიშნავდა, რომ გლეხებს როცა უნდოდათ, მაშინ აპყრიდნენ მიწიდან. ეს გლეხობის ექსპლოატაციის გაძლიერებას მოასწავებდა.

ხიზანთა საკითხის გადაჭრის მიზნით 1884 წლის 14 ივლისს შეიკრიბა თბილისის თავადაზნაურობა საგუბერნიო ყრილობა. მებატონეებს მანამდეც ჰქონდათ გამოთქმული თავიანთი მოსაზრება ხიზნების შესახებ. ამის გარშემო ახლაც მსჯელობდნენ. ზოგიერთმა მემამულემ თავისი მოსაზრება წერილობით წარადგინა<sup>4</sup>.

თავადაზნაურობა ერთი ნაწილი მომხრე იყო ხიზნებისათვის, დროებითვალდებულო გლეხების მსგავსად, საკომლო მიწების გამოყოფისა, მეორე ნაწილი კი ხიზნებს მიიჩნევდა მოიჯარადრეებად და წინააღმდეგი იყო მათთვის საკომლო მიწების გამოყოფისა<sup>5</sup>.

<sup>1</sup> „МДИЭБГКЗК“, т. I, გვ. 435.

<sup>2</sup> საქ. ცსსა, ფონდი 31, საქმე 1035, ფურც. 29—30, 1880 წ.

<sup>3</sup> იქვე, ფურც. 30, 1876—1885 წწ.

<sup>4</sup> „МДИЭБГКЗК“, т. I, გვ. 410.

<sup>5</sup> იქვე, გვ. 416.

1884 წლის 14 მაისს ი. ქავჭავაძე გამოვიდა სიტყვით, სადაც და-  
აყენა საკითხი — „დარჩეს ხიზნობა, თუ საქიროა მისი გაუქმება?“.

ილიას მიაჩნდა, რომ ხიზნობა არ შეიძლებოდა გაუქმებულიყო  
მსგავსად ყმობისა, რადგან, მისი აზრით, ის „სასიკეთო მოვლენა  
იყო“<sup>1</sup>.

ილიამ, რა თქმა უნდა, შესანიშნავად იცოდა, რომ ხიზნობის  
„სიკეთე“ ფრიად შედარებითი იყო, მაგრამ რაკი იგი გამოდიოდა  
კონკრეტულ-ისტორიული ვითარებიდან, ამიტომ მას სცნობდა სასი-  
კეთო მოვლენად. იმ დროს ხიზნანთა საკითხის გადაჭრის ბედი მხო-  
ლოდ თავადაზნაურობასა ჰქონდა ხელთ. თუ ხიზნების კატეგორია  
მოიჯარადრეთა კატეგორიად დაკანონდებოდა, მაშინ ხიზნები კარგავ-  
დნენ იმ უდიდეს შრომას რაც მათ გასწიეს მემამულეთა მიწებზე.  
განსაკუთრებით მრავალწლიანი კულტურების მოწელებისა და ნაგე-  
ბობათა შექმნის საქმეში.

მემამულურ ყრილობაზე ხიზანთა საკითხი არ გადაწყვეტილა.

სოფლის მეურნეობის კავკასიის საზოგადოებაში იყო მიმდინა-  
რობა, რომელიც უფრო რაციონალურად მიიჩნევდა ხიზანთა ყოფის  
რეფორმას, რისთვისაც მოითხოვდა შემდეგ ღონისძიებათა გატარე-  
ბას: ა) ხიზანთა სარგებლობაში მყოფი მიწების სახელმწიფო საკუთ-  
რებად გამოსყიდვა, ბ) ხიზანთა მუდმივ მოიჯარადრებად დატოვება  
ამ მიწებზე, გ) სახელმწიფოს უნდა დარჩენოდა უფლება ხიზანთა სა-  
კომლო მიწის სიდიდის შეცვლისა მუშახელის რაოდენობის შესატყ-  
ვისად, დ) საკომლო მიწა უნდა იყოს იმდენი, რამდენსაც დაამუშა-  
ვებს ოჯახი საკუთარი მუშახელით<sup>2</sup>.

მიწის სახელმწიფო საკუთრებად გამოსყიდვის სარგებლიანობას,  
წინააღმდეგ ხიზანთა პირად საკუთრებაში მიწის გამოსყიდვისა, ვერ-  
მიშევი შემდეგნაირად ასაბუთებს: „ხიზანთა საკუთრებაში მიწის გა-  
მოსყიდვის არასასურველობა გამართლებულია იმით, რომ საკუთრე-  
ბის უფლება, რომელიც მიწაზე ვრცელდება, არა მარტო ხელს არ  
შეუშლის მოსახლეობის მცირე ნაწილის ხელში მიწის თავმოყრას.  
უმრავლესობის უმიწობის გვერდით, არამედ ამ არასასურველ მოვ-  
ლენას უღარესად ფართო გასაქანსაც მისცემს, როგორც ეს მტკიც-  
დება, მაგალითად, მიწის განაწილებით კომლობრივი მფლობელობის

<sup>1</sup> საქ. ცსსა, ფონდი 31, საქმე 1035, ფურც. 168, 1876—1885 წწ.

<sup>2</sup> X. В е р м и ш е в, Хизаны и хизанство, Труды Кавказского общества  
сельского хозяйства, 1885, № 2—3, გვ. 25—26.

რაიონებში და რუსეოის ამ ნაწილში სოფლის პროლეტარიატის შექმნით<sup>1</sup>.

მეფის მოხელე ვერმიშევი მიუთითებს ინგლისზე, სადაც მთელ რიგ რაიონებში გლეხები მიწიდან აყარეს და პროლეტარებად აქციეს. არავის არ შეუძლია თავდებობა, რომ ეს ერთხელ ჩვენთანაც არ მოხდებოდეს. გლეხთა გაპროლეტარების შიში, მასთან დაკავშირებული შედეგებით—რევოლუციითა და მემამულეთა კლასისა და მეფის მთავრობის ბატონობის დამხობით—აი, რა ალაპარაკებდა ვერმიშევი.

სასოფლო-სამეურნეო საზოგადოებაში ი. იოსელიანი გამოთქვამდა აზრს, რომ ხიზანთა საკითხი მოეგვარებინათ საგლეხო რეფორმის საფუძველზე: ეცნოთ ხიზნის უფლება იმ მიწაზე, რომლითაც იგი სარგებლობდა, მიწის სავალდებულო გამოსყიდვით<sup>2</sup>.

ხიზანთა საკითხის მოგვარების მიზნით 1891 წლის 3 ივნისს გამოცემულ იქნა კანონი. ამ კანონის მე-2 მუხლით ხიზნებს რჩებოდათ უფლება სარგებლობისა იმავე საკარმიდამო სახნავ, სათიბ მიწებსა და ბალ-ვენახებზე, რასაც მანამდე ფლობდნენ (იმავე ვალდებულება გადასახადების საფასურად, რასაც მანამდე იხდიდნენ)<sup>3</sup>.

ამასთან, მემამულეს უფლება რჩებოდა აეყარა ხიზანი მიწიდან, მაგრამ გლეხის მიერ მის მიწაზე აშენებული სახლ-კარის საფასური ორმაგად უნდა გადაეხადა.

1891 წლის 3 ივნისის კანონი დიდხანს დარჩა უცნობი გლეხებისათვის. მემამულეებმა, გაეცნენ რა მას, მიიჩნიეს, რომ იგი მათ ინტერესებს არ შეესაბამებოდა<sup>4</sup>. ამიტომ დაიწყეს მათ ამ კანონის წინააღმდეგ ბრძოლა. 1900 წელს გამოცემულ იქნა ახალი კანონი, რომელიც კიდევ უფრო ზღუდავდა ხიზანთა უფლებებს.

ხიზნობის არსებობა რეფორმის შემდგომ პერიოდში წარმოადგენდა ბატონყმობის ძლიერ ნაშთს, ეს ნაშთი დარჩა საქართველოში თვით საბჭოთა ხელისუფლების დამყარებამდე.

<sup>1</sup> „МДИЭБГКЗК“, т. I, 1893, გვ. 472.

<sup>2</sup> И. Иоселиани, Сельское хозяйство и правовые отношения сельского населения, Труды Кавказского общества сельского хозяйства, № 7—8, 1887, გვ. 576.

<sup>3</sup> Полное собрание законов Российской империи, т. XI, 1891, гл. 354.

<sup>4</sup> Г. Туманов, Земельные вопросы и преступность на Кавказе, 1900,



ამგვარად, საგლეხო რეფორმა, რომელიც თავისი შინაარსით ბურჟუაზიული იყო, აღმოსავლეთ საქართველოში, კერძოდ კი გორის მაზრაში, უაღრესად ბატონყმურ ხასიათს ატარებდა. მან ვერ გადასჭრა გლეხოვის მიწათმოწყობის საკითხები ბურჟუაზიულ მოთხოვნათა დონეზე. რეფორმამ ვერც კი გააუქმა მანამდე არსებული გლეხთა ზოგიერთი კატეგორია. რეფორმა აქ, რუსეთის შიდა გუბერნიებთან შედარებით, უფრო ნაკლებ ატარებდა ბურჟუაზიულ ხასიათს.

## თავი მეოთხე

### ვაჭრობა-მკაფველობისა და სოფლის მეურნეობის ბანკითარების გავლენა გლეხობის დაშლაცხე

#### 1. ვაჭრობა-მკაფველობის ბანკითარება

##### ა) საგარეო და ხაშინაო ვაჭრობის ზრდა

რუსეთთან შეერთების შემდეგ საქართველოში დაჩქარდა ნატურალური მეურნეობის დაშლა. ამით ხელი შეეწყო ეკონომიური განვითარების ახალი ფაქტორების გაძლიერებას. გაფართოვდა ვაჭრობა, გაიზარდა ქალაქები და, საერთოდ, სასაქონლო-ფულადი ურთიერთობა. ამასთან „ყველაფერი ეს აქ ხდებოდა გაცილებით უფრო მძიმე და უარეს პირობებში, ვიდრე რუსეთში“<sup>1</sup>.

XIX საუკუნის პირველ ნახევარში სავაჭრო კაპიტალი საქართველოში მნიშვნელოვან ეკონომიურ ფაქტორად გადაიქცა. 50-იანი წლებიდან უკვე სამრეწველო კაპიტალის ფორმებიც ჩაისახა ჩვენში და ის 70-იანი წლების მეორე ნახევრისათვის საგრძნობ ძალას წარმოადგენდა, 90-იანი წლებისათვის კი მისი მნიშვნელობა კიდევ უფრო მეტად გაფართოვდა და გაიზარდა<sup>2</sup>.

საქართველოში ნატურალური მეურნეობის რღვევისა და ახალ, კაპიტალისტურ ურთიერთობათა წარმოქმნის საქმეში დიდი მნიშვნელობა ენიჭებოდა უცხოეთსა და რუსეთთან საქართველოს სავაჭრო ურთიერთობას<sup>3</sup>.

საქართველოს ეკონომიური წინსვლისათვის განსაკუთრებულა მნიშვნელობა ჰქონდა რუსეთის ბაზარს. თუ რუსეთი დასავლეთის მი-

<sup>1</sup> შ. ჩხეტიია, საგლეხო რეფორმის ისტორიისათვის საქართველოში, თბილისი, 1950, გვ. XLI.

<sup>2</sup> ს. ხუნდაძე, სოციალიზმის ისტორიისათვის საქართველოში, ტ. I, ტფილისი, 1927, გვ. 33.

<sup>3</sup> ს. ხუნდაძე, ნ. ნიკოლაძე, რჩეული ნაწერები, ტ. I, 1930, გვ. XVI.



მართ უმთავრესად ნედლეულის მიმწოდებლის როლში გამოდიოდა, აღმოსავლეთის მიმართ მისი როლი მანუფაქტურული მრეწველობის ნაწარმის მიწოდებით იყო შეცვლილი<sup>1</sup>.

XIX ს. 30-იანი წლების პირველი ნახევრის ბოლოს ამიერკავკასიის სავაჭრო ბრუნვა რუსეთთან შეადგენდა 2700000 მანეთს (შემოტანა 1970000 მან., გატანა 730000 მან.), სპარსეთთან — 919770 მან., თურქეთთან — 100000 მან., მთის რაიონებთან — 125000 მანეთს<sup>2</sup>. საქონლის ასორტიმენტი მეტად მრავალგვარი იყო და შეიცავდა რკინეულობას, ქსოვილებს, მარცვლეულს, ღვინოს, პირუტყვს, ჩაის, შაქარს, ბეწვეულს, ნავთს, კურკლეულსა და სხვ.

გაცხოველებული ვაჭრობა წარმოებდა რუსეთის დიდ სავაჭრო ქალაქებთან. 1830 წელს მარტო ნიჟეგოროლში ამიერკავკასიისათვის შეძენილ იქნა 1200000 მანეთის საქონელი<sup>3</sup>.

ამიერკავკასიაში შემოდიოდა ევროპული, აზიური და რუსული წარმოების საქონელი<sup>4</sup>. XIX საუკუნის პირველ ნახევარში ამიერკავკასიაში თავისუფალი კონკურენციის პირობებში ევროპულ საქონელთან რუსეთის საქონელი მარცხდებოდა<sup>5</sup>. ამიტომ მეფის მთავრობა უცხოურ საქონელს მაღალ ბაჟს ადებდა, რაც ხელს უწყობდა რუსეთის მრეწველობისა და ვაჭრობის განვითარებას. XIX საუკუნის II ნახევარში ამიერკავკასიაში რუსული საქონელი ბატონდებდა. ვაჭრობა რუსეთთან უფრო სწრაფად იზრდებდა, ვიდრე დასავლეთ ევროპასთან.

ნახევარი საუკუნის მანძილზე ამიერკავკასიაში უცხოეთიდან საქონლის შემოტანა გაიზარდა დაახლოებით 4-ჯერ, გატანა კი 30-ჯერ და უფრო მეტად. ეს მოწმობს ამიერკავკასიის სწრაფ ეკონომიურ განვითარებას. ამიერკავკასიის ხალხები ისტორიული ჩამორჩენილობიდან გამოდიან და წარსული საუკუნის მეორე ნახევრიდან მტკიცედ იკავებენ ადგილს რუსეთის იმპერიისა და მსოფლიოს ხალხთა ურთიერთობებში. „1870 წელს ამიერკავკასიის საგარეო აღებ-მიცემობა მთელი რუსეთის საგარეო აღებ-მიცემობის 1/45 ნაწილს შეადგენდა და 1893 წელს 1/18. თუ მარტო გატანას ვიქონიებთ მხედველობაში.

<sup>1</sup> Р. Гвоздев, Кулачество-ростовщичество и его общественно-экономическое значение, 1899, гл. 11.

<sup>2</sup> Статистическое описание Закавказского края, Составил Орест Евекнинъ, С - Петербург, 1835, гл. 76 — 78.

<sup>3</sup> იქვე, გვ. 75 — 78.

<sup>4</sup> Кавказский календарь на 1865 г., гл. 48.

<sup>5</sup> პ. გუგუშვილი, საქართველოს და ამიერკავკასიის ეკონომიური განვითარება XIX — XX საუკუნეებში, ტ. I, თბილისი, 1949, გვ. 136.

1870 წელს ამიერკავკასიიდან საზღვარგარეთ საქონლის გატანა შეადგენდა რუსეთიდან მთელი გატანის 1/91 ნაწილს, 1893 წელს კი 1/15<sup>1</sup>.

ამგვარად, ამიერკავკასიის აქტიური ჩაბმა მსოფლიო ვაჭრობაში, მისი ხვედრითი წონის ზრდა მაჩვენებელია მეურნეობის მწარმოებლურობის ზრდისა ამიერკავკასიაში, განსაკუთრებით XIX საუკუნეში. საქონელბრუნვის ზრდა გვიჩვენებს, რომ ამიერკავკასია ამ მხრივ, შეფარდებით მთელ იმპერიასთან, უფრო სწრაფად ვითარდება. ეს, რა თქმა უნდა, არ ნიშნავდა ამიერკავკასიის ან საქართველოს უფრო სწრაფ ეკონომიურ ზრდა-განვითარებას რუსეთის შიდა გუბერნიებთან შედარებით.

სავაჭრო ბრუნვის ზრდა, კერძოდ, საქონლის გაზიდვის სწრაფი ზრდა ხდებოდა ბუნებრივი სიმდიდრეებისა და არა საფაბრიკო-საქარხნო პროდუქციის ხარჯზე. ასეთი გაზიდვა უფრო მეტად გამოხატავდა ამიერკავკასიის კოლონიურ ძარცვა-გლეჯას.

ამიერკავკასიიდან გააქვთ ნავთი, მარგანეცი, მარცვლეული და სხვა. ძლიერ გაიზარდა ხორბლის, სიმინდისა და ქერის გატანა. კავკასიიდან საზღვარგარეთ 1885 წელს გატანილ იქნა 5397930 ფუთი სიმინდი 3313202 მანეთის ღირებულებებისა, 1953542 ფუთი ქერი 1273000 მანეთისა და 6243452 ფუთი ხორბალი 6116000 მანეთისა<sup>2</sup>. 80-იან წლებში ამიერკავკასიიდან გატანილმა ხორბალმა და სიმინდმა მოიპოვეს საერთაშორისო მნიშვნელობა აბრეშუმთან, ნავთთან, მარგანეცსა და მატყლთან ერთად<sup>3</sup>.

შემდგომში, მართალია, ხორბლეულის ანუ პურის გატანა შემცირდა, მაგრამ ეს არ ნიშნავდა მისი საერთო მოსავლის შემცირებას. გატანის შემცირება აიხსნება მსოფლიო აგრარული კრიზისით, რომელიც მაშინ მძვინვარებდა, აგრეთვე მაშინდელ ამიერკავკასიაში. აგროტექნიკისა და სასოფლო-სამეურნეო ტექნიკის დაბალი დონით, რაც მაღლა სწევდა მარცვლეულის თვითღირებულებას რუსულ და ამერიკულ პურთან შედარებით; სამრეწველო მოსახლეობის სწრაფ ზრდასთან დაკავშირებით იზრდება მოთხოვნილება პურზე, რომლის გაყიდვაც ამიერკავკასიაშივე არანაკლებ მომგებიანი იყო. ამასთანავე, ვითარდებოდა ძვირფასი სპეციალური კულტურების მოყვანა-მოშენება.

<sup>1</sup> ფ. მახარაძე. თხზ., ტ. VIII, თბილისი, 1932, გვ. 11.

<sup>2</sup> Кавказский календарь на 1887 г., გვ. 150 — 151.

<sup>3</sup> А. Н. Арасханиянц, Закавказская хлебная торговля, в связи с развитием сельского хозяйства, Тифлис, 1887, გვ. 2.

პურეულის მოყვანის საქმეში გორის მაზრას საპატიო ადგილი ეკირა. მაგალითად, 1886 წელს თბილისის გუბერნიაში სასაქონლო პურის მთელი რაოდენობა 6575000 ფუტს უდრიდა (3 მილიონ ფუტამდე საჭირო იყო გუბერნიის ქალაქების მოთხოვნილებათა დასაყმაყოფილებლად), აქედან მნიშვნელოვანი ნაწილი, დაახლოებით: 500000 ფუტი, გორის მაზრაზე მოდიოდა<sup>1</sup>. მაშასადამე, გორის მაზრა გუბერნიაში სასაქონლო პურის მნიშვნელოვან რაოდენობას იძლეოდა. შესაძლებელია ეს ციფრები გაზვიადებული იყოს, მაგრამ მაინც უეჭველია, რომ გორის მაზრის ხვედრითი წონა გუბერნიაში სასაქონლო პურის დამზადების საქმეში დიდი ყოფილა.

ამიერკავკასიის საერთო ვაკრობაში მნიშვნელოვან როლს ასრულებდა ღვინო.

მევენახეთა ყრილობაზე 1899 წელს მემამულე ს. ვახვახიშვილი ლაპარაკობდა, რომ რუსეთის უზარმაზარი იმპერია ბევრ ღვინოს ხმარობს და „საჭიროა მხოლოდ დაპყრობა ამ ბაზრისა“<sup>2</sup>. ვ. ი. ლენინი მიუთითებდა, რომ ამიერკავკასიის ღვინო, თავის მხრივ, იპყრობს რუსეთის ბაზარს<sup>3</sup>.

XIX საუკუნის II ნახევრიდან ღვინის გატანა უცხოეთსა და რუსეთში რეგულარულ ხასიათს ღებულობს. გატანას ძლიერ შეუწყობელი რკინიგზის გაყვანამ ამიერკავკასიაში და ამ გზით რუსეთთან დაკავშირებამ. რუსეთში, საერთოდ, შეტანილი ღვინის ღირებულება შეადგენდა: 1850 წელს 5283593 მანეთს, 1860 წელს — 5486025 მანეთს, 1870 წელს—8822394 მანეთს, 1880 წელს—13602824 მანეთს, 1885 წელს — 7170150 მანეთს, 1890 წელს — 5092798 მანეთს, 1893 წელს — 5125347 მანეთს<sup>4</sup>. 1897 წელს მარტო ამიერკავკასიიდან 508665 ვედრო ღვინო გაიტანეს<sup>5</sup>.

XIX საუკუნის 90-იან წლებში ღვინის გატანა ამიერკავკასიიდან შემცირებულა, რის ერთ-ერთ მიზეზად ფილოქსერის გაჩენა ითვლება. ფილოქსერა ამერიკიდან შემოიჭრა და ძლიერ დააზიანა ვენახები როგორც დასავლეთ ევროპაში, ისე რუსეთის იმპერიაში. ფილოქსე-

<sup>1</sup> Кавказский календарь на 1890 г., გვ. 24.

<sup>2</sup> პ. გუგუშვილი, შინამრეწველური მეღვინეობა საქართველოსა და ამიერკავკასიაში 1801 — 1920 წლებში, ეკონომიკის ინსტიტუტის შრომები, ტ. III, 1949, გვ. 119.

<sup>3</sup> ვ. ი. ლენინი, თხ., ტ. 3, გვ. 704.

<sup>4</sup> С. Гулишамбаров, Виноградное вино в России в XIX столетии, Одесса, 1896, გვ. 19.

<sup>5</sup> Кавказский календарь на 1899 г., გვ. 85.

რა შენიშნულ იქნა საფრანგეთში 1869 წელს, ყირიმში — 1860 წელს, კავკასიაში 1881 წელს და ბესარაბიაში — 1887 წელს<sup>1</sup>.

ფართო გასაღებას პოულობდა ამიერკავკასიის მატყლი. XIX საუკ. 90-იანი წლების დასაწყისში ამიერკავკასიაში ითვლიდნენ 7<sup>1</sup>/<sub>4</sub> მილიონ სულ ცხვარს. თითო ცხვარი წელიწადში იძლეოდა დაახლოებით 4 გირვანქა მატყლს, რაც საერთო ჯამში შეადგენდა 725000 ფუტს. ფუთი მატყლი 5 მანეთობაზე 3625000 მანეთს უდრიდა. არსებული მატყლის 2/5, ე. ი. 1<sup>1</sup>/<sub>2</sub> მილიონი მანეთის ღირებულებისა, უცხოეთში გაჰქონდათ. „კავკასიურ მატყლს საზღვარგარეთელი ფაბრიკანტები დიდი ხალისით ყიდულობენო“ — ამბობს ხატისოვი. იგი აქებს ლეკური, თუშური და ოსური ცხვრის მატყლს<sup>2</sup>.

ამიერკავკასიიდან XIX საუკუნის მეორე ნახევარში, გარდა სოფლის მეურნეობის ნაწარმისა, დიდი რაოდენობით გააქვთ ნავთი და მარგანეცი. ამის გამო ამიერკავკასია მსოფლიო ბაზარზე საპატიო ადგილს იკერს.

ამავე დროს უნდა აღინიშნოს, რომ ამიერკავკასია და, კერძოდ, თბილისის გუბერნია მაინც ჯერ კიდევ აგრარულ მხარედ რჩებოდა. შავალითად, 1884 წელს ქ. თბილისში შემოტანილ იქნა საზღვარგარეთის საქონელი 1063000 მანეთისა, ხოლო თბილისიდან სამრეწველო ნაწარმის გატანას სრულიად არ ჰქონია ადგილი<sup>3</sup>.

მაინც, რაკი სავაჭრო ბრუნვა მილიონობით გაიზომებოდა, განსაკუთრებით გატანილი საქონლის უმაგალითო ზრდა, ეს ნიშნავდა ახალ ურთიერთობათა მძლავრ განვითარებას. განვითარების ეს პროცესი სავსებით აშკარა გახდა 70-იანი წლებისათვის. გაზეთი „დროება“ შემდეგნაირად აგვიწერდა სასაქონლო-ფულადი მეურნეობის ზრდას: „დროება გამოიცვალა. ყველამ ფულის ძებნას, საქმის ძებნას მიჰყო ხელი. შეიქმნა ფაცა-ფუცი, მოძრაობა. ერთმა ღვინის სარდაფები გახსნა ქალაქში, — მეორემ ფურის ძუძუებიდან მოინდომა ოქროების გამოდენა, — მესამემ კაკლის კუნძებს მიმართა, — მეოთხემ დედა-მიწაში ჩახედა და მადნებისაგან განიზრახა თავის-თავის გამდიდრება“<sup>4</sup>.

<sup>1</sup> Труды Кавказского общества сельского хозяйства, Тифлис, 1891, № 3 — 4, გვ. 52.

<sup>2</sup> К. Хати сов, Кустарные промыслы Закавказского края. Отчеты и исследования по кустарной промышленности в России, т. II, С-Петербург, 1894, გვ. 267.

<sup>3</sup> Кавказский календарь на 1887 г., გვ. 186.

<sup>4</sup> გაზ. „დროება“, 1874, № 444, გვ. 1.

\* \* \*

ამიერკავკასიასა და მთელ რუსეთთან ერთად გორის მაზრაც ეკონომიური განვითარების ამ ფერხულში აღმოჩნდა ჩაბმული.

ჯერ კიდევ XIX საუკუნის 60-იან წლებში ქ. გორის მცხოვრებლებზე წელიწადში 40-დე პასპორტი იცემოდა, პასპორტის მქონე უორელები სავაჭრო მიზნით მიდიოდნენ საზღვარგარეთ, რუსეთში. ზოგი კი მუდმივად თბილისში ვაჭრობდა<sup>1</sup>.

უკვე 1890 წელს სხვადასხვა სახის სავაჭრო მოწმობა იქნა გაცემული: ქ. გორში — 632, გორის მაზრაში — 840. გუბერნიაში ვაჭრობის განვითარებით თბილისის შემდეგ გორის მაზრას პირველი ადგილი ეკავა<sup>2</sup>.

1894 წელს სამაზრო ხაზინის მიერ გაცემულ იქნა დოკუმენტები ვაჭრობასა და მრეწველობაზე: წლიური — 1307 კაცზე, ხოლო ნახევარწლიური — 177 კაცზე. გაცემული დოკუმენტებიდან შემოსავალმა შეადგინა 23665 მან. 64 კაპ.<sup>3</sup>.

1897 წ. კი გაცემულ იქნა წლიური დოკუმენტი 1432 ცალი, ნახევარწლიური — 164, სულ — 1596, რაშიც გადახდილ იქნა 24648 მან. 75 კაპ<sup>4</sup>.

ვაჭრობა ვითარდება სურამში, ცხინვალსა და სხვა ადგილებში. სურამში მცხოვრებ სახელმწიფო გლეხთაგან 80-იან წლებში მეორე გილდიის ვაჭრის მოწმობა ჰქონდა 22 კომლს. ამათგან 18 სომეხი იყო, 4 ებრაელი, დანარჩენ მცხოვრებთა დიდ ნაწილს წერილმანით მოვაჭრის მოწმობები ჰქონდა<sup>5</sup>.

გორის მაზრის ვაჭრობაში გარკვეულ როლს ასრულებდნენ ბაზრობები, რომელიც ცალკეულ სოფლებში იმართებოდა, უმთავრესად, რელიგიურ დღესასწაულთან დაკავშირებით. ასეთი ბაზრობები იმართებოდა: სურამში, ცხინვალში, სოფლებში: არბოში, მეჭვრისხევში, ახალქალაქში, საღოლაშენში, ალევში, ერთაწმინდაში, რუისში<sup>6</sup>.

ბაზრობებზე თავს იყრიდნენ ახლო-მახლო მდებარე სოფლების მცხოვრებნი, მოდიოდნენ ვაჭრები მაზრის სხვადასხვა სავაჭრო დაზებებიდან, გორიდან და თბილისიდან. 1867 წელს აღნიშნულ ბაზრო-

<sup>1</sup> Кавказский календарь на 1866 г., გვ. 59.

<sup>2</sup> Кавказский календарь на 1893 г., გვ. 17.

<sup>3</sup> საქ. ცსსა, ფონდი 48, საქმე 2198, ფურც. 191, 1895 წ.

<sup>4</sup> იქვე, საქმე 2258, 1898 წ.

<sup>5</sup> «МДИЭБГКЗК», т. VI, გვ. 239

<sup>6</sup> საქ. ცსსა, ფონდი 5, საქმე 3975, ფურც. 16, 1877 წ.

ბებზე ვაყიდულ იქნა 40994 მანეთის საქონელი, ხოლო 1876 წელს 43127 მანეთისა<sup>1</sup>.

ვაჭრობა წარმოებდა, აგრეთვე, ყოველკვირეულ ბაზრობებზე ქ. გორში (წლიურად საშუალოდ აქ იყიდებოდა ფქვილი 50000 ფუთამდე, ხორბალი 25000 ფუთამდე, ქერი 25000 ფუთამდე, სიმინდი 20000 ფუთამდე. ლობიო 12000 ფუთამდე, მსხვილფეხა პირუტყვი 1200 სულამდე, წვრილფეხა პირუტყვი 3000 სულამდე), ხაშურსა და სურამში (აქ იყიდებოდა პური და პირუტყვი). სადგ. გომში კვირაობით გამართულ ბაზრობაზე დაახლოებით 6000 ფუთი მარცვლეული იყიდებოდა<sup>2</sup>.

ვაჭრობა მაზრაში ძირითადად არსებული სავაჭრო დაწესებულებებისა და წვრილ მოვაჭრეთა საშუალებით წარმოებდა. XIX საუკ. მეორე ნახევარში ძლიერ გაიზარდა სავაჭროების რიცხვი. იზრდება ვაჭართა რაოდენობა. დაბა სურამის სახაზინო გლეხები თითქმის მთლიანად გადადიან ვაჭართა კატეგორიაში.

ვაჭრობაში უპირატესი ადგილი ეკავათ მსხვილ ვაჭრებს, გილდიის ვაჭრებს. 1892 წელს გილდიის ვაჭრებს ჰქონდათ 193 სავაჭრო. ამათი საერთო წლიური ბრუნვა 1256522 მანეთს უდრიდა. 144060 მანეთის მოგებით. 1893 წელს გილდიის სავაჭროთა რიცხვი 189-ს შეადგენდა, წლიური 1457710 მანეთის საერთო ბრუნვითა და 163867 მან. მოგებით.

1897 წ. გორის მაზრაში გილდიის ვაჭართა რაოდენობა 169-ს შეადგენდა (მათგან ქ. გორში 42 კაცი), 1316338 მანეთის სავაჭრო ბრუნვითა და 146050 მანეთის მოგებით<sup>3</sup>. ვაჭრობაში უმნიშვნელოვანესი ადგილი ფართლეთით ვაჭრობას ეკირა.

გილდიის გარეშე მყოფ ვაჭართა დაწესებულება იყო: 1892 წელს — 556 სავაჭრო 713920 მან. საერთო ბრუნვითა და 156980 მან. მოგებით, ხოლო 1893 წელს — 530 სავაჭრო 665500 მან. ბრუნვითა და 153670 მან. მოგებით<sup>4</sup>. ვაჭრობა წარმოებდა უმთავრესად წვრილმანი საქონლითა და სასამელებით.

1903 წლისათვის გორის მაზრაში გამოსაღებთა გადამხდელ ვაჭართა რიცხვი 727-ს შეადგენდა (აქ არ ითვლებიან ხელზე მოვაჭ-

<sup>1</sup> საქ. ცსსა, ფონდი 5, საქმე 3975, ფურც. 60, 1877 წ.

<sup>2</sup> საქ. ცსსა, ფონდი 414, საქმე 28, 1902 წ.

<sup>3</sup> საქ. ცსსა, ფონდი 254, საქმე 19958, ფურც. 15, 1897 წ.

<sup>4</sup> იქვე, საქმე 19917, ფურც. 69, 1893 წ.

რენი ე. წ. მეწვრილმანეები), მათი წლიური მოგება 424 883 მანეთის რაოდენობითაა ნაჩვენები<sup>1</sup>.

გილდიის ვაჭართა კუთვნილი დაწესებულებები უფრო იშვიათად იხურებოდა, ასევე იშვიათად ემატებოდა ახლები; მაგალითად, 1892 წელს მაზრაში გაიხსნა 10 ასეთი სავაჭრო, 1893 წელს კი 7. ამ ხნის განმავლობაში დაიხურა 4. მართალია, გილდიის გარეშემდგომი სავაჭროები უფრო ხშირად იხურებოდნენ, მაგრამ სამაგიეროდ ბევრი ახალიც იხსნებოდა: მაგალითად, 1892 წელს 70 ახალი სავაჭრო გაიხსნა, 1893 წ. — 88. 1892 წელს იყო 556 სავაჭრო, 1893 წლისათვის მათგან დახურულა 114.

ქ. გორში 1897 წელს შემდეგი სავაჭრო დაწესებულებები იყო:

საგალანტერიო მალაზია	5,	182500	მანეთის ბრუნვით	წელიწადში
მზა ტანსაცმლის	2,	4500	"	"
წიგნის მალაზია	1,	3000	"	"
ფართლელის	24,	152500	"	"
ფეხსაცმლის	2,	20000	"	"
რძის ნაწარმის	1,	1000	"	"
კოსმეტიკური	3,	14500	"	"
სასურსათო დუქანი	3,	750	"	"
თამბაქოს	1,	10000	"	"
არაყისა და ღვინის	3,	21000	"	"
საღებავების საწყობი	1,	3000	"	"
სანთლებით სავაჭრო	2,	4000	"	"
მატყელის საწყობი	2,	4600	"	"
ხორბლისა და ფქვილის პროდუქტების საწყობი	3,	31000	"	"
საყასბო	8,	14000	"	"
საბაკალეო დუქანი	27,	83500	"	"
ღვინის სარდაფი	3,	9000	"	"
დუქნები	34,	30000	"	"
სასმელების დაწესებულებები	1,	2000	"	"
ლუდხანა	1,	600	"	"
ტრაქტირი	14,	20000	"	"

სავაჭრო დაწესებულებები იყო მაზრის ბევრ სოფელში; მაგალითად, ბორჯომის უბანში:

საგალანტერიო მალაზია	3,	2000	მანეთის ბრუნვით
ფართლელის	4,	8000	"
ბოსტნეულის დუქანი	2,	500	"
რძის ნაწარმის დუქანი	1,	500	"
საკოლონიო და მოსკოვის	8,	5000	"
არაყისა და ღვინის	1,	500	"
ხე-ტყის საწყობი	2,	5000	"
საყასბო	4,	4000	"
საბაკალეო დუქანი	6,	2000	"
ღვინის სარდაფი	1,	1000	"
დუქანი	5,	2500	"
საჩაიე	1,	100	"

<sup>1</sup> საქ. ცსსა, ფონდი 254, საქმე 7999, ფურც. 2 — 24, 1903 წ.; საქმე 800 ფურც. 2 — 16, 1903 წ.

<sup>2</sup> საქ. ცსსა, ფონდი 48, საქმე 2258, ფურც. 116 — 117, 1898 წ.

<sup>3</sup> იქვე, ფურც. 93 — 94, 1898 წ.

## სურამის უბანში:

ფართლელის მალახია	. 12,	70000	მან. ბრუნვით
საყასბო . . . . .	6,	40000	" "
ლეინის სარდაფი . . . . .	21,	70000	" "
დუქანი . . . . .	. 20,	15600	" "
ტრაქტირი . . . . .	. 26,	39000	" "

არქივში დაცულია ცნობები იმის შესახებ, თუ მაზრის რომელ სოფელში ვის ჰქონდა გახსნილი სავაქრო და რას უდრიდა ბრუნვა.

1900 წლისათვის მაზრაში სავაქრო დაწესებულებების რიცხვი 518-ს უდრიდა. თითოეული მათგანის ბრუნვა მერყეობდა 100 მანეთიდან 50000 მანეთამდე. სულ იყო 4 მსხვილი სავაქრო, რომელშიაც წლიური ბრუნვა 25—50 ათას მანეთამდე აღწევდა. საერთოდ კი აღნიშნული სავაქროების შემოსავალი უდრიდა 1656000 მანეთს. სავაქრო დაწესებულებებში ჩაბმული იყო 768 კაცი<sup>2</sup>.

სავაქრო დაწესებულებათა შორის ჩვენ ვხვდებით ისეთებსაც, რომლებშიც ორი და მეტი დაქირავებული მუშაა გამოყენებული. ასე მაგალითად, XIX საუკ. 90-იან წლებში ორ-ორი დაქირავებული მუშა ჰყავდათ ტრაქტირის მფლობელთ გიორგი ცერცვაძეს სოფ. ხიდისთავში და თევდორე სხირტლაძეს სურამში, ხოლო ესტატე ჩხარტიშვილს გორის რკინიგზის სადგურთან გახსნილ ბუფეტში გარდა დახლიდარისა 4 დაქირავებული მუშა ემსახურებოდა<sup>3</sup>.

## ბ) შინამრეწველობა და ხელოსნობა

XIX საუკუნეში თბილისის გუბერნიაში უფრო მეტად განვითარებული იყო შინამრეწველობისა და ხელოსნობის შემდეგი დარგები: მატყლის, ტყავის, კურჭლის, კრამიტის, ხის, ლითონის, რქის, ძვლის დამუშავების, მაუდსა და ხავერდზე ქარგვისა და სხვა დარგები<sup>4</sup>.

XIX საუკ. მეორე ნახევრიდან, განსაკუთრებით კი რეფორმის შემდეგ, კაპიტალისტური ურთიერთობების განვითარებასთან დაკავშირებით, კონკურენციის შედეგად, შინამრეწველობისა<sup>5</sup> და ხე-

<sup>1</sup> საქ. ცსსა, ფონდი 48, საქმე 2258, ფურც. 37—38, 1898 წ.

<sup>2</sup> Сборник статистических сведений по Закавказскому краю. Под редакцией Е. Ковдратенко, Часть I, Тифлис, 1902, გვ. 246.

<sup>3</sup> საქ. ცსსა, ფონდი 254, საქმე 5007, ფურც. 907, 946, 1893 წ.

<sup>4</sup> Отчеты и исследования по кустарной промышленности в России, т. II, 1894, გვ. 69.

<sup>5</sup> შინამრეწველობა = домашняя промышленность.



ლოსნობის ზოგი დარგი მნიშვნელობას კარგავს და წყობილებიდან გამოდის, ზოგიც სრულიად ახალი დარგი ჩნდება.

ეცემა რქის ყანწებად დამუშავების წარმოება, საქართველოში ფეოდალური წყობილებისა და მისი ისტორიული ნადიმების დაცემის გამო<sup>1</sup>. ჩნდება ხის კასრების წარმოება, რაც ფართო ბაზარს პოულობს ამიერკავკასიიდან ლვინის გატანის გაზრდასთან დაკავშირებით, განსაკუთრებით რკინიგზების გაყვანის შემდეგ.

ფაბრიკა-ქარხნების იაფი ნაწარმის შემოტანისა თუ ადგილზე დამზადების ზრდის პროპორციულად აღინიშნება ხელოსნობის ღაცემა.

გორის მაზრა განთქმული იყო თივთიკის შალის დამზადებით. ასეთი შალები მზადდებოდა თხის რბილი თივთიკისაგან (пух) და ძვირადაც ფასობდა. თივთიკის შალის დამზადების დროს არსებობდა ერთგვარი სტანდარტი. შალი ზომით იყო 15×5/8 არშინი. იგი 100 მანეთად და უფრო მეტადაც იყიდებოდა<sup>2</sup>.

მთის მოსახლეობაში გავრცელებული იყო ხის დამუშავება. აკეთებდნენ ხის კურკელსა და სასოფლო-სამეურნეო იარაღებს და ბარის სოფლებში ჰყიდდნენ. შინამრეწველობის ეს დარგიც ეცემა. მართალია, ხის კურკელი და სხვა ნაკეთობა იაფი იყო, მაგრამ ნაკლებად გამძლე, უხეში და ულაზათო. შემდგომში ხის იარაღთა და კურკელთა ადგილს თანდათან ლითონის ნაკეთობები იკავებდა<sup>3</sup>.

მაზრის ბევრ სოფელში ქვევრებს ამზადებდნენ. ქვევრების წარმოება იზრდება მევენახეობის განვითარებასთან დაკავშირებით. მევენახეობის განვითარება კი, თავის მხრივ, უმთავრესად ბაზარზე ლვინის მოთხოვნილების ზრდისაგან იყო გამოწვეული. ქვევრი ლვინის ადგილობრივი შენახვის საუკეთესო საშუალებად ითვლებოდა. გორის მაზრა ვერ კმაყოფილდებოდა ქვევრების საკუთარი წარმოებით და შემოჰქონდა ზემო იმერეთიდან<sup>4</sup>.

მეღვინეები ლვინის გატანის გაზრდასთან დაკავშირებით ხის კურკლის გამოყენებაზე გადადიან. გუბერნიაში დიდად იზრდება

<sup>1</sup> ვ. ი. ლვინი, თხ., ტ. 3, გვ. 703.

<sup>2</sup> С. Гулишамбаров, Обзор фабрик и заводов Тифлисской губернии, Тифлис, 1888, გვ. 69.

<sup>3</sup> И. И. Левашов, Кустарные промыслы Тифлисской губернии, Отчеты и исследования по кустарной промышленности в России, т. II, С. - Петербург, 1894, გვ. 74 — 75.

<sup>4</sup> П. Г. Капдуралов, Очерк виноградарства и виноделия в Карталинских, Сборник сведений по виноградарству и виноделию, Выпуск VIII, Тифлис, 1897, გვ. 82 — 83.

ხის კასრების წარმოება. ხის კასრებს მხოლოდ კახეთში აწარმოებდნენ საქარხნო წესით, ქართლში კი ეს წარმოება ჯერ კიდევ ხელოსანთა ხელში იყო<sup>1</sup>. 1885 წლისათვის ქ. გორში ხის კასრების 4 სახელოსნო ყოფილა<sup>2</sup>.

შინამრეწველობა უფრო მეტად მაზრის ჩრდილო მთიანეთში იყო გავრცელებული, აქ ის მოსახლეობისათვის მნიშვნელოვან საარსებო წყაროს წარმოადგენდა. ეს ითქმის განსაკუთრებით მთის ისეთ სოფლებზე, როგორც იყო ზღუდერი, ხოჯა, შუა ერმანი და სხვ.<sup>3</sup> ბარში ამ მხრივ ცნობილი იყო ვანათი (მატყლის დამზადებით), კარალეთი, ქვახერელი, უფლისციხე (ჭილობის დამზადებით) და სხვ.

90-იან წლებში შეინიშნება შინამრეწველობის ძლიერი დაცემა. ეს აიხსნებოდა სამიმოსვლო გზების გაუმჯობესებითა და საფუარი იყო ნაწარმთა უფრო ადვილი შემოზიდვით, კავკასიაში მნიშვნელოვანი სამრეწველოების გაჩენით.

გორის მაზრაში დიდი მნიშვნელობა ჰქონდა სხვადასხვა სახის სარეწებსაც. ამ მხრით მნიშვნელოვანი ჩანს სამშენებლო მასალების წარმოება; კერძოდ, გაფართოებულა კირის წარმოება. კირს ამზადებენ გორიჯვარში, კავთისხევში, თელათგორში, წინარეხსა და სხვა სოფლებში. ამასთან, კირი იყიდებოდა არა მარტო გორის მაზრაში, არამედ ის იგზავნებოდა თბილისშიც. კირის წარმოების ზრდა დაკავშირებული იყო საბინაო მშენებლობის სწრაფ ზრდასთან. თუ ადრე გლეხები უმეტესად მიწურებში ცხოვრობდნენ, ახლა შეძლებული გლეხობა იშენებდა ქვისა და აგურის სახლებს.

გორის მაზრაში უძველესი დროიდან წარმოებდა ხე-ტყის დაცურება მდ. მტკვარზე ტივებით. ხე-ტყე გაჰქონდათ როგორც ბორჯომის სახაზინო ტყიდან, ისე გორის მემამულეთა კუთვნილი ტყეებიდან<sup>4</sup>. ხე-ტყისაგან ამზადებდნენ საშენ მასალას, შუშას, ყავარს, ნახშირს, ხოლო რკინიგზების გაყვანის შემდეგ შპალებსაც<sup>5</sup>.

ტივების დაცურებას მდ. მტკვარზე აწარმოებდნენ უმთავრესად მის მახლობლად მდებარე სოფლების მცხოვრებლები. ხე-ტყის

<sup>1</sup> К. Хатисов, Кустарные промыслы Закавказского края, Отчеты и исследования по кустарной промышленности в России, т. II, С. - Петербург, 1894, гл. 317.

<sup>2</sup> საქ. ცსსა, ფონდი 254, საქმე 3566, ფურც. 11, 1886 წ.

<sup>3</sup> «МДИЭБГКЗК», т. VI, гл. 236 — 237.

<sup>4</sup> საქ. ცსსა, ფონდი 5, საქმე 146, ფურც. 14, 1868 წ.

<sup>5</sup> იქვე, საქმე 3975, ფურც. 15, 1877 წ.

დაცურების საქმეში ადგილი ჰქონდა შრომის გარკვეულ დანაწილებას; ზემო სოფლები ამზადებდნენ ხე-ტყეს და აწარმოებდნენ დაცურებას გარკვეულ მანძილზე. ქვემო სოფლები უმეტესად ყიდულობდნენ მზა ტივებს და შემდეგ თვითონ ჩაჰქონდათ თბილისამდე.

თუ როგორ იყო მოსახლეობა ჩაბმული ხე-ტყის სარეწებში დარა რაოდენობით ხდებოდა ხე-ტყის გამოზიდვა, ნათელ სურათს იძლევა შემდეგი ცხრილი:

ცხრილი 3

გორის მაზრის მტკვრისპირა სატყეო სარეწები

წლები	სარეწებში ჩაბმულ მუშათა რაოდენობა	დაცურებული ტივების რაოდენობა	დაცურებული ტივების ლირებულება
1882	1450	—	—
1883	7600	—	—
1884	7300	—	—
1885	7350	—	—
1886	910	—	—
1887	4000	3970	595000
1888	1100	4222	634741
1889	738	4496	556500
1890	1460	4002	604300
1891	1500	4895	734250
1892	2984	4971	772350
1893	1523	4664	666700 <sup>1</sup>
1899	2000	2150 <sup>2</sup>	—

ხე-ტყის დამზადებასა და დაცურებას ეწეოდნენ უმთავრესად გლეხები. ამასთან, შეძლებულნი დამოუკიდებლად აწარმოებდნენ ა. საქმეს — ყიდულობდნენ ტყეს და ბაზარზე გამოდიოდნენ როგორც მესაკუთრეები, ღარიბები კი ჰყიდდნენ სამუშაო ძალას, იღებდნენ რა ამაში გარკვეულ გასამარჯელოს<sup>3</sup>.

მეურნეობის ეს დარგი XIX საუკ. 90-იანი წლების მეორე ნახევრიდან ეცემა. ამის ერთ-ერთ მთავარ მიზეზად დასახელებულია ტყეების განადგურება მტაცებლური ექსპლოატაციის შედეგად<sup>4</sup>.

<sup>1</sup> საქ. ცსსა, ფონდი 48, საქმე 2140, ფურც. 5, 1894 წ.

<sup>2</sup> საქ. ცსსა, ფონდი 414, საქმე 3, ფურც. 396, 1900 წ.

<sup>3</sup> საქ. ცსსა, ფონდი 48, საქმე 2140, ფურც. 5, 1894 წ.

<sup>4</sup> საქ. ცსსა, ფონდი 414, საქმე 3, ფურც. 396, 1900 წ.

ხე-ტყის დამზადებას ეწეოდნენ, აგრეთვე, მდ. დიდი ლიახვის აუზში მდებარე ტყეებიდან. XIX საუკ. უკანასკნელ მეოთხედსა და XX საუკ. დასაწყისში ამ ტყეებში ყოველწლიურად 10000-დე მორს ამზადებდნენ. დაცურება ხდებოდა მდინარე ლიახვზე წყალდიდობის დროს. სოფ. გუფთასთან, დიდი ლიახვის პირა ვაკეს, ერთ ადგილას ხალხი დღესაც „სატივეს“ უწოდებს<sup>1</sup>.

ტივები გორში ან თბილისში იყიდებოდა. ტყის ექსპლოატაციას ეწეოდნენ როგორც მემამულეები, ისე ადგილობრივი მეწარმეები, რომელთა რაოდენობა მარტო ჭავის სასოფლო საზოგადოებაში 15-ს უდრიდა<sup>2</sup>.

მაზრაში ხელოსნობის ცენტრს ქ. გორი წარმოადგენდა. აქ 1865 წლისათვის იყო 279 ხელოსანი<sup>3</sup>, ხოლო 1897 წელს 327 ხელოსანი-ოსტატი, 142 ქარგალი და 181 შეგირდი. ამათ გარდა მაზრაში იყო კიდევ 486 ოსტატი, 187 ქარგალი, 249 შეგირდი<sup>4</sup>.

1894 წელს ხიდისთავის უბანში იყო: 12 მექუდე, 17 მეჩექმე და ხარაზი, 20 დურგალი, 25 ხურო, 4 ზეინკალი, 8 მეშუშე (შუშის ჩამსმელი), 21 მკედელი, 28 ნალბანდი, 3 მღებავი, 12 მეჩუქურთმე, 4 მეტყავე, 10 მექვაბე, 12 ვერცხლის ოსტატი. 32 დალაქი<sup>5</sup>.

იმ პერიოდში ბორჯომის უბანში იყო:

	ოსტატი	შეგირდი	მუშა
პურის მცხობელი	9	6	10
მეფუნთუშე	1	1	—
მკერავი	5	6	3
ხარაზი	3	1	—
მექუდე	1	—	1
დურგალი	1	3	2
ხურო	30	10	15
ზეინკალი	2	—	1
მეთუნეუქე	1	1	2
მკედელი	1	—	1
მღებავი	2	—	10
მელუნელე	2	—	2
მეეტლე	10	—	5
ვერცხლის ოსტატი	1	1	2
დალაქი	2	—	1 და სხვ. <sup>6</sup>

<sup>1</sup> ცნობა მოგვაწოდა გუფთის მცხოვრებმა საველე ბიტიევმა (52 წლ.).

<sup>2</sup> З. Н. Ванеев, Крестьянский вопрос и крестьянское движение в Юго-Осетии в XIX веке, Сталинград, 1956, გვ. 309-312.

<sup>3</sup> Сборник статистических сведений о Кавказе, Под редакцией Н. И. Воронова, Тифлис, 1869, გვ. 117.

<sup>4</sup> საქ. ცსსა, ფონდი 48, საქმე 2258, ფურც. 233-234, 1898 წ.

<sup>5</sup> იქვე, საქმე 2198, ფურც. 162, 1895 წ.

<sup>6</sup> იქვე, საქმე 2258, ფურც. 98-99, 1898 წ.

სურამის უბანში (1897 წ.) იყო: 25 მეპურე, 7 მეფუნთუშე, 4 მკერავი, 8 მღებავი და სხვა<sup>1</sup>. აღსანიშნავია, რომ XX საუკ. დასაწყისში ბორჯომში უკვე სახელოსნო სასწავლებელიც არსებობდა<sup>2</sup>.

ამგვარად, ხელოსანთა იმ კატეგორიებთან ერთად, რომელნიც ადრეც არსებობდნენ (დურგლები, მჭედლები, ნალბანდები...), ვხვდებით მეპურეებს, მეფუნთუშეებს, მკერავებს, მღებავებს, მეშუშეებს, მეთუნუქეებს, მეკასრეებს და სხვ. ესეც მიუთითებს იცვლილებებზე, რაც კაპიტალიზმმა მოიტანა. იცვლება თვითკმარ მეურნეობა, გლეხობაშიც ჩნდებიან ოჯახები, რომელთაც ფუფუნებით ცხოვრების მოთხოვნილება უჩნდებათ და სჭირიათ ხელოსანთ შრომის გამოყენება.

### გ) კაპიტალისტური წამოწყებები მრეწველობაში და მათი განვითარება

კაპიტალიზმის განვითარების ტემპი გამოხატულებას პოულობს მრეწველობის სწრაფ განვითარებაშიც XIX საუკ. მეორე ნახევარში. ამიერკავკასიის ეკონომიურ განვითარებაში განსაკუთრებულ მნიშვნელობა ენიჭება ნავთსა და მარგანეცს. ამიერკავკასიის ნავთმ. და მარგანეცმა ერთბაშად მოიღოვა დიდი ხვედრითი წონა მსოფლიო ბაზარზე. მათი მოპოვება-დამუშავებისათვის, ხოლო შემდეგ მომხმარებლამდე მიწოდებისათვის საჭირო გახდა მთელ რიგ სამრეწველო ნაგებობათა შექმნა. შეიქმნა სამრეწველო ცენტრები პროლეტარული მოსახლეობით.

ნავთისა და მარგანეცის მრეწველობის განვითარება სტიმულს აძლევდა მრეწველობის სხვა დარგების განვითარებასაც.

სამთო მრეწველობის სწრაფი განვითარების შესახებ ვ. ი. ლენინი აღნიშნავდა: „სამხრეთთან ერთად უნდა მოვიხსენიოთ კავკასიაც, რომელსაც აგრეთვე ახასიათებს სამთო მრეწველობის გასაოცარი ზრდა რეფორმის შემდგომ პერიოდში“<sup>3</sup>.

ვ. ი. ლენინი აღნიშნავს განსაკუთრებით ნავთის ამოღების სწრაფ ზრდას: 1865 წ. ამოღებულ იქნა 557 ათასი ფუთი, 1870

<sup>1</sup> საქ. ცსსა, ფონდი 48, საქმე 2258, ფურც. 41—42, 1898 წ.

<sup>2</sup> საქ. ცსსა, ფონდი 254, საქმე 9527, ფურც. 3, 1906 წ.

<sup>3</sup> ვ. ი. ლენინი, თხზ., ტ. 3, გვ. 581.

წელს — 1,7 მილიონი, 1875 წ. — 5,2 მილიონი, 1880 წ. — 21,5 მილიონი, 1885 წ. — 116 მილიონი, 1890 წ. — 242,9 მილიონი, 1895 წ. — 384, ხოლო 1902 წ. — 637,7 მილიონი ფუთი<sup>1</sup>.

სწრაფად იზრდება მარგანეცის ამოღება. ქიათურის მარგანეცი მსოფლიო მოთხოვნილების ნახევარზე მეტს ჰფარავდა<sup>2</sup>.

1865 წლისათვის თბილისის გუბერნიაში 453 ფაბრიკა-ქარხანა ყოფილა. მათი წლიური პროდუქცია შეადგენდა 1203990 მანეთს, ხოლო მომუშავეთა რიცხვი 5804 კაცს აღწევდა<sup>3</sup>. ამასთან, ყველა ეს ფაბრიკა-ქარხანა ნამდვილი კაპიტალისტური საწარმო არ ყოფილა. მათი უმრავლესობა წვრილი სახელოსნოები იყო. ამაზე თვით სტატისტიკაც მიუთითებს და წარმოების მუშაკს გვიღვენს „ოსტატის“ სახელით. მაგრამ აქვე უნდა აღვნიშნოთ, რომ ფაბრიკა-ქარხნების რაოდენობის ეს მაჩვენებელი ხელოვნურად არის გაზარდილი და თვით მუშათა რიცხვიც ზუსტად არ არის ნაჩვენები, აქ მუშათა რიცხვში შედიან ხელოსნებიც და არ შედის ყველა მუშა.

სტატისტიკის მონაცემებით 1876 წ. გუბერნიაში იყო 565 ფაბრიკა-ქარხანა 3060 მუშით და 2088901 მან. პროდუქციით<sup>4</sup>; 1884 წ. — 868 ფაბრიკა-ქარხანა 4888 მუშით და 4572000 მან. პროდუქციით<sup>5</sup>; 1887 წ. — 1543 ფაბრიკა-ქარხანა 6107 მუშით, 4994737 მან. პროდუქციით; 1894 წ. — 1500 ფაბრიკა-ქარხანა იყო 12500 მუშით<sup>6</sup>.

როგორც ვხედავთ, სწრაფად იზრდება სამრეწველო პროდუქტარიატის რიცხვი. XIX საუკ. ბოლოს მუშათა რაოდენობა საქართველოში უკვე 35000 აღემატებოდა<sup>7</sup>.

გორის მაზრაშიც, ისევე როგორც მთელ ამიერკავკასიასა და საქართველოში, ვითარდება მრეწველობა.

<sup>1</sup> ვ. ი. ლენინი, თხზ., ტ. 3, გვ. 581.

<sup>2</sup> ა. კიკვიძე, საქართველოს ისტორია (XIX საუკუნე), თბილისი, 1954, გვ. 304

<sup>3</sup> Сборник статистических сведений о Кавказе, Под редакцией Н. Воровова, Тифлис, 1869, გვ. 115.

<sup>4</sup> საქ. ცსსა, ფონდი 5, საქმე 3975, ფურც. 7, 1877 წ.

<sup>5</sup> Кавказский календарь на 1886 г., გვ. 217.

<sup>6</sup> ფ. მახარაძე, თხზ., ტ. III, თბილისი, 1926, გვ. 19 — 20.

<sup>7</sup> გაზ. „კომუნისტი“, 1955, № 291, (10377), 11/XII.

1887 წლისათვის შემდეგი სურათი გვაქვს:

ცხრილი 4

გორის მაზრის სამრეწველო საწარმოები (1887 წ.)

№-ს რიგ.	ქარხნების დასახელება	ქარხნების რაოდენობა	მუშების რაოდენობა	წლიური პროდუქცია მან.თობით
1	ხე-ტყის სახერხი ქარხანა	3	160	62000
2	აგურის "	7	31	2920
3	ერბო-კარაქის "	2	2	1200
4	ლეინის "	1	8	2000
5	ხის სახარში . . . . .	1	72	10000
ს უ ლ .		14	273	78120 <sup>1</sup>

1893 წელს მაზრაში იყო:

ხე-ტყის სახერხი — 4	650 მუშით, 120000 მან. პროდუქციით
აგურის ქარხანა — 18	150                    6110 "
ერბო-კარაქის " — 1	4                        600 "                    და სხვ. <sup>2</sup>
ს უ ლ — 23	804                    126710

1887-დან 1893 წლამდე, ე. ი. 6 წლის განმავლობაში, ხე-ტყის ქარხნების რიცხვი 3-დან 4-მდე გაიზარდა, მწარმოებლურობა კი ორჯერ გადიდდა. მუშათა რიცხვი ამ საწარმოებში გაზრდილა 160-დან 650-მდე, ე. ი. 4-ჯერ. სერიოზული ზრდა ემჩნევა საშენ მასალათა წარმოებას; აგურის ქარხნების რიცხვი 7-დან 18-მდე გაზრდილა, მუშებისა კი 31-დან 150-მდე, ე. ი. 5-ჯერ. საკირეებზე მომუშავეთა რიცხვი 290-დან 946-დე გაზრდილა.

მრეწველობის ზრდას უდიდესი მნიშვნელობა ჰქონდა. იგი დიდ გავლენას ახდენდა სოფელზე.

<sup>1</sup> საქ. ცსსა, ფონდი 48, საქმე 1995, ფურც. 1, 1887 წ.

<sup>2</sup> იქვე, საქმე 2140, ფურც. 33, 1894 წ.

## გორის მაზრის სამრეწველო საწარმოები (1897 წ.)

საწარმოთა დასახელება	ქ. გორში			გორის მაზრაში			ს უ ლ		
	საწარმოთა რიცხვი	მწარმოებელთა რიცხვი	მუშათა რიცხვი	საწარმოთა რიცხვი	მწარმოებელთა რიცხვი	მუშათა რიცხვი	საწარმოთა რიცხვი	მწარმოებელთა რიცხვი	მუშათა რიცხვი
ხე-ტყის სახერხი	—	—	—	6	84800	228	6	81800	228
ხე-ტყის სახარში	—	—	—	1	28596	59	1	28596	59
აგურის	6	1500	18	7	2400	26	13	3900	44
მინერალური წყლები	1	2000	2	1	15000	35	2	17000	57
კურკლელის	10	1500	20	9	1900	28	19	3400	48
ერბო-კარაქის	1	150	2	—	—	—	1	150	2
კირის	—	—	—	54	21190	255	54	21190	255
მინის	—	—	—	1	65000	75	1	65000	75
წისკილები	12	9000	15	670	13000	690	682	22000	705
ს უ ლ	30	14150	57	749	231886	1396	779	246036	1455

1901 წელს ქალაქ გორში 52 საწარმო იყო 205 მუშითა და 62062 მან. მწარმოებლურობით, გორის მაზრაში კი 820 საწარმო, 1677 მუშითა და 962235 მან. მწარმოებლურობით<sup>2</sup>.

ამგვარად, თუ 1887 წელს მარტო გორის მაზრის საწარმოების მიერ გამოშვებული სამრეწველო პროდუქციის ღირებულება თითოეულ მცხოვრებზე საშუალოდ 51 კაპიკს შეადგენდა (78120 მანეთის პროდუქცია გაყოფილი 153499 სულზე), 1901 წელს თითოეულ მცხოვრებზე უკვე 5 მანეთის სამრეწველო პროდუქცია მოდიოდა (1024297 მანეთის პროდუქცია გაყოფილი 199000 სულზე), ე. ი. 15 წლის განმავლობაში სამრეწველო პროდუქცია სულზე დაახლოებით 10-ჯერ გაზრდილა.

ზემოთ მოტანილი ცხრილის განხილვისას თვალში გვეცემა რიგი საწარმოებისა, სადაც მუშათა რიცხვი შედარებით დიდია; ასეთებია: ხე-ტყის სახარში ქარხანა 59 მუშით, მინის ქარხანა 75 მუშით, მინერალური წყლების ქარხანა ბორჯომში 35 მუშით და ხე-

<sup>1</sup> საქ. ცსსა, ფონდი 48, საქმე. 2258, ფურც. 235, 1898 წ.

<sup>2</sup> Сборник статистических сведений о Тифлисской губернии, Тифлис, 1903, გვ. 102 — 105.



ტყის 6 სახერხი ქარხანა 228 მუშით. აღნიშნული საწარმოები სავსებით კაპიტალისტური წესის მიხედვით არიან მოწყობილნი. მეორე მხრით, ვხედავთ, რომ საწარმოთა რიცხვში შესულია წყლის წისქვილები.

მაზრაში წისქვილების მნიშვნელოვანი ნაწილი მთის სოფლებზე მოდის. აქაური წისქვილები ჩვეულებრივად მეტად პატარა და ერთთვლიანი იყო. თითოეული ასეთი წისქვილი საშუალოდ 6—12 მანეთი ღირდა<sup>1</sup>. წისქვილის გამართვაში მონაწილეობდა სოფლის რამდენიმე კომლი, რომლებიც შემდეგ კოლექტიურადვე სარგებლობდნენ. ასეთ წისქვილს მეწისქვილე არა ჰყავდა და თითოეული მესაფქვავე საჭირო შემთხვევაში წისქვილს თითონვე ემსახურებოდა.

მეორე მხრით, უკვე XIX საუკ. 80-იან წლებში გვხვდება კარგად გამართული სამ და ოთხთვლიანი წისქვილები, რომელთა ღირებულება 1000-1900 მანეთს აღწევდა. ოთხთვლიანი წისქვილები გამართული იყო, მაგალითად, სოფ. კრისხევში, სოფ. თეზსა და სხვ<sup>2</sup>; ასეთი წისქვილები ეკუთვნოდა როგორც მემამულეებს, ისე შეძლებულ გლეხებსა და ვაქრებს, რომლებიც ამ საწარმოების მეშვეობით უკლფდნენ ღარიბ გლეხებს.

1899 წელს მაზრაში მსხვილი ქარხნებიდან აღსანიშნავი იყო: 1. მინის, ხე-ტყის სახერხი და მინერალური წყლების ქარხნები (მიხეილ რომანოვისა), 2. ხე-ტყის სახერხი ქარხანა ატენის ხეობაში (ინეინერ ზაზემანისა), 3. ხე-ტყის სახერხი ქარხანა და სადურგლო სახელოსნო მდ. თეძამის ხეობაში (თავად პეტრე გრუზინსკისა), 4. შპალების დამამზადებელი ქარხანა სადგ. გომთან. ამ საწარმოთა მწარმოებლურობა დაახლოებით 400000 მანეთს აღწევდა, მუშების რიცხვი კი 1500 კაცს<sup>3</sup>.

ამასთან, XX საუკ. დასაწყისში შეიქმნა „ფირალოვისა და ყარაბეგოვის ლიახვის სატყეო-სამრეწველო ამხანაგობა“. ამხანაგობამ მემამულე მამბლებიდან შიხანთურში შეიძინა ტყე ექსპლოატაციის მიზნით. ამხანაგობამვე მოაწყო ხე-ტყის სახერხი საწარმო, რომელშიც 80-მდე კაცი მუშაობდა<sup>4</sup>.

<sup>1</sup> საქ. ცსსა, ფონდი 254, საქმე 3740, 1887 — 1888 წწ.

<sup>2</sup> იქვე, ფურც. 349, 393.

<sup>3</sup> საქ. ცსსა, ფონდი 414, საქმე 3, ფურც. 396, 1900 წ.

<sup>4</sup> З. Н. Ванев, Крестьянский вопрос и крестьянское движение в Юго-Осетии в XIX веке, Сталинири, 1956, გვ. 312 — 313.

გარდა ზემოთ აღნიშნულისა, მაზრაში მოქმედებდა არაყის სახ-  
დელი სარეწები, რომელთა რიცხვი 1884 წელს იყო 238<sup>1</sup>.

1891 — 1892 წლებში იყო 277 სარეწი, გამოიხდა არაყი 233979 $\frac{1}{4}$ <sup>0</sup>
1892 — 1893 " " 341 " " " 104721 $\frac{1}{2}$ <sup>0</sup>
1893 — 1894 " " 231 " " " 329376 $\frac{1}{10}$ <sup>0</sup>
1894 — 1895 " " 251 " " " 276216 $\frac{3}{4}$ <sup>0</sup> .

1901 წელს მაზრაში 153 არაყის სახდელი სარეწი იყო 663 მუ-  
შით, გამოხდილ იქნა 211010 გრადუსი სპირტი<sup>2</sup>.

როგორც ამ მონაცემებიდან ჩანს, არაყის სახდელ სარეწთა რიცხვი შედარებით შემცირებულა (251-დან 1894—1895 წლებში, 153-მდე 1901 წელს). ეს შემცირება აიხსნება, ერთი მხრით, ვენა-  
ხის მოსავლიანობის მერყეობითა და, მეორე მხრით, სააქციზო ღო-  
ნისძიებებით, რასაც მთავრობა ატარებდა. ამის შედეგად ბევრი გლეხური კომლი იძულებული იყო არაყის სახდელი სარეწი და-  
ეხურა.

ამ სააქციზო წესების შესახებ ი. ჭავჭავაძე შემდეგ აღნიშნავ-  
და: „ფრიად საჭიროა ეხლანდელი ბაჟი არაყის ხდისა შეიცვალოს ისე მაინც, როგორც უწინ იყო, თუ უკეთესად არა. ეხლანდელი ბაჟი ისეთია, რომ თუ მოკლე ხანში კაცმა ბევრი არ გამოხდა, არაყის ზღა საზარალოა. არც ერთ ქვაბს, რომელსაც აქამომდე გლეხკაცი ხმარობდა, მაგ სასწაულის ქმნა არ შეუძლია... საცა ვენახები ხში-  
რია (და სად არ არის ჩვენში?), იქ გლეხკაცობა მარტო არაყის შე-  
მოსავლით ისტუმრებდა თითქმის მთელს სახელმწიფო და სასოფ-  
ლო ხარჯსა. დღეს კი ამას მოკლებულია ეხლანდელი ბაჟის წყალო-  
ბითა. ეხლა არაყის ზღა მარტო მდიდრისათვისღაა შესაძლებელი, ესე იგი იმისათვის, ვინც ორასს, სამასს თუმანს გამოიმეტებს და იმისთანა ქარხანას გამართავს, რომ ცოტა ხანში ბევრი გამოხადოს. ამ სახით, ისეც უღონო გლეხკაცი მტლად დაუდეს მდიდარსა და ფულიანსა“<sup>4</sup>.

<sup>1</sup> С. Гулишамбаров, Обзор фабрик и заводов Тифлисской губернии, Тифлис, 1888, гл. 48.

<sup>2</sup> П. Кандуралов, Очерк виноградарства и виноделия в Карталинши, Сборник сведений по виноградарству и виноделению, 1897, гл. 91.

<sup>3</sup> ერთი გრადუსი =  $\frac{1}{10}$  ვედროს (Записки Кавказского Общества Сельского хозяйства, 1873, гл. 2).

<sup>4</sup> ი. ჭავჭავაძე, თხზ., ტ. VI, 1927, გვ. 185.

არაყის სახდელი სარეწების საკმაოდ დიდი რიცხვი მოწმობს მევენახეობის განვითარების მაღალ დონეს. არაყს ხდიან არა მარტო საკუთარი მოთხოვნილებების დასაკმაყოფილებლად, არამედ უფრო მეტად ბაზარზე გასატანად. ბაზარზე არაყის გატანა შედარებით დიდი რაოდენობით შეეძლოთ მხოლოდ დიდი ვენახებისა და არაყის სახდელი სარეწების მესაკუთრეებს — ესენი კი, როგორც წესი, მემკვიდრეები და მდიდარი გლეხები იყვნენ<sup>1</sup>.

მაზრის მრეწველობაში ფეხს იკიდებს შედარებით მაღალი ტექნიკა. ჯერ კიდევ 1887 წელს მაზრის უფროსი თავის ანგარიშში აღნიშნავდა სამ საწარმოს, სადაც გამოყენებული ყოფილა ორთქლის ძრავი. ხე-ტყის სახერხ ქარხანაში (რკინიგზის სადგურ გომის ახლოს) საწვავ მასალად გამოყენებული იყო შეშა, გორის ხე-ტყის სახარშ ქარხანაში კი მაშუთი, სოფ. იკენევის ხე-ტყის სახერხი ქარხანა მუშაობდა შეშაზე. აღნიშნულთაგან პირველი საწარმო ეკუთვნოდა მისეილ რომანოვს, ორი უკანასკნელი კი ინჟინერ ზაზემანს<sup>2</sup>.

ჩვენ ზედმეტად არ მიგვაჩნია აქ მოვიტანოთ XIX საუკ. 80-იანი წლების გორის მაზრის ზოგიერთი საწარმოს უფრო დეტალური აღწერა.

სოფ. ატენში თავად ზაქარია და ივანე ერისთავების მიწაზე ინჟინერ ავგუსტ ზაზემანს ჰქონია 3650 მან. ღირებული ხის სახერხი ქარხანა. ეს საწარმო იყო ხის ორსართულიანი შენობა, სიგრძით 14, სიგანით 6 და სიმაღლით 4 საეწენი. მაღლა სართულზე განლაგებული იყო მანქანები და წარმოებდა მუშაობა. დაბლა სართულზე იდგა 2 ტურბინა, თითოეული 12 ძალიანი. საწარმოში სამი ხერხი მოქმედებდა: ორი მრგვალი და ერთი გრძელი<sup>3</sup>.

ინჟ. ზაზემანის მეორე ხის სახერხი ქარხანა, 3525 მანეთად ღირებული, სოფ. ხანდისის ახლოს, თავად ერისთავების მიწაზე იყო აშენებული. ერთსართულიან ხის შენობაში 8 ძალიანი ორთქლის მანქანა იდგა, მოქმედებდა 4 მრგვალი ხერხი. ქარხნიდან 1 ვერსის მანძილზე გაყვანილი იყო ცხენის რკინიგზა. ქარხანასთან აგებული იყო 8 ოთახიანი ორსართულიანი ხის შენობა მუშების საცხოვრებლად<sup>4</sup>.

<sup>1</sup> საქ. ცსსა, ფონდი 414, საქმე 22, 1902 წ.

<sup>2</sup> იქვე, საქმე 36, ფურც. 7, 1888 წ.

<sup>3</sup> საქ. ცსსა, ფონდი 254, საქმე 3740, ფურც. 326 — 327, 1887 — 1898 წწ.

<sup>4</sup> იქვე, ფურც. 328.

სოფ. ხიდისთავის მიდამოებში (რკინიგზის გორის სადგურთან). თავად დავით ერისთავის მამულში ინჟ. ზაზემანსვე მოწყობილი ჰქონდა რკინიგზის შპალების გამყლენთავი ქარხანა, შეფასებული სახაზინო პალატის მიერ 70900 მანეთად. ქარხანა წარმოადგენდა ერთსართულიან ქვის შენობას, სიგრძით 18, სიგანით  $5\frac{1}{4}$  და სიმაღლით  $2\frac{3}{4}$  საყენს. შენობა 5 განყოფილებისაგან შედგებოდა: ერთ განყოფილებაში იდგა ორი ქვაბი (ცილინდრი) შპალების გასაყლენთად, მეორეში — ორთქლის მანქანა, დანარჩენი სამი განყოფილება ეკირა კანტორას, მემანქანესა და სხვა მომსახურე პერსონალს.

ამ შენობას მიდგმული ჰქონდა კიდეე რამდენიმე სხვა შენობა. ერთ მათგანში მოთავსებული იყო 25 ძალიანი ორთქლის ქვაბი. ხე-ტყის მოსაზიდად ქარხნიდან 20 ვერსის მანძილზე გაყვანილი იყო ვიწროლიანდაგიანი რკინიგზა, ერთი ვერსის მანძილის სათადარიგო გზებით. რკინიგზას 144 პატარა ვაგონი და 3 ორთქლმავალი ემსახურებოდა. ორთქლმავლები ერთი 20 ძალიანი, ხოლო ორი 40—40 ძალიანი ყოფილა<sup>1</sup>. რკინიგზა მდ. ტანას მიჰყვებოდა. XX საუკ. დასაწყისისათვის მისმა სიგრძემ 34—35 ვერსს მიაღწია<sup>2</sup>.

სოფ. გომის ახლოს მიხეილ რომანოვს ჰქონდა ხის სახერხი ქარხანა 11220 მან. ღირებული. ქარხნის შენობა წარმოადგენდა 76 არშინის სიგრძის, 25 არშ. სიგანისა და  $6\frac{1}{2}$  არშ. სიმაღლის ხის ფარდულს. აქ იდგა ორთქლის ქვაბი და ძრავი. ქარხანას ჰქონდა სამი სახერხი დაზვა: ორი მრგვალი და ერთი გრძელი ხერხით. აქვე იყო ბევრი სხვა შენობაც, მათ შორის მუშათა საცხოვრებელი 3 ოთახიანი სახლი (სიგრძე 20, სიგანე 7, სიმაღლე  $3\frac{1}{2}$  არშინი), მოსამსახურეებისათვის 6 ოთახიანი შენობა (სიგრძე 30, სიგანე 11, სიმაღლე 5 არშინი)<sup>3</sup>.

ანალოგიური იყო გენერალ ალექსანდრე პეტერსის ხე-ტყის სახერხი ქარხანა ბორჯომის ახლოს<sup>4</sup> და სხვ.

#### დ) საგზაო მშენებლობის განვითარება

XIX საუკ. 60-იანი წლებიდან ამიერკავკასიაში იწყება რკინიგზის ქსელის მშენებლობა. ეს მოვლენა, საერთოდ, კაპიტალიზმის

<sup>1</sup> საქ. ცსსა, ფონდი 254, საქმე 3740, ფურც. 325, 1887 — 1888 წწ.

<sup>2</sup> ცნობა მოგვაწოდა ატენის მცხოვრებმა სანდრო ჯილაძემ (101 წლ.).

<sup>3</sup> საქ. ცსსა, ფონდი 254, საქმე 3740, ფურც. 344, 1887 — 1888 წწ.

<sup>4</sup> იქვე, ფურც. 358 — 359.

განვითარების შედეგი იყო. რკინიგზებმა დააჩქარეს ჩვენი ქვეყნის კაპიტალისტური განვითარება.

1871 წელს გაყვანილ იქნა რკინიგზის თბილისი-ფოთის ხაზი, 1883 წელს დამთავრდა ამიერკავკასიის უდიდესი სატრანსპორტო არტერიის, ბაქო-ბათუმის მაგისტრალის გაყვანა. 1894 წელს რკინიგზის სიგრძემ 969 ვერსს მიაღწია. იმავე წელს კავკასიაში გაყვანილ იქნა 27 ვერსი რკინიგზა. 1895 წ. — 38 ვერსი, 1899 წ. — 279, 1900 წ. — 6, 1901 წ. — 12, 1902 წ. — 167 ვერსი. 1914 წელს ამიერკავკასიაში რკინიგზების სიგრძე 1767 ვერსს უდრიდა<sup>1</sup>. 1890 წელს გაიხსნა სურამის გვირაბი<sup>2</sup>, რამაც განაპირობა დაუბრკოლებელი სარკინიგზო კავშირი საქართველოს აღმოსავლეთსა და დასავლეთ ნაწილებს შორის.

განსაკუთრებული მნიშვნელობა ჰქონდა რუსეთთან ამიერკავკასიის რკინიგზით დაკავშირებას.

რკინიგზამ აქამდე ეკონომიურად სუსტად დაკავშირებული მხარეები ერთმანეთს მჭიდროდ დაუკავშირა, გააადვილა მიმოსვლა, შესაძლებელი გახდა საქონლის მიწოდება იქ. სადაც მისი გასაღება იყო შესაძლებელი. საქართველოს ცალკეულ ოლქებს შორის შრომის დანაწილება მთელი სისრულით მხოლოდ რკინიგზის გაყვანის შემდეგ იქნა შესაძლებელი.

რკინიგზამ გორის მაზრაზე გაიარა და იგი ორ ნაწილად გაყო. მაზრაში რკინიგზის სიგრძე 94 ვერსს უდრიდა. გზას მაზრისათვის უდიდესი მნიშვნელობა ჰქონდა. მან კარები გაუხსნა სოფლის მეურნეობის პროდუქციას თბილისისა და ქუთაისის გუბერნიების მთავარ ბაზრებზე. რკინიგზამ მჭიდროდ დაუკავშირა გორის მაზრის მოსახლეობა საქართველოს სხვა ოლქებსა და რაიონებს, აგრეთვე ამიერკავკასიასა და რუსეთს.

რკინიგზით მიმოსვლა სწრაფად შედის ამიერკავკასიის მოსახლეობის ყოფაცხოვრებაში.

<sup>1</sup> ს. ზუნდაძე, სოციალიზმის ისტორიისათვის საქართველოში, ტ. I, ტფილისი, 1927, გვ. 45.

<sup>2</sup> Кавказский календарь на 1891 г., გვ. 8 — 14.

გადაყვანილი მგზავრებისა და გადატანილი ტვირთის რაოდენობა ამიერკავკასიის რკინიგზაზე შემდეგ სურათს გვაძლევს:

ცხრილი 6

ამიერკავკასიის რკინიგზით გადაყვანილი მგზავრებისა და გადატანილი ტვირთის რაოდენობა

წლები	გადაყვანილი მგზავრების რიცხვი	გადატანილი საქონლის რაოდენობა (ფუთობით)
1874	367798	9836759
1880	633983	28659241
1885	842349	76490902
1890	1134473	118516704
1896	2179459	152162303 <sup>1</sup>

როგორც ამ ცხრილიდან ჩანს, 1874 წელთან შედარებით 1896 წელს გადაყვანილ იქნა მგზავრთა 6-ჯერ მეტი რაოდენობა, ხოლო ტვირთი გადატანილ იქნა 15,5-ჯერ მეტი.

მაზრის რკინიგზის სადგურების მიხედვით მგზავრთა გადაყვანა შემდეგნაირია:

ცხრილი 7

მგზავრთა გადაყვანა რკინიგზის გორის მაზრის სადგურების მიხედვით

სადგურების დასახელება	მოსულ მგზავრთა რიცხვი		გამგზავრებულთა რაოდენობა	
	1884 წ.	1902 წ.	1884 წ.	1902 წ.
სურამი . . . . .	15684	—	12304	—
მიხაილოვო (ხაშური) .	22047	85597	22205	96646
გომი . . . . .	8987	17254	6695	14403
ქარელი . . . . .	8273	21063	8756	18471
გორი . . . . .	33051	74143	31664	72550
გრაკალი . . . . .	6691	20664	7711	20013
კასპი . . . . .	7412	21603	5556	20371 <sup>2</sup>
<b>ს უ ლ</b>	<b>102145</b>	<b>240324</b>	<b>94891</b>	<b>242454</b>

<sup>1</sup> ფ. შახარაძე, თბზ., ტ. VIII, თბილისი, 1932, გვ. 15.

<sup>2</sup> Труды Тифлисского губернского статистического комитета, Тифлис, 1886, გვ. 66 — 67; Казенные дороги, Сводные статистические таблицы за 1902 г., გვ. 63 — 65.

რკინიგზა ქართლის ცხოვრებაში უფრო და უფრო მეტ მნიშვნელობას იძენს. განუწყვეტლივ მატულობს რკინიგზის მგზავრთა რიცხვი, რაც მოსახლეობის ფართო ფენების მოძრაობის დიდ ზრდაზე მიუთითებს. ადამიანები ერთმანეთს უკავშირდებიან, ახდენენ გარიგებებს, გადააქვთ ტვირთი უფრო დიდი რაოდენობით, უფრო შორს ჰყიდიან და ყიდულობენ საქონელს, აქტიურად ებმებიან ახალ საზოგადოებრივ ურთიერთობაში. ადამიანებს გაზრდილი მოთხოვნილებების დასაკმაყოფილებლად სჭირდებათ ფული. საზოგადოების ერთი ნაწილი ფულის შოვნას ჰკარბი სასაქონლო პროდუქტების გაყიდვით ახერხებს. საზოგადოების მეორე ნაწილი ფულს სამუშაო ძალის გაყიდვით შოულობს. რკინიგზა საშუალებას იძლევა, რომ ადამიანებმა სამუშაო ძალა იქ გააქირონ, სადაც მასზე მეტი მოთხოვნილებაა.

XIX საუკ. უკანასკნელი მესამედისა და XX საუკ. პირველი მეხუთედის ქართლის სოფლის ძირითად მოსახლეობას მცირემიწიანი გლეხობა შეადგენდა. იგი იძულებული იყო ბაზარზე გაეტანა, გარდა თავისი სამუშაო ძალისა, ის პროდუქციაც, რომელიც მცირე ნაკვეთზე მოჰყავდა. რკინიგზამ მისაწვდომი გახადა ერთი ოლქის სიმდიდრე მეორესათვის. სოფელი დაუახლოვდა ქალაქს.

50-იანი წლების ბოლოს მემამულე ამილახვარმა, კავკასიის სასოფლო-სამეურნეო საზოგადოების რჩევით, გორთან ახლოს ხელი მიჰყო ბოსტნეულის მოყვანას; კერძოდ, მან მოზრდილი ნაკვეთი დაუთმო ფერად კომპოსტოს. შესანიშნავი ბოსტნეული მოვიდა, მაგრამ იგი ადგილზე ვერ გაიყიდა, მისი გატანა შეიძლებოდა თბილისში, რომელიც იმ დროს ფაქტიურად ბოსტნეულის ერთადერთი ბაზარი იყო გუბერნიაში. რკინიგზა არ არსებობდა, ურმით გადატანა კი არახელსაყრელი იყო, გაყიდული პროდუქტები სატრანსპორტო ხარჯებსაც კი ვერ აანაზღაურებდა. მემამულის ბრძანებით ბოსტანში შეუშვეს კამეჩები. რომელთაც გაანადგურეს ჭიშიანი ბოსტნეული<sup>1</sup>. რკინიგზის გაყვანის შემდეგ ამის მსგავს მაგალითს, რა თქმა უნდა, აღარ შეიძლებოდა ჰქონოდა ადგილი.

რკინიგზის სადგურები გორის მაზრაში მრავალი სახის ტვირთს იღებდნენ და აგზავნიდნენ. ამას გვიჩვენებს ქვემოთ მოტანილი ცხრილი<sup>2</sup>, შედგენილი ამიერკავკასიის რკინიგზის სამმართველოს ანგარიშის საფუძველზე.

<sup>1</sup> Обзор деятельности Кавказского общества сельского хозяйства за 50 лет, 1901, გვ. 10 — 11.

<sup>2</sup> Труды Гифлисского губернского статистического комитета, Тифлис, 1886, Таблица 1.

ტვირთობიდან სადგურების მიხედვით 1884 წ. (ფუტობით)

რაიონების სადგურები	სურამი		საშურთი		გომი		ბორი		გრაკალი		კასპი		ქსანი		ქარელი	
	გაბ. მილ.		მილ.		გაბ. მ.		გაბ. მილ.		გაბ. მ.		გაბ. მ.		მ. მ.		მ. მ.	
	2	3	4	5	6	7	8	9	10	11	12	13	14	15	16	17
ბაზუთი . . . . .	—	—	—	35	67	—	—	72	—	67	—	—	—	—	—	—
მოსჯეული . . . . .	217	2007	2311	3755	61	30	—	2112	9350	86	120	—	—	13	102	185
მეკასრეთის ნაწარმი	140	119	2566	4119	133	53	403	1448	69	139	129	241	120	154	27	20
ლენინ ადგილობრივი	451	26767	141	16052	1331	326	11311	1675	2994	11	2304	402	393	—	92	3999
არა-ყი და სპირტი .	—	802	33403	1555	34	87	1397	1833	—	9	—	20	—	—	—	—
ხე-ტყე და სადურგლო	—	—	—	—	—	—	—	—	—	—	—	—	—	—	—	—
ბაკეთობანი	316	337	1512	8343	58	246	675	815	18	64	123	306	—	43	18	19
შეშა	181200	—	4099	600	33600	—	76800	—	96600	—	8400	—	4200	—	178800	—
რაინის ნაწარმი . . .	24	1053	3408	2811	—	262	—	1587	—	20	34	—	—	—	—	—
დაუმუშავებელი რკინა	—	770	—	13600	—	213	—	3492	—	20	—	—	—	—	—	—
სას-სამ. იარაღები	—	—	—	248	3	—	20	32	—	—	—	—	—	—	—	—
კირი და გავი . . . . .	7611	106	600	870	—	180	1236	7	—	—	—	—	—	—	600	—
ჩამიჩი . . . . .	—	—	—	—	—	—	—	66	—	—	—	—	—	—	—	—
სამშენებლო ქვა	2400	2400	—	73	600	—	73	1200	1200	20	10200	—	—	—	—	—
ნავთი . . . . .	10	1000	1561	39959	—	2147	1876	20967	—	979	664	—	—	59	—	284
ტყე-ნედლეული	748	173	832	539	25	—	2465	89	93	28	21	—	—	14	380	10
უწყნო ქვი, . . . . .	—	—	—	—	—	—	—	—	—	—	—	—	—	—	—	—
ლომი, ფიტვი	1575	2632	5224	3263	1561	815	3420	3636	10	86	—	63	—	20	253	9
ფართოლეული	—	2901	108	15123	88	4503	59	9324	—	650	—	266	—	30	—	108
მანქანები	—	8	36	144	8	2995	22	222	—	3	1800	—	—	—	—	12
სამშენებლო საქონელი	—	—	13	1774	—	—	—	209	—	—	—	—	—	—	—	—
ხორბლის ფეკილი	4784	3083	3481	13281	49351	458	63451	3995	2115	119	8716	168	523	226	12622	25
ტომები	220	704	419	2004	226	2283	555	4298	8	52	236	258	—	—	—	747

9  
6  
5  
4  
3  
2



რეკონსტრუქციის სადღეურები	სურამი		ხაშური		გომი		გორი		ბრეკალი		კასხი		ქსანი		ქარელი	
	გაბ.	მილ.	გაბ.	მილ.	გაბ.	მილ.	გაბ.	მილ.	გაბ.	მილ.	გაბ.	მილ.	გაბ.	მილ.	გაბ.	მილ.
	2	3	4	5	6	7	8	9	10	11	12	13	14	15	16	17
კაკალი . . . . .	577	8	71	782	942	—	—	123	—	—	—	—	—	—	481	4
მინისა და ფაიდურის კურეული . . . . .	371	232	2060	1903	—	6	296	1197	4	4	—	—	—	—	—	—
მეთული	—	228	—	381	—	10	—	131	—	—	—	—	—	—	—	—
ნაოთი . . . . .	—	376	225	3032	—	9	—	339	—	6	—	—	—	—	—	—
ხორბალი	6011	3290	12150	138	39994	1342	23676	8003	3474	789	6129	213	309	628	14811	100
ბრინჯი	—	32	—	—	—	—	—	56	—	—	—	—	—	—	—	—
თევზი	63	1536	353	2013	40	186	356	7375	—	86	—	117	9	40	—	—
შაქარი . . . . .	—	1393	113	14738	—	55	—	5737	—	77	—	21	—	—	—	—
ფხვნილი შაქარი	—	19	—	420	—	—	—	613	—	—	—	—	—	—	—	—
მარილი	1703	14010	794	6118	—	1274	5785	69014	—	1547	919	—	—	37	—	2545
სველდამსუვა საქონელი	239	3755	2139	12625	54	1152	858	11884	159	1380	330	407	44	132	288	425
ბზე, თივა, ჩალა	32448	13	2893	—	10957	498	5700	270	156	36	783	20	1263	—	2643	—
თამბაქო	—	46	335	3066	—	—	2	407	—	—	—	—	—	—	—	—
ლობიო . . . . .	2195	109	770	676	334	60	5215	262	22	13	57	32	—	—	2159	9
ხილი	—	1085	5772	3692	—	147	12110	663	163	26	392	6	—	4	281	96
ბაბა . . . . .	—	—	—	487	14	—	—	—	—	—	—	—	—	—	—	—
ცემენტი	—	171	58	3087	—	92	—	217	—	65	—	—	—	10	—	—
თუჯი . . . . .	—	25	—	2651	—	—	155	16	—	—	—	—	—	—	—	—
ქვი	13906	207	62259	2132	106028	—	77635	6507	1570	140	31318	—	—	15	47985	222
დამუშავებული ტყავი და მისი ნაყოფობა	92	769	342	3237	6	319	151	2254	12	4	—	—	—	—	59	—

იმის მიხედვით, თუ რომელი სადგურიდან რა სახის საქონელი გაქონდათ, შეიძლება წარმოვიდგინოთ სოფლის მეურნეობის რომელ დარგს ჰქონდა უპირატესი მნიშვნელობა სადგურის მომსახურების ზონის სოფლებში. მარცვლეული ყველაზე მეტი გაქონდათ სადგ. გომიდან, შემდეგ გორიდან და ქარელიდან. ბოსტნეული ყველაზე მეტი გადიოდა ხაშურიდან და გორიდან. შეშა უფრო მეტი გაქონდათ სურამიდან და გრაკალიდან, ხილი — გორიდან და ხაშურიდან.

თბილისთან, როგორც მთავარ გამსაღებელ ბაზართან, გორის მაზრის სიახლოვე (90—100კილომეტრი) და წვრილ გლეხურ მეურნეობათა სიჭარბე სოფლად განაპირობებდა სასოფლო-სამეურნეო ნაწარმის მნიშვნელოვანი რაოდენობის ურმებითა და ცხენებით გადატანას. რკინიგზით ტვირთის გადატანა შეეძლოთ მსხვილ მეურნეებს, წვრილი მეურნე კი უმთავრესად კმაყოფილდებოდა ან გასაყიდი მცირე რაოდენობის პროდუქტების (ხელბარგის სახით) გატანით მატარებელზე, ან ურმისა და ცხენის საშუალებით — გზატკეცილებზე.

\* \* \*

რკინიგზის გაყვანამდე გორის მაზრაში სამიმოსვლო მაგისტრალს საქართველო-იმერეთის სამხედრო გზა წარმოადგენდა<sup>1</sup>. ამ მაგისტრალით წარმოებდა საფოსტო მიმოსვლა, სავაჭრო ტვირთების გადატანა. ამ გზას იყენებდა მაზრის მოსახლეობა თბილისსა და ქუთაისის გუბერნიასთან დასაკავშირებლად. რკინიგზის გაყვანის შემდეგაც აღნიშნულ გზატკეცილს არ დაუკარგავს თავისი მნიშვნელობა, ისევე როგორც სხვა გზატკეცილებს. ასეთი გზებით მოსახლეობა უკავშირდებოდა რკინიგზის სადგურებს, ქ. გორს, თბილისს და სხვ. რეფორმის შემდეგ დიდი ყურადღება ექცეოდა გზების გაყვანა-შეკეთებას. XIX საუკ. 80-იან წლებში გამოირჩეოდნენ შემდეგი გზატკეცილები<sup>2</sup>: 1. ბორჯომ-ახალციხის საფოსტო გზა, რომელიც ხაშურიდან იწყებოდა (ის გადაჭიმული იყო 45 ვერსზე და ძალიან კარგად იყო მოვლილი), 2. ცხინვალის გზატკეცილი (გზა გორსა და ცხინვალს შორის სიგრძე 27 ვერსს უდრიდა, ამ გზის გაყვანა დამთავრდა 1885 წ.), 3. ბორჯომ-ახალქალაქის გზატკეცილი, ბაკურიანზე გავლით, 4. სადგურ გრაკალისა და სოფ. ახალქალაქის დამაკავშირებელი გზატკეცილი (8 ვერსის სიგრძისა), 5. სადგ. კასპიდან სოფ. ქვემო-

<sup>1</sup> «МДИЭБГКЗК», т. VI, გვ. 142.

<sup>2</sup> იქვე.

ქალამდე, 12 ვერსის სიგრძისა (გზატყეცილის განშტოება მიდიოდ სოფ. ლამისყანამდე) და სხვ.

გზატყეცილების სიგრძე მაზრაში თანდათან იზრდებოდა. სადაც გზატყეცილები არ იყო, მაზრის სოფლები ერთმანეთთან სასოფლო (საურმე) გზებით იყო დაკავშირებული. მოსახლეობა ცდილობდა გაეუმჯობესებინა გზების მდგომარეობა. მაგალითად, გორის მაზრის უფროსის 1893 წლის ანგარიშში აღნიშნულია, რომ ხდებოდა შეკეთება შემდეგი გზებისა: გორი — ცხინვალი, გორი — მეჭვრისხევი. კასპი — ქვემო ქალა, გრაკალი — ახალქალაქი და გომი — ალი<sup>1</sup>.

ხდებოდა მნიშვნელოვანი გზების მოკირწყელება. ასეთი წესით იქნა შეკეთებული ბორჯომ — ახალქალაქის გზატყეცილი 78 ვერსის სიგრძეზე. ამ საქმეზე მარტო 1899 წელს დახარჯულა 22650 მან. და 96 კაპ<sup>2</sup>.

გზების შეკეთება წარმოებდა უმთავრესად გლეხების საშუალებითა და მათ ხარჯზე, რაც ზრდიდა მათ ექსპლოატაციას<sup>3</sup>.

რეფორმის შემდეგ დიდი ყურადღება ექცეოდა ხიდების აგებას. ხიდები ჩვეულებრივად ხისა იყო და ნაკლებ გამძლე; ისინი ინგრეოდნენ წყალდიდობისა თუ წყალზე დატურებული ტივების მიწოლის შედეგად. XIX საუკუნის 80-იან წლებში ქ. გორში მდ. მტკვარზე დაიწყეს რკინის ხიდის მშენებლობა<sup>4</sup>.

უფრო ძნელი იყო გზების გაყვანა მაზრის მთიან ადგილებში. აქ რელიეფის თავისებურებათა გამო მიმოსვლა წარმოებდა უმთავრესად საცალფეხო გზებით, ხოლო ტვირთის გადატანა — ცხენებოთა და ხის მარხილებით<sup>5</sup>. ზამთრობით უგზობობის გამო ბევრი სოფელი თითქმის მთლიანად იყო მოწყვეტილი გარე სამყაროს. მთის გზებიდან აღსანიშნავია: გზა მდ. ლიხავის ხეობაზე, რაც მთას ბართან აკავშირებდა; გზა, რომელიც გადიოდა შუა ერმანზე და ჩრდილო ოსეთს დუშეთის მაზრასთან აკავშირებდა, და გზა, რომელიც სოფ. კავთისხევს აერთებდა სოფ. მანგლისთან<sup>6</sup>.

<sup>1</sup> საქ. ცსსა, ფონდი 48, საქმე 2140, ფურც. 7, 1894 წ.

<sup>2</sup> Оѣзор Тифлисской губернии на 1899 г., Тифлис, 1900, გვ. 20.

<sup>3</sup> საქ. ცსსა, ფონდი 414, საქმე 22, ფურც. 96, 1902 წ.

<sup>4</sup> საქ. ცსსა, ფონდი 48, საქმე 1927, ფურც. 10, 1883 წ.

<sup>5</sup> «МДИЭБГКЗБ», т. VI, გვ. 210.

<sup>6</sup> იქვე, გვ. 142.

რეფორმის შემდეგ ყურადღება მიექცა სამიმოსვლო გზების გაუმჯობესებას მაღალმთიან რაიონებშიც. არქივში დაცულია საქმე ჯავის ხეობაზე გზის შეკეთებისა და ასაფეთქებელი ნივთიერების გაცემის შესახებ<sup>1</sup>. მაშასადამე, ხდება საცალფეხო ბილიკების არა მხოლოდ შეკეთება, არამედ წარმოებს ასაფეთქებელი სამუშაოები ამ გზების გაფართოებისა და, საერთოდ, გაუმჯობესებისათვის.

არ შეიძლება არ შევნიშნოთ, რომ მთიანი რაიონების ბართან დაახლოვება გზების გაყვანა-გაუმჯობესების საშუალებით ბოლომდე არსად არ მისულა; ცარიზმის დროს ამ ამოცანის სრული გადაჭრა არ შეიძლებოდა.

XIX საუკ. ბოლოსათვის სამიმოსვლო გზები აღმოსავლეთ საქართველოში საგრძნობლად გაუმჯობესდა, გაცხოველდა მოსახლეობის ურთიერთობა. ი. ჭავჭავაძე ამის შესახებ აღნიშნავდა: „რკინის გზამ შუა გასჭრა ქართლი, ესე იგი გორის მაზრა, და ზღვიდამ ზღვამდე გაუადვილა სიარული, ნაშრომ-ნაღვაწის ზიდვა-გადატანა, სამხედრო საქართველოს გზამ დუშეთს თავიდან ბოლომდე გაუარა. გზატკეცილმა ბორჯომიდან აბასთუმნამდე ახალქალაქის და ახალციხის მაზრა მიუახლოვა ბაზარს; სხვა აქეთ-იქითა გზები—კი ასეთი არის, რომ მათზე სიარული ერთი ჭირი და ბოროტია, ნამეტნავად ვასასყიდად დანიშნულის საზიდავად და გადასატან-გადმოსატანად. რკინის გზებსა და გზატკეცილებზედ ახლო-მახლო მცხოვრებელთ, რა თქმა უნდა, ბედი გაეხსნათ: კარგი გზა ბაზარს თითქმის ხელში აძლევს. ამ გარემოებამ, იმოდენად გაუადვილა ჭირნახულის გატანა ბაზარში, იმოდენად გაუიფვა ჭირნახულის საზიდი ხარჯი, იმოდენად შეუმოკლა დრო და გარჯა მისვლა-მოსვლისათვის და გადატან-გადმოტანისათვის, რომ ამ კაი გზებზე მოშორებით მცხოვრებელმდე ვეღარ გაუწია ცილობა და ძალაუხნებურად პირში ჩალა გამოვლებული დარჩა და ბაზარს და ბაზრობას გამოეთხოვა“<sup>2</sup>.

ბაზარზე იმარჯვებს ის, ვისაც შეუძლია უფრო იაფად გაყიდოს, ამისათვის საჭიროა საქონლის ფასი ნაკლები იყოს. ამ მხრივ საგზაო ხარჯები გარკვეულ როლს თამაშობს, კარგ გზებზე საქონლის გადასატანი ხარჯები და დრო ნაკლებია საჭირო. ამდენად, კარგი გზების პირას მცხოვრებნი უკეთეს პირობებში იმყოფებოდნენ.

<sup>1</sup> საქ. ცსა, ფონდი 48, საქმე 1836, 1881 წ.

<sup>2</sup> ი. ჭავჭავაძე, თხზ., ტ. VIII, ტფილისი, 1828, გვ. 337 — 338.

## 2. ძალაძების ზრდა-მანვითარება

### ა) ქალაქი თბილისი

ჩვენ წინაშე დასმული საკითხის გადასაწყვეტად საჭიროა გავკვირით მაინც შევეხოთ საქალაქო ცხოვრების ზრდასა და იმ ცვლილებებს, რაც აქ რეფორმის შემდეგ ხდებოდა. საქალაქო ცხოვრებაში მომხდარ ცვლილებებს მნიშვნელობა აქვს იმ მხრივ, რომ ისინი გავლენას ახდენენ სოფელზე და იწვევენ შესატყვისი სახის გარდაქმნებს, — კაპიტალიზმის დროს ქალაქს მიჰყავს სოფელი.

არ კმარა მხოლოდ მაზრის ქალაქებისა და დაბების მიმოხილვა. მაზრის გლახობა დიდად იყო დაკავშირებული ქ. თბილისთან, საერთოდ კი ამიერკავკასიის საქალაქო-სამრეწველო ცხოვრება უდიდეს გავლენას ახდენდა ქართლის სოფელზე.

რეფორმის შემდგომ პერიოდში, პირველ ყოვლისა, თვალში გვეცემა სავაჭრო-სამრეწველო მოსახლეობის ზრდა. ევროპულ რუსეთში 1863 წლიდან 1897 წლამდე მოსახლეობა 53,3%-ით გაიზარდა. აქედან სოფლის მოსახლეობა გაიზარდა 48,5%-ით. ქალაქისა — 97%<sup>1</sup>-ით. ქალაქების ზრდა უფრო სწრაფად ხდება კავკასიაში. ვ. ი. ლენინი ამის შესახებ აღნიშნავდა: „ქალაქის მოსახლეობა კავკასიაში გაიზარდა 350 ათასიდან 1863 წ. 900 ათასამდე 1897 წ. (კავკასიის მთელი მოსახლეობა 1851-დან 1897 წლამდე გაიზარდა 950/0-ით)“<sup>2</sup>.

ევროპულ რუსეთში ქალაქების მოსახლეობის ზრდის 97%-ის ნაცვლად კავკასიაში ჩვენ გვაქვს 250%-ზე მეტი. ასეთია ქალაქების ზრდის ტემპი. ამასთან, თბილისის გუბერნიის ქალაქებში 1865 წელს „ქალაქელთა ფენა“ 23,5% -ს შეადგენდა, რუსეთის ქალაქებში კი ეს ფენა ორჯერ მეტი იყო<sup>3</sup>. თბილისსა და გორში მცხოვრებთა ერთი ნაწილი სოფლის მეურნეობას მისდევდა. ამასთან, განსხვავება „ქალაქელ“ სოფლის მეურნეობასა და სოფლელებს შორის მაინც არსებითი იყო. ქალაქის მცხოვრებლები სულ უფრო და უფრო სწრაფად ეთიშებოდნენ სოფლის მეურნეობას ან მისდევდნენ მას წმინდა ვაჭრული ინტერესებით, ე. ი. პროდუქტებს ამზადებდნენ ბაზარზე გასატანად.

<sup>1</sup> ვ. ი. ლენინი, თხზ., ტ. 3, გვ. 704.

<sup>2</sup> იქვე, გვ. 704.

<sup>3</sup> Сборник статистических сведений о Кавказе. Под редакцией Н. Вольнова, т. I, Тифлис, 1869, გვ. 58.

თბილისში „ქალაქის მცხოვრებლებად“ (მოქალაქეებად) 1865 წ. ითვლებოდა 7635 მამაკაცი და 6602 ქალი, სულ 14137 სული, კორში კი 846 მამაკაცი და 907 ქალი, სულ 1753 მოქალაქე<sup>1</sup>. თბილისში მოქალაქეთა რიცხვი ქალაქის მთელ მოსახლეობასთან შეფარდებით უდრიდა 20%-ს, გორში კი 35%-ს (ქალაქში სხვა წოდების წარმომადგენლებიც ცხოვრობდნენ, მაგალითად, თავადაზნაურობა, სამღვდლოება და გლეხობა, მაგრამ ისინი მოქალაქეებად არ ითვლებოდნენ).

1865 წელს თბილისის გუბერნიის მცხოვრებთა 17% ქალაქებში ცხოვრობდა<sup>2</sup>, 1897 წლისათვის კი 27%-ზე მეტი<sup>3</sup>. 1865 წელს თბილისის გუბერნიაში მოქალაქეთა წოდება მცხოვრებთა 4,21%-ს შეადგენდა, ხოლო 1886 წ. — 10,20%-ს<sup>4</sup>.

თბილისში იმ მშენებლობათა განსახორციელებლად, რაც აქ წარმოებდა განსაკუთრებით 70-იანი წლებიდან, საჭირო იყო დიდი მუშახელი. ამ მუშახელის მნიშვნელოვანი რაოდენობა, სავარაუდებელია, მიიზიდებოდა ქართლის სოფლებიდან, ამას განაპირობებდა არა მარტო თბილისთან ქართლის სოფლების ტერიტორიული სიახლოვე, არამედ, უმთავრესად, ის დიდი ეკონომიური გაკვირვება, რასაც განიცდიდა გლეხობის ძირითადი მასა. მშენებლობებზე მომუშავე გლეხების აღრიცხვა არ წარმოებდა არც ქალაქის მმართველობისა და არც სოფლის ადმინისტრაციის მიერ. ფაქტიურად, ქალაქში მცხოვრებთა რიცხვი სტატისტიკის მიხედვით ნაჩვენებ რიცხვზე მეტი უნდა ყოფილიყო, მაშინ კი სავაჭრო-სამრეწველო მოსახლეობის უფრო დიდ პროცენტს მივიღებდით. კ. მარქსი აღნიშნავდა: „კაპიტალისტური წარმოების წესის ბუნებასთანაა დაკავშირებული ის მოვლენა, რომ იგი მუდამ ამცირებს მიწათმოქმედ მოსახლეობას არამიწათმოქმედ მოსახლეობასთან შედარებით“<sup>5</sup>.

არამიწათმოქმედი მოსახლეობის სწრაფი ზრდა მიწათმოქმედი მოსახლეობის ზრდასთან შედარებით მიუთითებს განვითარების კაპიტალისტურ გზაზე. ქალაქების მოსახლეობის ზრდა ძირითადად

<sup>1</sup> Н. Воронов, Статистические этюды, «Кавказ», 1866, № 79, 83. 369.

<sup>2</sup> Сборник статистических сведений о Кавказе, Под редакцией Н. Воронова, Тифлис, 1869, 83. 45.

<sup>3</sup> Первая всеобщая перепись населения Российской империи 1897 г., LXIX, Тифлисская губерния, 1905, 83. 12 — 13.

<sup>4</sup> ფ. მ ა ხ ა რ ა ძ ე, თხზ., ტ. VIII, 83. 46.

<sup>5</sup> კ. მ ა რ ქ ს ი, კაპიტალი, ტ. III, ნაწ. II, 83. 166.

სოფლის ხარჯზე ხდება. ფ. მახარაძე 1901 წელს წერდა: „ამ უკანასკნელ 20—30 წლის განმავლობაში სოფლის ხალხს გამოეყო საკმარისად დიდი ნაწილი მისი წევრებისა, რომლებიც ქალაქებში და სხვა სამრეწველო და სააღებ-მიცემო ადგილებში დაესახლა და რომელიც ბურჟუა-კაპიტალისტის თუ დლიური მუშის სახით თითონ ხდება სამეურნეო ნაწარმოებთა მუდმივი მუშტარი“<sup>1</sup>.

სოფელი ქალაქს აწვდის როგორც სამრეწველო, ისე სამშენებლო და სხვა სახის მუშახელს. თბილისის ფაბრიკა-ქარხნებსა და რკინიგზის სახელოსნოებში, აგრეთვე ხაშურის დეპოსა და, საერთოდ, რკინიგზაზე ბევრი ქართლელი გლეხი მიდიოდა სამუშაოდ.

ვ. ი. ლენინი აღნიშნავდა: „ბატონყმობის გადაეარდნის შემდეგ რუსეთში სულ უფრო და უფრო სწრაფად ვითარდებოდა ქალაქები, მრავლდებოდა ფაბრიკები და ქარხნები, შენდებოდა რკინიგზები. ბატონყმური რუსეთის ადგილს კაპიტალისტური რუსეთი იკერდა“<sup>2</sup>. იგივე ითქმის თბილისის გუბერნიაზე, კერძოდ გორის მაზრაზე, სადაც ბატონყმური ურთიერთობების ადგილს იკერდა კაპიტალისტური ურთიერთობანი.

1902 წელს გაზ. „კვალი“ აღნიშნავდა. რომ ჩვენთან ასი წლის წინათ კარჩაკეტილი მეურნეობა იყო გაბატონებული. რუსეთის მოსვლამ საქმე ძირფესვიანად შეცვალა: „გაძლიერდა ალებ-მიცემობა უცხოეთთან და რუსეთთან, თბილისი შეიქმნა მთავარი ქალაქი არა თუ საქართველოსათვის, არამედ მთელი კავკასიისათვისაც... გარდა თბილისისა სხვა ქალაქებსაც დაეტყო გადიდება“<sup>3</sup>.

ადვილი მისახვედრია რომ ქალაქის გადიდება, აქ მოსახლეობის შემომატებამ, ბაზარი გაუდიდა სოფლის მეურნეობის ნაწარმს. გადიდა მოთხოვნილება პურზე, ღვინოზე, ხორცზე, შებენებზე, ხის მასალასა და სხვ. მაშასადამე, სოფლის ხალხისათვის უფრო ადვილი გასდა ნაწარმის გასაღება და ამით ფულის შოვნა.

საქონლის დამზადება დაკავშირებულია იმასთან, თუ როგორია მასზე მოთხოვნილება. არამიწათმოქმედი მოსახლეობა და მრეწველობა სულ უფრო და უფრო მეტ სურსათსა და ნედლეულს მოითხოვდა. ამ მოთხოვნილებათა დაკმაყოფილება შეეძლო მხოლოდ კაპიტალისტურ ყაიდაზე მოწყობილ სოფლის მეურნეობას. ქალაქების ზრდას, მრეწველობის საფაბრიკო-საქარხნო ინდუსტრიული

<sup>1</sup> ფ. მახარაძე, თბზ., ტ. VIII, გვ. 55 — 56.

<sup>2</sup> ვ. ი. ლენინი, თბზ., ტ. 17, გვ. 88.

<sup>3</sup> გაზ. „კვალი“, 1902, № 49 — 50, გვ. 80.

წესით მოწყობას თან ახლდა განვითარებული სამიწათმოქმედო მეურნეობის მოწყობა.

XIX საუკ. ბოლოსათვის თბილისს ყოველწლიურად სჭირდებოდა 100000 კუბ. საყენი შეშა (საყენი შეშა თბილისში იყიდებოდა 25—35 მანეთად), 3 600 000 ფუთი ფქვილი (ფუთი საშუალოდ ღირდა 1 მან. 10 კაპ., ფქვილი თბილისში, აგრეთვე, ჩრდილო კავკასიიდან შემოჰქონდათ, რაც იყიდებოდა ფუთი 1 მანეთიდან 2 მანეთამდე). „თივა და ბზე (თბილისისათვის — ი. უ.) იყიდება და იგზავნება უმთავრესად გომიდან, ქარელიდან, გორიდან და გრაკალიდან“. ამ ადგილებში კერძო პირებს 30 პრესზე მეტი ედგათ. ხილი იყიდებოდა თბილისში სულ ცოტა 1 მილიონი მანეთისა. სოფლისაგან ვაჭრები ხილს 15—80 კაპიკად ყიდულობდნენ ფუთს, ხოლო გადარჩევის შემდეგ ჰყიდდნენ ამავე ხილს ფუთს 2—10 მანეთად; ქერი სჭირდებოდათ თბილისის მეეტლეებს, ლუდის ქარხნებს, ჭარის ნაწილებს — სულ ცოტა 500000 ფუთი; ღვინო თბილისსა და მის გუბერნიაში იყიდებოდა 2 მილიონი მანეთისა, საკლავი პირუტყვი — 2 მილიონი მანეთისა<sup>1</sup>.

სწრაფად იზრდებოდა თბილისის მოსახლეობა. იგი 1867 წელს შეადგენდა 34290 მამაკაცსა და 27996 ქალს, სულ 62286 სულს<sup>2</sup>. 1886 წელს იყო 43822 მამაკაცი და 34623 ქალი, ანუ 78445 სული, ხოლო 1897 წლის აღწერით თბილისში უკვე 160 645 სული იყო<sup>3</sup>.

### ბ) ქ. გორი და გორის მაზრის სავაჭრო-სამრეწველო დაბები

ქართლის ცხოვრებაში დიდი მნიშვნელობა ჰქონდა ქ. გორს. ის მდებარეობდა ფეოდალური საქართველოს დიდ სატრანზიტო გზაზე, რომელიც კავკასიას დასავლეთსა და აღმოსავლეთთან აკავშირებდა. გორში XIX ს. 30-იან წლებში მცხოვრებთა რიცხვი 3000 სულამდე იყო, აქ ყოფილა 69 სავაჭრო დუქანი<sup>4</sup>. იმავე საუკუნის 40-იან წლებში გორი ვაჭრობითა და მცხოვრებთა რაოდენობით თბილისის შემდეგ პირველ ადგილზეა<sup>5</sup>. გორში 1862 წელს ყოფილა 4482

<sup>1</sup> დ. მაჭავარიანი, პროექტი და საშუალება (გორის მაზრის შემამუღლეთა სინდიკატის მომავალი მოქმედების შესახებ), ტფილისი, 1900, გვ. 5 — 7.

<sup>2</sup> საქ. ცსსა, ფონდი 5, საქმე 146, ფურ. 67, 1868 წ.

<sup>3</sup> Кавказский календарь на 1901 г., გვ. 22 — 23.

<sup>4</sup> Статистическое описание Закавказского края, Составил Орест Евсеевич, С - Петербург, 1835, გვ. 148.

<sup>5</sup> Кавказский календарь на 1846 г., გვ. 49.



სული, 1867 წ. — 51992, 1886 წ. — 7243. ხოლო 1897 წ. — 10 274 სული<sup>3</sup>.

ქალაქი გორი 60 წლის განმავლობაში 3,5-ჯერ, ხოლო 1867 წლიდან 1897 წლამდე, ე. ი. 30 წლის განმავლობაში, 2-ჯერ გაზრდილა. 1905 წლის ბოლოსათვის გორში უკვე 15323 სული იყო. ანუ რეფორმის შემდეგ 1905 წლამდე მოსახლეობა 3-ჯერ და მეტად გაზრდილა. ქ. გორი მნიშვნელოვან სავაჭრო და ხელოსნურ ცენტრს წარმოადგენდა.

ცხრილი 9

ქ. გორის შემოსავალ-გასავალი

წლები	შემოსავალი	გასავალი
1864	8382 მან. 40 1/2 კაპ.	7508 მან. 64 კაპ. <sup>ა</sup>
1868	14729 " 51 - "	14623 " 65 " <sup>ბ</sup>
1873	10895 " 60 " "	5601 " 23 " <sup>გ</sup>
1876	8845 " 20 " "	9207 " 8 " <sup>დ</sup>
1899	16542 " 70 " "	16271 " 98 " <sup>ე</sup>
1901	12882 " 54 - "	15871 " 64 " <sup>ვ</sup>

1903 წლისათვის ქ. გორში იმ მცხოვრებთა უძრავი ქონება, რომელსაც სახელმწიფო გადასახადი ეწერა. შეადგენდა 1481-ს (აქედან მცირე ღირებულების მქონე იყო 462). ხოლო მთელი უძრავი ქონების საერთო ღირებულება 1 768 912 მანეთს უდრიდა (აქედან მარტო მცირე ღირებულების მქონე ქონება 61 993 მანეთისა იყო)<sup>1</sup>.

1 Сельское хозяйство и аграрные отношения, т. II, Составил проф. И. Гугушвили, Тбилиси, 1950, გვ. 283.

<sup>2</sup> საქ. ცსსა, ფონდი 5, საქმე 146, ფურც. 67, 1868 წ.

<sup>3</sup> Первая всеобщая перепись населения Российской империи 1897 г., LXIX, Тифлисская губерния, 1905, გვ. 4 — 5.

<sup>4</sup> საქ. ცსსა, ფონდი 414, საქმე 65, ფურც. 22, 1906 წ.

<sup>5</sup> საქ. ცსსა, ფონდი 414, საქმე 10, ფურც. 56, 1864 წ.

<sup>6</sup> საქ. ცსსა, ფონდი 48, საქმე 1219, ფურც. 47, 1868 წ.

<sup>7</sup> საქ. ცსსა, ფონდი 5, საქმე 2668, ფურც. 95, 1874 წ.

<sup>8</sup> საქ. ცსსა, ფონდი 5, საქმე 3975, ფურც. 51, 1877 წ.

<sup>9</sup> Опись Тифлисской губернии за 1899 г., Тифлис, 1900 (взломость).

<sup>10</sup> Сборник статистических сведений о Тифлисской губернии, Тифлис, 1903, გვ. 111.

<sup>11</sup> საქ. ცსსა, ფონდი 254, საქმე 7303, ფურც. 56 — 57, 1902 — 1903 წწ.

ქ. გორის მოსახლეობა 1886 წ. 4406 ნამაკაცისა და 2837 ქალისაგან შედგებოდა. მათგან

ეროვნების მიხედვით იყო:

	მამაკაცი	ქალი
ქართველი	2375	1499
რუსი	245	128
პოლონელი	12	6
გერმანელი	8	—
ბერძენი	6	1
ოსი	28	19
სოჭეხი	1720	1482
ებრაელი	8	10
ლეკი	2	—
ახერბაიჯანელი	2	—

სოციალური მდგომარეობის მიხედვით:

	მამაკაცი	ქალი
თავად-აზნაური	177	164
სასულიერო წოდების	127	111
ვაჭარი	28	20
მოქალაქე	2890	1802

გლეხები:

სახაზინო მიწაზე	639	341
ნემანულეთა მიწაზე	504	317
მესაკუთრეები	13	15 <sup>1</sup>

1897 წლისათვის კი იყო:

ეროვნებით

	მამაკაცი	ქალი
ქართველი	2500	2000
რუსი	90	100
სომეხი	2000	1394
პოლონელი	80	70 და სხვ.

სოციალური მდგომარეობით:

თავად-აზნაური	30
მოხელე . . . . .	100
სასულიერო წოდების .	16
ვაჭარი . .	27
მოქალაქე	. 4413 <sup>2</sup>

<sup>1</sup> Свод статистических данных о населении Закавказского края, извлеченных из посемейных списков 1886 г., Тифлис, 1893, Отд. 1.

<sup>2</sup> საქ. ცსსა, ფონდი 48, საქმე 2258, ფურც. 117 — 118, 1898 წ.

აქ საინტერესოა ის ფაქტი, რომ ქ. გორში მცხოვრები გლეხები უკვე მოქალაქეებად არიან ჩარიცხულნი.

XIX საუკ. 80-იან წლებში კავკასიაში 44 ქალაქი იყო. გორი შედიოდა კავკასიის 7 მთავარი ქალაქის რიცხვში (თბილისი, ბაქო, ერევანი, ქუთაისი, ვლადიკავკაზი, სტავროპოლი, გორი)<sup>1</sup>.

ყურადღება ექცეოდა გორის კეთილმოწყობას. XIX საუკ. 80-იან წლებში ნდ. მტკვარზე აგებულ იქნა ლითონის კონსტრუქციის ხიდი. ქალაქის დაცვის მიზნით მდ. ლიახვზე გაკეთდა ჯებირები. ხდებოდა გზებისა და ქუჩების შეკეთება. ამასთან, ყოველივე ეს მშრომელი ხალხის ხარჯზე კეთდებოდა. მაგალითად. ვაზ. „დროება“ გადმოგვცემს, რომ გორის ხიდი სოფლის მოსახლეობის ფულითა და შრომით აშენდა, ხიდზე გავლისათვის კი გლეხებს ფულს ახდევინებდნენ. „ლიახვის შემაგრებასაც შესდგომიან; შინაურ დამბას უკეთებენ—გგონიათ გორელები? — არა, ისევე სოფლელი გლეხკაცობა, თუმცა, ღვთის წინაშე, გორიც დახმარებია... ორმოცი თუმნით (!!)

იქ, სადაც სამუშაო თითქმის ხუთას-ექვსას თუმნისაა. თუ არა მეტისა. გორის ხიდზე ათასში ერთხელ კიდევ გაივლის გლეხ-კაცი, მაგრამ. სეტა რა შეემატება იმით, რომ ლიახვი მირიმიანოვებისა და ყაზა-კარაპეტოვების სახლებს ააცილოს?“<sup>2</sup>.

რა უჯდებოდა გლეხკაცობას ეს სამუშაოები, ამას ცხადად ადასტურებს შემდეგი ცნობა: „ქვიშხეთის საზოგადოებამ გორში ხიდთან უნდა წარადგინოს 13 ურემი 26 მუშით. გორში დარჩება 2 დღე. ამას ემატება გზა — 4 დღე. ე. ი. სულ ხარჯი იქნება 210 მანეთი“ (ეს მოდიოდა ერთ სოფელზე. სადაც 109 კომლი ცხოვრობდა. ე. ი. თითო კომლზე თითქმის 2 მანეთი ხარჯი)<sup>3</sup>.

ამ დროისათვის გორში მსხვილი ვაკრები და მრეწველები ბატონობდნენ, ძველ მემამულეებთან ერთად ისინი ფლობდნენ მიწის ძირითად ფონდს. მოვიდა ვაზაფხული.—წერდა კორესპონდენტი გორიდან,—მაგრამ ვაი ჩვენი ბრალი. საძოვარი არ გვაქვს საქონელი გავრეკოთ. „აღმოსავლეთით გაიხედამთ, ხუდადაშვილები არ გვიშვებენ—ჩვენი; დასავლეთით—რიყე გახლავს და მდინარე ლიახვი. რომელიც ბრაზით იყურება, სხვაც არა წაგვართვას—რა; ჩრდილოეთით, რომელიც საუკეთესო ადგილებია, კარალეთის მიდგამდინ მეტი წილი ბ. გრიგოლ ამიროვს უჭირავს — სენატის განაჩენით ჩემიაო. და სამხრეთით ვინ რას გვაღირსებს. ცარიელ ადგილისთვისაც ათას თუმანს

<sup>1</sup> Кавказский календарь на 1887 г. გვ. 177.

<sup>2</sup> ვაზ. „დროება“, 1884, № 46, გვ. 1 - 2.

<sup>3</sup> იქვე.

ელავებოდა გორს ბ. დავით ერისთავი<sup>1</sup>! ნათქვამი ნათლად მიუღი-  
თებს იმ ღრმა ცვლილებებზე, რაც გორში მომხდარა: ერთი მხრივ მას  
მოსახლეობის დიდი ნაწილი, რომელსაც ქალაქის გარშემო მდებარე  
საძოვარიც კი აღარ დარჩა, და, მეორე მხრივ, მსხვილი ვაჭრები<sup>2</sup> —  
ამიროვები, ხუდადაშვილები და სხვანი, რომელთაც, საგულისხმე-  
ბელია, ხელში უჭირავთ როგორც მაზრის სოფლის მოსახლეობა, ისე  
ქ. გორის მოსახლეობის დაბალი ფენა. გორის გარშემო მდებარე ად-  
გილები საძოვრებად გამოყენებული შეიძლებოდა ყოფილიყო მხო-  
ლოდ თითო-ოროლა ძროხის მეპატრონეთა მიერ (მსხვილ მეურნეს,  
რომელსაც პირუტყვი დიდი რაოდენობით გააჩნდა, არ გამოადგებო-  
და ქალაქთან საერთო საძოვრები). საძოვრების უქონლობით სწორედ  
ქალაქის დაბალი ფენები იჩაგრებოდა.

ქალაქს ადრე არა მარტო საძოვარი, არამედ სახნავი მიწებიც და  
ქალაქ ჰქონია. ამის შესახებ ნ. ლომოური „დროებაში“ წერდა:  
„ერთ ღროს ქალაქს საკმაო სახნავი მიწები, საძოვარი და ქალაქ  
ჰქონდა; იმის მომსწრე ხალხი დღესაც ბევრია გორში, რომ ქალაქს  
უუფლია უდავოთ ზემო-ხსენებული ადგილები.“

მაგრამ დღეს ამ ადგილებიდან გორს შეათედი ნაწილიც აღარ  
უჭირავს. სულ გორის მოსაზღვრებმა სხვადასხვა გვარმა თავადთა  
და აზნაურებმა დაიპირეს: „ჩვენიაო!“ რაც მიწა დარჩა, სხვადასხვა  
პირებმა ეშმაკობით მიითვისეს. „გორში ხუდადაშვილები ორას დე-  
სეტინა ადგილსა ჰფლობენ: ჩვენიაო! არ ვიცით—ვინ მისცათ... იქნებ  
გეგონოთ ნაყიდი აქვთო, მაგრამ ზედმიწევნით ვიცით, არაფერი დო-  
კუმენტი არა აქვთ ამ მამულზედ“<sup>3</sup>.

სამიოდე წლის შემდეგ „დროებაში“ აღნიშნული იყო, რომ ხუ-  
დადაშვილებსა და ამიროვებს უკვე ათასობით დღიური მიწა უჭი-  
რავთ. „რატომ არ იკითხავენ, ვისიც ჰყრია, ვინ მისცათ ხუდადასნი  
ათასობით დღის მიწა; მერმე ამ მტკიცე კანონებში საბუთი არ უნ-  
დათ? რატომ არ იკითხავენ, ვინ მისცა ბატონ ამიროვს ათასობით  
დღის მიწა სახნავ-სათესი და სავენახე? არავის გახსოვთ, რომ ბატონ  
ამიროვის გარდაცვალებულს მამას მტკაველი ადგილი არა ჰქონია  
გორში მამაპაპეული. რადგანაც მამა ერთი საწყალთაგანი ყოფილა  
და თითონ მამან რომ დაენიანთაგან ხუთი დღის მიწა შეიძინა. ეს  
ვიციო. დანარჩენი ცით იშვა თუ დედა-მიწით?“<sup>3</sup>.

<sup>1</sup> გაზ. „დროება“, 1881, № 34, გვ. 2 — 3.

<sup>2</sup> გაზ. „დროება“, 1878, № 135, გვ. 3.

<sup>3</sup> გაზ. „დროება“, 1881, № 34, გვ. 2 — 3.

ქ. გორში მიწების რამდენიმე პირის ხელში თავმოყრის პროცესი, უეჭველად, კაპიტალისტურ ურთიერთობათა განვითარებაზე მიუღივებს.

ბურჟუაზიულ ურთიერთობათა განვითარება თავს იჩენდა ქ. გორის კეთილმოწყობაშიაც. 900-იან წლებში აღნიშნული იყო, რომ იქ შენდება ქალაქის ახალი ბაღი, ლამაზი ნაგებობანი. „ქალაქსა და მის ეკნაპირა უბნებში წარმოებს გუბეებისა და ქაობების დაშრობა; იქ, სადაც ღორე ბაყაყების ხმა ისმოდა, უკვე ბაღ-ბოსტნებია გაშენებული. მიუხედავად გორელების ცდისა, ქალაქის სანიტარული მდგომარეობა არასახარბიელოა. — წვიმის დროს ქუჩებში გაუფალი ტალახია, მშრალ ამინდში კი მტვერი“<sup>1</sup>.

გორი მაზრის ადმინისტრაციულ ცენტრს წარმოადგენდა, 1870-იან წლებში აქ იყო:

1) სამაზრო სანმართველო (მაზრის უფროსი, მისი ორი თანამდგმწე, ბოქაული, მისი ორი თანამდგმწე, არქიტექტორი, მდივანი, საექმის მწარმოებელი, არქივარიუსი).

2) მომრიგებელი სასამართლო (მომრიგებელი მოსამართლე და მისი თანამდგმწე).

3) სამაზრო ხაზინა (ხაზინადარი, ბუღალტერი და მისი თანამდგმწე).

4) ტელეფონის სადგური (სადგურის უფროსი, 3 სივნალის იმპეეტი).

5) საფოსტო კანტორა (ფოსტის უფროსი, მიმღები, 2 ფოსტალეონი).

6) სააქციზო მოხელეები (3 კაცი).

7) მეტყვეე.

8) სამაზრო ექიმი და ორი ფერშალი.

9) სახელმწიფო ქონების სანმართველოს აგენტო<sup>2</sup>.

ქ. გორში იმყოფებოდა სამხედრო დანაყოფები — ორი ბატალიონი და ორი ბატარეა. აქვე ჰქონდა სამყოფელი ფეხოსანთა დივიზიის მეთაურს.

1870 წლის 16 ივნისის საქალაქო დებულება საქართველოში გვიან გატარდა. ეს დებულება თბილისში 1875 წლიდან, გორში კი 1876 წლიდან შედის ძალაში. გორში ამ დებულების გატარებას კიდევ ის თავისებურება ჰქონდა, რომ ქალაქის თვითმმართველო-

<sup>1</sup> М. Джанашивили, Гори и его окрестности, Сборник материалов для описания местностей и племен Кавказа, Тифлис, 1904, гв. 164.

<sup>2</sup> А. Джанахов, Город Гори, 1882, гв. 98 — 99.

ბა აირჩეოდა, ქალაქის თავი კი ინიშნებოდა მთავრობის მიერ<sup>1</sup>.

1876 წლის 5 სექტემბერს გაიხსნა ქ. გორის სათათბირო<sup>2</sup>, 18 ოქტომბერს კი ქალაქის მმართველობა<sup>3</sup>. სათათბირო 30 ხმოსნისაგან შედგებოდა, ისინი სხვადასხვა ეროვნებას ეკუთვნოდნენ. ხმოსნებს ირჩევდნენ სათათბიროში ქონებრივი ცენზის მიხედვით, რაც განსაზღვრავდა მათ სოციალურ მდგომარეობასაც.

1877 წლის 27 დეკემბერს გაიხსნა ე. წ. *муниципал правая* ეს მმართველობა შედგებოდა მაჰასახლისისა და მისი თანაშემწისაგან.<sup>4</sup>

ქ. გორი საბჭოთა ხელისუფლების დამყარებამდე რჩებოდა ხელოსანთა და ვაჭართა ქალაქად. ეს გაპირობებული იყო მეფის მთავრობის კოლონაური პოლიტიკით და გამომდინარეობდა საწარმოო ძალების განლაგების კოლონიური პრინციპიდან. საწარმოები იქმნებოდა არა იქ, სადაც იყო ნედლეული, არამედ მხოლოდ მეტროპოლიაში. ეს დიდად აფერხებდა კაპიტალიზმის განვითარებას. ამის შედეგად ამიერკავკასია უფრო გლეხური ქვეყანა იყო, ვიდრე რუსეთი<sup>5</sup>. ამიერკავკასია რუსეთის კაპიტალიზმისათვის ნედლეულის მიმწოდებელ ქვეყნად რჩებოდა.

რკინიგზის გაყვანის შემდეგ გორის მაზრის გლეხობისათვის სოფლის მეურნეობის ნაწარმის გასაღების ბაზარს გორზე უფრო მეტად თბილისი წარმოადგენდა<sup>6</sup>.

გორი, როგორც სავაჭრო პუნქტი, თანდათანობით იზრდებოდა: 80-იანი წლების დასაწყისში აქ იყო 318 სხვადასხვა სავაჭრო-სამრეწველო დაწესებულება<sup>7</sup>. ვაჭრობა აქ უმთავრესად სასმელებით, ფართლეულითა და წვრილმანით წარმოებდა.

თუ გორელი ვაჭრები XIX საუკ. I ნახევარში უფრო ხშირად უცხოეთის ბაზარს მიმართავდნენ, რეფორმის შემდეგ ისინი, უმთავრესად, რუსეთის ბაზრებზე დადიოდნენ. რუსეთის მრეწველობის საქონელი მათ ძირითადად აკმაყოფილებდა. რუსეთის უძველეს ბაზრებთან ერთად ვხედავთ შედარებით ახლებსაც, რომელთაც შეძლეს საიმპერიო მნიშვნელობის მოპოვება (ოდესა, როსტოვი, ვარშავა).

<sup>1</sup> საქ. ცსსა, ფონდი 5, საქმე 3975, ფურც. 10, 1877 წ.

<sup>2</sup> იქვე.

<sup>3</sup> А. Джавахов, Город Гори, 1882, გვ. 98.

<sup>4</sup> იქვე.

<sup>5</sup> ვ. ი. ლენინი, თხზ., ტ. 32, გვ. 398.

<sup>6</sup> А. Джавахов, Город Гори, 1882, გვ. 90.

<sup>7</sup> იქვე

რეფორმის შემდგომ გორის მაზრაში გაჩნდა სავაჭრო-სამრეწველო დაბები. ასეთ დაბათაგან პირველ რიგში აღსანიშნავია ბორჯომი, ცხინვალი, სურამი, ახალქალაქი, ახალგორი. ამათ გვერდით უდგას რკინიგზის ისეთი სადგურები. როგორცაა კასპი, ქარელი, ხაშური, გომი. სავაჭრო-სამრეწველო დაბები, მაზრაში ხასიათდებოდნენ მოსახლეობის არამიწათმოქმედი ფენის ზრდით. აქაური ნოსახლეობის ნაწილი დაკავებულია სამრეწველო საწარმოებში (აგურხანა, საკირე. კურკლეულობის საწარმო, ხე-ტყის სახერხი წარმოება, მინერალური წყლების წარმოება, მინის ქარხანა, შპალების ქარხანა და სხვა). ნაწილი ეწევა ხელოსნობას. ნაწილი მუშაობს რკინიგზაზე და ზოგიც მისდევს ვაჭრობას<sup>1</sup>.

ფეოდალურ საქართველოში იშვიათი არ იყო სოფლების გაჩანაგება და მოსპობაც კი. წარმოებითი ურთიერთობანი და ბედუქულობითი საგარეო პირობები, რომელშიც საქართველო XIX საუკუნის დასაწყისამდე მრავალი საუკუნის განმავლობაში იმყოფებოდა. ვერ უზრუნველყოფდნენ მოსახლეობის სწრაფ გამრავლებას.

ფეოდალიზმთან შედარებით კაპიტალიზმის. როგორც უფრო პროგრესული მოვლენის. ერთი თვისებაც საქართველოში საერთოდ მოსახლეობის სწრაფ ზრდაში გამოიხატა. კერძოდ. გორის მაზრაში მოსახლეობის რაოდენობა გაიზარდა 116624 სულიდან 1864 წელს<sup>2</sup> 191274 სულამდე 1897 წელს<sup>3</sup>.

გორის მაზრაში. როგორც უკვე აღვნიშნეთ. ქარბობდა ისეთ სოფელთა რიცხვი, სადაც მცხოვრებთა რაოდენობა 25 კომლს არ აღემატებოდა. რეფორმის შემდეგ მოსახლეობის ზრდა სწრაფად ხდებოდა. ჩვენ მხოლოდ ზოგიერთ სოფელს აღვნიშნავთ. სადაც ზრდა უფრო თვალსაჩინო იყო. 1873 წლიდან 1887 წლამდე. ე. ი. 14 წლის განმავლობაში, გაიზარდა: სოფ. ალი — 58 კომლით. ატოცი — 20. ახალდაბა — 34. ახალქალაქი — 88, ახალციხე — 39. ატენი — 33. ქვემო ვოში — 25, დირბი — 48. ძეგვი — 51. დოესი — 49. ერედვი — 47. ზერთი — 63. კარალეთი — 45, კავთისხევი — 121, ქარელი — 65. ქვემო ხედურეთი — 32. დიდი მეჭვრისხევი — 33. პატარა მეჭვრისხევი — 22, მოხისი — 42, მეტეხი — 48. ნადარბაზევი — 33. რუისი — 132. სურამი — 29. სკრა — 29. ტყვიავი — 34. უფლის

<sup>1</sup> საქ. ცსსა, ფონდი 48, საქმე 2258, ფურც. 90, 1898 წ.: საქმე 2108, ფურც. 102, 1895 წ.

<sup>2</sup> საქ. ცსსა, ფონდი 414, საქმე 10, ფურც. 15, 1865 წ.

<sup>3</sup> საქ. ცსსა, ფონდი 48, საქმე 2258, ფურც. 246, 1898 წ.

ბე --- 26. ურბნისი --- 29. ხიდისთავი --- 62. ხოვლე --- 83. ცხინკალი --- 107. შინდისი --- 31 კომლით და სხვა<sup>1</sup>. სულ ამ ხნის განმავლობაში მაზრას შემატებია 4871 კომლი.

### პ. სავაპრო მიწათმოქმედება და სოფლის მეურნეობის სპეციალიზაცია

#### ა) სოფლის მეურნეობის ეკონომიური ზონები

ვეოდალიზმის დროს მეურნეობა ნატურალურ. თვითკმარ ხასიათს ატარებდა. ყოველი მეურნეობა. ძირითადად, თვითონ. საკუთარი ძალებით იკმაყოფილებდა მოთხოვნილებას.

სასაქონლო-ფულადი მეურნეობის განვითარებასთან დაკავშირებით მეურნეობის თვითკმარი ხასიათი საკმარისი აღარ აღმოჩნდა. ნატურალური მეურნეობა ირღვეოდა. ჩნდებოდა ახალი ტიპის მეურნეობა --- საქონლის მწარმოებელი მეურნეობა. მიწათმოქმედება სავაპრო ხასიათს ღებულობდა. კაპიტალიზმის განვითარებას მიწათმოქმედებაში. პირველ ყოვლისა. ნატურალური მიწათმოქმედების სავაპრო მიწათმოქმედებაზე გადასვლა ახასიათებდა.

სავაპრო მიწათმოქმედების ზრდა-განვითარებაზე გადამწყვეტი გავლენა იქონია რკინიგზების გაყვანამ ამიერკავკასიაში. რკინიგზებმა არა მარტო ქვეყნის შიგნითა ეკონომიური რაიონები დაახლოვეს ერთმანეთთან. არამედ ამიერკავკასია რუსეთსა და ევროპას დაუკავშირეს. რკინიგზებთან ერთად ამიერკავკასიისათვის უდიდესი მნიშვნელობა ენიჭება საზღვაო მიმოსვლას. ფოთი-თბილისის რკინიგზაშუაზე ზღვის ნავსადგურები სავსებით ახლო მდებარე და ადვილად ხელმისაწვდომი გახადა. ამიერკავკასიის ხვედრითი წონა მსოფლიო სავაპრო სისტემაში კიდევ უფრო გაიზარდა.

გორის მაზრის გეოგრაფიული გარემო გარკვეულ გავლენას ახდენდა სოფლის მეურნეობის ხასიათზე: მთიანი ადგილები, საუკეთესო ალპური საძოვრებით, ხელს უწყობდა მეცხოველეობის განვითარებას; ბარში უფრო უკეთესი პირობები იყო ხვნა-თესვისა და ძირითადი-სპეციალური კულტურების განვითარებისათვის.

სოფლის მეურნეობის დარგების გავრცელების მიხედვით გორის მაზრა სამ ძირითად ზონად იყოფოდა: 1) მაღალმთიანი. ცივი ზონა (ჩრდილოეთი და სამხრეთ მთიანეთი). ალპური საძოვრებით;

მეურნეობის ძირითადი დარგი მეცხოველეობა იყო, ამასთან მოპ-

<sup>1</sup> საქ. ცსსა, ფონდი 48, საქმე 2012, ფურც. 158 --- 180. 1888 წ.



უკვდავთა ქერი და კვავი. 2) მთისძირა ზონა. აქ მეურნეობის ძირითადი ღარგი იყო როგორც მესაქონლეობა, ისე მიწათმოქმედება. 3) ბარი, სადაც წამყვანი იყო მიწათმოქმედება (ხვნა-თესვა, მევენახეობა, მეხილეობა და მებოსტნეობა).

მაზრასში სოფლის მეურნეობის დარგები მრავალფეროვანი იყო. ს. ზავაროვი აღნიშნავდა: „ჩვენ თამამად შეგვიძლია ვთქვათ. როცა რტოვლენ ჩვენს მთა-გორიან მაზრასში, სოფლის მეურნეობის ძველსაზრისით, გვხვდება გაცილებით მეტი მრავალფეროვნება, ვიდრე ვაქე ადგილების მთელ რაიონებში. ესეც ცოტაა. მრავალი ჩვენი სოფელი თავისი ტოპოგრაფიული პირობებით უფრო რთულა და სხედასხვაგვარია. ვიდრე მთელი მაზრები, ვაუბედავ და ვიტყვი— რუსეთის ზოგიერთი გუბერნიაც კი“<sup>1</sup>. ავტორს ნიმუშად მოჰყავს გორის მაზრის სოფ. ხცისი და თელავის მაზრის სოფ. ყვარელი.

გეოგრაფიული გარემოს გავლენასთან შედარებით უფრო არსებითი. უფრო ძირეული იყო წარმოების იმ წესის გავლენა, რომელიც ყრფაში შემოდიოდა იმ დროს.

ამიერკავკასიაში სასაქონლო-ფულადი მეურნეობის განვითარებასთან დაკავშირებით. ამ ურთიერთობის უმაღლესი საფეხურის, კაპიტალისტურ ურთიერთობათა განვითარების პირობებში, სოფლის მეურნეობა ობიექტურად სავაჭრო ხასიათს. ეს ახდენს სოფლის მეურნეობის სპეციალიზაციას. ვ. ი. ლენინი წერდა: „სავაჭრო მიწათმოქმედების ზრდა-მიწათმოქმედების სპეციალიზაციით გამოიხატება“<sup>2</sup> ეს ნიშნავს ცალკეული რაიონების დასპეციალებას ამა თუ იმ სასოფლო-სამეურნეო კულტურის მოყვანის საქმეში. საქართველოში ძლიერდება მოყვანა სიმინდის, ჩანისა და ციტრუსების (დასავლეთ საქართველო), ხორბლის, ვაზისა და ზღის (აღმოსავლეთ საქართველო): როგორც დასავლეთში. ისე აღმოსავლეთში ფართოვდება მეაბრეშუქეობა და მეთამბაქოეობა. გორის მაზრასში მეტ გასაქანს პოულობს ხორბლის, სიმინდის, ვაზის, ხეხილის. ბოსტნეულის მოყვანა და მეცხოველეობა. ადგილობრივი ნოყიერი ნიადაგი ხელს უწყობს ხორბლის მოყვანას. განსაკუთრებით ყურადღებას იქცევდა მდ. დიდი ლიხვის ხეობა სოფ. ქვემო ნიქოზიდან სოფ. ვარინამდე. აქ მოჰყავდათ ზორბალი, რომელსაც „თავისი ხარისხით პირველი ადგილი უკავია არა მარტო გორის მაზრასში, არამედ მთელ საქართველოში“<sup>3</sup>. სიმინ-

<sup>1</sup> С. Заваров, Выпобы из даяных по урожаю хлеба в 1893 году и некоторые меры помощи населению неурожайных мест, Сборник Кавказского общества сельского хозяйства, Тифлис, 1894, გვ 630.

<sup>2</sup> ვ. ი. ლენინი, თხზ. ტ. 3, გვ 286.

<sup>3</sup> «МДИЭБГКЗК», т. VI, გვ 138 — 139.

დი ძირითადად სარწყავ ადგილებში მოჰყავდათ. ფართო გავრცელებას პოულობდა ვაზი და ხეხილი, ხოლო მთიან ადგილებში უფრო მეტად ვითარდებოდა საეაქრო მეცხოველეობა უპირატესად მერძეული წარმოებით<sup>1</sup>.

ყოველივე ეს იძლეოდა საშუალებას, რომ გაჩაღებულიყო ფართო ვაქრობა. გარდა რძის ნაწარმისა (ყველი, ერბო, კარაქი), იყიდებოდა შალეული, მატყლი და, აგრეთვე, პირუტყვი (როგორც მუშა საქონლად, ისე სახორცედ).

ამრიგად, ხდება მაზრის ცალკეული მხარეების დასპეციალება ამა თუ იმ კულტურაში. სოფლის მეურნეობაში ნელა, მაგრამ განუხრელად იწერებოდა სასაქონლო კულტურები.

სოფლის მეურნეობის განვითარება შედარებით ნელა ხდებოდა, ქართლის ნაყოფიერი ველები თვით 60-70-იან წლებში ათვისებული მთლიანად არ ყოფილა. იმ ხანაში ეს შეუძლებელიც იყო. მოგსაუბრავ. პეტაფი, რომელიც 1871 წელს გორიდან მდ. დიდი ლიანვის ხეობით ცხინვალს გაემგზავრა. მოგვითხრობს: „მე გაკვირვებით შევამჩნეე უნაყოფიერესი მიწების უზარმაზარი სივრცეები, რომლებიც შამბნარით იყო დაფარული...“<sup>2</sup>.

მიწათმოქმედების განვითარებას, კერძოდ, მიწების ათვისებას ხელს უშლიდა ბატონყმობის ძლიერი ნაშთები, სახელდობრ კი, მიწის მემამულეთა საკუთრებაში დატოვება. მემამულური მეურნეობა, რომელიც ჭერ კიდევ ექსტენსიურ ხასიათს ატარებდა, ნელა გადადიოდა მეურნეობის კაპიტალისტურ საწყისებზე, როცა ყველაფერი ემსახურება ბაზრისათვის საქონლის დამზადებას. როგორც წესი, მემამულეები (მათი უმრავლესობა) სამეურნეო საქმიანობას არ ეწეოდნენ. ისინი მხოლოდ მიწას ღალით აძლევდნენ გლეხებს. „თვით მიწისმფლობელნი მეტად იშვიათად ეწევიან მთელ წარმოებას თავიანთი სახსრებითა და ინიციატივით. მეტწილად საქმე გლეხთა განკარგუ-

<sup>1</sup> ქართლში ადგილი ჰქონდა მერძეული მეურნეობის კაპიტალისტური კოოპერირების საფუძველზე მოწყობის ცდებს. 70-იანი წლების დასაწყისში გორის მაზრის შვილდა მემამულემ მოაწყო რძის პროდუქტების წარმოება არტელური წესით. აგებული იქნა ყველისა და ერბო-კარაქის დამამზადებელი საწარმოები თრიალეთში (ზაფხულის სეზონისათვის) და ქარელის სადავურიდან 7 კილომეტრის დაშორებით (ზაფხულის სეზონისათვის); შეიძინეს რამდენიმე ათეული ძროხა. მემამულეთა ამ არტელმა უკვე 1873 წლის ზაფხულში 40 ფუთი ყველი და 15 ფუთი ერბო-კარაქი დაამზადა (Записки Кавказского общества сельского хозяйства, 1873, III, გვ. 36—46).

<sup>2</sup> В. Пф а ф, Описание путешествия в южную Осетию, Рачу, Болн-шую Кабарду и Дигорию. Сборник сведений о Кавказе, т. II, 1872, гл. 15 г.

ლებაშია“<sup>1</sup>. ნ. ურბნელი აღნიშნავდა, რომ ტირქნისის მემამულე ი. დ. სულხანოვი (სულხანიშვილი) „ცხინვალის მაზრაში ერთად-ერთი მებატონეა, რომელიც ცდილობს ევროპულად განაწყო სასოფლო მეურნეობა, მისი ფერმა საუკეთესო ფერმად ითვლება და კიდევ აგრონომი-სტუდენტები მოდიან აქ პრაქტიკული მუშაობისათვის“<sup>2</sup>. სულხანიშვილი თავის მეურნეობაში უცხოური გუთნების გამოცდას აწარმოებდა.

მეურნეობის კაპიტალისტურ განვითარებას ხელს უშლიდა აგრეთვე სასოფლო-სამეურნეო ტექნიკის დაბალი დონე. გუბერნატორი თავის ანგარიშში აღნიშნავდა: „წარღვნის წინადროინდელი გუთნები, რომლებშიც შებმულია ხუთი და ექვსი უღელი ხარიც კი. პროცესი მოსავლის აღებისა, გალენვისა და თვით გადაზიდვისაც კი — თვალში გეცემა როგორც ყოველგვარი სრულყოფის მუხჯი პროტესტი“<sup>3</sup>.

მეურნეობაში „ევროპულობის“ დანერგვასა და „აზიურობის“ აღმოფხვრას მეტ-ნაკლებად მხარს უჭერდა რუსეთის მმართველობა. ეს გამოწვეული იყო ამ მმართველობის კოლონიური ხალხებისადმი არა კაცთმოყუარეობით, არამედ იმით, რომ ის, გამოხატავდა რა რუსეთის სამხედრო ფეოდალურ-ვაჭრული ზედაფენის ინტერესებს<sup>4</sup>. ობიექტურად იძულებული იყო წასულიყო მეურნეობის ერთგვარა გაუმჯობესებისათვის ხელის შეწყობაზე განაპირა ქვეყნებში. ჭერ კიდევ მთავარმართებელი პ. ციციანოვი ლებულობდა საამისო ზომებს (თუმცა უშედეგოდ)<sup>5</sup>.

მეფისნაცვალ მ. ვორონცოვის ინიციატივით 1850 წელს დაარსდა კავკასიის სასოფლო-სამეურნეო საზოგადოება. საზოგადოებას მიზანს შეადგენდა: 1) ქვეყანაში ხორბლის, მინდვრის სხვა მცენარეებისა და ხეხილის გაუმჯობესება. ახლის შემოტანა. რაც კი სარგებლობას მოიტანდა; 2) მებაღეობის. მებოსტნეობის. მელვინეობის. მებაბრეშუმეობისა და მეფუტკრეობის გაუმჯობესება; 3) სოფლის მეურნეობაში უკეთესი იარაღების შემოღება; 4) მეცხოველეობაში ჯი-

<sup>1</sup> В. Гевский, Краткий очерк земледелия за Кавказом, Тифлис, 1887, гл. 38 — 39.

<sup>2</sup> გაზ. „დროება“, 1883, № 248, გვ. 3.

<sup>3</sup> საქ. ცსსა, ფონდი 5, საქმე 146, ფურც. 18 — 19, 1862 წ.

<sup>4</sup> И. В. Сталин, О статье Энгельса «Внешняя политика русского царства», ИСур. «Большевик», 1947, № 9, гл. 2.

<sup>5</sup> Акты собранные Кавказскою Археологическою Комиссиею, т. II, гл. 248.

შების გაუმჯობესება და გამრავლება<sup>1</sup>; გათვალისწინებული იყო, აგრეთვე, მორწყვის საქმის გაფართოება-გაუმჯობესება და როგორც ამ საზოგადოების, ისე საზღვარგარეთის უახლოესი მიღწევების გავრცელება-გაზიარება.

„საზოგადოება“ მიზნად ისახავდა კავკასიის სოფლის მეურნეობის განვითარებისათვის ხელის შეწყობას ევროპის სოფლის მეურნეობის მოწინავე მეთოდების გამოყენებით. ამდენად, კავკასიის სასოფლო-სამეურნეო საზოგადოებას ობიექტურად ხელი უნდა შეეწყოს ბურჟუაზიული ურთიერთობის განვითარებისათვის.

სასოფლო-სამეურნეო საზოგადოების გახსნაზე რამდენიმე კერით აღრე თბილისის გიმნაზიაში გაიხსნა სასოფლო-სამეურნეო გამოფენა. ამის შემდეგ გამოფენები გარკვეული შუალედებით ეწყობოდა (1852, 1857, 1860, 1861, 1862, 1863, 1869, 1889 წლები)<sup>2</sup>; 1901 წ. თბილისში მოეწყო კავკასიის სოფლის მეურნეობისა და მრეწველობის საიუბილეო გამოფენა<sup>3</sup>. ეს გამოფენები ხელს უწყობდნენ სოფლის მეურნეობის განვითარებას, ახალი კულტურების დახერგვას, ტექნიკურ პროგრესს. „საზოგადოების“ სხდომაზე 1872 წელს გიორგი წერეთელმა დააყენა ადგილობრივ ენებზე (ქართულა, სომხური და აზერბაიჯანული) სასოფლო-სამეურნეო პრესის გამოცემისა და პროვინციული, საგუბერნიო და საეროთო კავკასიის გამოფენების პერიოდულად მოწყობის საკითხები<sup>4</sup>.

სახელმწიფო ქონებათა სამინისტროს მიერ თბილისში 1897 წელს დაარსებულ იქნა კავკასიის მეაბრეშუმეობის სადგური, რომელიც, აგრეთვე, თუთის ხეების მოშენება-გაყიდვას აწარმოებდა. სადგური კვალიფიციურ მეაბრეშუმეებსაც ამზადებდა. 1888 წელს მეაბრეშუმეთა კურსები გაიარა 423 კაცმა, 1890 წ.—390 კაცმა. მეაბრეშუმეობის სადგურმა სასოფლო-სამეურნეო გამოფენებზე მაღალი შეფასება და შესაფერისი ჯილდოები მიიღო: 1890 წელს პეტერბურგში სრულიად რუსეთის გამოფენაზე (მებაღეობის, მეთუთეობისა და სხვა) — ოქროს დიდი მედალი; 1893 წელს კოლუმბიის მსოფლიო გამოფენაზე, ჩიკაგოში — ბრინჯაოს მედალი; 1894 წელს მეხილეობის

<sup>1</sup> Обзор деятельности Кавказского общества сельского хозяйства за 50 лет, 1901, № 3 — 4.

<sup>2</sup> Кавказский календарь на 1890 г., № 1 — 2.

<sup>3</sup> Кавказский календарь на 1902 г., № 160.

<sup>4</sup> Обзор деятельности Кавказского общества сельского хозяйства за 50 лет, 1901, № 19 — 20.

მსოფლიო გამოფენაზე პეტერბურგში—ოქროს მედალი; 1895 წელს სოფლის მეურნეობის მსოფლიო გამოფენაზე მოსკოვში — ოქროს მედალი<sup>1</sup>.

თუ რამდენად წინ წასულა სოფლის მეურნეობის სპეციალიზაცია. გვიჩვენებს ისიც, რომ 1910 წელს ქ. გორში მოეწყო მეღვინეელობის გამოფენა. ჭილეები მიიღეს კაპიტანმა ენგელმანმა, მოპრიგებელმა მოსამართლემ მ. ერისთავმა (ს. კარალეთი). მ. მაქავარიანმა, ტერ-სტეფანოვმა<sup>2</sup>. პრესამ აღნიშნა მეფრინეელობის განვითარების ხელსაყრელი პირობები; თბილისის სიახლოვე კი უზრუნველყოფდა მეფრინეელობის ნაწარმის გასაღებას.

ამგვარად, კაპიტალიზმის განვითარების გამო. საქურო ხდება ტრადიციებთან კავშირის გაწყვეტა, სპეციალური ცოდნის შექმნა. კაპიტალიზმმა ბაზრის საშუალებით აიძულა მწარმოებლები ანგარიში გაეწიათ საზოგადოების განვითარებისათვის. ყველა ეს წამოწყება, რომლებიც გვაქვს სასოფლო-სამეურნეო ამხანაგობების, სხვადასხვა სახის სასოფლო-სამეურნეო სადგურებისა და სკოლების. უურნალ-გაზეთებისა და სხვათა სახით, მხოლოდ კაპიტალიზმის განვითარების შედეგია.

თბილისის გუბერნიასა და გორის მაზრაში სოფლის მეურნეობის სპეციალიზაციის საქმეში გადამწყვეტი მნიშვნელობა ენიჭება ბაზარს. ახლა მოჰყავთ ის. რაც უფრო გაიყიდება ბაზარზე. იმავე ბაზარზე მწარმოებელი იძენს მისთვის საკურო სხვა სახის საქონელს. 1885—1887 წლებში მნიშვნელოვანი რაოდენობით გაქჷონდათ საზღვარგარეთ პური. რაზეც ფასები ძალზე გაიზარდა<sup>3</sup>. შემდგომში საზღვარგარეთ პურის გატანა შემცირდა და ფასები კვლავ დაეცა. ამის მიზეზი მსოფლიო სასოფლო-სამეურნეო კრიზისში (1875—1895 წწ.) უნდა ვეძიოთ<sup>4</sup>.

თბილისის გუბერნიასა და. კერძოდ, გორის მაზრაში იზრდება სპეციალური კულტურებით დაკავებული მიწის ფართობი. „ამ ბოლო დროს ჩვენში ფეხს იყიდებს ერთი მხრით მებაღეობა და მეღვინეობა. და მეორე მხრით სხვადასხვა სამრეწველო მცენარეთა მოშენება. როგორც მაგალითად თამბაქო. ბამბა და ჩაის ხე; ამას ერთვის მეაბრეშუმეობა და რაციონალური მერქვეეობა. მაგრამ ის დარგი. რომელსაც პურის მოყვანის შემდეგ უპირველესი მნიშვნე-

<sup>1</sup> Груды Кавказской шелководственной статистики, т. XIII. Выпуск 1, Тифлис, 1904, № 33 — 34.

<sup>2</sup> Журн. «Кавказское хозяйство», 1910, № 10, № 9.

<sup>3</sup> В. Г е в с к и й, Краткий очерк земледельца за Кавказом, Тифлис, 1887, № 25.

<sup>4</sup> П. Д я щ е н к о, История народного хозяйства СССР, т. II, Ленинград, 1950, № 86 — 89.

ლობა აქვს სოფლის ეკონომიურ ცხოვრებაში, არის მევენახეობა და მეღვინეობა<sup>1</sup>.

ქართლში იწყებენ შაქრის ქარხლის მოშენებას. ეს მანამდე აქ უცნობი იყო. პრესაში აღნიშნულია აქაური შაქრის ქარხლის მალა-ლი თვისებები. გაზ. „დროება“ წერდა, რომ გორის ქარხალი უკეთესია, ვიდრე ლენქორანისაო<sup>2</sup>. აღნიშნულია, რომ ქართლში საფუძველი ეყრება შაქრის მრეწველობას. სოფ. სკრაში, თავად შალიკაშვილების მამულში. ფრანგულ საზოგადოებას გაუგზავნია ვინმე ტიბო, რათა „გამართოს ქარხლისაგან შაქრის დამამზადებელი ქარხანა“<sup>3</sup>. სწორედ ერთი წლის შემდეგ „დროება“ აღნიშნავდა, რომ თავად შალიკაშვილების მამულის ახლოს დაწყებული შაქრის ქარხნის მშენებლობა ჩქარა დამთავრდება, ქარხნის პატრონებად პეტერბურგისა და კიევის ვაჭრები არიანო<sup>4</sup>.

ქართლის მდინარეების რეხულისა და ქსნის ხეობებში 90-იანი წლების მეორე ნახევარში უმთავრესად კომბოსტოს მოყვანა დაიწყო. კომბოსტო ხელსაყრელ ფასებში იყიდებოდა<sup>5</sup>.

თუ რამდენად წინ წავიდა სავაჭრო მიწათმოქმედება. ამას გვიჩვენებს, აგრეთვე, გორის მაზრის მემამულეთა სამეურნეო ამხანაგობის დაარსება. სამეურნეო ამხანაგობის გამგეობის თავმჯდომარედ თავადი გ. ა. ბაგრატიონ-დავითიშვილი ყოფილა, დირექტორ-გამგებლად კი თავადი ვ. გ. მაჩაბელი. ამხანაგობა არსებობდა 1897 წლიდან<sup>6</sup>. ამხანაგობის მმართველობა სადგურ გომში იმყოფებოდა<sup>7</sup>.

ამხანაგობა ყიდულობდა და ყიდდა უმთავრესად სოფლის მეურნეობის ნაწარმს. ამას გვიჩვენებს მონაცემები (იხ. ცხრ. 10).

მარტო ერთი წლის განმავლობაში (1/1 1899 წლიდან 1/1 1900 წლამდე) ამხანაგობას შემოსავლის სახით მიუღია 206 768 მანეთი და 38 კაპ.

სამეურნეო ამხანაგობის ბალანსში აქტივი და პასივი შეადგენდა: 1903 წლის 1 იანვრისათვის — 39407 მან. 26 კაპ.<sup>8</sup>. 1904 წლისათვის—47810 მან. 41 კაპ.<sup>9</sup>, 1906 წლისათვის—59921 მან. 08 კაპ.<sup>10</sup>.

<sup>1</sup> ფ. მ ა ხ ა რ ა ძ ე, თხზ., ტ. VIII, გვ. 55 — 56.

<sup>2</sup> გაზ. „დროება“, 1885, № 196, გვ. 2.

<sup>3</sup> გაზ. „დროება“, 1884, № 190, გვ. 1.

<sup>4</sup> გაზ. „დროება“, 1885, № 196, გვ. 3.

<sup>5</sup> П. К а н д у р а л о в, Очерк виноградарства и виноделия в Картли-и, Сборник сведений по виноградарству и виноделию, 1897, გვ. 20 — 21.

<sup>6</sup> საქ. ცსსა, ფონდი 254, საქმე 6604, ფურტ. 9 — 14, 1900 წ.

<sup>7</sup> იქვე, საქმე 7974, ფურტ. 1, 1903 — 1904, წწ.

<sup>8</sup> იქვე, საქმე 7974, ფურტ. 15, 1903 — 1904 წწ.

<sup>9</sup> იქვე, საქმე 8793, ფურტ. 13 — 14, 1904 წ.

<sup>10</sup> იქვე, საქმე 10203, ფურტ. 10, 1907 წ.

ცხრილი 10

გორის მაზრის მემამულეთა სამეურნეო ამანაგობის საეკონომიკური (1899 წ)

საკონლოს დასახელება	ანაზნაგობამ გაყიდა			დარჩა გასაყიდი			სულ (გაყიდული და გასაყიდი საკონელო)			
	წონით		კაბ.	წონით		კაბ.	წონით		კაბ.	
	ფუთ.	გირ.		ფუთ.	გირ.		ფუთ.	გირ.		
1. პური	33569	17	26928	7	29087	31	62657	08	47286	79
2. ქერი	41705	14	27312	79	10313	29	52019	03	32224	50
3. სიმინდი	19353	24	10784	57	3757	06	23110	30	11922	74
4. ლობიო	450	38	272	79	421	36	872	34	487	15
5. თივა	—	—	17483	73	—	—	5185	—	18856	18
6. შერია	194	20	115	90	—	—	194	20	145	90
7. ხე-ტყის მასალა	—	—	3078	45	—	—	1480	—	4558	59
8. ნავთი	6294	19	7628	16	419	—	6963	—	7909	70
9. სხვადასხვა სა- ვაჭრო	—	—	29890	74	—	—	11529	—	37826	341

1 საკ. ცხსა, ფონდი 254, საკმე 6104, ფურს. 9 — 14, 1900 წ.

როგორც ზემოთაც აღვნიშნეთ, ყველაზე მეტ წარმატებას მაინც შეუძლებლობა და მეხილეობა აღწევს. მაზრის ცალკეულ უბნებში შემდეგი მდგომარეობა გვაქვს:

ბორჯომის უბანში 1894 წლისათვის ყოფილა: 385 ხეხილის ბალი 120 დესეტინა ფართობზე, 84 ვენახი 35 დესეტინაზე, ბოსტნები 120 დესეტინაზე. სურამის უბანში: 718 ბალი 800 დესეტინაზე, ვენახი 800 დესეტინაზე. ბოსტნები 60 დესეტინაზე<sup>1</sup>. ცხინვალის უბანში: 30 ბალი 120 დესეტინაზე, 1075 ვენახი 1 100 დესეტინაზე. ბოსტნები 18 დესეტინაზე<sup>2</sup>. მეჭვრისხევის უბანში (1897 წ.): 7 ხეხილის ბალი 37 დესეტინაზე, 3167 ვენახი 791 დესეტინაზე. ხიდისთავის უბანში: 17 ხეხილის ბალი 37 დესეტინაზე, 3 170 ვენახი 800 დესეტინაზე<sup>3</sup>.

1897 წლისათვის მაზრაში ითვლებოდა 995 დესეტინა ხეხილის ბალი, 5288 დესეტინა ვენახი, 635 დესეტინა ბოსტანი<sup>4</sup>.

ბალ-ვენახებისა და ბოსტნებიდან მიღებული ნაწარმის მნიშვნელოვანი ნაწილი ბაზარზე იყიდებოდა. 1897 წელს ცხინვალის უბანში ბოსტნეულის მოსავალი 12 020 ფუთს შეადგენდა, აქედან გაყიდულ იქნა 10 200 ფუთი. ღვინო დააყენეს 40 000 ვედრო, აქედან გაყიდეს 10 000 ვედრო<sup>5</sup>. მეჭვრისხევის უბანში 1894 წელს მიღებული იქნა ხილი 40 000 ფუთის რაოდენობით, აქედან გაიყიდა 32 000 ფუთი: მიღებულ იქნა 120 000 ვედრო ღვინო. გაიყიდა 30 000 ვედრო<sup>6</sup>. ამავე უბანში 1897 წელს ღვინიდან მიღებულმა შემოსავალმა შეადგინა 120 000 მანეთი<sup>7</sup>. სურამის უბანში 1897 წელს მიღებულ იქნა 10 468 ვედრო ღვინო, ამ რაოდენობიდან გაიყიდა 6 000 ვედრო<sup>8</sup>.

ჩვენ ვფიქრობთ, რომ ღვინის გაყიდვის შესახებ მოტანილი ცნობები არ უნდა იყოს ზუსტი. ერთი ცნობით მოსავლის დაახლოებით 2/3 მაინც ბაზარზე გადიოდა<sup>9</sup>.

<sup>1</sup> საქ. ცსსა, ფონდი 48, საქმე 2198, ფურც. 49, 88, 1895 წ.

<sup>2</sup> საქ. ცსსა, ფონდი 48, საქმე 2198. ფურც. 124, 1895 წ., საქმე 2258, 1898 წ.

<sup>3</sup> საქ. ცსსა, ფონდი 48, საქმე 2258, ფურც. 15, 1898 წ.

<sup>4</sup> იქვე, ფურც. 238.

<sup>5</sup> იქვე.

<sup>6</sup> საქ. ცსსა, ფონდი 48, საქმე 2198, ფურც. 30, 1895 წ.

<sup>7</sup> იქვე, საქმე 2258, ფურც. 15, 1898 წ.

<sup>8</sup> იქვე, ფურც. 29.

<sup>9</sup> А. Джавахов, Город Гори, 1882, გვ. 85.



ამრიგად, გორის მაზრაში გარკვევით ჩანს სოფლის მეურნეობის სპეციალიზაცია: მთიან რაიონებში საეაქრო მეცხოველეობა. ბარში კი ძირითადად პურის მოყვანა, ხოლო 80—90-იანი წლებიდან უპირატესობას ღებულობს ვენახი და სეხილი. მნიშვნელოვანი როლი ენიჭება მებოსტნეობასაც. სასოფლო-სამეურნეო ნაწარმის რაოდენობა და სახეობანი განისაზღვრება ბაზრის მოთხოვნით. ამდენად მაზრის სოფლის მეურნეობა თანდათანობით უფრო და უფრო უმორჩილდება ბაზარს და ბურჟუაზიულ ხასიათს იძენს.

### ბ) მორწყვის. საქმე მაზრაში

გორის მაზრის სოფლის მეურნეობის ცალკეული დარგების განლაგებისას დიდი მნიშვნელობა ჰქონდა სარწყავი წყლით მიწების უზრუნველყოფას. მაზრის ნაყოფიერი მიწების მორწყვის საქმე მოწესრიგებული არ ყოფილა<sup>1</sup>.

მართალია, საქართველოში, როგორც კულტურული მიწათმოქმედების უძველეს ქვეყანაში, მიწების მორწყვის საკითხი ტრადიციით მოდიოდა და გორის მაზრაშიც გვხვდებოდა სარწყავი არხები. მაგრამ ეს არხები მოსახლეობის გაზრდილ მოთხოვნილებებს სრულიადაც ვერ აკმაყოფილებდა. სარწყავი არხებიდან აღსანიშნავი იყო, მაგალითად, ე. წ. ძველი არხი, რომელიც მდ. დიდი ლიხვიდან გამოდიოდა და მთელ სამხრეთ დაბლობს რწყავდა სურამის უბანში. მდ. მტკვარი, თუმცა გორის მაზრაში 150 ვერსის სიგრძეზე მიმდინარეობდა, სარწყავად გამოუყენებელი იყო. სარწყავი არხები გაუყვანილი იყო მდ. მტკვრის შენაკადებიდან, იქიდან გაყვანილი არხებით ირწყვებოდა გორისა და სურამის უბნების მინდორ-ველები. მტკვრის მარჯვენა შენაკადების-რუების საშუალებით რწყავდნენ ხიდისთავის უბანში შემავალი სოფლების ნათესებს და ნარგავებს<sup>2</sup>. გვალვის დროს სარწყავი წყალი არ იყო საკმაო მინდვრებისათვის. წყლის განაწილების განსაზღვრული წესები არ ყოფილა და არც ადმინისტრაცია ახდენდა რწყვის საკითხის მოწესრიგებას. წყლის განაწილების დროს სოფლებს შორის ხდებოდა დიდი შეჯახებანი, რადგან, ჩვეულებრივად, რამდენიმე სოფელს ერთი სარწყავი არხი ჰქონდა. სოფ. ახრისის საზოგადოება თავის გადაწყვეტილებაში აღნიშნავდა, რომ 1882 წლის 6 აგვისტოს ახრისიდან 5 კაცი წავიდა წყლის გადმოსავ-

<sup>1</sup> Материалы по вопросу о распространении действий крестьянского поземельного банка на Закавказский край, С-Петербург, 1904, зс. 105.

<sup>2</sup> საქ. ცსსა, ფონდი 414, საქმე 9, ფურც. 6, 1864 წ.

დებდა. მაგრამ ახალუბნელებმა და პატარა მეჭვრისხეველებმა წასულელებს სცემეს (მათში სამ კაცს თავები დაუმტერიეს). ახრისელები თანასოფლელებს მიეშველნენ; „მოხდა შეტაკება და ამ შემთხვევაში ორივე მხრიდან ბევრი გაიღახაო“ — წერენ ისინი. საზოგადოება თხოულობდა თავისი რუით თავისუფლად სარგებლობის უფლებას<sup>1</sup>.

წყლის განაწილების საკითხი არ იყო მოწესრიგებული ცალკეულ მეურნეთა შორის: „ჩვენ აქ ვხედავთ უფრო მეტ უწესრიგობას და ცალკეულ მეურნეთა ინტერესების შეჯახებას, რასაც საზღვარს უდებს მხოლოდ ძლიერის უფლება“<sup>2</sup>. ძლიერი, ე. ი. შეძლებული მეურნე. იმარჯვებს წყლის სარგებლობის საქმეშიც, ხოლო სუსტი. ე. ი. ღარიბი. წყლით სარგებლობს მხოლოდ მაშინ, როცა ხშირად უკვე გვიან არის და ვერავითარი მორწყვა საკმაო მოსავალს ვეღარ მოიყვანს. მაშასადამე. მოსავლიანობა შეძლებულთა მამულებში. უეჭველია, გაცილებით მაღალია, ვიდრე ღარიბ თანასოფელელთა მიწებზე.

მორწყვის საკითხი თავის აქტუალობას ინარჩუნებს ჩვენ მიერ შესასწავლი პერიოდის მთელ მანძილზე. წყლით სარგებლობის უფლებას მოსახლეობისათვის არსებითი მნიშვნელობა ჰქონდა განსაკუთრებით იქ, სადაც წარმოებდა ვაზისა და სხვა კულტურული მცენარეების მორწყვა. მამულის პატრონის ეკონომიური სიძლიერე განიზომებოდა მის განკარგულებაში მყოფი სარწყავი წყლის რაოდენობითაც.

სარწყავი წყლით სარგებლობისათვის რეფორმის შემდეგაც კი გლეხები მემამულეებს გარკვეულ გადასახადებს უხდიდნენ. მაგალითად. ახალსოფლისა და ზედდულეთის მცხოვრებნი წელიწადში 50 მანეთს იხდიდნენ. სოფ. პატარა გარეჯვარს თავისი ყველა გუთანი წყლის მფლობელის სასარგებლოდ წელიწადში ერთი დღით გამოჰყავდა. სოფ. ზერტსა და პატარა მეჭვრისხევს, აგრეთვე, წელიწადში ერთ დღეს გამოჰყავდათ თავისი გუთნები და, გარდა ამისა, დამატებით წელიწადში თითო კომლიდან თითო მუშა ერთი დღით. სოფ. სამთავისი ყოველ მოსარწყავ დღიურზე 50 კაპიკს იხდიდა. აღიანის მცხოვრებლებმა, რომელთაც წყალს ართმევდა ადგილობრივი მემამულე, საჩივარი აღძრეს ამ უკანასკნელზე. სოფ. ბერბუყის მცხოვრებნი დავას აწარმოებდნენ თავად ერისთავებთან, ხოლო ქვახვრელის მცხოვრებნი დაობდნენ თბილისელ მოქალაქე ალიბეგოვთან<sup>3</sup>.

<sup>1</sup> საქ. ცსსა, ფონდი 48, საქმე 1868, ფურც. 1 — 3, 1882 წ.

<sup>2</sup> «МДИЭБГКЗК», т. VI, გვ. 212 — 213.

<sup>3</sup> იქვე, გვ. 201.

მემამულეთა უფლება სარწყავ წყალზე რეჟორძის შემდგომ პერიოდში ბატონყმობის ძლიერ ნაშის წარმოადგენდა. ეს იყო, კერძოდ, გარე-ეკონომიური იძულების ნაშთი, რაც კარგა ხანს შემორჩა რეფორმის შემდგომ ხანას. ვახ. „გუთნის დედას“ კორესპონდენტი ოტყობინებოდა, რომ ჯერ იყო და გრიგოლ ერისთავმა დააგუბა მდ. ტანა, რითაც ირწყვება ატენის ხეობა. ამან მცხოვრებნი ძლიერ შეაწუხა. ისინი ამ უწყლობას ლეკიანობაზე უარესად სთვლიდნენ: „ლეკს ვაჟაკობით, თოფით, იარაღით მაინც შევიკავებდი“. ახლა კი „დაგვაგდეს უწყლობით“. სასამართლომ სოფლების სასარგებლოდ გადაწყვიტა საქმე, რადგან დაზარალებულებში გორელები ერივნენ (ე. ი. მიწათმოქმედი ბურჯუაზია). წყლის შეწყვეტით ერისთავს წყალზე გადასახადების შემოღება უნდოდა. შემდეგ კორესპონდენტი მიუთითებს, რომ მაზრაში „ზოგიერთა ისეთი მებატონეებისა ადევთ გლეხებს რუების გადასახადი, რომელთა მიწას ეს რუები სრულიად არა ხვდებიან“. შემდეგ „ყველაზედ მეტს ხარჯს რუებზედ იღებენ ერისთვიანი. რომელთა მამულებს ხვდება ეს წყალი მხოლოდ იმათთავე მამულების სარწყავათ. თუ არა და არც ერთგან ეს გაბეგრული რუები არ გამოდიან ამათს მამულში... ახლა უნდა იკითხოს კაცმა: რაში იღებენ მებატონენი წყლის ბეგარას? იმაში, რომ ამავე წყლით ირწყვის ამითავე მამული და აძლევს ერთი ორათ მოსავალს? უამწყლოთ წახდება მებატონის მამული, რომელიც გლეხკაცს აქვს მიცემული სამეოთხედოდ თუ ნაღელში. მაშასადამე ეძლევა ზარალი თვით მებატონესაც. და იმის გამო რომ, გლეხკაცი უკეთებს ამას მიწას და ურწყავს. რომ უფრო მეტი მოიციეს მამულმა და მატებს ამითი თავის მებატონეს. ამ სიკეთეში იხდის ის გადასახადსა“!

მაშასადამე, გორის მაზრაში გარდა საადგილმამულო დაეისა არსებობდა დავა სარწყავი წყლის გამოც. დავა წარმოებდა. ერთი მხრით, თავდაზნაურობასა და მთელ გლეხობას შორის, მეორე მხრით. თვით გლეხობაში ცალკეულ ფენებს შორის.

### გ) მეცხოველეობის განვითარება

მეცხოველეობას მაზრის მოსახლეობის ეკონომიურ ცხოვრებაში დიდი მნიშვნელობა ჰქონდა. რეფორმის შემდეგ მეცხოველეობა ისევე, როგორც სოფლის მეურნეობის სხვა დარგები, სავაჭრო ხასიათს იღებს — ყველს, ერბოს, მატყლს, ცოცხალ პირუტყვს სა-

ბორცე და მუშა საქონლის სახით ახლა ბაზრისათვის აწარმოებენ. მაზრაში მეცხოველეობა ეკონომიური ზონების მიხედვით სხვადასხვა სახით ვითარდება. ბარში პირუტყვი გამოყენებულია უმთავრესად გამწვევ ძალად. აქ მეცხოველეობა დამხმარე როლს თამაშობს, მთიან ადგილებში კი იგი მეურნეობის წამყვანი დარგია. სამაზრო ადმინისტრაცია სთვლიდა, რომ 1864 წლისათვის თითოეულ გლეხურ კომლზე (5 სული თითოეულ კომლში) მოდიოდა 1 ცხენი, 2 სული რქოსანი და 5 წვრილფეხა საქონელი.<sup>1</sup> ეს საშუალო და ამასთანავე, ფრიად მიახლოებითი ციფრებია. უფრო ზუსტი მონაცემები გვაქვს 80-იანი წლებისათვის. ეს ცნობები ეხება მხოლოდ სახელმწიფო გლეხებს.

ცხრილი 11

გორის მაზრაში ეკონომიური ზონების მიხედვით სახაზინო გლეხთა სარგებლობაში მყოფი პირუტყვის რაოდენობა (თითოეულ კომლზე)

გეოგრაფიულ-ეკონომიური რაიონები	მუშა საქონელი	რძის მომცემი პირუტყვი	წვრილფეხა საქონელი	ცხენი	ღორი
I რაიონი (მთიანი მხარე)	2,8	5,6	25,4	0,9	2,8
II " (მთის ძირა)	3,1	3,9	6,3	0,5	3,5
III " (ბარი)	2,4	2,0	3,9	0,2	2,1
საშუალოდ მთელ მაზრაში . . .	2,4	2,5	6,1	0,3	2,2

ამ ცნობებით მერძეული მეცხოველეობა მთის ზონაში მეტად ყოფილა განვითარებული. აქვე, თითოეულ კომლს ყველაზე მეტი ჰყავდა წვრილფეხა საქონელი (25,4), რაც ბართან შედარებით 6—7-ჯერ მეტია. აქვე ცხენები ბართან შედარებით 4—5-ჯერ მეტი ჰყავთ. მთიან ადგილებში ცხენების მეტი რაოდენობით ყოლა აიხსნება მათი ძირითადად, სატრანსპორტო საშუალებად გამოყენებით. მუშა საქონელი ყველაზე მეტი ჰყავთ მთისძირა სოფლებში. აქ ის გამოყენებულია როგორც გამწვევ ძალად, ისე სატრანსპორტო საშუალებად. მუშა პირუტყვის რაოდენობით მთა აღემატება ბარს. ეს აიხსნება არა მარტო მუშა საქონლის გამოყენებით (რადგან მთი-

<sup>1</sup> საქ. ცსსა, ფონდი 414, საქმე 10, ფურც. 257, 1864 წ.

<sup>2</sup> «МДИЭБГКЗК», т. VI, გვ. 227.

ან ადგილებში სახნავ-სათესი მიწირე ჩაოდენობით ჰქონდათ), არამედ უფრო მეტად ამ საქონლის გაყიდვისათვის მოშენებით; აღნიშნულის გარდა გარკვეული მნიშვნელობა ჰქონდა იმასაც, რომ I და II რაიონის ის სოფლები, რომლებიც მაზრის სამხრეთ ნაწილში და ლიხვის ზემო წელზე მდებარეობდნენ, ეწეოდნენ მორების მიზიდვას ტყიდან მდინარის ნაპირებამდე, ამისათვის კი მათ ბევრი მუშა პირუტყვი სჭირდებოდათ. ბაკურიანსა და ვარდგინეთში კომლზე საშუალოდ 6 სული მუშა პირუტყვი მოდიოდა. გომანსა და დიდ ბიტარბაში 5 სული, ციხიჯვარში — 4,6, ახალდაბაში — 3,3.

ბარის სოფლებში მეცხოველეობის განვითარებას ხელს უშლიდა საძოვრების, სათიბებისა და საერთოდ, საყვებ საშუალებათა სიმცირე. გლეხები საძოვრების მხრივ ძირითადად მემამულეებზე იყენენ დამოკიდებულნი.

ვეტქიმი ტ. ბოლოტოვი თავის 1878 წლის ანგარიშში აღნიშნავდა: „მესაქონლეობა გორის მაზრაში, განსაკუთრებით მის მთიან ადგილებში, პირველხარისხოვან ეკონომიურ როლს თამაშობს. მაგალითად, ოკეთში საქონელს იწახავენ არა მარტო იმ მიზნით, რომ ჰყავდეთ სამუშაო ძალა, არამედ, აგრეთვე, რძის პროდუქტების (ერბო და ყველი) მისაღებად. ეს პროდუქტები წარმოადგენდა გაყიდვის ერთ მთავარ საგანთაგანს და ოჯახის გამოკვების დიდ საშუალებას. მაზრის მთიანი ადგილების მიწათმოქმედებაში სასუქის, როგორც მინდვრის გამანაყოფიერებელი საშუალების, მიღება უკანასკნელ როლს როდი თამაშობს. ბარში მესაქონლეობას მისდევენ უპირატესად მინდვრების დამამუშავებელი სამუშაო ძალის მიღების მიზნით. ამ ადგილებში რძის პროდუქტების მიღება მეორეხარისხოვან როლს თამაშობს, სასუქს კი ფასი აქვს მხოლოდ იმ ადგილებში, სადაც გავრცელებულია მებაღეობა, იქ, სადაც საკმარისია წყალი მინდვრების მოსარწყავად. ამიტომ ბარისა და მთის სოფლებში საქონლის ჩაოდენობა დიდად განსხვავებულია“<sup>1</sup>.

მთის მოსახლეობისათვის მეცხოველეობა ყოველთვის წარმოადგენდა შემოსავლის ძირითად წყაროს. ამასთან რეფორმამდე, რაკი სოფელი ძირითადად ნატურალურ მეურნეობას ეწეოდა. მთის მოსახლეობას მცირედი გაცვლა-გამოცვლითი ოპერაციებით დაკმაყოფილება უხდებოდა უმთავრესად ნეზობელი ბარის სოფლის მო-

<sup>1</sup> Т. Болотов, Горийский уезд и его ветеринарно-санитарные условия, Сборник Кавказского общества сельского хозяйства, Выпуск IV, Тифлис, 1882, გვ. 11.

სახლეობასთან. არამიწათმოქმედი მოსახლეობის სიმცირის გამო ბაზარი მეცხოველეობისათვის უმნიშვნელო იყო. რეფორმის შემდეგ საქალაქო ცხოვრების განვითარებასა და რკინიგზების გაყვანასთან დაკავშირებით მეცხოველეობა ქართლის მთაში უფრო და უფრო მეტად სავაჭრო ხასიათს ღებულობს. ოჯახზე იქ საშუალოდ 25,4 სული წვრილფეხა პირუტყვი მოდიოდა. ეს, რა თქმა უნდა, მხოლოდ ოჯახის პირად საკიროებათა დასაკმაყოფილებლად ვერ იქნებოდა გათვალისწინებული. პირუტყვის საგრძნობ ნაწილს ქალაქები ან სავაჭრო-სამრეწველო დაბები მოიხმარდნენ. ვ. ი. ლენინი ამბობდა: „ბაზარი სავაჭრო მესაქონლეობისათვის იქმნება უპოვარესად ინდუსტრული მოსახლეობის ზრდით“<sup>1</sup>.

განსაკუთრებით დიდი მოთხოვნილება იყო ქართლის მიის ყველზე. მთის თითოეული ოჯახი იმის მიხედვით, თუ რამდენი ძროხა ჰყავდა (3-დან 20 სულამდე), აკეთებდა ყველს 5-დან 50 ფუთამდე. XIX საუკ. ბოლოსათვის ადგილზე ყველი ღირდა გირვანქა 15—20 კაპ. (ფუთი 6—8 მანეთი), ხოლო ქ. გორში და დაბა ცხინვალსა და სურამში გირვანქა 20—30 კაპ. (ფუთი 8—12 მანეთი)<sup>2</sup>. ფასები მეცხოველეობის პროდუქტებზე XIX საუკ. ბოლო მეოთხედში საკმაოდ მაღალი იყო. ცხვრის ქონი ფუთი ღირდა 8 მანეთი, ღორისა— 9 მან., ძროხის ხორცი — 4 მანეთი<sup>3</sup>.

XIX საუკ. დასაწყისისათვის ცხვრის ხორცი ლიტრა (10 გირვანქა) ღირდა 60 კაპ., ძროხისა — 45 კაპ., ძროხის ქონი— 1 მან. 87 კაპ.<sup>4</sup>

ამ ორი მონაცემიდან მეტ-ნაკლები სიცხადით ჩანს ფასების ზრდა მეცხოველეობის პროდუქტებზე. მაგალითად, ძროხის ხორციზე ფასი 2-ჯერ და უფრო მეტად გაზრდილა.

XIX საუკ. II ნახევარში მაზრაში მატულობს პირუტყვის რაოდენობა. ამ მხრივ შემდეგი მონაცემები გვაქვს (იხ. ცხრილი 12).

აქ მოტანილი ციფრები ცხადყოფენ იმდროინდელი სტატისტიკის არასიზუსტეს. რასაკვირველია, ბევრი მონაცემი აშკარად არასწორია, მაგრამ მაინც შესაძლებელია ვიფიქროთ, რომ მონაცემთა დიდი ნაწილი უახლოვდება სინამდვილეს და ამის მიხედვით შესაძლებელია ზოგიერთი შედეგი გავითვალისწინოთ.

<sup>1</sup> ვ. ი. ლენინი, თხზ., ტ. 3, გვ. 306.

<sup>2</sup> ს.პ. ცხსა, ფონდი 414, საქმე 3, ფურც. 390, 1900 წ.

<sup>3</sup> ს.პ. ცხსა, ფონდი 26, საქმე 2091, ფურც. 2—3, 1880 წ.

<sup>4</sup> Акты собранные Кавказскою Археологическою Комиссиею, т. II,

მეცხოველეობის მდგომარეობა გორის მაზრაში

წლები	ცხენების რაოდენობა	მსხვილი რქოსანი პირუტყვი	წერილევა პირუტყვი
1838	5000	30000	25 00
1848	2794	42945	21709
1858	7250 <sup>1</sup>	45810	37911
1864	5660 <sup>2</sup>	52315	ცხვარი 61036 ლორი 51701
1865	5191	52417	ცხვარი 61274 ლორი 50901
1867	5783	55075	ცხვარი 63667 ლორი 51887
1868	5989 <sup>3</sup>	55400	ცხვარი 61292 ლორი 51987
1884	6989 <sup>4</sup>	72309	ცხვარი 75124 ლორი 33202
1893	6248 <sup>5</sup>		ცხვარი 83059 თხა 46200 ლორი 59120
1894	6275 <sup>6</sup>	ხარი 43056 კამეჩი 14944 ფურკამეჩი 9000 ძროხა 35869	ცხვარი 83059 თხა 46200 ლორი 59120
1897	6141 <sup>7</sup>	ხარი 43095 კამეჩი 15030 ფურკამეჩი 9242 ძროხა 35987	ცხვარი 75065 თხა 37100 ლორი 55015
1899	6113 <sup>8</sup>	ხარი და ძროხა 120700 <sup>9</sup> კამეჩი 30700	ცხვარი 100000 თხა 10000
1901	7900 <sup>10</sup>	ხარი, ძროხა, კამეჩი 165254	ცხვარი 180400 თხა 48450 ლორი 22609
1909	5084 <sup>11</sup>	ხარი 37878 კამეჩი 10607 ფურკამეჩი 3126 ძროხა 23436	ცხვარი 54207 თხა 18954 ლორი 22744

<sup>1</sup> Сборник материалов для описания Тифлисской губернии, Под редакцией К. Зиссермана, Тифлис, 1870, გვ. 69 — 71.

<sup>2</sup> საქ. ცსსა, ფონდი 414, საქმე 10, ფურტ. 272, 1864 წ.

<sup>3</sup> Сельское хозяйство и аграрные отношения. т. II, составил проф. П. Гугуншид, Тбилиси, 1950, გვ. 288 — 293.

<sup>4</sup> Труды Тифлисского губернского статистического комитета, Под редакцией Игнатовского, Выпуск 1, Тифлис, 1886, გვ. 246.

<sup>5</sup> საქ. ცსსა, ფონდი 418, საქმე 2140, ფურტ. 62, 1894 წ.

<sup>6</sup> იქვე, საქმე 2198, ფურტ. 261, 1895 წ.

<sup>7</sup> იქვე, საქმე 2258, ფურტ. 43, 1898 წ.

<sup>8</sup> საქ. ცსსა, ფონდი 411, საქმე 3, ფურტ. 426, 1900 წ.

<sup>9</sup> Кавказский календарь на 1903 г., გვ. 70.

<sup>10</sup> საქ. ცსსა, ფონდი 414, საქმე 22, ფურტ. 219, 1902 წ.

<sup>11</sup> იქვე, საქმე 89, ფურტ. 15, 1910 წ.

გორის მაზრაში ცხენი ძირითად გამწევე ძალას არ წარმოადგენდა. იგი უშთავრესად სატრანსპორტო საშუალებად იყო გამოყენებული. ამიტომ მხოლოდ ცხენების რაოდენობით გლეხური კომლის ეკონომიური სიძლიერის განსაზღვრა შეუძლებელია. მაინც ცხენს ქართლში საპატიო ადგილი ეკავა. მუშაყაცს, როცა იგი თავისი ცხენით მუშაობდა, აძლევდნენ იმდენსავე, რამდენიც ეძლეოდა მას ცოთი ურმით მუშაობისას.

მაზრაში ცხენების უდიდესი რაოდენობა მთიან ადგილებზე მოდიოდა. მიმოსვლა მთის ბილიკებზე ცხენით უფრო მოსახერხებელი იყო. ასე იყო არა მარტო მთელს მაზრაში, არამედ მთელს გუბერნიაში. 1899 წელს, თუ გორის მაზრაში 6 113 ცხენი ითვლებოდა, ღიანეთის მაზრაში, რომელიც მოსახლეობის რაოდენობითა და ტერიტორიის სივრცით დიდად ჩამორჩებოდა გორის მაზრას, იყო 9 408 ცხენი<sup>1</sup>.

ყოველ ას მცხოვრებზე 1883 წელს მოდიოდა ცხენების შემდეგ რაოდენობა:

გეროპულ რუსეთში .	25,5
კავკასიაში .	13,5
ჩრდილო კავკასიაში	24,5
ამიერკავკასიაში	7,4
გორის მაზრაში .	5,2 <sup>2</sup>

ცხენების რაოდენობა 1897 წლისათვის გორის მაზრაში შემდეგნაირად წარმოგვიდგება:

ხიდისთავის უბანში. სადაც 7 ათას კომლზე მეტი იყო. ჰყოლიათ 893 ცხენი. ცხინვალისაში (8 300 კომლი) — 2 380 ცხენი, სურამის უბანში (5 ათასი კომლი) — 720. ბორჯომისაში (1 200 კომლი) — 460, მეჯვრისხევისაში (4 700 კომლი) — 970<sup>3</sup>. ცხენების უკელაზე დიდი რაოდენობა ცხინვალის უბანში ჰყავდათ. ეს უბანი ძირითადად მთის სოფლებისაგან შედგებოდა.

ცხენების რაოდენობის პნიშვნელოვანი ნაწილი მემამულეებს ჰყავდათ. მაგალითად. 1883 წელს გლეხებს ჰყავდა 3 464 ცხენი, მემამულეებს კი 2 946<sup>4</sup>. იმის წარმოსადგენად, თუ რამდენად მეტი ჰყავდათ ცხენები მემამულეებს. უნდა გავითვალისწინოთ გლეხური მოსახლეობის დიდი სიჭარბე მემამულეთა რიცხვთან შედარებით.

<sup>1</sup> Кавказский календарь на 1903 г., გვ. 70.

<sup>2</sup> Кавказский календарь на 1885 г., გვ. 277.

<sup>3</sup> საქ. ცსსა, ფონდი 48, საქმე 2258, ფურც. 19—101, 1898 წ.

<sup>4</sup> Кавказский календарь на 1885 г., გვ. 277.



გორის მაზრის, ისევე როგორც მთელი გუბერნიის, მოსახლეობისათვის პირველხარისხოვანი მნიშვნელობა ჰქონდა მსხვილფეხა რქოსან მუშა პირუტყვის. ამის თაობაზე ი. ვერეტენიკოვი აღნიშნავდა: „ადგილობრივ მოსახლეობას მუშა საქონლად მხოლოდ კამეჩები და ხარები მიაჩნია“<sup>1</sup>. განხილულ პერიოდში მსხვილფეხა პირუტყვის რაოდენობა ყველაზე მეტია 1901 წელს; სახელდობრ, ამ წელს 165 284 სულია. ეს კი რეფორმის გატარების წელთან შედარებით (იყო 52417) სამჯერ მეტია, ხოლო 1838 წელთან შედარებით 4.5-ჯერ მეტი.

უბნების მიხედვით 1894 წლისათვის მსხვილფეხა და წვრილფეხა საქონლის რიცხვი შემდეგნაირადაა წარმოდგენილი. ხიდისთავის უბანში: ხარები და ძროხები — 10 700, კამეჩები — 2 400; ცხინვალის უბანში: ხარი — 1500, კამეჩი — 990. ფურკამეჩი — 100. ძროხა — 1 900, ცხვარი — 5 100, თხა — 2 400. ღორი — 2 600; სურამის უბანში: ხარი — 5002, კამეჩი — 1800, ფურკამეჩი — 512. ძროხა — 2 018. ცხვარი — 4 500, თხა — 2 300, ღორი — 8 000; ბორჯომის უბანში: ხარი — 2091, კამეჩი — 700, ფურკამეჩი — 153. ძროხა — 2 037. ცხვარი — 9 297, თხა — 1 500, ღორი — 1 315; მეჯვრისხევის უბანში: ხარი — 7100, კამეჩი — 1700, ფურკამეჩი — 300. ძროხა — 3 800. ცხვარი — 3 000, თხა — 500<sup>2</sup>.

1897 წლისათვის კი შემდეგი მდგომარეობაა:

ხიდისთავის უბანში: ხარი — 11168, კამეჩი — 5985. ძროხა — 11 635, თხა და ცხვარი — 6 814; ცხინვალის უბანში: ხარი — 12 200, კამეჩი — 8 320. ფურკამეჩი — 2 400, ძროხა — 11 820. ცხვარი — 16 100, თხა — 2 300. ღორი — 7 600; სურამის უბანში: ხარი — 5 620, კამეჩი — 2 210, ფურკამეჩი — 620, ძროხა — 2 630. ცხვარი — 6 200, თხა — 3 200, ღორი — 9 700; ბორჯომის უბანში: ხარი — 736, კამეჩი — 1 100, ფურკამეჩი — 100, ძროხა — 664. ცხვარი — 2 500, თხა — 150, ღორი — 460; მეჯვრისხევის უბანში: ხარი — 5 500, კამეჩი — 1 906, ფურკამეჩი — 300, ძროხა — 3 120. ცხვარი — 3 200, თხა — 570, ღორი — 900<sup>3</sup>.

1894 წელს გამწევი ძალის ყველაზე დიდი რაოდენობა მეჯვრისხევისა და ხიდისთავის უბნებზე მოდის. 1897 წლისათვის კი მსხვილ-

<sup>1</sup> И. Веретенников, По поводу податной реформы на Кавказе, журн. «Русская мысль», книга VII, 1902, гл. 124.

<sup>2</sup> საქ. ცსსა, ფონდი 48, საქმე 2198, ფურც. 34 — 160, 1895 წ.

<sup>3</sup> იქვე, საქმე 2258, ფურც. 19 — 101, 1898 წ.

ფეხა რქოსანი პირუტყვის რაოდენობით პირველი ადგილი ცხინვალის უბანს უკავია (34 740 სული), მას მიჰყვება ხიდისთავის უბანი (28 786), სურამის უბანი (11 080), მეჭვრისხევისა (10 826) და ზორჯომის უბანი (2600).

მუშა პირუტყვის რაოდენობაზე დიდად იყო დამოკიდებული გლეხის ეკონომიური სიძლიერე. ვ. ი. ლენინი ბევრ შემთხვევაში გლეხურ კომლეს მუშა პირუტყვის რაოდენობის მიხედვით აჯგუფებდა. გორის მაზრის გლეხთა დაჯგუფება ამის მიხედვით ცნობდება ცნობების არასაკმარისობის გამო.

ახალი საგადასახადო კანონის შემოღების წინ, 1900 წელს. ამიერკავკასიაში ჩატარდა მეურნეობების გამოკვლევა. ეს გამოკვლევა თბილისის გუბერნიაში იმ გლეხურ კომლთა ნაწილს (1739) შეეხო, რომელთაც მიწა უკვე გამოსყიდული ჰქონდა. აღმოჩნდა, რომ მუშა საქონელი არ ჰყავდა მეურნეობათა 44,2%-ს, ერთი უღელი ჰყავდა 21,8%-ს, დანარჩენ 34%-ს ორი უღელი ან მეტი გააჩნდა<sup>1</sup>. თუკი ასეთი მდგომარეობა გვაქვს იმ გლეხურ კომლებში, რომელთაც უკვე გამოისყიდეს მიწები და რომელნიც, საგულისხმებელია, ეკონომიურად სხვა კომლებთან შედარებით უფრო ხელსაყრელ მდგომარეობაში არიან, ცხადია, უარესი მდგომარეობა ექნება გლეხთა დანარჩენ მასას. საერთოდ კი, — ამბობს მიმომხილველი, — „მუშა პირუტყვის განაწილება ცალკეულ მეურნეობათა მიხედვით უფრო მეტად არადამაკმაყოფილებელი აღმოჩნდება“<sup>2</sup>.

უმცირესობის ხელშია მუშა პირუტყვის დიდი რაოდენობა, უმრავლესობის ხელში კი პირუტყვის მცირე რაოდენობა.

ისეთ კომლთა რიცხვი, რომელსაც შეეძლო გუთნეული დამოუკიდებლად გამოეყვანა, დაახლოებით 4<sup>0</sup>/<sub>6</sub>-ს უდრიდა<sup>3</sup>. ცხადია, გლეხთა ეს ნაწილი მოსახლეობის კულაკურ ფენას წარმოადგენდა.

ზემოთ მოტანილი მონაცემები უფლებას გვაძლევენ ვამტკიცოთ, რომ უსაქონლო ანუ ღარიბ გლეხთა რაოდენობა 45%-მდე აღწევს. გარდა ამისა, ჩვენ ერთი უღლის მფლობელ გლეხსაც ღარიბებში ვთვლით იმ შემთხვევაში, თუ ასეთ გლეხურ კომლს შედარებით მცირე რაოდენობით აქვს ნათესი, ვენახი და ბაღი.

<sup>1</sup> И. Веретенников, По поводу податной реформы на Кавказе, Журн. «Русская мысль», Книга VII, 1902, гл. 124.

<sup>2</sup> იქვე.

<sup>3</sup> იქვე, გვ. 125.

მსხვილფეხა პირუტყვის მნიშვნელობა. აგრეთვე, სასუქის მომცემიანობით განისაზღვრებოდა. XIX საუკ. ბოლოსათვის მაზრის სახნავ და ბაღ-ვენახების თითოეულ დესეტინაზე მოდიოდა მსხვილფეხა საქონლის 1,88 სული. ეს ციფრი თიანეთის მაზრის მიმართ 7.74-მდე იზრდებოდა, ხოლო თბილისის მაზრის მიმართ 1,09-მდე მცირდებოდა, საშუალოდ კი გუბერნიაში 1.79-ს უდრიდა<sup>1</sup>. ესაა ე. წ. საშუალო ციფრები. ნამდვილად კი, როგორც ზემოთ აღვნიშნეთ, გლეხობის თითქმის ნახევარს საქონელი სრულიად არ ჰყავდა, ხოლო თითო უღელი ჰყავდა დაახლოებით 22%-ს. უსაქონლო გლეხები მოკლებულნი იყვნენ საშუალებას გაენაყოფიერებინათ მიწა. ეს კი უარყოფით გავლენას ახდენდა მოსავლიანობაზე. გლეხთა იმ ჯგუფებს. რომელთაც საქონელი გააჩნდათ 2 უღელი და მეტი, საშუალება ჰქონდათ ბაღ-ვენახები და სახნავი სასუქით გაეპატივებინათ და უფრო მაღალი მოსავალი მიეღოთ.

ვ. ი. ლენინი მიუთითებდა, რომ განსხვავება გლეხთა უკიდურეს ჯგუფებს შორის პირუტყვის რაოდენობის მიხედვით ათჯერ მეტია, ვიდრე განსხვავება სახადელო (საკომლო) მიწების მიხედვით. აქვე დგება საკითხი პირუტყვის ჯიშთანობაზე. ღარიბს საშუალება არა აქვს შეიიხროს ჯიშიანი საქონელი, ხოლო რაც ჰყავს. ისიც მოუვლელია: „შიმშილობს პატრონი (ვაგლახი პატრონი), შიმშილობს პირუტყვიც, სხვანაირად არც შეიძლება იყოს“<sup>2</sup>. ხოლო საქონლის რაოდენობასა და ჯიშთანობაზე დამოკიდებულია მიწის მოვლა, კერძოდ, მიწის გაპოხიერება.

#### დ) ხვნა-თესვა რეფორმის შემდეგდროინდელი ქართლის სოფელში

ჩვენი საკითხის გასარკვევად აუცილებელია თვალი გავადევნოთ ხვნა-თესვის საქმეს მაზრაში. არსებული ცნობებით სურათი, დაახლოებით, შემდეგნაირად გვესახება (ცხრილი 13).

სხვა წლების შესახებ უნდა აღინიშნოს შემდეგი. 1905 წელს მაზრაში მიუღიათ მოსავალი: ხორბლისა — 3 165 834 ფუთი, ქერის — 1 113 539 ფუთი, სიმინდის — 668 143, შვრიისა — 17 631, კარტოფილის — 128 400 ფუთი<sup>3</sup>.

<sup>1</sup> «ССДЗСХПІЗІ», გვ. 37.

<sup>2</sup> ვ. ი. ლენინი, თხზ., ტ. 15, გვ. 120.

<sup>3</sup> საქ. ცსსა, ფონდი 414, საქმე 58, ფურც. 31, 1905 წ.

ცხრილი 13

მარცვლეულის მოსავალი გორის მაზრაში XIX საუკ. II ნახევარში (ფუთობით)

წლები	ვისია ნახნავი	აღებულია (ფუთობით)			
		ხორბალი	ქერი	სიმინდი	კარტოფილი
1	2	3	4	5	6
1856	თავადახნაურობის . . . . .	244150	40890	3885	—
	გლეხების . . . . .	492855	14616	4370	—
	სახელმწიფო გლეხების . . . . .	301140	15577.5	22750	—
	საეკლესიო გლეხების . . . . .	182965	127310	5320	—
	ს უ ლ . . . . .	1221310	470388	37425 <sup>1</sup>	
1862	თავადახნაურობის . . . . .	169450	—	—	2075
	საბატონო გლეხების . . . . .	229760	—	—	1653
	სახელმწიფო გლეხების . . . . .	119280	—	—	1387
	საეკლესიო გლეხების . . . . .	151088	—	—	1287
	ს უ ლ . . . . .	669578			6412 <sup>2</sup>
1864	თავადახნაურობის . . . . .	646090	—	—	1900
	სახელმწიფო გლეხების . . . . .	941716	—	—	1566
	გლეხების . . . . .	1364869	—	—	1889
	საეკლესიო გლეხების . . . . .	429333	—	—	1070
	ს უ ლ . . . . .	3382298			6425 <sup>2</sup>
1868	ს უ ლ . . . . .	2776116			62340 <sup>4</sup>
1873	თავადახნაურობის . . . . .	570190	190240	—	13865
	გლეხების . . . . .	1785145	206625	—	30965
	ს უ ლ . . . . .	2355335	396865		73130 <sup>5</sup>
1876	თავადახნაურობის . . . . .	557460	159200	—	12050
	გლეხების . . . . .	1473640	264625	—	81685
	ს უ ლ . . . . .	2031100	423825		93735 <sup>6</sup>
1884	თავადახნაურობის . . . . .	665000	111750	—	45400
	გლეხების . . . . .	1705150	699625	742425	65550
	ს უ ლ . . . . .	2370150	1011375	742425	110950 <sup>7</sup>

<sup>1</sup> საქ. ცსსა, ფონდი 48, საქმე 781, ფურც. 72, 1857 წ.

<sup>2</sup> Сельское хозяйство и аграрные отношения, т. II, Составил проф.

II. Гугушвили, Тбилиси, 1950, გვ. 286.

<sup>3</sup> საქ. ცსსა, ფონდი 414, საქმე 10, ფურც. 272, 1865 წ.

<sup>4</sup> Сельское хозяйство и аграрные отношения, т. II, Составил проф.

II. Гугушвили, გვ. 297.

<sup>5</sup> საქ. ცსსა, ფონდი 5, საქმე 2668, ფურც. 80, 1874 წ.

<sup>6</sup> საქ. ცსსა, ფონდი 5, საქმე 3975, ფურც. 34, 1877 წ.

<sup>7</sup> საქ. ცსსა, ფონდი 414, საქმე 92, ფურც. 2, 1885 წ.

1	2	3	4	5	6
1890	დრ. ვალდ. გლეხების (სა- ნადელო მიწებზე) .	851447	323350	—	5025
	მესაკუთრე გლეხების .	264000	87725	—	1045
	სახაზინო გლეხების (სა- ხელმწიფო მიწაზე) .	228200	197925	—	475
	სახაზინო გლეხების (საეკ- ლესიო მიწაზე) .	291650	141375	65822	380 <sup>1</sup>
	თავდაზნაურობის მიწები: ა) პირად სარგებლობაში ბ) გაცემულია იჯარით . გ) გაცემულია ლაღით .	321000 362700 724678	84825 150790 246355	68500 78550 218500	950 2175 4750 <sup>2</sup>
ს უ ლ	3113675	1232345	431172	14800	
1893	თავდაზნაურობის მიწები	562737	253162	190475	10469
	სახაზინო მიწები .	497357	232725	145801	—
	გლეხთა მიწები . . . . .	907181	186180	343520	6732
	მოიჯარადრეების მიწები	673920	195025	641829	8640
	ს უ ლ	2641195	867092	1321625	25891 <sup>3</sup>
1897	თავდაზნაურობის	535700	236350	218500	15100
	სახაზინო მიწები .	500540	229452	201300	4270
	გლეხების . . . . .	910570	181250	332500	14250
	მოიჯარადრეების	901450	217500	610500	6650
	ს უ ლ	2848760	864552	1369800	40470 <sup>4</sup>
1899	თავდაზნაურობის მიწაზე	440737	283968	290076	104210
	სახაზინო მიწებზე .	436515	156572	141450	47500
	გლეხების . . . . .	817950	273125	350892	71150
	მოიჯარადრეების	85400	36250	19000	—
	მესაკუთრეების .	128250	17390	28500	—
ს უ ლ	1908852	767505	829918	222860 <sup>5</sup>	
1901	თავდაზნაურობის მიწებზე.	1148393	250632	292033	105773
	სახელმწიფო მიწებზე .	558552	167569	114864	44550
	გლეხთა მიწებზე . . . . .	1152242	226386	206415	22025
	მოიჯარადრეთა მიწებზე .	566703	94052	61408	67032
	ს უ ლ	3428469	740540	675231	239780 <sup>6</sup>

1 Кавказский календарь на 1893 г., стр. 5 — 8.  
 2 Кавказский календарь на 1892 г., стр. 44 — 45.  
 3 საქ. ცსსა, ფონდი 48, საქმე 2140, ფურც. 12, 1894 წ.  
 4 იქვე, საქმე 2258, ფურც. 236, 1898 წ.  
 5 საქ. ცსსა, ფონდი 414, საქმე 3, ფურც. 412, 1900 წ.  
 6 იქვე, საქმე 22, ფურც. 105, 1902 წ.

ზემოთ მოტანილი მონაცემებით ირკვევა:

1) გაზრდილია მაზრაში საერთო მოსავალი: ხორბლისა, ნაცელად 1 221 310 ფუთისა 1856 წელს მიღებულია 3 165 834 ფუთი 1905 წელს (ე. ი. მოსავალი ორჯერ მეტია მიღებული), ქერისა — 470 388 ფუთიდან 1 113 539 ფუთამდე (ე. ი. 2-ჯერ მეტი), სიმინდისა 37 425 ფუთიდან 668 143 ფუთამდე (ე. ი. 18-ჯერ), კარტოფილისა 6115 ფუთიდან 1862 წ., 128400 ფუთამდე 1905 წ. (ე. ი. 21-ჯერ).

მოსავლის ზრდაზე დაკვირვების წარმოების დროს მხედველობიდან არ უნდა გამოვვრჩეს მოსახლეობის ზრდაც. მოსახლეობის რაოდენობა მაზრაში გაზრდილია 116624 სულიდან 1864 წელს, დაახლოებით 200 ათას სულამდე 1905 წელს. ერთი შეხედვით, მოსავლისა და მოსახლეობის რაოდენობის ზრდა თანაბარი პროპორციით წარმოებს, მაგრამ აქ უნდა გავითვალისწინოთ ის გარემოება, რომ მოსახლეობა იზრდება მთელს მაზრაში, ხოლო პურეულის მოსავალი — ძირითადად ბარსა და, ნაწილობრივ, მთისძირა ზონაში. აქაური მეურნეობები მარცვლეულის საგრძნობ რაოდენობას სასაქონლო მიზნით ამზადებდნენ.

როგორც ჩანს, ძალზე გაზრდილია სიმინდისა და კარტოფილის მოყვანა. საერთო მოსავალში კი სიმინდისა და კარტოფილის რაოდენობის ზრდა ნიშნავდა „სასოფლო-სამეურნეო ტექნიკის ამაღლებას“. „სოფლის მეურნეობის პროდუქტების ტექნიკური დამუშავების ზრდას“. „მეორე მხრით, ის წარმოადგენს, სოფლის მეწარმეთა კლასის თვალსაზრისით, შეფარდებითი ზედმეტი ღირებულების წარმოებას (მუშა-ძალის შენახვის გაიაფება, ხალხის კვების გაუარესება)“<sup>1</sup>. მართლაც, მკადნარევი პურის ქაშა ქართლში სიღარიბის ნიშნად ითვლებოდა.

2) მარცვლეულს თავადაზნაურობა ახლა უფრო მეტს ღებულობს, ვიდრე წინათ. ეს, რა თქმა უნდა, მემამულური მეურნეობების საერთო ზრდის ხარჯზე როდი ხდება. ეს ზრდა ძირითადად გლეხობის ექსპლოატაციის გაძლიერების შედეგია, ხოლო მიღებული მარცვლეული თავადაზნაურობას უმთავრესად რენტის სახით შემოსდის. ამ დროისათვის მემამულეთა მეურნეობების უმრავლესობა კაპიტალისტურ მეურნეობებად ვერ ჩაითვლება, რადგან მათში ბატონობს არა დაქირავებული შრომა, არამედ შრომამიგება. რენტის საფუძველზე გლეხები თავისი ინვენტარითა და საქონლით ძველებურად ამუშავებენ საბატონო მიწას. ამავე დროს მემამულის მე-

ურნეობაში თვისობრივი განსხვავება რეფორმამდე და რეფორმის შემდეგ იმაში მდგომარეობს, რომ პირველ შემთხვევაში მემამულური მეურნეობა თვითკმარ ხასიათს ატარებს და ბაზრისათვის არ აწარმოებს, ახლა კი მემამულე ცდილობს მეტი მარცვლეულის მიღებას (რა საშუალებითაც არ იქნება ეს), რათა ბაზარზე გაიტანოს იგი. ამასთან, მემამულეებს არ შეუძლიათ დაკმაყოფილდნენ მეურნეობის წარმოების ძველი წესებით და ისინი მიმართავენ დაქირავებული შრომისა და მანქანა-იარაღების გამოყენებას, ცდილობენ მეურნეობა აწარმოონ მოწინავე აგროტექნიკის საფუძველზე.

საერთოდ კი მაზრაში მემამულურ მეურნეობათა უმრავლესობაში ერთმანეთზე გადაჯაჭვული იყო შრომამიგებითი და კაპიტალისტური სისტემა. მიწის უდიდესი ნაწილი გლეხებს იჯარით ეძლეოდათ, ხოლო მცირე ნაწილს კი მემამულე თავისი ინვენტარითა და დაქირავებული მუშახელით ამუშავებდა.

3) მოსავალს უფრო მეტს ღებულობს გლეხობაც. გლეხები მოსავალს იღებენ როგორც საკომლო (სანადელო) და საკუთარ, ისე იჯარითა და ღალით აღებული მიწებიდან. როგორც წესი, მიწას ღალით (რენტა პროდუქტებით) იღებდნენ ღარიბი ან საშუალო გლეხები, იჯარას (ამ შემთხვევაში ფულადი რენტა) კი უმთავრესად შეძლებული გლეხები მიმართავდნენ. მიწის ღალით აღება ნატურალურ რენტაზე მიუთითებს, ხოლო იჯარა ამ შემთხვევაში უმთავრესად ფულად გადასახადს გულისხმობდა. 90-იან წლებში ღალაზე გაცემულ მიწებზე მიღებული მოსავალი ორჯერ აღემატებოდა იჯარით გაცემულ მიწებზე აღებულ მოსავალს. ამგვარად, 90-იან წლებში ნატურალური რენტა მნიშვნელოვან როლს თამაშობდა.

80—90-იან წლებში მთავრობის ოფიციალური სტატისტიკა უკვე უჩვენებს მოიჯარადრეთა და მესაკუთრეთა კატეგორიას, მემინდვრეობიდან მემამულეები და გლეხები შემდეგი რაოდენობის მოსავალს (პური, სიმინდი, კარტოფილი) ღებულობდნენ (იხ. ცხრილი 14).

ამ მონაცემებიდან ჩანს, რომ მოსავლიანობა არამყარია. ეს მოწმობს სოფლის მეურნეობაში აგროტექნიკისა და მოწინავე ტექნიკის ნაკლებად დანერგვას, რწყვის მოუგვარებლობას.

როგორც საარქივო მასალებიდან ირკვევა, გორის მაზრის სოფლის მეურნეობა, აგრეთვე, ხშირად ზარალდებოდა სტიქიურ უბედურებათაგან: სეტყვისა, გვალვისა, თავვისა, კალიისა და სხვ.<sup>1</sup>

<sup>1</sup> საქ. ცსსა, ფონდი 254, საქმე 6604, ფურც. II, 1900 წ.; ფონდი 48, საქმე 2140, ფურც. 63, 1894 წ.; ფონდი 48, საქმე 2258, ფურც. 7, 243, 1898 წ.

მარცვლეულის მოსავალი თავადაზნაურთა და გლეხთა ნათესებიდან  
(ჩეტვერტობით)

წლები	საერთო მოსავალი მემამულეთა ნათესებიდან	საერთო მოსავალი გლეხთა ნათესებიდან
1882	108500 ჩეტვერტი <sup>1</sup>	303600 ჩეტვერტი
1883	140000 "	375000 "
1884	138000 "	360000 "
1885	160000 "	320000 "
1886	180000 "	435000 "
1887	148992 "	449977 <sup>2</sup> "
1888	155900 "	447000 "
1889	99142 "	209428 "
1890	154500 "	453634 "
1891	140535 "	399856 "
1892	211415 "	502405 "
1893	152632 "	393295 <sup>3</sup> "

სოფლის მეურნეს, მით უმეტეს საშუალო და ღარიბ გლეხს, არავინ აუნაზღაურებდა მიყენებულ ზარალს, ხშირი იყო შიმშილობა; ეს აჩქარებდა ღარიბთა ფენის ზრდას.

მაზრაში ხშირი იყო მოუსავლიანი წლები. სახელმწიფო-სამიწათმოქმედო ბანკის ანგარიშში მოუსავლიანობის მიზეზებად შემდეგი გარემოებანია დასახელებული:

1) სწორი თესვითვის უქონლობა, 2) რომ გლეხობას არასაკმარისი რაოდენობით აქვს მიწები, 3) რომ თესვად იყენებენ უვარგის მარცვალს, 4) მიწის დამუშავება ხდება მძიმე და უხეში იარაღებით, რაც მოითხოვს ადამიანის დიდ ჯაფასა და გამწვევი ძალის დიდ რაოდენობას, 5) ნიადაგების გამოფიტულობა და 6) სასოფლო-სამეურნეო განათლების დაბალი დონე<sup>4</sup>.

მიწათმოქმედების პრიმიტიული ხერხებით წარმოებასა და სასოფლო-სამეურნეო განათლების დაბალ დონეზე მიუთითებს ი. წინამძღვარიშვილიც<sup>5</sup>.

მიწათმოქმედებაში გაბატონებული იყო ერთმინდვრიანი (ერთსა და იმავე მინდორს იმდენ ხანს ხნავდნენ, სანამ ნიადაგი სრულ-

<sup>1</sup> ჩეტვერტი უდრის: ხორბალი 9<sup>1</sup>/<sub>2</sub>, ფუთს, ქერი 7<sup>1</sup>/<sub>2</sub> ფუთს (Кавказский календарь на 1865 г., IV, გვ. 13).

<sup>2</sup> საქ. ცსსა, ფონდი 414, საქმე 36, ფურც. 3, 1888 წ.

<sup>3</sup> საქ. ცსსა, ფონდი 48, საქმე 2140, ფურც. 2, 1894 წ.

<sup>4</sup> საქ. ცსსა, ფონდი 414, საქმე 3, ფურც. 387, 1900 წ.

<sup>5</sup> Труды местных комитетов о нуждах сельскохозяйственной промышленности, LII, Кавказский край, С - Петербург, 1903, გვ. 453.



ლიად 'არ გამოიფიტებოდა) და ორმინდერიანი სისტენა (ე. ი. ნაკვეთს ერთწლიანი დაჟმევაების შემდეგ ასვენებდნენ)¹.

რუსეთის შიდა გუბერნიებთან შედარებით. ქართლში მეტად დაბალ დონეზე იდგა სასოფლო-სამეურნეო ტექნიკა. თბილისისა გუბერნატორის 1873 წლის ანგარიშში აღნიშნულა, რომ „პურის მოყვანის ხერხები და საწულეებანი უპირატესად კვლავ იგივეა; რითაც მიწათმოქმედნი დიდი ხნის წინათ სარგებლობდნენ“².

სწორედ ოცი წლის შემდეგ გორის მაზრის უფროსის მოხსენებაში აღნიშნულია: „ხვნა-თესვა მაზრაში გლეხების მიერ მიწის დაჟმევაების პირველყოფილი საშუალებებით წარმოებს“. იმავე მოხსენებაში აღნიშნულია, რომ „უკანასკნელ დროს უფრო მსხვილი მემამულეების მიერ შემოღებულია ხმარებაში უახლესი, გაუმჯობესებული ნიმუშების გუთნები და მიწათმოქმედების სხვა იარაღები“³. ეს იმ დროს, როცა თვით 80-იან წლებში ასეთ „მოწინავე“ მემამულეებად თავადაზნაურობის წინამძღოლი ივანე დავითის-ძე სულხანიშვილი და ორიოდ სხვა მემამულე ითვლებოდა¹.

ხორბლის მოყვანა მნიშვნელოვნად კვლავ პრიმიტიული წესით წარმოებდა. 90-იან წლებში აქაური პური ფართო გასაქანს ვეღარ პოულობდა. რუსეთის იაფი პური აზრს უკარგავს ხორბლის სპეციალურ მეურნეობათა დიდი მასშტაბით შექმნას. უეჭველია. ამითვე აიხსნება ხორბლის არამყარი და, საერთოდ, დაბალი მოსავალი. აქ კაპიტალიზმმა სოფლის მეურნეობა უფრო ცალკეული ძვირფასა სპეციალური კულტურების განვითარებისაკენ წარმართა. „კლებულობს იმ მეურნეთა რიცხვი. რასაკვირველია შედარებით, რომლებიც განსაკუთრებით ხორბლის მოყვანას ნისდევენ და იმავე დროს... მატულობს მეურნეობის სხვა დარგში მომუშავეთა რიცხვი“⁵.

მარცვლეულის მოყვანა ნაკლებ მოგებას იძლეოდა. მოგების ეს სიმცირე უფრო შესამჩნევი იყო მიწის პატარა ნაკვეთზე. 1887 წელს დესეტინა მიწის დამუშავება ჯდებოდა 38 მან. და 8 კაპ-დან 45 მან. და 70 კაპ-მდე⁶. 1893 წელს 40 მან. და 70 კაპ-დან 45 მან-

1 В. Геевский, Краткий очерк земледелия за Кавказом, Тифлис, 1887, зб. 17 — 18.

² საქ. ცსსა, ფონდი 5, საქმე 2668, ფურც. 3 — 4, 1874 წ.

³ საქ. ცსსა, ფონდი 48, საქმე 2140, ფურც. 3, 1891 წ.

⁴ საქ. ცსსა, ფონდი 414, საქმე 36, ფურც. 3, 1888 წ.

⁵ ფ. მახარაძე, თხზ., ტ. VIII, зб. 55 — 56.

⁶ საქ. ცსსა, ფონდი 48, საქმე 36, ფურც. 5, 1888 წ.

თამდე<sup>1</sup>. 1898 წელს ერთ დესეტინა მიწაზე შემოსავალ-გასავალი შეადგენდა:

	გასავალი	შემოსავალი
ხორბალზე .	31 მან 89 კაპ.	46 მან. 60 კაპ.
ქერზე .	. 39 " 60	35 "
სიმინდზე	. 28 " 75 "	30 . 2

შემოსავალი გასავალს უმნიშვნელოდ აღემატება. ამასთან, აქ არ არის შესული რენტა, რომელსაც გლეხი უხდის მემამულეს მიწის იჯარით სარგებლობისათვის. ფაქტიურად ღარიბს (და ბევრ საშუალო გლეხსაც) მოგება არ რჩება. იგი მაინც იძულებულია შეასრულოს მთელი ეს სამუშაო, რათა უიმშილით არ მოკვდეს; ხოლო მცირედიც რომ ღარჩეს, იძულებულია ამით დაკმაყოფილდეს,—იგი თავის შრომას ხშირად ანგარიშში არც კი ადგებს.

გორის მაზრის გლეხობა უმთავრესად წვრილმწარმოებელთა მასას წარმოადგენდა. ძირითადად ეს მასა ჰქმნიდა სასაქონლო მარცვლეულს როგორც საკუთარ, ისე მემამულეთა მეურნეობებში.

ღარიბი და საშუალო გლეხები სასოფლო-სამეურნეო სამუშაოს ჩატარების დროს მიმართავენ ურთიერთდახმარებას. ხვნის დროს რამდენიმე გლეხის ოჯახი ერთ გუთანს აბამს. მხოლოდ შეძლებული გლეხები ახერხებენ საკუთარი გუთნეულის შებმას. მოსავლის აღების დროს გლეხები მიმართავენ ე. წ. ნაცვალხელობას: 9—10 კაცი მორიგეობით გადადიოდა ერთი ნაკვეთიდან მეორეზე. ხარჯი იმისი იყო. ვისთანაც მუშაობდნენ<sup>2</sup>.

### ე) მევენახეობის განვითარება

სპეციალური კულტურები (ვაზი, ხეხილი და სხვ.) გაცილებით პეტი ღირებულების შემოსავალს იძლეოდა, ვიდრე, ვთქვათ, მარცვლეული კულტურები. ხოლო რაკი გეოგრაფიული გარემოც შესაფერისი იყო, გორის მაზრის ბარსა და მთისძირა სოფლებში ფართო გასაქანს პოულობს ვენახისა და ხეხილის მოშენება, ბოსტნეულის მოყვანა.

სპეციალურ კულტურებში საპატიო ადგილი ვაზს ეკირა. XIX საუკ. 30-იან წლებში მაზრაში ვენახების რიცხვი 4500 არ აღემატებოდა, 657 დესეტინამდე საერთო ფართობით. 70-იან წლებში ვე-

<sup>1</sup> საქ. ცსსა, ფონდი 48, საქმე 2140, ფურც. 4, 1894 წ.

<sup>2</sup> «ССДЭСХПГЗК», გვ. 39-

<sup>3</sup> «МДИЭБГКЗК», т. VI, გვ. 216 — 217.

ნახების ფართობი უკვე 1800 დესეტინას უდრიდა, ხოლო 1891—1896 წლებში იყო 17995 ვენახი 5086 დესეტინა ფართობით<sup>1</sup>.

მაზრის მთელ რიგ ადგილებში მოსახლეობის კეთილდღეობის მთავარ წყაროს ვენახი შეადგენდა. ასეთ ადგილთა რიცხვს ეკუთვნოდა: ატენის ხეობა, სოფლები — ხიდისთავი, ახალქალაქი, მეტეხი, მეჯვრისხევი, ქალა, ლამისყანა, ძეგვი და მრავალი სხვა სოფელი — უმთავრესად აღმოსავლეთ ქართლში<sup>2</sup>.

ვენახების ფართობი წარსული საუკუნის ბოლოსათვის შემდეგნაირად იყო განაწილებული:

ბოჯომის უბანში —	50,13 დესეტინა,	მაზრის ვენახების	0,18%
სურამის	— 797,25	"	16%
ცხინვალის	— 771,14	"	15%
მეჯვრისხევის	— 1680,06	"	34%
ხიდისთავის	— 1700,51	"	35% <sup>3</sup>

ვენახების დიდი ნაწილი ხიდისთავისა და მეჯვრისხევის უბნებში შემავალ სოფლებზე მოდიოდა.

ვენახები და ხეხილი უმეტესად შერეული წესით იყო გაშენებული. რაც ვნებდა ვაზს. ამიტომ იმ სოფლებში, სადაც მეურნეობის ძირითად დარგს მევენახეობა შეადგენდა, მოსახლეობა ცდილობდა ხეხილი ვენახებისაგან გაეცალკეებინა<sup>4</sup>.

მევენახეობა-მელვინეობის განვითარებას გორის მაზრაში განსაკუთრებული ყურადღება მიექცა ფოთი-თბილისის რკინიგზის გაყვანის შემდეგ. ამ გზის გაყვანამდე ადგილობრივი ღვინოები იშვიათად სცილდებოდნენ მაზრის ფარგლებს. ღვინო ძირითადად ადგილობრივ მოთხოვნილებათა დასაკმაყოფილებლად გამოიყენებოდა. ღვინოების გატანას ხარჯები რკინიგზამ საგრძნობლად შეამცირა და გორული ღვინო მრავალგვარად გადაკეთებული იყიდებოდა თბილისსა და რუსეთის შიდა გუბერნიებში<sup>5</sup>. მაზრაში მიღებული ღვინის 2/3 ბაზარზე გადიოდა<sup>6</sup>.

<sup>1</sup> П. К а н д у р а л о в, Очерк виноградарства и виноделия в Картлинии, Сборник сведений по виноградарству и виноделению, 1897, гл. 22—23.

<sup>2</sup> იქვე, გვ. 21.

<sup>3</sup> იქვე, გვ. 27.

<sup>4</sup> «МДИ БГКЗК», т. VI, гл. 224.

<sup>5</sup> საქ. ცსსა, ფონდი 48, საქმე 2140, ფურტ. 2, 1894 წ.

<sup>6</sup> А. Д ж а в а х о в, Город Гори, 1882, гл. 85.

ღვინის ყველაზე დიდი მომხმარებელი თბილისი იყო. თბილისში ღვინოები უმთავრესად რკინიგზით გადაჰქონდათ<sup>1</sup>. 1887 წელს გორის სადგურიდან რკინიგზით 28000 ფუთი ღვინო გაუგზავნიათ<sup>2</sup>.

ცხრილი 15

ღვინის გატანა რკინიგზის გორის მაზრის სადგურებიდან (ფუთობით)

წლები სადგურები	1890	1891	1892	1893	1894
	ბაშური	427	1400	640	1470
სურამი	649	317	72	286	—
გომი	101	674	428	2241	646
ქარელი	176	403	2816	3073	252
გორი	6089	14806	34866	53104	12519
გრაკალი	762	5530	12164	22773	2249
კასპი	1169	10616	26097	19363	2739
სკრა	—	450	78	21	18

გორის მაზრის ღვინოები გადიოდა ურმებით, აგრეთვე, გორისა და ღუშეთის მაზრების მთიან ადგილებში, იქ, სადაც მოსახლეობა მევენახეობას არ მისდევდა. ხოლო ცხინვალიდან და მის ახლო მდებარე სოფლებიდან ღვინო ცხენებით რაჭის მაზრაში გადაჰქონდათ<sup>3</sup>.

ღვინის მოსავალი მაზრაში შეადგენდა:

1887 წ. —	158400 ვედროს <sup>4</sup>
1888 წ. —	160000 „
1889 წ. —	43600 „
1890 წ. —	133500 „
1891 წ. —	465110 „
1892 წ. —	625362 „
1893 წ. —	416670 „ <sup>5</sup>
1894 წ. —	350000
1895 წ. —	150000
1896 წ. —	145000
1897 წ. —	243500

<sup>1</sup> საქ. ცსსა, ფონდი 48, საქმე 2140, ფურც. 2, 1894 წ.

<sup>2</sup> Кавказский календарь на 1888 г., გვ. 33.

<sup>3</sup> П. К а н д у р л о в, Очерк виноградарства и виноделия в Картлине, Сборник сведений по виноградарству и виноделению, 1897, გვ. 103.

<sup>4</sup> Кавказский календарь на 1890 г., გვ. 38.

<sup>5</sup> საქ. ცსსა, ფონდი 48, საქმე 2140, ფურც. 3 — 4, 1894 წ.

<sup>6</sup> საქ. ცსსა, ფონდი 48, საქმე 2258, ფურც. 256, 1898 წ.

<sup>7</sup> Кавказский календарь на 1899 г., გვ. 84.

1900 წ. — 41167ა ვეროს<sup>1</sup>  
 1901 წ. — 233000 " <sup>2</sup>  
 მაზრაში ღვინის საშუალო მოსავალი დესეტინაზე შეადგენდა:  
 1876 წ. — 70 ვეროს<sup>3</sup>  
 1887 წ. — 34 5 " <sup>4</sup>  
 1897 წ. — 61,5 " <sup>5</sup>  
 1899 წ. — 121 " <sup>6</sup>  
 1900 წ. — 105,5 " <sup>7</sup>  
 1907 წ. — 108,8 " <sup>8</sup>

მიუხედავად ცნობების ნაკლებობისა, მაინც შეიმჩნევა მოსავლიანობის ზრდა ვენახების თითოეულ დესეტინაზე.

ვენახების ფართობით გორის მაზრას გუბერნიაში მესამე ადგილი ეკავა თელავისა და სიღნაღის მაზრების შემდეგ.

ვენახის გაშენება დიდ ხარჯებს მოითხოვდა. 90-იან წლებში ვენახის გასაშენებლად უნდა დაბანდებულიყო: I წელს—335 მან., II წელს — 103 მან. 50 კაპ., III წელს — 131 მან. და IV წელს—263 მან. 50 კაპ., ე. ი. სულ 833 მანეთი<sup>9</sup>. საშუალოდ ერთი დესეტინა ვენახის გასაშენებლად საჭირო იყო დაახლოებით 800 მანეთის ხარჯი<sup>10</sup>.

შემუშავებული ერთი დესეტინა ვენახის გასაყიდი ფასი მაზრაში 90-იან წლებში ასეთი იყო:

დესეტინა ვენახი ღირდა

	უწალღესი ფასი	უმცირესი	საშუალო
ქ. გორში	2500 მან.	1000 მან.	1750 მან.
მეჯვრისხევიში	2500 "	900 "	1700 "
ატენში	4000 "	1400 "	2000 "
იიდიისთავში	3000 "	900 "	1600 "
ლამისყანაში	2500 "	1000 "	1200 "
მეტეხში	2000 "	800 "	1300 "
ქვიშხეთში	900 "	400 "	600 "
სურამში	1000 "	500 "	600 " <sup>11</sup>

<sup>1</sup> Сборник статистических сведений по Закавказскому краю, Под редакцией Е. Кондратенко, Часть 1, Тифлис, 1902, გვ. 221.

<sup>2</sup> Кавказский календарь на 1903 г., გვ. 66—67.

<sup>3</sup> საქ. ცსა, ფონდი 5, საქმე 3975. ფურც. 6, 1877 წ.

<sup>4</sup> Кавказский календарь на 1890 г., გვ. 84.

<sup>5</sup> Кавказский календарь на 1899 г., გვ. 5.

<sup>6</sup> Обзор Тифлисской губернии за 1899 г., Тифлис, 1900, გვ. 5.

<sup>7</sup> Сборник статистических сведений по Закавказскому краю, Под редакцией Е. Кондратенко, Часть 1, Тифлис, 1902, გვ. 221.

<sup>8</sup> Кавказский календарь на 1909 г., გვ. 529.

<sup>9</sup> Ш. Кандуралов, Очерк виноградарства и виноделия в Картли-инии, Сборник сведений по виноградарству и виноделию, 1897, გვ. 69—71.

<sup>10</sup> «ССДЭСХПІЗК», გვ. 41.

<sup>11</sup> Ш. Кандуралов, Очерк виноградарства и виноделия в Картли-инии, Сборник сведений по виноградарству и виноделию, Тифлис, 1897, გვ. 76.

ატენის ღვინო ცნობილი იყო თავისი მაღალი თვისებებით, ეს კი განსაზღვრავდა აქაური ვენახების მაღალ გასაყიდ ფასებს, რაც რამდენიმეჯერ აღემატებოდა ქვიშხეთისა და სურამის ვენახების ფასს.

შემუშავებული ვენახის წმინდა შემოსავალი ჰფარავდა მასზე გაწეულ წლიურ ხარჯებს და მოგება უდრიდა გაწეული ხარჯების 40%-ს, 900-იან წლებში დესეტინა ვენახიდან წმინდა მოგება 120 მანეთამდე აღწევდა, ხოლო ხარჯი 180 მანეთს უდრიდა<sup>1</sup> (ე. ი. შემოსავალი მთლიანად უდრიდა 300 მანეთს).

ვენახების მფლობელთა შორის კარბობდნენ წვრილი მევენახეები. რომლებიც ამიერკავკასიაში მთელ მევენახეთა 85, ზოგან კი 90-95%-ს შეადგენდნენ. 1908 წლის ცნობით, თბილისის გუბერნიაში 42810 მევენახე იყო. თითოეულ მევენახეზე საშუალოდ 0,5 დესეტინა მოდიოდა<sup>2</sup>. აქ ვენახები უმეტესად გაფანტული იყო 200—300 კვ. საე. ნაკვეთების სახით. იყო მოზრდილი ნაკვეთებიც, 1000—1500 კვ. საეენი ფართობით. შედარებით დიდი ვენახები, ე. ი. ისეთები, რომელთა სიდიდე 5—6 დესეტინას აღემატებოდა, ძალიან ცოტა იყო<sup>3</sup>. დიდი ვენახები (ზერები) უმთავრესად მემამულეებსა ჰქონდათ. გორის მაზრაში თავად შ. ერისთავს ატენში 40 დესეტინა ვენახი ჰქონდა<sup>4</sup>. დ. ერისთავს სოფ. თეზში ჰქონდა ვენახი, რომელიც 50 დესეტინაზე იყო გადაჭიმული, ვენახის ასეთივე მსხვილი მფლობელი იყო თავადი ამილახვარი სოფ. ქვემო ქალაში<sup>5</sup>.

მაზრაში ვენახების რაოდენობა კომლზე საშუალოდ შეადგენდა: მოქალაქეთა ოჯახზე — 0,57 დესეტინას და გლეხისაზე — 0,23. ვენახების რაოდენობა გლეხურ კომლზე მერყეობდა 0,70 დესეტინიდან 0,04-მდე. უბნების მიხედვით გლეხთა კომლზე მოდიოდა: ხიდისთავის უბანში—0,26 დესეტინა. მეჯვრისხევის — 0,29 დესეტ. ცხინვალის — 0,09 დ., სურამის — 0,11 დ., ბორჯომის — 0,03 დ.

<sup>1</sup> Об обязательном выкупе помещичьих, владельческих и церковных крестьян в Закавказском крае, Кашицелария Наместника, Общия собрания, Тифлис, 1909, გვ. 21.

<sup>2</sup> Журн. «Кавказское хозяйство», 1910, № 3, გვ. 2.

<sup>3</sup> С. Гулишамбаров, Обзор фазрик и заводов Тифлисской губернии, Тифлис, 1888, გვ. 12.

<sup>4</sup> ცნობა მოგვაწვდა ატენის მცხოვრებმა ესტატე ქერდიყოშვილმა (77 წლ.).

<sup>5</sup> П. Кавдуралов, Очерк виноградарства и виноделия в Карталиннии, Сборник сведений по виноградарству и виноделанию, Тифлис, 1897, გვ. 27.

<sup>6</sup> იქვე, გვ. 26.

მევენახე-მესაკუთრეთა შორის თავადაზნაურთა შემდეგ პირველ ადგილზე იდგნენ მოქალაქენი (თბილისელი, გორელი და სხვ.), რომლებიც ვენახების საგრძნობ ნაწილს ჰფლობდნენ. მაგალითად: ქ. გორის მცხოვრებთაგან ეპირათ სოფ. ხიდისთავში დიმიტრი ქიტიაშვილს 8,5 დესეტინა ბალ-ვენახი, ნიკოლოზ სტეფანოვს — 3 დესეტინა, ივანე და ლევან ოქოაშვილებს სოფ. ხიდისთავსა და სოფ. რუისში — 1.75 დესეტინა და სხვ.<sup>1</sup>

900-იან წლებში ვენახების ფართობი მასრაში შემცირებული ჩანს და უდრის დაახლოებით 4000 დესეტინას<sup>2</sup>. ამ შემცირების მთავარი მიზეზი იყო ვაზის დაავადება ფილოქსერით. რომლის წინააღმდეგაც ბრძოლა მაშინ იალთან სუბტად წარმოებდა. ვენახის სენი საქართველოში ჯერ კიდევ XIX საუკუნის 50-იან წლებში ანადგურებდა ვენახსა ს. უეტესო ჯიშებს. სათავადაზნაურო ბახკის პატაკში გუბერნატორისადმი პარდაპირ იყო აღნიშნული, რომ ფილოქსერა ვრცელდება. ხოლო „ფილოქსერის კომიტეტი“ ამ დაავადებასთან სერიოზულ ბრძოლას არ ეწევაო<sup>3</sup>.

ვენახებს ანადგურებდა როგორც ფილოქსერა. ისე ვაზის სხვა დაავადებანი. 1897 წელს გაზ. „კვალში“ კორესპონდენტი აღნიშნავდა, რომ ცხინვალის სეობაში ფილოქსერა ვენახებს ანადგურებს. ხოლო ვაზის ავადმყოფობამ — მილდომ და ნაცარმა დედამიწასთან გაასწორა აქაური ვენახები<sup>4</sup>. მეტად ძნელი საშოვნელი იყო შაბიბანი. რაც ყვირილიდან მოჰქონდათ. ცხადია, რომ განადგურება და მოუსავლიანობა პირველ რიგში ღარიბთა ვენახებს ეწვეოდა.

მართალია ფილოქსერამ და ვაზის სხვა დაავადებებმა მევენახეობა-მეღვინეობას დიდად შეუშალეს ხელი, მაგრამ ამასთან ამ გარემოებამვე გამოაღვიძა მევენახეები და ეს დარგი გაუმჯობესების გზას დაადგა. დაიწყო მევენახეობა-მეღვინეობის ახლებურად მოწყობა. ამას ფული სჭირდებოდა. იწყება კაპიტალის ფართოდება. „კაპიტალის დაბანდვამ“ — წერს ფ. მახარაძე — მევენახეობა-მეღვინეობაში ღრმა ცვლილება მოახდინა მეურნეობის ამ დარგში. ვენახის მოვლის და ღვინის კეთების საქმე დღეს გაუმჯობესებულია ჩვენში იმდენად, რამდენადაც მასში კაპიტალისტურ წარ-

<sup>1</sup> საქ. ცსსა, ფონდი 254; საქმე 20822, ფურც. 212 — 215, გვ. 1894 წ.

<sup>2</sup> Кавказский календарь на 1904 г., გვ. 87.; Кавказский календарь 1909 г., გვ. 529.

<sup>3</sup> საქ. ცსსა, ფონდი 414, საქმე 3, ფურც. 369, 1900 წ.

<sup>4</sup> გაზ. „კვალი“, 1897, № 40, გვ. 724.

წინააღმდეგობას აქვს ადგილი... ამკარაა, რომ ასეთ წესწყობილებაში განარჩევებული, როგორც ყოველგან, მსხვილი და შეძლებული მეურნეა... ნეორე მხრით ვინ არ იცის ჩვენ წვრილ მესაკუთრეთა უკიდურესი გაჭირვება და იმათი პაწაწვინა ვენახების საბრალო მდგომარეობა დღევანდელ პირობებში. ასეთ მესაკუთრეთ არავითარი სახსარი არა აქვთ ვენახს უწყამლონ ან მეურნეობაში რაიმე გაუმჯობესება შეიტანონ... ამნაირად ჩვენი მეურნეობა წარმატებაში შედის დღეს იმდენათ. რამდენათაც იგი წმინდა კაპიტალისტური წარმოების ხასიათს ატარებს<sup>1</sup>.

თუ 90-იანი წლების პირველ ნახევარში მევენახეთა რიცხვი 17995 კომლს უდრიდა, უკვე 1900 წლის 1 იანვრისათვის 12562 კომლი ითვლებოდა.<sup>2</sup> ამგვარად, ღარიბი და ნაწილობრივ საშუალო გლეხობიდან 5.5 ათასამდე კომლი გლეხი იძულებული იყო დაეტოვებინა ვენახი, გაეყიდა, ანდა მოუველელობის გამო ვენახი მთლიანად უნადგურდება.

კაბალური მდგომარეობა, რომელშიც იმყოფებოდნენ ღარიბი გლეხობის ფართო ფენები და საშუალო გლეხობის ნაწილი, აგრეთვე ჩარჩ-ვაჭრების ვალი, რომელიც გლეხთა საშუალო და დაბალ ფენებს მუდმივად ედოთ, მევენახეთა დიდ ნაწილს სირაჯთა ხელში აგდებდა. სირაჯთა კორპორაციები აიძულებდნენ ამ გლეხებს იაჟად გაეყიდათ ღვინო. თავის მხრივ, სირაჯები ამ ღვინოს ძვირად ჰყიდდნენ. ასე იყო მთელ აღმოსავლეთ საქართველოში. ქართლის მეღვინეობის რაიონებშიც სირაჯები ბატონობდნენ.

კორის მაზრაში ფართოდ იყო გაშლილი ღვინითა და, საერთოდ, მაგარი სასმელებით ვაჭრობა. 1901 წელს აქ მაგარი სასმელებით მოვაჭრე 329 დაწესებულება იყო.<sup>3</sup>

ღვინის დაყენებასთან ერთად მაზრაში საკმაოდ მისდევდნენ არაყის გამოხდას. მაგალითად, აქ 1896 წელს გამოხდილ იქნა 95804 ვედრო არაყი<sup>4</sup>. არაყის გამოხდა მრავალ წვრილ სარეწში წარმოებდა. არაყს ხდიდნენ უმთავრესად მარტივი ხელსაწყოებით — ქვაბებს მეშვეობით. არაყის სახდელი სარეწის აშენება მოითხოვდა გარკვეულ ხარჯებს მოწყობილობის შესაძენად, შენობის გასაკეთებ-

<sup>1</sup> ფ. მახარაძე, თხზ., ტ. VIII, გვ. 56.

<sup>2</sup> Сборник статистических сведений по Закавказскому краю, Под редакцией Е. Ковдратенко, Часть I, Тифлис, 1902, გვ. 221.

<sup>3</sup> საქ. ცსსა, ფონდი 414, საქმე 22, ფურც. 229, 1902 წ.

<sup>4</sup> Сборник статистических сведений по Закавказскому краю, Под редакцией Е. Ковдратенко, часть I, Тифлис, 1902, გვ. 194.



ლად. საჭირო იყო ტრანსპორტი — ჭაჭისა და სხვა მასალის მისატანად. ასეთი წამოწყების ორგანიზაცია კი მხოლოდ გარკვეული შედეგების მქონე პირებს შეეძლოთ. არაყის სახდელი მოწყობილობა საქართველად მუშა ხელს 2—3 კაცის რაოდენობით მაინც.

### ვ) მეხილეობა და მებოსტნეობა

ვორის მაზრის შესახებ 1863 წ. ერთ საბუთში ნათქვამია: „მეხილეობა ველურ მდგომარეობაშია; ხეხილი არ იხსვლება, ხილი კარგი არაა“. რეფორმის მომდევნო წლებში მდგომარეობა შედარებით ნელა, მაგრამ მაინც იცვლება. მნიშვნელოვან ადგილს იკერს მეხილეობა და მებოსტნეობა. მეხილეობას განსაკუთრებული მნიშვნელობა ჰქონდა მაზრის მთისძირა სოფლებში; აქ მეხილეობა, ხენა-თესვის შემდეგ, წამყვან როლს ასრულებდა<sup>1</sup>. მეხილეობაში ყველაზე გავრცელებული იყო ვაშლი, მსხალი და კაკალი. მათი ნაყოფი კარგად უძლებდა გადატანას და დიდხანს ინახებოდა<sup>2</sup>. გარდა ვაშლისა, ნახლისა და კაკლისა, ბაზარზე გადიოდა კიდევ მრავალი სხვა სახის ხილი, მათ შორის ალუბალი, ბალი, ატამი, ჭერამი, ქლიავი და სხვა.

მაზრაში 90-იან წლებში ხილის წლიური საშუალო მოსავალი განისაზღვრებოდა დაახლოებით 70 ათასი ფუთით. აქედან 4/7—5/7 ბაზარზე გადიოდა, რაც 22—30 ათას მანეთად იყიდებოდა.

ხილის მოსავლის ძირითად რაოდენობას გლეხებისაგან ადგილობრივად ყიდულობდნენ შემსყიდველები, რაც მათ საგრძნობ მოგებას აძლევდა. შემსყიდველი (ხილით მოვაჭრეს ბაყალი ეწოდებოდა), ისევე როგორც XIX საუკუნის პირველ ნახევარში, რეფორმის შემდგომ ხანაშიაც ინარჩუნებდა თავის ძალას და კვლავაც იდგა მწარმოებელსა და მომხმარებელს შუა.

ხილი თბილისში გადაჰქონდათ რკინიგზით, ნაწილობრივ ურემებით, ცხენებითა და ტივებით<sup>3</sup>.

<sup>1</sup> საქ. ცსსა, ფონდი 414, საქმე 9, ფურც. 6, 1864 წ.

<sup>2</sup> «МДНЭСГКЗК», т. VI, გვ. 222 — 223.

<sup>3</sup> იქვე, გვ. 225.

<sup>4</sup> Н. С. Пешнев, Очерк плодоводства Горнийского уезда Тифлиской губернии, Сборник сведений по плодоводству в Закавказском крае, Выпуск 1, Тифлис, 1895, გვ. 7 — 8.

ხილის გაყიდვით მიღებული შემოსავალი შეადგენდა: 1882 წელს—20000 მან., 1883 წ.—25000, 1884 წ.—25000, 1885წ.—24000 მან. 1886 წ.—32000, 1887 წ.—20772<sup>1</sup>, 1888 წ.—29793, 1889 წ.—7860, 1890 წ.—30448, 1891 წ.—27376, 1892 წ.—26975, 1893 წ.—18975 მანეთს<sup>2</sup>.

მეხილეობა, ისევე როგორც მევენახეობა, წინ მიდის იმდენად, რამდენადაც იგი კაპიტალისტური წესით წარიმართება.

მაზრის მეხილეობაში შესამჩნევ კაპიტალისტურ წამოწყებას წარმოადგენდა სკრის ხეხილის სანერგეები და ბაღები, რომლებიც ძმებს გ. და მ. ფრიდონოვებს ეკუთვნოდა. თავისი დროის სამიწათმოქმედო მეცნიერების სრულ შესაბამისად ფერმას გამოჰყავდა ნერგები და ჰყიდდა როგორც მას, ისე ხილსაც საკმაოდ დიდი რაოდენობით. ფერმა რამდენიმეჯერ იქნა დაჯილდოებული სხვადასხვა სასოფლო-სამეურნეო გამოფენაზე დიპლომებითა და ოქროს მედელებით<sup>3</sup>.

მაზრაში გაუმჯობესებული წესით მოწყობილი ხილის ბაღებიდან აღსანიშნავი იყო დამსახურებული პედაგოგის კარლ ივანეს ძე გაუსმანიის ბაღი. მდ. მეჯუღის ნაპირზე. გორიდან 3 კილომეტრის დაშორებით. ბაღს ეკავა 6 დესეტინა, აქედან ხეხილს — 5 დესეტინა. ბაღი გაშენებული ყოფილა 1871—1872 წლებში. გაუსმანი ხეებს განსაკუთრებულ ფორმას აძლევდა: მაღლითა გვერდით ტოტებს აჭრიდა, დანარჩენებს კი ტოვებდა, ხე პირამიდის მსგავს ფორმას იღებდა. ეს კი ქარისაგან დასაცავად საუკეთესო საშუალება იყო. როცა სხვაგან ქარი ხეებსაც კი ამტვრევდა, აქ ხეებს ხილიც კი არა სცივოდა<sup>4</sup>.

1900-იანი წლების დასაწყისიდან აღსანიშნავია ბევრი შესანიშნავი ხეხილის სანერგე და ბაღი, მათ შორის სანდრო მაჩაბლისა (სოფ. ჭურთაში) 6—7 დესეტ. ფართობზე, სიმონ ხეთაგურის (ცხინვალსა და ქვემო ნიქოზს შორის) 5 დესეტ. ფართობზე, ისაია ფურცელაძისა (სოფ. მერეთში)—9 დესეტ. ფართობზე და ნიკო კეცხოველისა (სოფ. ტყვიავში). მათ სანერგეებში დიდძალი ნერგი მზად-

<sup>1</sup> საქ. ცსსა, ფონდი 414, საქმე 36, ფურც. 4, 1888 წ.

<sup>2</sup> საქ. ცსსა, ფონდი 48, საქმე 2140, ფურც. 3, 1894 წ.

<sup>3</sup> ხეხილების სანერგეები და ბაღები ძმები გ. და მ. ფრიდონოვებისა საღვურ სკრას მახლობლად, თბილისი, 1905.

<sup>4</sup> Н. Спешнев, Очерк плодоводства Горнийского уезда, Тифлисской губернии, Сборник сведений по плодоводству в Закавказском крае, Выпуск 1, Тифлис, 1895, გვ. 87.

დებოდა, რაც ქართლის სოფლებში იყიდებოდა. ბაღებისა და სა-  
ნერგეების დამუშავების დროს იყენებდნენ უცხოეთიდან გამოწე-  
რილ რკინის გუთნებს, კულტივატორებსა და სხვა მანქანა-იარაღებს.  
ფურცელაძე, ხეთაგური და მაჩაბელი იყენებდნენ დაქირავებულ  
შრომას.<sup>1</sup>

კეთილმოწყობილი ბაღები ჰქონდათ. აგრეთვე, ატენის ხეობა-  
ში თავად ა. ერისთავს, ხიდისთაველებს ქ. გორის ახლოს, თავად  
თარხნიშვილებს სოფ. ახალქალაქში და სხვ. ხილის ბაღების ხიდის-  
თაველი მფლობელები ხშირად დაქირავებული შრომის გამოყენებას  
მიმართავდნენ. ერთ-ერთი ხიდისთაველი ბაღის მფლობელი წარმა-  
ტებით აწარმოებდა ცდებს ხილის კონსერვების დამზადების საქმე-  
ში<sup>2</sup>. ქართლის მეხილეებს კავშირი ჰქონდათ ყირიმის, საფრანგეთისა  
და სხვა ქვეყნების სანერგებთან, საიდანაც იწერდნენ სარგავ მასა-  
ლას<sup>3</sup>. როგორც პროფ. გ. ხაჭაპურიძე აღნიშნავს, „ქართლში მეხი-  
ლეობა სამრეწველო მნიშვნელობას იძენდა“<sup>4</sup>. სარწყავი წყალიც  
მაზრაში უმთავრესად სპეციალური კულტურების მოსარწყავად გა-  
მოიყენებოდა<sup>5</sup>.

მაზრაში ვითარდება მებოსტნეობა (განსაკუთრებით დიდი რა-  
ოდენობით მოჰყავდათ კომბოსტო), რომლის ნაწარმი იყიდებოდა  
როგორც ქ. გორში, მაზრის სავაჭრო-სამრეწველო დაბებსა და რკი-  
ნიგზის სადგურებში, ისე თბილისში.

### ზ) გაუმჯობესებული მანქანა-იარაღების გამოყენება

სასოფლო-სამეურნეო ტექნიკა ამიერკავკასიაში რეფორმა-  
მდე ძლიერ იყო ჩამორჩენილი<sup>6</sup>. „XIX საუკ. კავკასიაში ყველაზე  
სრულქმნილ ადგილობრივ სახვნელ იარაღს წარმოადგენდა ქართუ-

<sup>1</sup> ცნობა მოგვაწოდა სტალინირის მცხოვრებმა ხაქარია კუმარიტოვმა (71 წლ.).

<sup>2</sup> Н. Спешнев, დასახ. შრომა. გვ. 90.

<sup>3</sup> ალ. ბუჩუკური, ხილის მაღალი მოსავლის ოსტატები, თბილისი. 1955, გვ. 4—9.

<sup>4</sup> Г. Хачапуридзе, Грузия во второй половине XIX века, ЖКурн. «Историк Марксист» № 8, 1940, გვ. 50.

<sup>5</sup> И. Сегаль, Крестьянское землеулашение в Закавказье, Тифлис, 1912, გვ. 17—18.

<sup>6</sup> С. Авалиანი, Крестьянский вопрос в Закавказье, т. I, გვ. 177—178.

ლი გუთანი<sup>1</sup>. ამასთან, ეს გუთანი მეტად მძიმე და ტლანქი იყო და ხვნის დროს მასში 7—9 უღელ ხარ-კამეჩს აბამდნენ<sup>2</sup>. ქართული გუთანი ყველგან ერთი სიდიდისა არ ყოფილა. გორის მაზრის ბარის ქართული გუთანი თბილისის მაზრაში ხმარებულ გუთანზე უფრო მცირე ზომისა ყოფილა, მასში 6—8 უღელ ხარ-კამეჩს აბამდნენ<sup>3</sup>. გლეხთა შორის მხოლოდ ძალიან შეძლებულებს გააჩნდათ საკუთარი, ყოველმხრივ გამართული გუთანი<sup>4</sup>. ამიტომ ჩვეულებრივად გლეხები ხვნის დროს ამხანაგობებს ადგენდნენ. გუთნეულით ვარკვეულ დროში ჩატარებული სამუშაო („ალო“) შედგებოდა იმ დღეებისაგან, რომლებსაც უხნავდნენ გუთნეულის მონაწილეებს. გორის მაზრაში ალო ჩვეულებრივად 20—40 სამუშაო დღეს მოიცავდა<sup>5</sup>. ალოს დროს გუთნეული უხნავდა: უღელი ხარის პატრონს — ერთ დღიურ მიწას, ღამის მეხრეს—2 დღიურს, დღის მეხრეს—1 დღიურს. ვუთნის დედას—2 დღიურს, სახნისის მფლობელს—2 დღიურს, ჯამბარის პატრონს—1 დღიურს, ხის ნაწილების პატრონს —1 დღიურს და ა. შ<sup>6</sup>.

მთისძირა სოფლებში გუთანი უფრო მცირე ზომისა იყო. ვიდრე ბარში. აქ ეს გუთანი უმთავრესად ყამირი მიწების გასატეხად და ნასვენო მიწების გადასაბრუნებლად იხმარებოდა.

მაზრის სოფლის მეურნეობაში გვხვდება პრიმიტიული სახენელი იარაღებიც. აღსანიშნავია მისი სამი სახეობა: ორხელი, ოქოქა და კავი (ჩუთი). ორხელი იხმარებოდა როგორც ბარში სიმინდის ალების შემდეგ ნიადაგის გასაფხვიერებლად, ისე უმთავრესად მთა ადგილებში ხვნის საწარმოებლად. ორხელს ჰქონდა ხის ნაწილი—კოკოშა, რომლის საშუალებითაც შეიძლებოდა ღრმად ან ზერელედ ხვნის მოწესრიგება. ჩრდილოეთის მთიან სოფლებში გუთანი თითქმის სრულიად არ იყო ხმარებაში. აქ იხმარებოდა ორხელი და ოქოქა (ანუ ძიბირი). ორხელსა და ოქოქას შორის ძირითადი განსხვავება ის იყო, რომ 1) უკანასკნელი პირველზე მცირე ზომისა იყო, 2) არ ჰქონდა კოკოშა, რის გამოც ხვნა ყოველთვის ერთსა და იმავე

1 პ. გუგუშვილი, მიწათმოქმედების გაუმჯობესებული იარაღები საბჭოთაუნდელ ამიერკავკასიაში, ეკონომიკის ინსტიტუტის შრომები, II, 1947, გვ. 1.

2 В. Геєвский, Краткий очерк земледелия за Кавказом, Тифлис, 1887, გვ. 19.

3 «МДИЭБГКЗК», т. VI, გვ. 207 — 208.

4 В. Геєвский, Краткий очерк земледелия за Кавказом, Тифлис, 1887, გვ. 19.

5 «МДИЭБГКЗК», т. VI, გვ. 207 — 208.

6 იქვე, т. I, გვ. 461.

სიღრმეზე წარმოებდა, 3) ოქოქას არ ჰქონდა საკვეთი და მისი სახ-  
ნისიცი მნიშვნელოვნად მცირე ზომისა იყო, 4) ოქოქა 2 გოჯზე (ვერ-  
შოქზე) უფრო ღრმად ვერ ხნავდა და ხარვეზებსაც ბლომად სტო-  
ვებდა. ოქოქაში აბამდნენ 1 უღელ ხარს, კავში (ჩუთში) — 1—2  
უღელს, ხოლო ორხელში 2—4 უღელ ხარს<sup>1</sup>.

რეფორმის შემდგომ გლეხობის დაშლის პროცესმა თანდათან  
გაზარდა ზღვარი გლეხთა ცალკეულ ჯგუფებს შორის. გუთნეულ-  
შიც კარგად გამოჩნდა მასში მონაწილე ცალხარიანებისა და უხარო  
მეხრეების ექსპლოატაციის ზრდა მათგან, ვისაც ეკუთვნოდა გუთნე-  
ულის ძირითადი ნაწილი. გუთნეულის ორგანიზაციას კარგად იყე-  
ნებდნენ შეძლებული გლეხები. ღარიბი გლეხი მიწის მოსახნავად  
მთელ გუთნეულს ადვილად ვერ დაიჭირავებდა, მასში მონაწილეო-  
ბის დროს კი შეეძლო თავისი მცირე ნაკვეთის მოხვნა. შეძლებული  
გლეხი კი ხენის მთელი დროის განმავლობაში ნახევრად მუქთან  
იყენებდა. მიკედლებული გლეხის შრომას, მისი შრომის ზედმეტი  
ნაწილის მითვისებით შეძლებული გლეხი უფრო ძლიერდებოდა,  
რაც ხელს უწყობდა მის კულაკთა რიგებში გადასვლას.

კულაკები და მემამულეები გუთნეულის ორგანიზაციის საფუ-  
ძველზე აწარმოებდნენ შრომის საშუალებებს მოკლებული გლეხო-  
ბის შენიღბულ ექსპლოატაციას.

XIX საუკ. შუა ხანებიდან ამიერკავკასიაში შემოდის გაუმჯო-  
ბესებული სასოფლო-სამეურნეო მანქანა-იარაღები. კავკასიის სა-  
სოფლო-სამეურნეო საზოგადოებამ ჯერ კიდევ 1850—1851 წლებში  
მოაწყო სხვადასხვა ტიპის გუთნების გამოცდა. გამოცდილ იქნა: ქარ-  
თული, დობალის, ინგლისური, შტიუსის, პოლკოვნიკოვისა და კო-  
ლონისტების გუთნები.

ქართულმა გუთანმა შეუდარებელი თვისებები გამოაჩინა მძიმე,  
მშრალ და ბალანსორეულ ადგილებში; იგი ნახევარ არშინზე უფრო  
ღრმად ხნავდა. დობალის გუთანმა რეკომენდაცია მიიღო მაღალ ად-  
გილებში ხვნისათვის. მაგრამ ძალიან ძვირი და რთული იყო. ამას-  
თან, შესაკეთებლად მაღალკვალიფიციური ხელოსანი სჭირდებოდა.  
ასეთები კი ჩვენში ნაკლებად იყვნენ. კომისიამ თავის დასკვნაში  
აღნიშნა, რომ სხვადასხვა ადგილას სხვადასხვა გუთანი სჯობიაო<sup>2</sup>.

<sup>1</sup> ცნობა მოგვაწოდეს ქუროთას მცხოვრებმა პეტრე მინდიაშვილმა (83 წლ.),  
მოხისის მცხოვრებმა იასე ქელესაშვილმა (75 წლ.) და სხვ. იხ. აგრეთვე  
„МДИЭБІ КЗК“, т. VI, გვ. 208 — 209.

<sup>2</sup> Озор деятельности Кавказского Общества сельского хозяйства за  
50 лет, 1901, გვ. 7 — 8.

იმ დროისათვის ევროპულმა გუთნებმა გამოყენება მაინც ვერ ჰპოვეს.

ამის მთავარი მიზეზი მაშინ ის იყო, რომ ბატონყმური სამეურნეო სისტემის პირობებში მანქანა-იარაღების დანერგვა, საერთოდ. შეუძლებელი ხდებოდა. საჭირო იყო ახალ სამეურნეო სისტემაზე გადასვლა, ბატონყმობის ლიკვიდაცია.

60-იანი წლების დასაწყისში გუთნებისადმი ინტერესი ძლიერდება. ი. მუხრანბატონი დილომსა და მუხრანში აწარმოებდა ცდებს. ორულელშებმული შუმანის სისტემის ამერიკული გუთანი 6 ვერ-შოკზე იმდენსავე ფართობს ხნავდა, რასაც ქართული რვა უღლით. უცხოური გუთნები გავრცელებას მაინც ვერ პოულობდნენ და მათზე ზრუნვა თითქმის სრულიად შეწყდა.

1883 წელს კასპში ჩატარდა გუთნების გამოცდა. მოწონება ჰპოვა გენესა (№ 3) და რანსომის გუთნებმა. გამოცდა იმავე წელს სოფელ ტირძინისშიც ჩატარდა. ეს გუთნები ძვირი ჯდებოდა, შეკეთებაც მხოლოდ სპეციალისტს შეეძლო, ამიტომ გლეხობის მოწონება ვერ დაიმსახურა. „ევროპული სისტემის გუთნები 1880-იანი წლებიდან, თუმცა ძლიერ მცირე ზომით მაინც ვრცელდებოდა ამიერკავკასიის სოფლებში“<sup>1</sup>. ამავე დროიდან „მაინც სოფლებში გაჩნდნენ ისეთი ოსტატები, რომლებიც ხელს ჰკიდებენ ქარხნული გუთნებისა და მიწათმოქმედების სხვა იარაღ-მანქანათა რემონტს“. 90-იან წლებიდან დაბა-ქალაქებსა და დიდ სოფლებში ისეთი სამკედლოებიც გაჩნდნენ, რომლებშიც ქარხნული იარაღ-მანქანების შეკეთება წარმოებდა<sup>2</sup>.

გაუმჯობესებული მანქანა-იარაღების შემოტანა ამიერკავკასიაში იზრდება განსაკუთრებით 90-იანი წლების მეორე ნახევრიდან. ამიერკავკასიაში შემოტანილ იქნა სას.-სამეურნეო იარაღები: 1897 წელს — 29 914 ფუთი, 1901 წ. — 59 856, 1902 წ. — 69 991, 1903 წ. — 107 270, 1906 წ. — 57 082, 1907 წ. — 70 201, 1908 წ. — 70577 ფუთი<sup>3</sup>.

<sup>1</sup> პ. გუგუშვილი, მიწათმოქმედების გაუმჯობესებული იარაღები საბკოთამდელ ამიერკავკასიაში, ეკონომიკის ინსტიტუტის შრომები, II, 1947, გვ. 6 — 7.

<sup>2</sup> იქვე, გვ. 35.

<sup>3</sup> Е. Канчел, Ввоз и распространение сельскохозяйственных машин, ЖСРП. «Кавказское хозяйство», 1910, № 2, გვ. 2.

საკუთრივ თბილისის გუბერნიაში შემოტანილ იქნა: 1901 წ. — 15 507 ფუთი. 1902 წ. — 11 384, 1903 წ. — 34 316, 1906 წ. — 15 601, 1907 წ. — 12 928, 1908 წ. — 15 136 ფუთი<sup>1</sup>.

1908 წელს შემოტანილი იარაღებიდან: წვრილი იარაღებია (წერაქვი, ნიჩაბი, ცელი და სხვა) — 70%, გუთნები — 25% და სხვა მანქანა-იარაღები — 5%.

მანქანა-იარაღების შემოზიდვა 1903 წლის შემდეგ კლებულა. ეს მოვლენა, ჟურნალ „Кавказское хозяйство“-ს დასკვნით, გამოწვეული იყო 1905 წლის რევოლუციით, იაპონიასთან დამარცხების გამო შემოღებული მძიმე გადასახადებით, მანქანა-იარაღებზე ფასების გადიდებით, ღვინის ფასის შემცირებით და სხვა<sup>2</sup>. პროფ. გუგუშვილი ამ მოვლენას რუსეთ-იაპონიის ომითა და 1905—1907 წლების რევოლუციის დროს შავრახმელთა თარეშით ხსნის<sup>3</sup>. უეჭველია. რევოლუციის დროს მემამულეები და კულაკები ნაკლებ ფიქრობდნენ გაუმჯობესებელი მანქანა-იარაღების შეძენაზე.

ამიერკავკასიის სოფლის მეურნეობაში უფრო და უფრო აქტიურ როლს თამაშობს რუსეთის მრეწველობა. ..თუ 1890-იან წლებამდე გაუმჯობესებული გუთნები უპირატესად დასავლეთ ევროპიდან შემოჰქონდათ, ამ დროიდან და განსაკუთრებით 1900-იანი წლებიდან სწრაფად იზრდება მათი შემოტანა რუსეთიდან. 1908 წელს შემოტანილ სახვნელ იარაღთა თითქმის 70 პროცენტი უკვე რუსული წარმოებისაა<sup>4</sup>.

გაუმჯობესებული მანქანა-იარაღების შეძენით გორის მაზრას გუბერნიაში ერთ-ერთი პირველთაგანი (თუ პირველი არა) ადგილი ეკავა. „სამაზრო და სარაიონო პუნქტებს შორის, სადაც უფრო მეტად ვრცელდებოდა შემოტანილი იარაღ-მანქანები. აღსანიშნავია თბილისის გუბერნიაში—გორი და ბორჯომი“<sup>5</sup>.

ქართლის სოფლის მოწინავე ტექნიკით აღჭურვის საქმეში მნიშვნელოვან როლს ასრულებდა თბილისი როგორც სასოფლო-სა-

<sup>1</sup> Е. Канчер, Ввоз и распространение сельскохозяйственных машин, Журн. „Кавказское хозяйство“, 1910, № 2, გვ. 4.

<sup>2</sup> იქვე, გვ. 3 — 5.

<sup>3</sup> პ. გუგუშვილი, მიწათმოქმედების გაუმჯობესებელი იარაღები საბჭოთა მდელ ამიერკავკასიაში, გეონომიკის ინსტიტუტის შრომები, II, 1947, გვ. 32.

<sup>4</sup> იქვე, გვ. 38.

<sup>5</sup> იქვე, გვ. 42.

მეურნეო მანქანა-იარაღების მიწოდებით, ისე დაზიანებული იარაღების შეკეთებით. მაგალითად, თბილისში იხე. იარაღოვის სამიწათმოქმედო მანქანა-იარაღების ქარხანას 1904 წელს მარტო შეკეთებით 209 237 მან. პროდუქცია დაუშაადებია<sup>1</sup>. აქედან გარკვეული ნაწილი, უეჭველია, ქართლის სოფელში გაიგზავნებოდა.

ჩვენ არ მოგვეპოვება სტატისტიკური ცნობები, თუ როგორ ნაწილდებოდა მანქანა-იარაღები მიწათმფლობელთა ცალკეულ ჯგუფებსა და, მით უმეტეს, გლეხთა სხვადასხვა ჯგუფებს შორის, მაგრამ, თუ გავიხსენებთ, რომ მანქანების შეძენა მოითხოვს მნიშვნელოვან კაპიტალს და ამიტომ ხელმისაწვდომია მხოლოდ მსხვილ მეურნეთათვის, ცხადი გახდება, რომ გორის მაზრაშიც ისე, როგორც ყველგან სხვაგან, მანქანა-იარაღების შეძენა ხდებოდა უმთავრესად მემამულეებისა და კულაკების მიერ. არათუ სასოფლო-სამეურნეო მანქანები, არამედ გაუმჯობესებული სახის ევროპული გუთნები ყველა გლეხისათვის არ იყო ხელმისაწვდომი.

მიუხედავად იმისა, რომ გაუმჯობესებული გუთნები 900-იანი წლებიდან უკვე მალღობსა და მთაგორიან რაიონებშიც გაჩნდნენ, ქართული გუთანი მაინც ძლიერ გავრცელებული რჩება. ის ფაქტი, რომ გორის მაზრაში თვით 90-იანი წლების მიწურულშიც კი ძირითად სახვნელ იარაღს ძველებური, მამაპაპური გუთანი წარმოადგენდა, იმაზე კი არ მიუთითებდა, რომ გლეხობის უმრავლესობას სურვილი არ ჰქონდა გაუმჯობესებული მანქანა-იარაღების შეძენისა. არამედ იმაზე, რომ ტექნიკა კვლავაც დაბალ დონეზეა და გლეხთა ძირითადი მასა — გაღატაკებული. კაპიტალისტური ბაზარი აუცილებელ პირობად აყენებს ნაწარმოებზე თვითღირებულების განუწყვეტელ შემცირებას, რათა ნაწარმის გასაღება კაპიტალისტისათვის ხელსაყრელი იყოს; თვითღირებულების შემცირება კი შეიძლება მხოლოდ გაუმჯობესებული, უფრო მაღალი ტექნიკის გამოყენებით. ღარიბი გლეხი იძულებულია ძირითადად დაკმაყოფილდეს ძველებური იარაღებით, ამ იარაღებს კი უფრო მეტი ჯათა სჭირდებათ. ასეთი იარაღების გამოყენებით გლეხი სიღატაკიდან ვერ გამოვა, ხოლო საშუალო გლეხი სიღატაკეს ვერ ასცდება.

გაუმჯობესებული მანქანა-იარაღების შედარებით ნაკლები გავრცელება, აგრეთვე, მიუთითებს მაზრასა და გუბერნიაში საბატონო მეურნეობის სიჭარბეზე, იმაზე რომ გლეხობაში ნაკლები რაოდენობითაა მსხვილი კაპიტალისტური მეურნეობები, რომელთაც შეეძ-

<sup>1</sup> საჭ. ცსსა, ფონდი 254, საქმე 9353, ფურც. 5, 1905 — 1907 წწ.



ლებათ წარმატებით გამოიყენონ გაუმჯობესებული მანქანა-იარაღები.

გლეხების ზედაფენაში ქარბობს წვრილკაპიტალისტური ელემენტები.

ერთი მხრით, სოფლის შეძლებული ფენები მემამულეთა და კულაკთა სახით, ნაწილობრივ კი საშუალო გლეხობის ყველაზე უფრო შეძლებული ფენის სახით—გაუმჯობესებული მანქანა-იარაღების სულ უფრო და უფრო მზარდი გამოყენებით, მეორე მხრით კი გლეხობის ძირითადი მასა — ლატაკთა, სოფლის პროლეტართა და ნახევრად პროლეტართა მასა საშუალო საუკუნეების სახვნელი და სხვა სასოფლო-სამეურნეო იარაღებით—ასეთია ის ორი პოლუსი. რომელსაც ჩვენ ვხედავთ ქართლის სოფელში 90-იან და 900-იან წლებში. „სასოფლო-სამეურნეო მანქანებისა და გაუმჯობესებული იარაღების გავრცელება და გლეხობის ექსპროპრიაცია ერთიმეორესთან განუყრელად დაკავშირებული მოვლენებია“<sup>1</sup>.

რუსეთის გუბერნიებთან შედარებით თბილისის გუბერნიასა და, კერძოდ, გორის მაზრაში ტექნიკური პროგრესი უფრო ნელი ტემპით მიდის წინ. ამისი მთავარი მიზეზი ბატონყმობის ძლიერ ნაშთებში მდგომარეობდა. ეს ნაშთები აფერხებდნენ საერთო განვითარებას კაპიტალისტური გზით, აფერხებდნენ სოფლის მეურნეობის ტექნიკურ წინსვლასაც.

გაუმჯობესებული მანქანა-იარაღების შემოღებით მემამულეებს საშუალება ეძლევათ შეცვალონ გლეხის ინვენტარი. რომლითაც იგი მემამულის მიწაზე მუშაობდა, საკუთარი ინვენტარით და, ამგვარად, მეურნეობის წარმოების შრომამიგებითი სისტემიდან კაპიტალისტურზე გადავიდნენ, ა თუმცა ჯერ კიდევ შრომამიგებითი სისტემა საგრძნობლად ქარბობდა. მემამულეთა მიერ გაუმჯობესებული მანქანა-იარაღების შექმნა ლახვარს წარმოადგენდა საშუალო გლეხის მეურნეობისათვის. საშუალო გლეხი არსებობის საშუალებათა უმნიშვნელოვანეს წილს მემამულეთა მიწების დამუშავებით პოულობდა. მიწით სარგებლობისათვის იგი შრომამიგებით რენტას იხდიდა. ეს კი ნიშნავდა გლეხის მიერ საკუთარი ინვენტარით მემამულის მიწის დამუშავებას უშუალოდ მიწის მფლობელის სასარგებლოდ. მანქანა-იარაღების შექმნით მემამულე თავისუფლდება საშუალო გლეხის პრიმიტიული ინვენტარის საჭიროებისაგან. საშუალო გლეხები იძულებული არიან მოახდინონ ცვლილებები თავიანთ მე-

<sup>1</sup> ვ. ი. ლენინი, თხზ., ტ. 3, გვ. 256.

ურნეობაში. ამას კი საბოლოო ანგარიშში გალატაკებისაკენ მიჰყავს, ლენინი (მათი უმრავლესობა...), ივსება დარიბი გლეხობის ძირითადი მასა. მანქანების გამოყენება სოფლის მეურნეობაში ისევე შეუბრალებლად გამოდევნის „საშუალო“ გლეხს, როგორც ორთქლის საქსოვი დაზგა გამოდევნის ხელით მქსოველ ფეიქარ-შინამრეწველს<sup>1</sup>.

მანქანების გამოყენება იწვევს წარმოების კონცენტრაციასა და კაპიტალისტური კოოპერაციის გამოყენებას. გორის მაზრის მემამულეთა სამეურნეო ამხანაგობის შექმნა ქართლში, ამავე პროცესის გამოხატულებას წარმოადგენდა.

მანქანების გამოყენება, ერთი მხრით, ქმნის სამუშაო ძალის დაყიდველთა ბაზარს. მეორე მხრით, მანქანები იწვევენ მეურნეობაში ჩაბმულ მუშათა რაოდენობის შემცირებას. ძლიერდება ქალისა და ბავშვის შრომის გამოყენება. მანქანები აღიდებენ მუშის შრომის ნაყოფიერებას.

მანქანების გავრცელების მაჩვენებლები სოფლის მეურნეობაში წარმოადგენენ კაპიტალისტურ ურთიერთობათა განვითარების ტემპის დამახასიათებელ ნიშანს.

<sup>1</sup> ვ. ი. ლენინი, თხზ., ტ. 3, გვ. 256.

## თავი მესამე

### გლეხობის დაშლა

ვეხებით რა გლეხობის დაშლის საკითხს, უნდა ამოვიდეთ ვ. ი. ლენინის შემდეგი მითითებიდან: „საზრიანად რომ შევხედოთ გლეხობის დაშლას, უნდა ავიღოთ ყველაფერი მთლიანად: იჯარაც, მიწის ყიდვაც, მანქანებიც, საშოვრებიც, სავაჭრო მიწათმოქმედების ბარდაც და დაქირავებული შრომაც“<sup>1</sup>.

სავაჭრო მიწათმოქმედების განვითარების საკითხი ჩვენ წინა პლანში განვიხილეთ. მიგვაჩნია რა, რომ ამა თუ იმ საზოგადოებრივი ეკონომიკის ეკონომიურ საფუძველს საწარმოო საშუალებათა საკუთრების მფლობელობის ესა თუ ის ფორმა წარმოადგენს, ჩვენ ამ თავს ვიწყებთ მაზრაში მიწათმფლობელობის საკითხის განხილვით.

#### 1. მიწათმფლობელობა მაზრაში

XX საუკუნის დასაწყისისათვის თბილისის გუბერნიას ეკირა 224 253 დესეტინა მიწა. აქედან გორის მაზრაზე მოდიოდა 639026 დესეტინა. ამ რაოდენობიდან იმ დროისათვის, საერთოდ, სოფლის მეურნეობისათვის გამოსადეგად ითვლებოდა 459184 დესეტინა, ხოლო აქედან მიწათმოქმედებისათვის — 190 000 დესეტინა ბაინც. XIX საუკ. 80-იან წლებში სახნავ-სათესად გამოყენებულ იყო გუბერნიაში მიწის მთელი ფონდის 23,5%. გორის მაზრაში კი 30%.<sup>2</sup> მაზრის უფროსის 1887 წლის ანგარიშში სახნავ მიწებად ნაჩვენებია 180000 დესეტინა, ბალ-ვენახებად 4600 დეს.<sup>3</sup> 1888 წლისათვის: სახნავად 180000 დესეტინა, სათიბად — 9810, საძოვრებად — 8490, საკარმიდამო ნაკვეთებად — 4087 დესეტინა<sup>4</sup>.

<sup>1</sup> ვ. ი. ლენინი, თხზ., ტ. 3, გვ. 157.

<sup>2</sup> «ССДЗСХПГЗК», გვ. 34.

<sup>3</sup> საქ. ცსსა, ფონდი 414, საქმე 36, ფურც. 2, 1888 წ.

<sup>4</sup> საქ. ცსსა, ფონდი 48, საქმე 2033, ფურც. 3, 1888 წ.

თბილისის გუბერნიაში მიწის მთელი ფონდი შემდეგნაირად ნაწილდებოდა: ხაზინასა და მემამულეებს ეჭირათ 73,1%, გლეხებს — 26,9%<sup>1</sup>. გორის მაზრაში (1893 წ.): ხაზინისა იყო 155982 დეს., თავადაზნაურული წარმოშობის მემამულეებისა — 376048 დესეტ., არათავადაზნაურული წარმოშობის მემამულეებისა 12586 დესეტინა, გლეხების უშუალო განკარგულებაში—34921 დესეტინა. მთელი მაზრის ფართობი ნაანგარიშევი იყო სულ 605 458 დესეტინა<sup>2</sup>.

გლეხობას ეჭირა მაზრაში სასოფლო მეურნეობისათვის გამოსადეგი მიწის მხოლოდ 7,7%.

მაზრაში მემამულეთა, გლეხთა და ვაჭართა 12 503 მამულა 389246 დესეტინის საერთო ფართობით შემდეგნაირად ნაწილდებოდა:

ცხრილი 16

გორის მაზრის მამულების განაწილება ფართობის სიდიდის მიხედვით

მამულების სიდიდე (დესეტინობით)	მამულთა რაოდენობა	მამულთა საერთო რაოდენობაში რამდენ პროცენტს შეადგენს	საერთო ფართობი (დესეტინ.)	მამულთა საერთო ფართობის რამდენ პროც. შეადგენს
0-1-მდე	6188	49,49	2617	0,68
1-3 "	2525	20,20	4942,24	1,26
3-5 "	1097	8,77	4165,52	1,12
5-10 "	883	7,06	6337,71	1,62
10-15 "	363	2,90	4524,88	1,16
15-25 "	368	2,94	7158,68	1,83
25-35 "	228	1,82	6028,61	1,87
35-50 "	195	1,56	8136,04	2,13
50-75 "	160	1,28	10017,68	2,56
75-100 "	107	0,86	9218,76	2,49
100-250 "	211	1,69	32486,39	8,14
250-500 "	84	0,67	31269,58	8,02
500-750 "	41	0,33	25424,21	6,52
750 დესეტ. მეტი	53	0,43	235487,51	60,40 <sup>3</sup>

3 დესეტინიან „მამულთა“ რაოდენობა მთელი მამულების 70%-ს უდრიდა. მათ განკარგულებაში იყო გამოსადეგი მიწის საერთო ფონდის 2%. ეს იყო დიდი უმრავლესობის, ულარიბესი, ლარიბი და, ნაწილობრივ, საშუალო გლეხების საკუთრება.

1 პ. გუგუშვილი, ბატონყმობის გაუქმება საქართველოში, ჟურნ. „ბოლ-შევიკი“, 1939, № 9-10, გვ. 96.

2 საქ. ცსსა, ფონდი 48, საქმე 2140, ფურც. 58, 1894 წ.

3 «СССР431КГ», გვ. LXX, LXXIV — LXXV.

მეორე მხრით, თვალში გვეცემა 750-დესეტინიანი მამულები. ასეთი მამულების 53 მფლობელის ხელში იყო ვარგისი მიწის ფონდის 60,40%. ეს იყო ერთ მუკა მესაკუთრეთა მფლობელობა.

გორის თავადაზნაურობას, რომელიც 727 კომლისაგან შედგებოდა (1890 წ.), ეკავა გუბერნიის კერძო-მესაკუთრული მიწების 34.64%<sup>1</sup>.

თავადაზნაურობა მამულის ფართობის მფლობელობის მიხედვით სამ ჯგუფად ნაწილდებოდა: წვრილი, საშუალო და მსხვილი. წვრილ მემამულედ ითვლებოდა ის, ვინც 25 დესეტინამდე მიწას ფლობდა, საშუალოდ — 25—100 დესეტინის მფლობელი, მსხვილად კი 100—500 და კიდევ მეტი დესეტინის მფლობელი. თბილისის გუბერნიის წვრილ მამულთა ყველაზე დიდი რაოდენობა გორის მაზრაზე მოდიოდა (57,59%). ამავე მაზრაში იყო მთელი გუბერნიის საშუალო სიდიდის მამულების 43,70% და მსხვილ მამულთა უდიდესი ნაწილიც (25,93%). ძალიან მსხვილი (500 დეს. მეტი) მამულების რაოდენობით გორის მაზრას გუბერნიაში მეორე ადგილი ეკავა (23,27%), პირველ ადგილზე ბორჩალოს მაზრა იყო.

გუბერნიაში იყო თავადაზნაურთა 5 884 მამული, აქედან გორის მაზრაზე მოდიოდა 2 758. ანუ 46,87%<sup>2</sup>.

მაზრის თავადაზნაურთა 722 მფლობელიდან 77 მფლობელს 380 დესეტინაზე მეტი ეკავა თითოეულს:

ჯგუფი — 1000 დესეტინა ფართობის მამული იყო	კვ
1000 — 2000	29
2000 — 3000	2
3000 — 4000	1
4000 — 5000	2
5000 — 6000	1
10000 დესეტ. მეტი	6

ამ 10 000 დესეტინაზე მეტი ფართობის 6 მამულიდან 1 მამული იყო 11768 დესეტინა (ეკუთვნოდა ზ. ერისთავს).

მე-2 მამული იყო 13133	( „ ი. კ. მუხრან-ბატონს)
მე-3 „ 13214	( „ მაჩაბლებს)
მე-4 „ 19000	( „ ფალავანდიშვილებს)
მე-5 „ 41740	( „ ციციშვილებს)
მე-6 „ 68661	( „ მ. რომანოვს).

<sup>1</sup> «СССОЧЗТКГ», გვ. XI.

<sup>2</sup> იქვე, გვ. XVIII.

<sup>3</sup> «ССДЗСХПГЗК», გვ. 3.

აღნიშნული 77 მემაპულის საკუთრებაში მთლიანად იყო 215996 დესეტინა მიწა, მათი საადგილმამულო გადასახადი კი 4 833 მანეთს უდრიდა<sup>1</sup>.

თბილისის გუბერნიაში კერძო-მესაკუთრული მიწების 22,83% (1285747,77 დესეტინიდან 293531,66 დესეტინა) ეკუთვნოდა არა-თავადაზნაურულ მოსახლეობას. ეს პროცენტი გორის მაზრაში უფრო ნაკლები იყო. ის 11,71% შეადგენდა<sup>2</sup>.

გამოსაღებ-გადასახადთა მთელი სიმძიმე ძირითადად წვრილ მწარმოებლებს აწვათ. მეფისნაცვალ ვორონცოვ-დაშკოვის ცნობით საადგილმამულო გადასახადების 66%-ს გლეხობა იხდიდა. 1901 წლამდე საერობო გადასახადს (земские сборы) თითქმის მხოლოდ გლეხები იხდიდნენ, მემაპულეებზე მთელი გადასახადის მხოლოდ 0,8% მოდიოდა<sup>3</sup>. ეს იმ დროს, როცა მაზრაში 13065 ოჯახის მფლობელობაში იყო მხოლოდ 45 594,96 დესეტინა მიწა. მემაპულეებს კი ეკავათ 343651,53 დესეტინა. ე. ი. დანარჩენ მოსახლეობაზე 7—8 ჯერ მეტი.

თავადაზნაურობა. როგორც პრივილეგიური კლასი, გადასახადებიდან თითქმის მთლიანად იყო განთავისუფლებული. დანარჩენ მოსახლეობასაც გადასახადი ეკონომიური სიძლიერის მიხედვით კი არ უნაწილდებოდა, არამედ გადასახადებით გამოწვეული სიმძიმე ყველაზე მეტად დაბალ ფენებს აწვათ. გუბერნიის სახაზინო პალატაში შემოსული გადასახადი მოსახლეობიდან (თავადაზნაურობის გამოკლებით) მამულების მიხედვით შეადგენდა:

წერილი მამულებიდან (რაც შეადგენდა მფლობელობის 13,65%-ს) შემდიოდა

შემოსავლის .	60,29 %
საშუალოდან (მფლობელობის 10,22 %) . .	6,96 % <sup>4</sup>
მსხვილიდან (მფლობელობის 31,44%) .	14,42 % <sup>4</sup>
ძალიან მსხვილიდან (მფლობ. 44,69%) .	17,49 % <sup>4</sup>

900-იანი წლების დასაწყისში გორის მაზრის 26 სოფელში გლეხთა თითოეულ კომლზე ყველა სახის მიწა საშუალოდ მოდიოდა: სახაზინო გლეხებზე — 2,14 დესეტ., დროებითვალდებულა გლე-

<sup>1</sup> Кавказский календарь на 1891 г., №. 72—74.

<sup>2</sup> «СССОЧЗГКГ», №. XL—XLI.

<sup>3</sup> Воронцов-Дашков, Всеподданнейшая записка по управлению Кавказским краем, 1907, №. 95.

<sup>4</sup> «СССОЧЗГКГ», №. LV.

ნებზე — 2,32 დესეტ., ხიზნებზე — 3.40, მესაკუთრეებზე — 1.41 დესეტინა<sup>1</sup>.

მონაცემები მოწმობენ გლეხურ კატეგორიებს შორის არსებულ განსხვავებას.

ცხრილი 17

მიწის ფონდის განაწილება გლეხთა ცალკეულ კატეგორიებს შორის ფართობის სიდიდის მიხედვით (პროცენტებში)

გლეხთა კატეგორიები	1 დესეტი- ნიდე	1-2 დეს.დე	2-3 დეს.დე	3-5 დეს.	5 დეს. მეტი	ყველა კომლს
სახაზინო გლეხები .	34,72	26,57	18,54	12,53	7,84	100
დრ. ვალდ. " .	35,81	24,27	16,18	12,47	11,27	100
მესაკუთრე " .	64,19	14,36	9,93	7,09	4,13	100
ხიზნები . . . . .	9,09	19,48	19,48	29,87	22,08	100
ყველა კატეგორიის გლეხები ფლობდნენ	43,42	21,37	14,85	11,53	8,83	100

ჩანს, რომ თვით 900-იანი წლების დასაწყისში გლეხთა შორის მსხვილი მფლობელები შედარებით ნაკლები რაოდენობით არიან. გლეხთა რაოდენობის დაახლოებით 9%-ს უკავია მიწა 5 დესეტინაზე მეტი. მაზრაში მიწების ძირითადი ფონდი მემამულეთა ხელშია, ხოლო მემამულეთა უხვმიწიანობა ნიშნავს გლეხობის მცირე მიწიანობას.

ახლა შევეხებით მიწით სარგებლობის საკითხს. XIX საუკუნის ბოლოსათვის. მაზრაში უბნების მიხედვით სტატისტიკა შემდეგ სურათს იძლევა (ცხრილი 18).

მეჭვრისხევის უბანში შენავალი სოფლების გლეხები ყველა სხვა უბნის გლეხებს უსწრებენ მიწის შედარებითი და აბსოლუტური რაოდენობით. მეორე ადგილზეა სურამის უბანი. სულ მაზრის გლეხთა სარგებლობაში იყო 51 992 დესეტინა მიწა.

მეორე ცნობით დროებითვალდებულ გლეხთა 8 700 კომლს ეკირა: საკარმიდამო ნაკვეთების სახით — 604.5 დესეტინა, ვენახები — 1 270,5 დესეტ., ხილს ბაღები — 22,5 დესეტ., სახნავი

<sup>1</sup> Ф. Гогичайшвили, Малоземелье среди крестьян Закавказья, 1903, გვ. 18.

გლეხთა სარგებლობაში მყოფი მიწის ფონდის განაწილება გლეხთა ცალკეულ კატეგორიებს შორის უბნების მიხედვით (დესეტინებსა და პროცენტებში)

უბნები	მიწის მთლიანი ფართობი დესეტ.	გლეხთა სარგებლობაში მყოფი მიწის რაოდენობა დესეტინებით								ხაზინისა და კერძო მფლობ. საოგებ. იმყოფებ.	
		სახაზინო		დრ. ვალდებ.		ხიზნები		ს უ ლ		დესეტ.	%
		დესეტ.	%	დესეტ.	%	დესეტ.	%	დესეტ.	%		
ბორჯომის	85644	567	0,7	100	0,1	2080	2,4	2747	3,2	82897	96,7
მუგულისხევის	106010	7183	6,8	6611	6,2	1706	1,6	15500	14,6	92510	85,4
სულამის	123320	3063	2,5	3861	3,1	5016	4,1	11940	9,7	111380	90,3
ხიდისთავის	151068	5492	3,6	3230	2,1	1533	1,01	10255	6,71	140813	93,2
ცხინვალის	453019	5424	1,2	4502	0,9	1624	0,4	11550	2,3	441469	97,7
ს უ ლ	919061	21729	2,4	18304	1,9	11959	1,3	51992	5,6	867069	94,4 <sup>1</sup>

(საკომლო მიწები): სარწყავი — 8 964 დესეტ., ურწყავი — 5 906 დესეტ., სულ 16756,5 დესეტინა.

სახაზინო გლეხობას (5044 კომლი) ეკირა: საკარმიდამო ნაკვეთების სახით — 406 დესეტინა, ბალ-ვენახები — 705 დესეტ., ტყე — 15 დესეტ., სახნავი: სარწყავი — 5869 დეს., ურწყავი — 8645 დეს., საძოვრები — 4272, სათიბი — 511, სულ 20423 დესეტინა.

ხიზნებს (5794 კომლი) ეკირათ: საკარმიდამო — 489,99 დესეტ., ბალ-ვენახები — 29,10 დესეტ., სახნავი — 10473,33 დესეტ., სულ 11012,42 დესეტინა<sup>2</sup>.

900-იანი წლების დასაწყისისათვის თბილისის გუბერნიაში სათითო კომლ სახაზინო გლეხს უწევს 10 დესეტინა, დროებით-ვალდებულს 2 დესეტინა და ხიზანს 3<sup>1</sup>/<sub>2</sub> დესეტინა<sup>3</sup>.

როგორც ვხედავთ, სტატისტიკა მეტად განსხვავებულ ციფრებს იძლევა. მაგრამ, მიუხედავად ამისა, ეს ციფრები მაინც საფუძველს გვაძლევს ვიფიქროთ, რომ გლეხობის დაშლის შედეგად შეძლებუ-

<sup>1</sup> «ССДЭСХПІЗК», გვ. III.

<sup>2</sup> П. К а н д у р а л о в, Очерк виноградарства и виноделия в Карталин-нии. Сборник сведений по виноградарству и виноделию, Тифлис, 1897, გვ. 30-32.

<sup>3</sup> გოგიაჩაიშვილი, შინაური მიმოხილვა, ჟურნ. „მომამბე“, 1904, № 1, გვ. 65.



ლი გლებები უმთავრესად სახაზინო თანრიგიდან არიან გამოსულნი. კართლის 27 სოფელში გლებთა 43%-ს ჰქონდა 1 დესეტინაზე ნაკლები მიწა, 21%—1—2 დესეტ., 15%—2—3 დესეტინა, 12%-ს 3—5 დესეტ., დანარჩენ 2%-ს 5 დესეტ. მეტი<sup>1</sup>. ამგვარად, გლებთა 9/10-ს კომლზე 5 დესეტინაზე ნაკლები ჰქონდა. ეს ფაქტი მიუთითებს გლებობის მცირემიწიანობაზე, მიუთითებს მემამულეებთან გლებთა დიდი მასის კაბალურ ურთიერთობაზე.

900-იან წლებში გორის მაზრაში გლებთა და ვაჭართა 13065 კომლს შორის მამულები შემდეგნაირად ნაწილდებოდა: 0—1 დესეტინამდე მფლობელი კომლი იყო 7183, 1—3 დეს-მდე — 3030, 3—5 დეს-მდე — 1306, 5—10 დეს-მდე — 815, 10—15 დეს-მდე — 271, 15—25 დეს-მდე—147, 25—35 დეს-მდე—50, 35—50 დეს-მდე—66, 50—75 დეს-მდე—37, 75—100 დეს-მდე—14, 100—250 დეს-მდე — 50, 250—500 დეს-მდე — 47, 500—750 დეს-მდე—4 და 750 დესეტინაზე მეტის მფლობელი 9 კომლი<sup>2</sup>.

რასაკვირველია, ეს მამულები ძირითადად ვარგისი იყო სოფლის მეურნეობის სხვადასხვა დარგისათვის.

უბნების მიხედვით შემდეგი მონაცემები გვაქვს:

I. ბორჯომის უბანში მიწები საუფლისწულო საკუთრებას შეადგენდა და 0—1 დესეტინამდე მფლობელი ოჯახი იყო მხოლოდ 115. სულ მათ განკარგულებაში იმყოფებოდა 19,46 დესეტინა.

II. მეჭვრისხევის უბანში: 0—1 დეს-მდე მფლობელი კომლი იყო 1619, 1—3 დეს-მდე — 987, 3—5 დეს-მდე — 456, 5—10 დეს-მდე—225, 10—15 დეს-მდე—75, 15—25 დეს-მდე—37, 25—35 დეს-მდე—15, 35—50 დეს-მდე—9, 50—75 დეს-მდე—11, 75—100 დეს-მდე—2, 100—250 დეს-მდე—31, 250—500 დეს-მდე—1 და 500—750 დეს-მდე მფლობელი — 2 კომლი. ამ უბანში 3470 კომლს 7629,91 დესეტინა მიწა ექირა. ამათგან, 15 დესეტინაზე მეტი მიწის მფლობელი კომლი იყო 108 (3,11%), ხოლო 25 დეს-ზე მეტის—71 კომლი, ანუ 2,04%.

III. სურამის უბანში 0—1 დეს-მდე მიწის მფლობელი იყო 1403 კომლი, 1—3 დეს-მდე—586, 3—5 დეს-მდე—204, 5—10 დეს-მდე—186, 10—15 დეს-მდე—82, 15—25 დეს-მდე—14, 25—35 დეს-მდე—13, 35—50 დეს-მდე—15, 50—75 დეს-მდე—10, 75—100 დეს-მდე—2, 100—250 დეს-მდე—4, 250—500 დეს-მდე—1, 500—

<sup>1</sup> გოჯიჩაიშვილი, შინაური მიმოხილვა, ქურონ. „მომამბე“, 1904, გვ. 65.

<sup>2</sup> «СССРЧЗГКГ», გვ. 178 — 207.

750 დეს-მდე—38 და 750 დეს-ზე მეტის მფლობელი—1 კომლი. უბანში 2572 ოჯახს 8008,5 დესეტ. მიწა ეკირა. ამათგან 15 დესეტინაზე მეტი მიწის მფლობელი კომლი იყო 98 (3,79%), ხოლო 25 დესეტინაზე მეტის—84 კომლი (3,26%).

IV. ხიდისთავის უბანში: 0—1 დეს-მდე მიწის მფლობელი კომლი იყო 2240, 1—3 დეს-მდე—692. 3—5 დეს-მდე—290, 5—10 დეს-მდე—179. 10—15 დეს-მდე—43, 15—25 დეს-მდე—41, 25—35 დეს-მდე—15. 35—50 დეს-მდე—32, 50—75 დეს-მდე—16. 75—100 დეს-მდე—8, 100—250 დეს-მდე—11, 250—500 დეს-მდე—33 და 700 დეს. მეტის მქონე—4 კომლი.

ამგვარად. უბანში 3604 კომლს 21049,64 დესეტ. მიწა ჰქონდა. ამათგან 15 დესეტინაზე მეტი მიწის მფლობელი კომლი იყო 160 (4,44%), 25 დეს-ზე მეტის მფლობელი—119 კომლი (3,30%).

V. ცხინვალის უბანში: 0—1 დეს. მიწის მფლობელი კომლი იყო 1806, 1—3 დეს-მდე—765. 3—5 დეს-მდე—356, 5—10 დეს-მდე—225. 10—15 დეს-მდე—71, 15—25 დეს-მდე—43, 25—35 დეს-მდე—7, 35—50 დეს-მდე—10, 75—100 დეს-მდე—1. 100—250 დეს-მდე—4, 250—500 დეს-მდე—11 და 750 დეს-ზე მეტის მფლობელი—4 კომლი. უბანში 3303 კომლს ჰქონდა 8496,58 დესეტინა მიწა. ამათგან 15 დესეტინაზე მეტი მიწის მფლობელი კომლი იყო 82 (2,42%). ხოლო 25 დესეტინაზე მეტის მფლობელი—37 კომლი (1,12%).

ზემოთ მოტანილი მონაცემები უბნებისა და მიხედვით პროცენტებში შემდეგნაირად შეიძლება გამოვხატოთ:

ცხრილი 19

მიწის ფონდის განაწილება ფართობისა და უბნების მიხედვით (პროცენტებში)

უბნები	0—1 დეს-დე	1—3 დეს-დე	15 დეს. მეტი	25 დეს. მეტი
I. ბორჯომის უბანი	—	—	—	—
II. მეჯვრისხევის "	46,66	28,44	3,11	2,04
III. სურამის "	54,51	22,78	3,79	3,26
IV. ხიდისთავის "	62,11	19,11	4,44	3,30
V. ცხინვალის "	54,67	23,11	2,42	1,12

ამგვარად, უმიწოთა (ლატაკთა) ყველაზე დიდი რაოდენობა ხიდისთავის უბანზე მოდიოდა. შემდეგ მას მისდევდა ცხინვალისა და სურამის უბნები. შეძლებულ გლეხთა რაოდენობით (25 დეს. და

მეტი) პირველი ადგილი უკავია ხიდისთავის უბანს (3,30%), შემდეგ სურამის (3,26%), მეჭვრისხევის (2,04%) და ცხინვალის უბნებს (1,12%).

იმ გლეხურ კომლთა რაოდენობა, რომელთაც 15 დესეტინაზე მეტი ეჭირათ, შეადგენდა: ხიდისთავის უბანში — 4,4%-ს, სურამის უბანში — 3,79%-ს, მეჭვრისხევის უბანში — 3,11%-ს, ცხინვალის უბანში — 2,42%-ს.

რა თქმა უნდა, ამ მფლობელებში, რომელთა შესახებაც აქ ცნობები მოვიტანეთ, მხოლოდ „წმინდა“ გლეხები არ არიან, მაგრამ ეს მათ უფრო მიუთითებს იმ ფაქტზე, რომ გორის მაზრაში შეძლებულ გლეხთა რაოდენობა შედარებით მცირეა. ისეთ გლეხურ კომლთა რიცხვი, რომელთა მფლობელობაში 15 დესეტინა მიწა მაინც იყო, დაახლოებით 4—5%-ს არ აღემატებოდა.

ამასთან, მოტანილი ციფრები საფუძველს გვაძლევს ჰიპოთეზით მაინც წარმოვიდგინოთ გლეხთა დაშლის ფაქტი. უნდა აღინიშნოს, რომ მთელი გლეხობის მიწით უზრუნველყოფას. მათი ეკონომიური ცხოვრების დონეს უდრდები მნიშვნელობა ჰქონდა გლეხობის დაშლის დაჩქარების საქმეში. გლეხებს შორის მიწების არათანაბარი განაწილება ადრეც იყო, მაგრამ რეფორმის შემდეგ ხანაში უკვე გლეხთა გარკვეული მასა ნემამულეთაგან დამოუკიდებელ მეურნეებად იქცა. მათ მოიპოვეს მიწაზე კერძო საკუთრების უფლება. ახლა გლეხს ფართო საშუალება მიეცა ზედმეტი პროდუქციის წარმოებისათვის. დიდი რაოდენობის მიწიამფლობელი გლეხური კომლები თანდათანობით უფრო მჭიდროდ ებმებიან საბაზრო-სასაქონლო ურთიერთობაში, ადიდებენ სათეს ფართობებს, ამზადებენ პროდუქტებს გასაყიდად და ამ მიზნით მიმართავენ დაქირავებულ შრომის გამოყენებას.

რეფორმის შემდგომ ქართლის სოფელში გვაქვს ერთი მხრით. ბატონყმური ხასიათის მქონე მიწათმფლობელობა, მეორე მხრით კი მიწის კაპიტალისტური მფლობელობა. სოფლად ბატონყმური ხასიათის მატარებელია მემამულეთა მიწათმფლობელობა და ასევე გლეხთა საკომლო (სანადგლო) მიწათმფლობელობა. წინააღმდეგობა მიწათმფლობელობის ბატონყმურ ხასიათსა და კაპიტალიზმს შორის წარმოადგენდა ძირეულ წინააღმდეგობას<sup>1</sup>, რომელიც სოფლად კაპიტალიზმის განვითარების პერიოდს თან სდევდა.

<sup>1</sup> ვ. ი. ლენინი, თხზ., ტ. 18, გვ. 75, 161.

## 2. მიწის გამოსყიდვა და პილვა-გაყიდვა

საგლეხო რეფორმამ გლეხთა სარგებლობაში მყოფი მიწები შემამულეთა საკუთრებად სცნო და გლეხებს „სახელმწიფოსა და შემამულეთა წინაშე სათანადო ვალდებულებათა შესასრულებლად“<sup>1</sup> გამოუყო საკომლო (სანადელო) მიწების განსაზღვრული რაოდენობა. ამ მიწებით სარგებლობის საზღაურად გლეხს გარკვეული ვალდებულება-გადასახადები ეკისრებოდა. ასეთ ურთიერთობაში მყოფ გლეხს (დროებითავალდებულ გლეხს) შეეძლო ეზრუნა მის სარგებლობაში მყოფი საკომლო მიწების გამოსყიდვაზე. მეფისდროინდელი აგრარული გარდაქმნები შემამულეთა სასარგებლოდ იყო გათვალისწინებული. ამ გარდაქმნებს გლეხობისათვის ერთგვარი სარგებლობის მოტანა შეეძლო მხოლოდ იმ შემთხვევაში, თუ ის მიწას ყოველგვარი გამოსყიდვის გარეშე მიიღებდა<sup>2</sup>. ვ. ი. ლენინი მოითხოვდა, რომ პარტიის პროგრამას დამატებოდა. მოთხოვნა მიწის გამოსყიდვის გაუქმების შესახებ<sup>3</sup>.

მიწის გამოსყიდვა თბილისის გუბერნიაში უფრო ნელი ტემპით მიმდინარეობდა, ვიდრე შიდა რუსეთის გუბერნიებში. მეფის მთავრობამ და შემამულეებმა მრავალი დაბრკოლება შეუქმნეს თბილისის გუბერნიის გლეხს მიწის გამოსყიდვის საქმეში. ერთ-ერთი ასეთი დაბრკოლება იყო კავკასიის მეფისნაცვლის მიერ დამტკიცებული 1868 წლის 14 აგვისტოს კანონი, რომლის მიხედვითაც გლეხების სარგებლობაში მყოფი მიწების გამოსყიდვა შესაძლებელი იყო მხოლოდ მებატონის თანხმობით. კავკასიის მეფისნაცვალმა ვორონცოვ-დაშკოვი იძულებული იყო ელიარებინა, რომ „რადგანაც თბილისელი შემამულეები სრულიადაც არ ისწრაფოდნენ გაეწყვიტათ მათთვის სასარგებლო სავალდებულო ურთიერთობანი ადგილობრივ გლეხებთან, ხოლო მათ კი არ გააჩნდათ ზედმეტი ფული, ამიტომ საკომლო მიწების გამოსყიდვა თბილისის გუბერნიაში ჩატარდა სოფლების ძალზე განსაზღვრულ რაოდენობაში და მასთან მხოლოდ ხაზინის დახმარებით“<sup>4</sup>.

მიწების გამოსყიდვა რუსეთის გუბერნიებში გაცილებით სწრაფი ნაბიჯით წავიდა წინ. ჯერ კიდევ 1863 წელს, ალექსანდრე II-ის მი-

<sup>1</sup> Местное положение о поземельном устройстве крестьян, подворных на помещичьих землях в Тифлисской губернии, 1864, :3/X, § 3.

<sup>2</sup> ვ. ი. ლენინი, თხზ., ტ. 12, გვ. 353.

<sup>3</sup> ვ. ი. ლენინი, თხზ., ტ. 6, გვ. 81.

<sup>4</sup> В о р о н ц о в - Д а ш к о в, Всеподлавиная записка, გვ. 36—37.

თითებით, რუსეთისა და უკრაინის გუბერნიებში შემცირებულ იქნა გამოსასყიდი გადასახდელები<sup>1</sup>; ხოლო 1883 წლის იანვრიდან დროებითვალდებულ გლეხთა კატეგორიის ლიკვიდაციამ გამოსყიდვის საქმე ძირითადად გადაკრა. დროებითვალდებულთა ინსტიტუტის არსებობა ბატონყმობის ძლიერ ნაშთს წარმოადგენდა. დროებითვალდებულ გლეხთა კატეგორია თბილისის გუბერნიაში თვით 1921 წლამდე დარჩა. ამიერკავკასიაში არ იქნა გატარებული ის ღონისძიებანი, რომლებიც შიდა გუბერნიებში ტარდებოდა. ამის თაობაზე გ. თუმანიშვილი აღნიშნავდა: „თითქოს ისე ჩანდა, რომ არ უნდა გადადებულყო შორი დროისათვის ამიერკავკასიაში გამოსყიდვის საერთო ზომების გამოყენება. მართალია, ამ ღონისძიების განხორციელებას ხელს უშლიან სხვადასხვა „ადგილობრივი თავისებურებანი“ (ასეთი გამოთქმის ხმარებაა მიღებული კავკასიის ბიუროკრატიულ ენაზე), მაგრამ ეს თავისებურებანი სრულიადაც არ შეიძლება მივიჩნიოთ ისეთ რამედ, რომლის არიდებაც არ შეიძლებოდეს“<sup>2</sup>.

სოფლად დროებით სავალდებულო ურთიერთობათა არსებობა ძლიერ აფერხებდა სოფლის მეურნეობის წინსვლის საქმეს. თუ გლეხი თავისი შრომით გააუმჯობესებდა და მალლა ასწევდა მიწის ნაყოფიერებას, ამით მემამულე მიწას ფასს მოუმატებდა და გამოსყიდვაც „ნორმალური“ ფასით შეუძლებელი ხდებოდა<sup>3</sup>. ამგვარად, დროებითვალდებული დამოკიდებულება წარმოადგენდა ბოროტებას, რომელიც მიმართული იყო მიწის გამოსყიდვის წინააღმდეგ ან, საბოლოო ჯამში, საერთო ეკონომიური პროგრესის წინააღმდეგ.

თბილისის გუბერნიაში, რეფორმის გატარების დროს, საწესდებო სიგლებით გლეხთა 14230 კომლს საკომლო მიწების სახით გადაეცა 52483 დესეტინა. აქედან, 1901 წლისათვის 3475 კომლის (კომლთა 1/4-ზე ნაკლები) მიერ გამოსყიდული იყო 15125 დესეტინა მიწა. ეს შეადგენდა გამოსასყიდი მიწის 2/7-ზე ნაკლებს<sup>4</sup>. რაც შეეხება გორის მაზრას, აქ მიწების გამოსყიდვის უფრო სწრაფი ტემპი ჩანს. 1888 წლისათვის უკვე გამოსყიდული ყოფილა 8 090 დესე-

<sup>1</sup> საქ. ცსსა, ფონდი 220, საქმე 766. ფურც. 2. 1882 — 1883 წწ.

<sup>2</sup> Г. Туманов, Земельные вопросы и преступность на Кавказе, С.-Петербург, 1900, гл. 13.

<sup>3</sup> И. Иоселиани, Сельское хозяйство и правовые отношения сельского населения, Труды Кавказского общества сельского хозяйства, № 7—8, 1887, гл. 375.

<sup>4</sup> Журн. «Кавказский вестник», 1901, № 6, гл. 52—53.

ტინა, გამოსასყიდი რჩებოდა 13667 დესეტინა. ამავე წლისათვის თელავის მაზრის გლეხობას გამოუსყიდა 2244 დესეტინა, გამოსასყიდი კი დარჩენილა 6895 დესეტინა. თბილისის მაზრაში გამოსყიდული ყოფილა 687 დესეტინა, გამოსასყიდი დარჩენილა 5498 დესეტინა<sup>1</sup>.

ბევრ შემთხვევაში გლეხური კომლი გამოისყიდოდა არა მთელ საკომლო მიწას, არამედ მხოლოდ ნაწილს. მიუხედავად ამისა. 1904 წელს გუბერნიაში მაინც დროებითვალდებულთა 17467 კომლი ითვლებოდა<sup>2</sup>; ე. ი. გლეხობის ძირითადი მასა მემამულეებთან კაბალური ურთიერთობისაგან განთავისუფლებული არ იყო.

მიწის გამოსასყიდი თანხა განისაზღვრებოდა მიწის ღირსის 6% კაპიტალიზაციით. ერთი წლის ღირსი მიღებული იყო როგორც 6%. მიწის ფასი კი უდრიდა 100%, ე. ი. მიწის გამოსასყიდი ფასი უდრიდა გლეხის მიერ 16—17 წლის განმავლობაში გადასახდელი მიწის ღირსის ჯამს. შიდა გუბერნიებში მთავრობა იძლეოდა სესხს გამოსასყიდი თანხის 80% რაოდენობით, გლეხს კი 20% უნდა დაედო<sup>3</sup>. თბილისის გუბერნიაში მთავრობის სესხი მიწის გამოსასყიდი თანხის 60% უდრიდა<sup>4</sup>.

ღროის გასვლასთან ერთად მიწის ფასი მატულობდა, რაც გლეხისაგან მეტ თანხას მოითხოვდა. თუ გლეხს 1889 წელს მიწის გამოსასყიდი თანხისათვის 21% უნდა დაემატებინა, 1899 წელს უმატებდა 32%, ხოლო 1905 წელს 57%-ს მაინც. ეს გამომდინარეობდა მიწის ფასის ზრდისაგან. 1899 წ. დესეტინა მიწა ღირდა 210 მანეთი, მთავრობა კი ეხმარებოდა სესხით 112 მანეთის რაოდენობით. 1905 წელს დესეტინა ღირდა 475 მანეთი, მთავრობა კი 165 მანეთს იძლეოდა<sup>5</sup>.

მთავრობა სესხს იძლეოდა 49 წლის ვადით. ეს ღირსი სიძნელეს წარმოადგენდა გლეხისათვის, რადგან იგი მხოლოდ მაშინ გადაწყვეტდა ეყიდა საკომლო მიწა, როცა დარწმუნდებოდა, რომ შეიძლება ნაყიდ მიწას ყოველგვარი ვალების გარეშე დაუტოვებდა<sup>6</sup>.

გლეხს სახელმწიფო სესხი ეძლეოდა სრული საკომლო მიწის

<sup>1</sup> «ССДЗСХПГЗК», გვ. 12.

<sup>2</sup> С. А в а л и а н и, Крестьянский вопрос в Закавказье, т. I, гл. 427.

<sup>3</sup> საქ. ცსსა, ფონდი 220, საქმე 39, ფურც. 38, 1867 წ.

<sup>4</sup> Г. Т у м а н о в, Земельные вопросы и преступность на Кавказе, 1900, гл. 14 — 15.

<sup>5</sup> С. А в а л и а н и, Крестьянский вопрос в Закавказье, т. I, гл. 10—15.

<sup>6</sup> საქ. ცსსა, ფონდი 220, საქმე 39, ფურც. 38, 1867 წ.

5.5 დესეტ. სარწყავი) შესაძენად 350 მანეთის რაოდენობით. ვა-  
ლის დასაფარავად პროცენტთანად საჭირო იყო გადაეხადა წელი-  
წადში 21 მანეთი. ეს უფრო მეტი იყო, ვიდრე მოსავლის  $\frac{1}{4}$ -ის ღი-  
ვებულება. ეს განსაკუთრებით იგრძნობოდა მოუსავლიან წლებ-  
ში — ამ დროს გლეხი მიწიდან თითქმის არაფერს ღებულობდა,  
თვითონ კი ხაზინისათვის დაწესებული თანხა მაინც უნდა გადაე-  
ხადა!

თუ რამდენად მძიმე ტვირთს შეადგენდა გლეხობისათვის გა-  
მოსასყიდი თანხის გადახდა, ჩანს თუნდაც იქიდან, რომ 1900 წლი-  
ათვის გამოსასყიდი გადასახადის დავალიანება 5-ჯერ აღემატე-  
ბოდა წლიურ გადასახადს; სახელდობრ, წლიური გადასახადი ამ  
დროს შეადგენდა 46780 მან. 76 კაპ., წარსული წლების დავალია-  
ნება კი 272158 მან. 19 კაპ., „რის შედეგადაც თბილისის გუბერ-  
ნიას... გამოსასყიდი თანხის გადაუხდებლობაში მთელ იმპერიაში  
ბირველი ადგილი ეკავა“<sup>2</sup>. ეს დავალიანება მოდიოდა იმ 3475 კომ-  
ლზე, რომელთაც შეიძინეს 15125 დესეტინა მიწა. დავალიანებათა  
რაოდენობა კომლზე საშუალოდ 78 მან. 26 კაპ. უდრიდა. ანუ დე-  
სეტინა გამოსყიდულ მიწაზე — 18 მანეთს<sup>3</sup>.

გორის მაზრაში მიწის გამოსასყიდი თანხა წლიურად 7346 მან.  
42 კაპ. უდრიდა. 1906 წლისათვის გამოსასყიდი თანხის მარტო  
ზარჩენები 29160 მან. 09 კაპ. შეადგენდა<sup>4</sup>.

თუ რამდენად ძნელი იყო მიწის გამოსყიდვა, გვიჩვენებს ქვე-  
მოთ მოტანილი მაგალითი: ბობნევის სასოფლო საზოგადოების  
ხიზნები და დროებითვალდებული გლეხები (30 კომლი) მეფისნაც-  
ვლის სახელზე გაგზავნილ თხოვნაში 1880 წლის 4 თებერვალს  
აღნიშნავენ, რომ 60 წლის წინათ გენერალმა გიორგი იასეს ძე  
ერისთავმა დაგვასახლა ატენის ხეობის სხვადასხვა ადგილას თავის  
მამულში. ჩვენ აქ დიდი შრომა გავწიეთ და უსარგებლო ადგილე-  
ბიდან სახნავი მიწები მოვაწყეთ. გენერლის გარდაცვალების შემ-  
დეგ გადასახადს ვუხდიდით მის ქალს — ქეთევან ორბელიანს. ქე-  
თევან ორბელიანმა ჩვენთვის შეუტყობინებლად აღნიშნული მა-  
მული ვალებში გაყიდა. მამული შეიძინა პეტრე თედორეს ძე სემი-

<sup>1</sup> А. К и п ш и д з е, Исторический очерк деятельности Тифлисского губернского по крестьянским делам Присутствия, Журн. «Кавказский вестник», 1901, № 9, გვ. 104.

<sup>2</sup> Журнал «Кавказский вестник», 1901, № 6, გვ. 52—53.

<sup>3</sup> А. К и п ш и д з е, Очерк крестьянского права и крестьянская ре-  
форма, Журн. „Кавказский вестник“, 1902, № 6, გვ. 28.

<sup>4</sup> საქ. ცსსა, ფონდი 254, საქმე 10165, ფურც. 9, 1907 წ.

ონოვმა. ჩვენ რადგან მთიან ადგილებში ცვხოვრობთ, უმთავრესად, ტყეში მუშაობითა და მესაქონლეობით ვირჩინთ თავს. სემიონოვმ. კი ტყეში შესვლა და საქონლის შერევა აგვიკრძალაო. ამავე მიმართვაში გლეხები თხოულობენ, რომ მამული გამოსყიდულ იქნეს მთავრობის დახმარებით. ამაზე გუბერნატორი თავისი დასკვნით აცნობებს მეფისნაცვლის მთავარ სამმართველოს უფროსს, რომ სემიონოვის ხელში მამულის გადასვლით გლეხთა მდგომარეობა არ შეცვლილა, თვით სემიონოვი მამულს არავის არ უთმობს, არავის არ მიჰყიდის და, ამგვარად, გლეხებს თხოვნაზე უარი უნდა ვუთხრათო<sup>1</sup>.

გლეხების მიერ მიწის გამოსყიდვა ბევრ სიძნელესთან იყო დაკავშირებული. სოფ. კარაღეთელი გლეხები აღნიშნავდნენ: ბატონისაგან მიწა შევისყიდეთ, მაგრამ მან ცალკე და მისმა მოურავმა კიდევ ცალკე გაგვაძრეს ტყავიო. უკანასკნელად კი დამატებით კომლზე თუმნიდან ხუთ თუმნამდის შემოგვაწერეს, ახლა კი აღმოჩნდა, რომ ეს მიწები დაგირავებული ყოფილა და არ ვიცით, რა გვეშველებაო<sup>2</sup>.

ქართლის თავადაზნაურობა ცდილობდა დაეტოვებინა თავისი უფლება უკვე გამოსყიდულ მიწაზე. თავადი ერისთავები აღნიშნავდნენ: თანახმანი ვართ მთაში მცხოვრებ გლეხებს მივცეთ მიწა გამოსასყიდად, მაგრამ თუკი მომავალში იქ აღმოჩნდება მინერალი ან სხვა სიმდიდრე, ეს მხოლოდ ჩვენ უნდა გამოვიყენოთო<sup>3</sup>.

ევროპულ რუსეთში ფასი იმ მიწისა, რომელიც გლეხებს შეხვდათ, 648 მილიონ მანეთს შეადგენდა, გლეხებს კი 867 მილიონი მანეთი, ანუ 219 მილ. მანეთით მეტი გადაახდევინეს<sup>4</sup>. ეს მეტად მძიმე იყო გლეხებისათვის, მაგრამ კიდევ უფრო მძიმე იყო მიწის გამოსყიდვა საქართველოში. 45 წლის განმავლობაში დროებითვალდებულ გლეხებს ღალა-გამოსაღებთა სახით გადახდილი ჰქონდათ 10-ჯერ მეტი თანხა მემამულეების სასარგებლოდ, ვიდრე სინამდვილეში ღირდა მათი სანადელო მიწები.

როგორც წესი, გლეხობაში მიწას ყიდდა ღარიბი გლეხი, ყიდულობდა კი მდიდარი. გლეხი სავსებით ებმებოდა ფულად შრომითობაში, იგი ცდილობდა მეტი მიწის შექენას, ამ მიმართულებით

<sup>1</sup> საქ. ცსა, ფონდი 220, საქმე 993, ფურც. 4 — 5, 10, 1880 წ.

<sup>2</sup> გახ. „დროება“, 1881, № 250.

<sup>3</sup> *Сельское хозяйство и аграрные отношения*, т. II. Составил проф. П. Гугушвили, Тбилиси, 1950, გვ. 203 — 204.

<sup>4</sup> ვ. ი. ლენინი, თხზ., ტ. 12, გვ. 350.



მიწების ყიდვა-გაყიდვა ხელს უწყობდა სასაქონლო-ფულადი მეურნეობის განვითარებას, ბაზართან გლეხის დამოკიდებულების ზრდას.

სოფლად კაპიტალისტურ ურთიერთობათა განვითარების განსაზღვრის დროს დიდი მნიშვნელობა აქვს მიწის ყიდვა-გაყიდვის გათვალისწინებას, რადგან გლეხობის მიერ მიწის კერძო საკუთრებაში ყიდვა წმინდა ბურჟუაზიულ მოვლენას წარმოადგენს<sup>1</sup>.

მიწის ყიდვა-გაყიდვას გლეხთა შორის რეფორმამდეც ჰქონდა ადგილი, რეფორმის შემდეგ კი მისი ძლიერი ტენდენცია ჩნდება, მაღლა იწევს მიწის ფასი.

გორის მაზრაში 1879—1888 წლებში, ე. ი. 10 წლის განმავლობაში, მიწის ნასყიდობათა რაოდენობა 887-ს უდრიდა. შესყიდულ იქნა 2088 დესეტინა, რომლის საერთო ფასი უდრიდა 174754 მან. და 28 კაპ., ე. ი. დესეტინისა—83 მან. და 06 კაპ. იყო<sup>2</sup>.

1895—1897 წლებში გორის მაზრაში ნასყიდობათა რაოდენობა 92-ს უდრიდა. შეისყიდეს 1449 დესეტინა მიწა. 1899—1901 წლებში (1901 წლის 1 ოქტომბრამდე) ნასყიდობათა რაოდენობა 16-ს უდრიდა (შეისყიდეს სულ 12 დესეტინა მიწა)<sup>3</sup>. ამგვარად, XIX საუკ. ბოლოსა და XIX—XX საუკუნეთა მიჯნაზე ოფიციალური სტატისტიკა უჩვენებს მიწის ნასყიდობათა მკვეთრ შემცირებას. ამის ერთ-ერთ მთავარ მიზეზად დასახელებულია სახაზინო მიწების გადანაწილების დაწყება. გადანაწილებაში ხვდებოდა ის მიწაც. რაც უკვე გაყიდული იყო. ამ ნასყიდობათა თაობაზე საბუთები დამოწმებული იყო უმეტესად სოფლის თანამდებობის პირთა მიერ. ამას კი სასამართლოში ძალა არ ჰქონდა. მაშინ სახაზინო მიწის შეძენის მსურველებმა სხვა ზერხს მიმართეს: ისინი ფორმალურად კი არ ყიდულობდნენ, არამედ გირაოდ იღებდნენ და ვალის გადახდამდე მიწა მათ მფლობელობაში რჩებოდა. დაგირაუების საბუთში თანხა ნამდვილზე რამდენიმეჯერ მეტი აღინიშნებოდა. ეს თანხა მიწის ფასს ბევრად აღემატებოდა. მიწის ყიდვა-გაყიდვის ეს ფორმა (დაგირაუება) უფრო მეტად იყო გავრცელებული სურამის, ცხინვალისა და გორის ახლოს მდებარე სოფლებში. ამდენად, მიუხედავად ოფიციალური სტატისტიკის მონაცემებისა, სრული უფლება გვაქვს

<sup>1</sup> ე. ი. ლენინი, თბზ, ტ. 15, გვ. 111.

<sup>2</sup> Материалы по вопросу о распространении действия крестьянского поземельного банка на Закавказский край, С.-Петербург, 1904, გვ. 282.

<sup>3</sup> იქვე.

ვამტკიცოთ. რომ 90-იანი წლების ბოლოსა და 900-იანი წლების დასაწყისში მიწის ყიდვა-გაყიდვა კი არ შემცირებულა, არამედ იზრდებოდა კიდევ. მხოლოდ მიწის ყიდვა-გაყიდვა დაგირავების აქტით ფორმდებოდა.

რეფორმის შემდეგ მიწის ფასი განუზრეულად მსტულობდა. რეფორმის გატარების დროს დესეტინა მიწა საშუალოდ ღირდა 30—80 მან.¹ 80-იან წლებში კი სარწყავი მიწის ერთი დესეტინის ფასი 300 მანეთამდე გაიზარდა, ნათუძარისა — 400 მანეთამდე, ურწყავი მიწის — 120 მან-მდე, ბალისა — 500 მან-მდე. მთის სოფლებში, სადაც სახნავი მიწა ცოტა იყო, დესეტინა ურწყავი მიწის ფასი 60—200 მან. იყო².

ს. ავალიანის მონაცემებით გორის მაზრაში დესეტინა მიწის საშუალო ფასი შეადგენდა: 1891 წელს—58 მან. და 17 კაპ., 1901 წელს—81 მან და 09 კაპ., 1911 წელს—128 მან. და 50 კაპ³. სხვა ცნობების მიხედვით, 1879—1888 წლებში მიწის ფასი 83 მან. 60 კაპ. უდრიდა, 1895—1897 წწ. —72 მან. 90 კაპ., 1899—1901 წლებში — 640 მანეთს.⁴ 90-იანი წლების ბოლოსათვის დესეტინა სახნავი მიწის საშუალო ფასი შეადგენდა 220 მანეთს. საერთოდ კი მიწის საშუალო ფასი გორის მაზრაში, სხვა მაზრებთან შედარებით, ოთქქნის ყოველთვის უფრო მაღალი იყო⁵.

მაზრაში მიწის ფასი განსწავებული იყო არა მარტო მიწის სხვადასხვა სახეობების მიხედვით (სარწყავი და ურწყავი, ნათუძარი, ბალი და სხვ.), არამედ მიწების ადგილმდებარეობის მიხედვითაც (სხვადასხვა ადგილას მიწას სხვადასხვა ფასი ჰქონდა). ყველაზე ძვირად ფასობდა მდ. მტკვრის ნაპირზე მდებარე სარწყავი სახნავი მიწდვრები. ეს იყო გორის მაზრის დასავლეთ ნაწილში; ასეთი სარწყავი მიწები 25—50%-ით მეტად ფასობდა...

მთელს გუბერნიაში მიწის ყველაზე მაღალი ფასი გორის მაზრის დასავლეთ ნაწილში იყო. 900-იანი წლების დასაწყისში აქ კარგი შემოსავლიანი ერთი დესეტინა ბალი 3 000 მანეთამდე ფასობდა. ეს, ზოგი მიმომხილველის აზრით, აიხსნებოდა მოსახლეობის დიდი სიმკიდროვითა და კლიმატური პირობებით⁶.

¹ საქ. ისტ. ზონდი 126. საქმე 106ნ, ფურც. 2—3, 1867 წ.

² «МДИЭБІ КЗК». т. VI, გვ. 251.

³ ავალიანი, მიწისმფლობელობა საქართველოში, ქუთაისი, 1920, გვ. 30.

⁴ Материалы по вопросу о распространении действий крестьянского поземельного банка на Закавказский край, С-Петербург, 1904, გვ. 285.

⁵ «ССДЗСХПГЗК», გვ. 20—26.

⁶ А. Кофод, Сельскохозяйственные очерки Закавказья, С-Петербург, 1904, გვ. 80.

მიწის ფასის ზრდა აიხსნება სავაჭრო მიწათმოქმედების გაძლიერებითა და მეურნეობის ინტენსიფიკაციით, მიწის სიახლოვით სავაჭრო ცენტრებთან.

მაზრასი პერიოდულად ადგილი ჰქონდა მიწის ფასის დაცემასაც. ეს დაკავშირებული იყო სასოფლო-სამეურნეო პროდუქტებზე ფასების შემცირებასთან, ე. ი. სასოფლო-სამეურნეო კრიზისებთან, რაც კაპიტალისტურ სამყაროში ხშირი მოვლენა იყო. ეს კრიზისები, ცხადია, გავლენას ახდენდნენ რუსეთისა და ამიერკავკასიის სოფლის მეურნეობაზე.

მიწის მყიდველებად ჩანან უმთავრესად გლეხები, გამყიდველებად კი თავადაზნაურობა<sup>1</sup>.

ცნობების უქონლობა, სანწუნაროდ, საშუალებას არ გვაძლევს დავადგინოთ. აბსოლუტური ან შედარებითი რაოდენობა გლეხთა იმ სოციალური ჯგუფებისა, რომელნიც მიწას იძენდნენ.

### 3. მიწის დაპირაკვევა

მიწის ყიდვა-გაყიდვის საკითხთან დაკავშირებით დიდი მნიშვნელობა აქვს მიწების დაგირავების საკითხის გარკვევას.

თბილისის გუბერნიაში 1875—1889 წლებში, ე. ი. 15 წლის განმავლობაში, დაგირავებული იყო 285 მამული 197 432 დესეტინის რაოდენობით<sup>2</sup>. 1896 წ. 1 იანვრისათვის დაგირავებული იყო 635645 დესეტინა, რაზედაც გაცემული იყო სესხი 5 477 399 მან. 1906 წლის 1 იანვრისათვის დაგირავებული მიწების რაოდენობა 632 683 დესეტინას შეადგენდა, სესხი გაცემული იყო 9 352 700 მანეთის რაოდენობით.<sup>3</sup>

გორის მაზრის მემამულეებს ბანკებში დიდი რაოდენობით ჰქონდათ. დაგირავებული მიწები. ეს რაოდენობა დროის გასვლასთან ერთად იზრდებოდა. ამას კარგად მიუთითებს ქვემოთ მოტანილი ცხრილი (გვ. 164).

<sup>1</sup> Кавказский календарь на 1890 г., გვ. 32—33.

<sup>2</sup> ფ. მაზარაძე, თბ., ტ. III, გვ. 79.

<sup>3</sup> ს. ავალიანი, მიწისმფლობელობა საქართველოში, 1920, გვ. 13—14.

ცხრილი 20

გორის მაზრის მემამულეთა მიერ ბანკებში მიწის დაგირავება

წლები	დაგირავებულ მამულთა რაოდენობა	დაგირავებულ მამულთა ფ.რ. თობი (დესეტინობით)	რამდენად იყო შეფასებული დაგირავებული მამულები (მანეთებით)
1875—1879	11	964,68	47800
1880—1884	5	148,35	10800
1885—1889	11	676,62	36500
1890—1894	77	11579,66	638454
1895—1899	239	56446,53	2148139
1900—1902	88	20037,12	777973 <sup>1</sup>

1903 წლისათვის მაზრის თავადაზნაურობის მიერ ბანკებში სულ დაგირავებული იყო 431 მამული, 89 852,96 დესეტინის ფაქტობით, აქედან:

საკარმიდამო ნაკვეთები . . .	327,45 დესეტინა,
ბალ-ვენახები . . .	448,01
საზნავე-სათესი . . .	24396,79
სათიბები	2009,13
ტ. მ. მ.	41655,99
საძოვრები .	18164,31

აღნიშნული 431 მამული შეფასებული იყო 3 659 666 მანეთად. სესხად მიღებული იყო 1961725,75 მან. რჩებოდა 1903 წლის 1 იანვრისათვის 1 916258,07 მანეთი<sup>2</sup>.

მიწების დაგირავება ხდებოდა ბანკების გარეშე. 1904 წლისათვის მაზრის თავადაზნაურობისა და სხვა დანარჩენი მოსახლეობის მიერ მიწების დაგირავება ბანკების გარეშე შეადგენდა:

<sup>1</sup> «СССОВЕТКЪ», გვ. 541 — 546.

<sup>2</sup> იქვე, გვ. 503.

ცხრილი 21

## ბანკებს გარეშე მიწების დაგირავება

უბნები	წოდებები	მამულეების რაოდენობა	საკარმიდა- მო (დეკტ.)	ბალენახები (დეკტ.)	სახნავი (დეკტ.)	სულ (დეკტ.)	ვალის რაოდენობა (მან.)
I. ბორჯომის	თავადაზნაურობა	1	0,07	—	—	0,07	800
	დანარჩენი მოსახლეობა	32	5,38	—	—	5,38	78031
	ს უ ლ	33	5,45	—	—	5,45	78831
II. მეჯვრისხევის	თავადაზნაურობა	36	6,50	117,21	10128,05	13400,33	86138
	დანარჩენი	24	1,24	10,70	99,74	111,68	37074
	ს უ ლ	60	7,74	127,91	10227,79	13512,01	123212
III. სურამის	თავადაზნაურობა	46	20,24	9,09	16,44,55	2258,83	108177
	დანარჩენი	65	8,45	204,06	114,41	326,92	69878
	ს უ ლ	111	28,69	213,15	1758,96	2585,75	178055
IV. ზიდისთავის	თავადაზნაურობა	36	8,73	64,47	11430,87	12900	100161
	დანარჩენი	49	2,43	43,99	1692,62	1762,37	95403
	ს უ ლ	85	11,16	108,46	13123,55	14662,51	195564
V. ცხინვალის	თავადაზნაურობა	13	4,09	6,62	342,47	4675,94	42254
	დანარჩენი	52	23,14	44,11	475,03	542,28	92056
	ს უ ლ	65	27,23	50,73	817,50	5218,22	134310
გორის მახრაში	თავადაზნაურობა	152	40,13	197,39	27331,22	57401,95	582040
	დანარჩენი	227	41,03	303,38	3974,46	3442,14	401204
	ს უ ლ	379	81,16	500,77	30405,68	60844,09	983244 <sup>1</sup>

ბანკების გარეშე დაგირავებული მიწის დიდი რაოდენობა თავადაზნაურობაზე მოდის, სახელდობრ 57401,95 დესეტინა, დანარჩენ ფენებზე მოდის 3442,14 დესეტინა; სულ დაგირავებული იყო 60844,09 დესეტინა. მიწა ყველაზე მეტი რაოდენობით დაგირავებული ყოფილა ზიდისთავისა და მეჯვრისხევის უბნებში.

მიწების დაგირავება მამულეების სიდიდისდა მიხედვით შემდეგ სურათს იძლევა: 1903 წლის 1 იანვრისათვის ბანკებში დაგირავებული იყო თავადაზნაურობის 0-25 დესეტინიანი მამულეები —

<sup>1</sup> «СССР43ТКГ», გვ. 614 — 625, 652.

1346;30 დესეტინა, 25—100 დ.—8668,09 დესეტინა, 100—500 დ. — 26 406,22 დესეტინა, 500 დ. და მეტი — 50 581,07 დესეტინა<sup>1</sup>.

1904 წლისათვის არათავადაზნაურულ მოსახლეობას ბანკებში დაგირავებული ჰქონდა 0 — 10 დესეტინიანი 211 მამული, 873,59 დესეტ. საერთო ფართობით, 10—25 დ. — 8 მამული 149,45 დესეტ. ფართობით, 25—50 დ. — 4 მამული 177,15 დესეტ. ფართობით, 250—500 დ. 2 მამული, 588,75 დესეტ. ფართობით, 500—750 დესეტინიანი 1 მამული და 1000—1500 დესეტინიანი — 1 მამული<sup>2</sup>.

ამგვარად, ჯერ ერთი, გარდა თავადაზნაურობისა სხვა ფენებსაც აქვს დიდი მამულები, მაგრამ დაგირავება ეხება უმთავრესად წვრილ მამულებს (0—10 დესეტინამდე), რაც თავის მხრივ დამატებით მიუთითებს წვრილგლეხურ მეურნეობათა მძიმე კაბალურ მდგომარეობაზე; მეორეც, თავადაზნაურული (ბატონყმურ-მემამულური) მეურნეობა ეცემა და მიწის მესაკუთრეები მიწების გაყიდვა-დაგირავებაში ეძებენ გამოსავალს; გლეხი კი მხოლოდ უკიდურეს შემთხვევაში ჰყიდის ან აგირავებს მიწას. ეს ყველაფერი მხოლოდ კლასობრივი დიფერენციაციის დროს შეიძლება მოხდეს.

#### 4. მიწის იჯარა

რეფორმის შემდგომ გორის მაზრაში საყურადღებო მოვლენას წარმოადგენდა მიწის იჯარით სარგებლობა. რა მასშტაბით წარმოებს იგი? ვინ აწარმოებს მას? რა შედეგები მოსდევს საიჯარო ურთიერთობას? — აი, რა საკითხები დგება ჩვენ წინაშე.

მაზრაში მიწის იჯარით ალებას უმთავრესად გლეხები აწარმოებენ, თავადაზნაურობა კი თვითონ იძლევა მიწას იჯარით. გასარჩევია ორგვარი იჯარა: ერთი, როცა ღარიბი გლეხი მიმართავს მას, და მეორე, როცა მიწას იჯარით იღებს შეძლებული გლეხი. მეორე შემთხვევაში მიწის იჯარით ალების დანიშნულება არის პროდუქტების შექმნა ბაზრისათვის. ასეთ შემთხვევაში „მიწა იქცევა საქონლად, „ფულის მოსაგებ მანქანად“<sup>3</sup>.

მიწის იჯარით ალების დროს მოიჯარადრე იხდის საიჯარო გადასახადს. ეს გადასახადი უფრო დიდია, ვიდრე მიწის რენტა. მიწის საიჯარო გადასახადი შეიცავს, გარდა მიწის რენტისა, სხვა ელემენტებსაც (სამეურნეო ნაგებობებისათვის, სარწყავი სისტემისა და

<sup>1</sup> «СССР43ТКГ», გვ. 614 — 625.

<sup>2</sup> იქვე, გვ. 658.

<sup>3</sup> ვ. ი. ლენინი, თხზ., ტ. 3, გვ. 69.

სხე). ფეოდალური რენტა მიწაზე პროდუქტებით, შრომამიგებებიდან ფულადი იყო. იჯარა პროდუქტებით მოიჯარეს უფრო მეტი უჯდებოდა, ვიდრე იჯარა ფულით. იჯარის აღების პირველი სახე (პროდუქტებით) უფრო მეტად გავრცელებული იყო გლეხთა უღარიბეს ფეაებში (რადგან ფულადი რენტა მოუსავლიან წლებში უფრო დიდ რისკთან იყო დაკავშირებული, ვიდრე მოსავლის ნაწილის გადახდა), შრომამიგებითი — საშუალო ფენებში, ხოლო შეძლებული გლეხები ცდილობდნენ მიწა უმთავრესად ფულადი იჯარით აეღოთ.

მიწის იჯარით აღება ფართოდ იყო გავრცელებული თბილისის გუბერნიაში. ამას, ერთი მხრით, გლეხთა ძირითადი ნასის მცირე-მიწიანობა განაპირობებდა, მეორე მხრით კი ბაზრის მოთხოვნილებები (შეძლებული გლეხი მიმართავდა იჯარას მოგების მიღების მიზნით).

რეფორმის შემდეგ პერიოდში დიდად გაიზარდა მოიჯარადრე გლეხთა რაოდენობა. მაგალითად, 80-იანი წლების ბოლოს სახელმწიფო გლეხთა 37% მიწას იჯარით იღებდა. ხოლო XX საუკუნის დასაწყისისათვის მათი რიცხვი გაორკეცდა<sup>1</sup>.

თბილისის გუბერნიაში 1895—1900 წლებში ჩატარდა გამოკვლევა 1732 კომლისა იმათგან, ვისაც მიწა ჰქონდა გამოსყიდული. მათგან 31% მიწას თვითონ არ ამუშავებდა, არამედ იჯარით იძლეოდა. იჯარის გამცემთა მნიშვნელოვანი რაოდენობა გლეხთა დაბალი ფენებიდან იყო (მათ რიცხვშია ქალაქში მონუშავე გლეხებიც)<sup>2</sup>. გამოკვლეულ კომლთაგან 658 კომლი. ანუ 37% მიწას თვითონ იღებდა იჯარით.

ზემოთ აღნიშნული გამოკვლევა შეეხო გორის მაზრის 654 გლეხურ კომლს. მათგან მიწას იჯარით იღებდა 352 კომლი, ანუ 54%, იჯარით აღებული მიწის რაოდენობა 1163 დესეტინას უდრიდა. რაც კომლზე საშუალოდ 3,44 დესეტინას შეადგენდა. იჯარით აღებული მიწებიდან ძირითადი რაოდენობა სახნავ-სათესზე მოდის. ბალ-ვე-ნ. ნები მხოლოდ 27 დესეტინის რაოდენობით იყო მოიჯარადრეთა ხელში<sup>3</sup>.

მიწის იჯარით აღებას მიმართავენ ქალაქებისა და მაზრის საეკპრო-სამრეწველო დაბების მცხოვრებნიც. მაგალითად, X!X

<sup>1</sup> С. Авалиანი, Крестьянский вопрос в Закавказье, т. IV, стр. 9.

<sup>2</sup> Н. Веретенников, По поводу податной реформы на Кавказе, Журн. «Русская мысль», книга VII, 1902, стр. 124.

<sup>3</sup> იქვე, стр. 129 — 130.

საუკ. 70-იანი წლების შუახანებში სოფ. ზემო ნიქოზში 30 დესეტი-სა მიწა იჯარით ჰქონია აღებული ცხინვალის მცხოვრებ პეტრე პეტრუეს<sup>1</sup>. ცხადია, პეტრუეს 30 დესეტინა მიწა მხოლოდ საკუთარი ოჯახის პირდაპირი მოთხოვნილების დასაკმაყოფილებლად არ ექნებოდა აღებული. აქვე უნდა შევნიშნოთ, რომ აღნიშნული მიწა, უეკველია, დაქირავებული მუშახელის გამოყენებით იქნებოდა დამუშავებული და მეურნეობა კაპიტალისტური წესით მოწყობილი. მაშასადამე, აქ საქმე გვაქვს მიწის კაპიტალისტურ რენტასთან.

მიწის იჯარით აღებას მიმართავდა სახაზინო გლეხების უმრავლესობა. ისინი მიწას მემამულეებისაგან იღებდნენ. სოფ. ქერეში სახელმწიფო გლეხთა 17 კომლს აღებული ჰქონია 27 დესეტინა მიწა, რისთვისაც ისინი წელიწადში 75 მანეთს იხდიდნენ. სოფ. მოხისში 14 კომლს აღებული ჰქონდა 55,5 დესეტინა 130 მანეთად. აქ მიწა კომლებს შორის თანასწორად ჰქონიათ გაყოფილი. ფულად-საიჯარო გადასახადსაც თანაბრად იხდიდნენ. აღნიშნული 14 კომლი უმიწაწყლო გლეხები იყვნენ<sup>2</sup>. ბაკურიანის სახელმწიფო გლეხებს იჯარით აღებული ჰქონიათ 196,15 დესეტინა მიწა, რისთვისაც იხდიდნენ 764,43 მანეთს; სოფ. ვარდგინეთს — 53,52 დესეტ. 102 მანეთად; სოფ. კორტანეთს — 23,15 დესეტინა 66,27 მანეთად.

იმავე პერიოდში სოფ. კობის მცხოვრებნი გადასახლებულნი ყოფილან სხვა ადგილებში, თავისი მიწა კი იჯარით გაუციათ მეზობელი სოფლების გლეხებზე<sup>3</sup>.

მიწას იჯარით იძლეოდა ბორჯომის საუფლისწულო მამულიც. მას 30 სოფლის 500 კომლზე გაცემული ჰქონია იჯარით 1650 დესეტინა სახნავ-სათესი მიწა და ამდენივე სათიბი<sup>4</sup>. ამგვარად, მაზრაში ყოფილა ბევრი სოფელი, რომლებიც მთლიანად მიწის იჯარას მიმართავდა.

ბორჯომის მამულის მთელ გლეხურ მოსახლეობას 3000 ხარკანეჩი ჰყავდა. მუშა საქონელი კომლთა შორის არათანაბრად იყო განაწილებული. კომლები ჰფლობდნენ 1-დან 8 უღელ ხარკამეჩამდე. გლეხი მიწას იჯარით, მუშა საქონლის რაოდენობის შესატყვისად. იღებდა. მეტი საქონლის პატრონს მეტი მიწის აღება შეეძლო და პირიქით. უმთავრესად კი 80—90-იან წლებში მოიჯარადრეებდად

<sup>1</sup> საქ. ცსსა, ფონდი 254, საქმე 19267, ფურც. 13, 1873 წ.

<sup>2</sup> «МДНЭБГКЗ», т. VI, გვ. 193.

<sup>3</sup> იქვე, გვ. 156, 197.

<sup>4</sup> Кавказский календарь на 1890 г., გვ. 45.



მცირემიწიანი გლეხებია (მათ შორის მოჯამაგირეებიც)<sup>1</sup>. ხშირი იყო შემთხვევები, როცა ღარიბი გლეხები თვითონ იძლეოდნენ მიწას იჯარით<sup>2</sup>.

მიწას იჯარით იღებდნენ სხვა მაზრებიდან მოსული გლეხებიც. გორის მაზრის დასავლეთ ნაწილში, უმთავრესად, შორაპნის მაზრიდან მოდიოდნენ გლეხები მუდმივ ან დროებით საცხოვრებლად და მიწას იჯარით იღებდნენ.

ღარიბ და საშუალო გლეხთა მნიშვნელოვანი ნაწილიც მემამულეებისაგან აღებულ საიჯარო მიწაზე გადასახადს უმთავრესად ნატურით იხდიდა. ხშირად გლეხი მიწას „სანახევროდ“ ამუშავებდა. გაზ. „გუთნის დედას“ კორესპონდენტი 1875 წელს ანგარიშობდა, თუ რას შეადგენდა გლეხის შემოსავალ-გასავალი საიჯარო ქირის სანახევროდ გადახდისას:

ერთი დღის ანეულის ნახნავეზე (ხორბალი) გასავალი უდრიდა: მოხენა — 2 მან. 40 კაპ., აოშვა — 1 მან. 80 კაპ., თესლი — 4 მან. 80 კაპ., დაფარცხვა — 1 მან., მორწყვა — 30 კაპ., მომკა — 1 მან. 60 კაპ., გალენვა — 1 მან. 60 კაპ., მუშების სმა-ჰამა (ხენიდან გალენვამდე) — 3 მან., ერთი მარხილი შეშა და ერთი მუშა უნდა შეაწიოს გლეხმა მიწის პატრონს — 1 მანეთი, სულ 17 მანეთი და 50 კაპიკი. ამავე მიწიდან შემოსავალი კი იყო: რვა კოდი პური, კოდი 12 აბაზობაზე — 19 მან. 20 კაპ., ერთი ურემი ბზე — 2 მანეთი, სულ 21 მან. 20 კაპ. „ამ შემოსავლიდან ოთხი კოდის ფასი 9 მან. და 60 კაპ. უნდა მამულის პატრონს მისცეს. მაშასადამე, თვითონ დარჩება 12 მან. და 40 კაპ. ცხადად ვხედავთ. რომ გლეხი დლიურზე 5 მან. და 10 კაპიკს ზარალობს“<sup>3</sup>.

ერთ დლიურ ნათეს სიმინდზე გასავალი უდრიდა: მოხენა და დაფარცხვა — 2 მან. 40 კაპ., სამი ჩანახი თესლი — 60 კაპ., 1 ჩანახი ლობიო — 40 კაპ., რვა მუშა სამჭერ გასათოხნად — 2 მან. 40 კაპ., მორწყვა სამჭერ — 90 კაპ., ლობიოს მოგლეჯა და დაბეგვა, სიმინდის მოჭრა, გარჩევა და დაცეხვა — 1 მან. და 70 კაპიკი, პურის ჰამა მუშებისა, დაწყებული მოხენიდან ვიდრე სიმინდის გარჩევამდე — 3 მან. სულ — 11 მან. და 40 კაპიკი.

<sup>1</sup> «СМПИЭБГКЭК», т. II, гл. 403, II. Веретеников, По поводу полатной реформы на Кавказе. Журн. «Русская мысль», книга VII. 1902, гл. 130.

<sup>2</sup> И. Сегаль, Крестьянское землевладение в Закавказье, Тифлис, 1912, гл. 24.

<sup>3</sup> გაზ. „გუთნის დედა“, 1875, № 21.

შემოსავალი: რვა კოდი სიმინდი — 12 მან. 80 კაპ., კოდი ლობიო—3 მან., ასი კონა ჩალა — 4 მან. სულ 16 მან. 80 კაპ<sup>1</sup>. „აქედან ნახევარი ე. ი. 8 მან. და 40 კაპ. მამულის პატრონს უნდა მიეცეს, მაშასადამე თვითონ დარჩება 8 მან. და 40 კაპ. როგორც მკითხველი ხედავს, გლეხი სიმინდიდანაც დღიურზე 3 მან. მეტს ზარალობს... ნახევარი ლიტრის გლეხი, ე. ი. შუათანა შეძლებისა, ათ დღიურსა ხნავს. ორ დღისაში სთესავეს პურს, დანარჩენში სიმინდს... სულ ათი დღის ნახნავიდან ზარალობს 46 მანეთს“. შემდეგ კორესპონდენტი განაგრძობს... „თუ გლეხი ხვნა-თესვით ამდენს ზარალობსო, მაშ როგორღა იხდის გადასახადებს და ან როგორღა ცხოვრობსო? მკითხავს ჩემის ანგარიშით გაკვირვებული მკითხველი.

იხდის ხარჯს, მაგრამ ვაი ამ გადახდას! ყელამდის ვალში და ვახში არის ჩაფლული, ცხოვრობს მაგრამ ვაი ამ ცხოვრებასაც! იმათი სადგომები სადგომებს არა ჰგავს, ჭამა-სმა ჭამა-სმას და ჩაცმადანაბურვა ჩაცმა-დანაბურვას...

თუ გლეხკაცი დღევანდლამდის როგორც არის ცხოვრობს და შიმშილით არ ამოსდის სული, — ეს იმიტომ რომ ის თავის შრომას არ ფასებს და ჩვენ კი ყველა იმის შრომა ფულათ ვიანგარიშეთ. თორემ გლეხკაცი რომ მართლა ფულს ხარჯავდეს, მაშინ არამც ფუ იზარალებს, არამედ მართლაც შიმშილით ამოსტყრება სული“<sup>2</sup>.

გორის მაზრაში ჩამონაჭრების დიდი რაოდენობის გამო საიჯარო ფასები მეტად მაღალი იყო. მემამულეთა მიწით სარგებლობისათვის რენტა პროდუქტებით ჩვეულებრივად მერყეობდა მოსავლის  $\frac{1}{4}$ -დან  $\frac{1}{2}$ -მდე, ე. ი. შეადგენდა შემოსავლის 25—50%-ს.

XX საუკ. დასაწყისისათვის საიჯარო ფასები საგრძნობლად გაიზარდა, რაც განსაკუთრებით მძიმე იყო ღარიბი გლეხებისათვის. „საიჯარო ფასმა ამ უკანასკნელ წლებში შესამჩნევად აიწია და ეკონომიურად დაძაბუნებულ გლეხებისათვის ძნელი გადასახდელი შეიქმნა. მაგალითად, ს. ქვიშნეთში (ქართლში) გლეხები აძლევენ მემამულეს დღიურ მიწაში 3 კოდ პურს ან 2  $\frac{1}{2}$  კოდს და 1 მუშას (ერთ დღეს). დესეტინაზე ეს შეადგენს 6 კოდს ან 5 კოდს და 2 მუშას. კოდის minimum-ი არის 5 ფუთი, თუმცა ხშირად ექვს ფუთსაც გადააქარბებს: ჩანახს, რომლითაც რწყავენ ღალას მემამულენი. თანდათან აღიდებენ. ამ სახით დესეტინაზე მოდის (5 კოდის ანგა-

<sup>1</sup> კორესპონდენტი შემოსავალს არასწორად აჯამებს (ნაცვლად 19 მან. 80 კაპ. ჯამში 16 მან. 80 კაპ. ლებულობს).

<sup>2</sup> ვახ. „გუთნის დედა“, 1875, № 22.

რიშით) 25 ფუთი პური და 2 მუშა. ფუთი პურის საშუალო ფასად შეიძლება ჩავაგდოთ 75 კაპ. და მუშის ქირად 50 კაპ. დესეტინაზე ყველა ეს ადგენს 19 მან. და 75 კაპ. გარდა ამისა, თუ მემამულემ მოსთხოვა, გლეხმა უნდა წაუღოს მას დალა თავისი ხარ-ურემით უსასყიდლოდ 60 ვერსის მანძილზე.

სოფ. ქარელში მემამულე იღებს დღიურ მიწაში მოსავლის მესამედს, 2 მუშას და 1 ურემ შეშას. ეს შეადგენს სულ 25 მან. 50 კაპ. დესეტინაზე, — სოფ. თიღვაში მემამულე იღებს დესეტინაზე 4 კოდ პურს და 2 მან. ფულს, — სოფ. ქვემო აჩაბეთში გლეხები იხდიან დალად მოსავლის მესამედს, ხშირად ნახევარსაც<sup>1</sup>.

მაზრამი ყველაზე მაღალი შრომამიგებითი რენტა და რენტა პროდუქტებით იყო სურამისა და ცხანვალის ახლო მდებარე სოფლებში<sup>2</sup>.

ამიერკავკასიაში მიწის იჯარით გაცემის ორი სახე გვხვდება: წვრილი, მოკლევადიანი და მსხვილი, გრძელვადიანი<sup>3</sup>. წვრილი, მოკლევადიანი იჯარით მიწას უმთავრესად ღარიბი გლეხები, სოფლის პროლეტარები და ნახევრად პროლეტარები იღებდნენ. მსხვილი. გრძელვადიანი იჯარით კი, როგორც წესი, მდიდარი გლეხები სარგებლობდნენ. პირველ შემთხვევაში გლეხი უმთავრესად შრომამიგებითსა და პროდუქტებით რენტას იხდიდა, მეორე შემთხვევაში კი უმთავრესად ფულად რენტასთან გვაქვს საქმე. შრომამიგებითი და პროდუქტებით რენტის დროს ექსპლოატაციის ხარისხი უფრო მაღალი იყო — გლეხი თავისი შრომის უფრო დიდ ნაწილს უხდიდა მიწის მესაკუთრეს.

როგორც აღვნიშნეთ, XIX საუკ. II ნახევარში ქართლის სოფელში უპირატესად შრომამიგებითი და პროდუქტებით რენტა იყო ძალაში<sup>4</sup>, თუმცა ფულადი რენტაც მნიშვნელოვან როლს ასრულებდა. მაგალითად, 80-იანი წლების შუა ხანებში გორის მაზრის ხიზანთა 717 კომლი ფულად იხდიდა იმ გადასახადებს, რაც მიწით სარგებლობასთან იყო დაკავშირებული<sup>5</sup>. უკვე 900-იანი წლების დასა-

<sup>1</sup> ფ. გოგიაძის შვილი, შინაური მიმოხილვა. ჟურნ. „მოამბე“, 1904. № 1. გვ. 78 — 79.

<sup>2</sup> «МДИЭБГКЭК», т. VI. გვ. 198.

<sup>3</sup> Материалы по вопросу о распространении действий крестьянского поземельного банка на Закавказский край, 1904, გვ. 255.

<sup>4</sup> «СМПЭБГКЭК», т. II, გვ. 406.

<sup>5</sup> «МДИЭБГКЭК», т. I, 1893, გვ. 447.

წყისში გლახთა მნიშვნელოვანი ნაწილი არჩევდა იჯარა გადაეხადა ფულად, ნაცვლად ნატურისა<sup>1</sup>.

გორის მაზრაში 80-იან წლებში ფულადი რენტა დესეტინა სახნავ მიწაზე საშუალოდ შეადგენდა: დაბალი ხარისხის მიწაზე — 3 მანეთს, საშუალო ხარისხისაზე — 5 მანეთს და მაღალი ხარისხის მიწაზე — 8 მანეთს<sup>2</sup>.

900-იანი წლების დასაწყისში ამიერკავკასიაში სოფლად საიჯარო გადასახადი<sup>3</sup> ძირითადად ნატურალური იყო<sup>4</sup>. შემდეგაც, მიწის საიჯარო ქირის პროდუქტის სახით გადახდა გაბატონებულ ფორმას წარმოადგენდა თვით საბჭოთა ხელისუფლების დამყარებამდე<sup>5</sup>.

მდიდარი გლეხები მიმართავდნენ იჯარას ხანგრძლივი ვადით. თვით ხიზნების ზედა ფენა ხშირად მიწას 6 წლის ვადით იღებდა, რისთვისაც ფულად რენტას იხდიდა დესეტინა სარწყავ მიწაზე დაახლოებით 5 მანეთს, ურწყავზე — 3—4 მანეთს.

1903 წელს სახნავ მიწებზე ფულადი რენტა შეადგენდა:

ბორჯომის უბანში დესეტინაზე—3 მან. და 50 კაპიკიდან 4 მ. 50 კაპ.—მდე	
სურამის	10 მანეთამდე,
ხიდისთავის	6 მანეთამდე,
ცხინვალის	6 მანეთამდე.

ხიდისთავის უბანში დესეტინა ვენახზე რენტა 50—80 მანეთს უდრიდა, ხეხილის ბაღზე კი 60—100 მანეთს. ეს აიხსნება ხეხილის ბაღების მეტი შემოსავლიანობით.

<sup>1</sup> Материалы по вопросу о распространении действий крестьянского поземельного банка на Закавказский край, 1904, гл. 247.

<sup>2</sup> В. Геевский, Краткий очерк земледелия за Кавказом, Тифлис, 1887, гл. 40

<sup>3</sup> როცა მიეფთხებოდა, რომ თვით XX საუკ. დასაწყისშიც კი სოფლად მიწის საიჯარო ქირის პროდუქტებით ან შრომამიგებით ფორმას უპირატესი ადგილი ეკავა. ჩვენ მხედველობაში გვაქვს ამ შემთხვევაში საიჯარო ურთიერთობანი, ერთი მხრით, გლეხებსა და მემამულეებს შორის და, მეორე მხრით, ლარბებსა და მდიდარ გლეხებს შორის; რაც შეეხება სახანო მიწების რენტას, ეს უკვე XIX საუკ. შეახანებიდან ფულადი სახით იყო გაბატონებული.

<sup>4</sup> Материалы по вопросу о распространении действий крестьянского поземельного банка на Закавказский край, 1904, гл. 266.

<sup>5</sup> პ. გუგუშვილი, აგრარული ურთიერთობანი ამიერკავკასიაში XIX—XX სს. მიჯნაზე, 1905—1907 წლების რევოლუცია საქართველოში, თბილისი, 1955, გვ. 42-

მაზრაში ფულადი რენტის ზრდა, განსაკუთრებით გადასახადების ახალი სისტემის შემოღებასთან დაკავშირებით, შეიმჩნევა 1901 წლიდან. მაგალითად, ხიდისთავის უბანში ახალი საგადასახადო სისტემის შემოღებამდე საიჯარო ფასი უდრიდა: ერთ დესეტინა სარწყავ მიწაზე — 3 მანეთს, ვენახზე 30—60 მანეთს, ხილის ბაღზე — 40—90 მანეთს; შემოღების შემდეგ (1903წ.): სარწყავზე — 6 მანეთს, ვენახზე 50—80 მანეთს, ხილის ბაღზე 60—100 მანეთს<sup>1</sup>.

საერთოდ კი საიჯარო ნატურალური გადასახადი მერყეობდა მოსავლის  $\frac{1}{2}$ -მდე, ხოლო ფულადი — დესეტინაზე 10 მანეთამდე<sup>2</sup>.

იჯარით იღებდნენ არა მარტო სახნავ-სათეს მიწებსა და ბაღვენახებს, არამედ საძოვრებსაც. საძოვრების რენტა უმთავრესად ფულადი სახისა იყო. ამ ფულად რენტას „საბალახო“ ეწოდებოდა. საგადასახადო ერთეულად მიღებული იყო პირუტყვის სულადობა. მსხვილფეხა საქონლის თითოეულ სულზე გადასახადი საზაფხულო საძოვრებზე უდრიდა 5—60 კაპ., საზამთროზე კი 5 კაპ.-დან 2 მანეთამდე. წვიმლფეხა საქონლის ერთ სულზე საძოვრის გადასახადი აღწევდა 2 კაპიკიდან 20 კაპიკამდე. საძოვრებს იჯარით იღებდნენ ცალკეული მეურნეები<sup>3</sup>. ასეთები იყვნენ მდიდარი გლეხები, რომელთაც მრავალი სული პირუტყვი ჰყავდათ. ამ დროს მეცხოველეობა სავაჭრო ხასიათს იღებდა და უკავშირდებოდა ბაზარს. ამის მაჩვენებელი იყო ფულადი რენტა საძოვრებისათვის, რაც გულისხმობდა სასაქონლო წარმოებისა და, მასთან ერთად, ფულის მიმოქცევის მაღალ განვითარებას.

ქართლში იჯარის ორი ძირითადი სახე გვხვდებოდა: გლეხური (სასურსათო) და კაპიტალისტური.

გლეხური იჯარა შრომამიგებითი სისტემის ამოსავალ პუნქტს წარმოადგენდა და გულისხმობდა გლეხთა ძირითადი მასის კაბალას მემამულეთა მიერ. გლეხური იჯარა ძირითადად ნატურალურ ხასიათს ატარებდა და ვლინდებოდა მიწის სანახევრო გაცემასა („მონახევრობა“) და შრომამიგებაში.

კაპიტალისტური ხასიათის იჯარა ვითარდებოდა სავაჭრო მიწათმოქმედების განვითარებასთან დაკავშირებით. ამ დროს გლეხო-

<sup>1</sup> Г. Зерцалов, Юбилей крестьянской реформы в Тифлисской губернии, Тифлис, 1914, гл. 11 — 12.

<sup>2</sup> Свод трудов местных комитетов по Кавказу, области Войска Донского, Сибири, Степному краю и Туркестану, Составил А. А. Кауфман, С.-Петербург, 1904, гл. 432.

<sup>3</sup> С. Авалиани, Крестьянский вопрос в Закавказье, т. IV, гл. 10.

ბის ზედა ფენები მიმართავენ მიწის იჯარით აღებას, აგრეთვე, ღარიბი თანასოფლელებისაგან, ხოლო ეს უკანასკნელი იჯარით იძლევიან მიწას, თვითონ კი უმეტეს შემთხვევაში საშოვარზე წასვლით ირჩენენ თავს (მოჯამაგირეები, სეზონური მუშები, ქალაქად წასული გლეხები და სხვ.).

მიწაზე კაპიტალისტურ საიჯარო ურთიერთობას დიდი მნიშვნელობა ჰქონდა კაპიტალისტურ ურთიერთობათა განმტკიცებისა და გლეხობის დაშლის საქმეში. „მიწის იჯარა უფრო მარჯვეც არის წმინდა კაპიტალიზმისათვის, ბაზართან ყველაზე სრული, თავისუფალი, „იდეალური“ შეგუებისათვის, ვიდრე მიწის საკუთრება“<sup>1</sup>.

მიწის იჯარას მიმართავს ღარიბი გლეხი, რათა თავისი ფიზიკური არსებობა გადაირჩინოს. მიწის იჯარას მიმართავს შეძლებული გლეხობა საწარმოო მიზნით, მიწის ყიდვისა და პროდუქტების გაყიდვის მიზნით. სოფლად კაპიტალისტურ ურთიერთობათა უფრო და უფრო დამკვიდრებასთან ერთად მიწას იჯარით იღებს უმთავრესად სოფლის ბურჟუაზია, იჯარით აძლევენ მემამულეები და, ნაწილობრივ, ღარიბი გლეხები — გლეხური პროლეტარიატი. იგი თავისი სამუშაო ძალის გაყიდვასთან ერთად შემოსავალს იღებს თავისი საკომლო (სანადელო) მიწის იჯარით გაცემის გზით.

რეფორმის შემდეგ სოფლის მეურნეობა, აღმოსავლეთ საქართველოში საერთოდ, გორის მაზრაში კერძოდ, შედარებით ნელი ტემპით ვითარდება, ის ე. წ. პრუსიული გზით მიდის. კაპიტალიზმის სწრაფ განვითარებას ხელს უშლის ბატონყმობის ძლიერი ნაშთები, რომელთა ხანგრძლივ შენარჩუნებასაც ხელს უწყობენ პრივილეგიური კლასები და სახელმწიფო ხელისუფლება.

კაპიტალიზმის განვითარებას სოფლად ორი გზა ჰქონდა. ერთი გზა გულისხმობდა ძველ, საბატონო-მემამულურ მეურნეობათა თანდათანობით გარდაქმნას. კაპიტალისტურ მეურნეობებად. მეორე გზა — ძველი, საბატონო-მემამულური მეურნეობების დამსხვრევა რევოლუციური საშუალებით. ეს გზა გულისხმობდა საწარმოო ძალთა სწრაფ განვითარებას. ამ გზით წავიდნენ, მაგალითად, საფრანგეთი და აშშ. პირველი გზა კი განვითარების მტანჯველი სიძნელებით აღსავსე გზა იყო. ამ გზით დაიწყო კაპიტალიზმის განმტკიცება ისეთ ქვეყნებში, როგორც იყო რუსეთი, გერმანია, იტალია, იაპონია და სხვა.

<sup>1</sup> ვ. ი. ლენინი, თხზ., ტ. 18, გვ. 164.

საქართველომაც მთელ რუსეთთან ერთად სოფლად კაპიტალიზმის განვითარება რეფორმის გზით დაიწყო. ამასთან, აღმოსავლეთ საქართველოში და, კერძოდ, გორის მაზრაში განვითარება მიმდინარეობდა მეტი შეფერხებებით, უდიდესი ზიგზაგებით, უალრესად ნელი სვლით. ყოველივე ეს გაპირობებული იყო ქვეყნის საერთო ჩამორჩენილობით, ბატონყმობის ძლიერი ნაშთებით, კოლონიური მდგომარეობით. პირველი გზა აფერხებდა განვითარებას, მეორე გზა აჩქარებდა განვითარების მსვლელობას.

საგლეხო რეფორმამ თბილისის გუბერნიაში კი არ შეცვალა მეურნეობის ძველი ბატონყმური სისტემა უკეთესით, არამედ გააძლიერა ყოფილ ყმა გლეხთა ეკონომიური კაბალა.<sup>1</sup>

გლეხთა ძველი იურიდიული კატეგორიების ძალაში დატოვება, მიწის გამოსყიდვის განსაკუთრებული პირობები, უდიდესი გადასახადები სახელმწიფოსა და მემამულეთა სასარგებლოდ, კოლონიური რეჟიმი—აი, ის პირობები, რომელნიც წარმოსახავდნენ კაპიტალიზმის განვითარების პრუსიული გზის ყველაზე უარეს ვარიანტს.

რეფორმის შემდეგ სოფლად ნელა, მაგრამ განუხრელად იზრდება ფულადი რენტის როლი. XIX საუკუნის ბოლოს გლეხთა შორის ჯერ კიდევ უპირატესობა ნატურალურ რენტას ჰქონდა. 900-იანი წლებიდან კი ფულადი რენტა (მიწის იჯარა ფულზე) თანდათან მეტ მნიშვნელობას იძენს. ამავე დროს რენტის ამ ისტორიულად წარმავალი ფორმების ადგილს კაპიტალისტური რენტა იჭერს. ფულადი მეურნეობის განვითარება, ბაზრის როლის ზრდა ჰქმნის პირობებს გლეხობის არა უბრალო დიფერენციაციისთვის, არამედ მისი კლასობრივი დაშლისთვის. სასაქონლო მეურნეობის ზრდა ნიდავს აცლის შრომამიგებით სისტემას, რომელიც დამოკიდებულია ნატურალურ მეურნეობაზე, ტექნიკის ჩამორჩენილობაზე, მემამულისა და გლეხის განუწყვეტელ კავშირზე.

## 5. ვიწების კონცენტრაცია გლეხობის უპირატესობის ხელში

რეფორმის შემდეგ სოფლად უფრო სწრაფად მიდის ბურჟუაზიულ ურთიერთობათა განვითარება. მიწა საქონლად იქცევა და ყველა ცდილობს ხელში ჩაიგდოს იგი, რათა მიწათმოქმედებიდან მიღებული პროდუქტები ფულად აქციოს. მნიშვნელობა ენიჭება იმას, თუ მიწას ხელში ვინ ჩაიგდებს. გორის მაზრაში თავადაზნაურობამ რამდენიმე მამული მოაწყო კაპიტალისტური წე-

<sup>1</sup> Орест Сёминъ, Великая годовщина, Киев, 1911, გვ 32—33.

სით (ივანე სულხანიშვილისა ტირძნისში, კონსტანტინე (კოსტა) ამირეჯიბისა — ავლევი, სანდრო მაჩაბლისა — ქურთაში, ისაია ფურცელაძისა — მერეთში და სხვ.); დანარჩენი მამულები უმთავრესად ძველებური წესით, გლეხთა ინვენტარითა და მუშა საქონლით იწარმოებოდა. თავადაზნაურობის უმრავლესობას არც უნარი და არც სურვილი არ აღმოაჩნდა მამულების გაძლოლისა. იგი დაადგა თავისი მიწების დაგირავებისა და გაყიდვის გზას. ამ მიწების დიდ ნაწილს შეძლებული გლეხები იგდებდნენ ხელში. დიდი მნიშვნელობისაა გლეხთა ახალი კატეგორიის, მესაკუთრე გლეხების კატეგორიის შექმნა. რა თქმა უნდა, ყველა მესაკუთრე გლეხი შეძლებულ, მდიდარ გლეხად ვერ ჩაითვლებოდა, მაგრამ მაინც ეს კატეგორია წარმოადგენდა უმთავრესად იმ ფენას, რომელიც საფუძველს უქმნიდა კულაკურ მეურნეობებს. მაგრამ შეძლებული გლეხები მხოლოდ ამ ფენას როდი ეკუთვნოდნენ. ახალი სოციალურ-ეკონომიური კავშირ-ურთიერთობები წარმოადგენდა ისეთ გარემოს, როცა კულაკური მეურნეობა შესაძლებელი იყო შექმნილიყო სხვა ფენებიდანაც, პირველ რიგში მიწის იჯარით აღებაზე დაყრდნობით.

თბილისის გუბერნიაში უკვე 1876 წლის 1 იანვრისათვის დროებითვალდებულთაგან მესაკუთრეთა კატეგორიაში გადასული იყო 1220 კომლი. მათ ჰქონდათ 5467 დესეტინაზე მეტი მიწა. 1877 წლის 1 იანვრისათვის მესაკუთრე გლეხთა რიცხვი 1287 კომლს აღწევდა, მათ ხელში იყო 5684 დესეტინა მიწა<sup>1</sup>.

XX საუკუნის დასაწყისისათვის გორის მაზრაში დაახლოებით 480 კომლ სხვადასხვა კატეგორიის გლეხს (რაც მთელი რაოდენობის თითქმის 2,5%-ს უდრის) სარგებლობაში ან საკუთრებაში ჰქონდა თითქმის 12000 დესეტინა მიწა. ეს შეადგენდა გლეხთა სარგებლობაში მყოფი მიწის მთელი რაოდენობის 23%-ს (მთელი მიწის რაოდენობა შეადგენდა 51992 დესეტინას).

1873 წლის კამერალური აღწერით მესაკუთრე გლეხებს უმთავრესად ბარის სოფლებში ვხვდებით. მესაკუთრე გლეხთა შორის სახელმწიფო გლეხებიც არიან. მაგალითად, სოფ. ალაიანში მცხოვრებ 66 კომლიდან 11 კომლი მესაკუთრე იყო. მათ საკუთრებაში მყოფი მიწიდან 0,25 დესეტინიანი მიწის ნაკვეთები ჰქონდა — 7 კომლს, 0,5 დესეტ. — 1 კომლს, 2—3 დესეტ. — 1 კომლს, 3—4 დესეტ. — 1 კომლს, 9—10 დესეტ. — 1 კომლს. სოფ. ახალსოფელში 55

<sup>1</sup> საქ. ცსსა, ფონდი 5, საქმე 3975, ფურც. 11, 1877 წ.



კომლიდან საკუთარი მიწა ჰქონდა 8 კომლს. მათგან 0,50 დესეტინიანი მიწის ნაკვეთი — 2 კომლს, 1 დესეტ. — 1 კომლს, 4—5 დესეტ. — 2 კომლს, 9—10 დესეტ. — 3 კომლს. 5—6 დესეტ. მიწა ჰქონდათ ზემო ხანდაკეში 2 კომლს, მარანაში — 1, სასირეთში — 3, ხიდისთავში — 2, შინდისში — 3 კომლს.

6—7 დესეტინიანი მიწა ჰქონდათ: ზერტში — 1 კომლს, მეტეხში — 1, სვენეთში — 4, თელათგორში — 1, ხელთუბანში — 1, წინარეხში — 2, შინდისში — 2 კომლს.

7—8 დესეტინიანი მიწა ჰქონდათ: პატარა გარეჯვარში — 1 კომლს, მეტეხში — 2 კომლს.

8—9 დესეტ.: არაშენდაში — 1, პატარა გარეჯვარში — 1. კეცში — 1, ხიდისთავში — 1, წინარეხში — 1 კომლს.

9—10 დესეტ.: ალაიანში — 1, ახალსოფელში — 3, ზერტში — 1, კოდის წყაროში — 1, კავთისხევში — 1 კომლს.

10—20 დესეტ.: ახალუბანში — 1, დვანში — 1. ზემო ნიქოზში — 3, კოდისწყაროში — 1, სასირეთში — 1 კომლს.

20 დესეტინაზე მეტი თითოეულს — კოდისწყაროში 2 კომლს.

38 სოფელში, სადაც 1606 კომლი ცხოვრობდა. საკუთარი მიწა ჰქონდა 547 კომლს, ე. ი. დაახლოებით  $\frac{1}{3}$ , მათგან მიწათმფლობელობის მიხედვით: 0,25 დესეტინიანი მიწის ნაკვეთების მქონე იყო 94 კომლი; 0,50 დესეტ.—90; 1 დესეტ.—28; 1—2 დესეტ.—105; 2—3 დესეტ. — 73; 3—4 დესეტ. — 34; 4—5 დესეტ.—13; 5—6 დესეტ.—11; 6—7 დესეტ. — 15; 7—8 დესეტ. — 3; 8—9 დესეტ. — 5; 9—10 დესეტ. — 7; 10—20 დესეტ. — 7; 20 დესეტინაზე მეტის მქონე 2 კომლი.<sup>1</sup>

მაზრის 19 სოფელში (აბისი, ატენი. ახალქალაქი, ბელეთი. ბრეთი, ბულბულისციხე, დგვრისი, ქარელი, ქვიშხეთი. დიდი მეჯვრისხევი, პატარა მეჯვრისხევი, მერეთი, მეტეხი, რუისი. თამარაშენი. ტაშისკარი, თიღვა, ტირმნისი, ერედვი) 900-იანი წლების დასაწყისში მესაკუთრე გლეხთა 564 კომლი იყო, მათგან საკუთარი მიწა ჰქონდათ: თითო დეს-მდე 362 კომლს, 1—2 დესეტ. — 81-ს, 2—3 დესეტ.—56 კომლს, 3—5 დესეტ.—40-ს, 5—7,5 დესეტ.—15-ს, 7,5—10 დესეტ. — 3 კომლს. 10—15 დესეტ. — 3-ს, 20—30 დესეტ. — 4 კომლს. ვენახები ჰქონდა 452 კომლს, აქედან:  $\frac{1}{16}$  დესეტინიანი ვენახების მებატრონე იყო 77 კომლი,  $\frac{1}{16}$ — $\frac{1}{8}$  დესეტ. — 109.  $\frac{1}{8}$ — $\frac{1}{4}$

<sup>1</sup> «МДИЭБГКЗК». т. VI. №. 157 — 158.

დესეტ.—125, 1/4—1/2 დესეტ.—99, 1/2—3/4 დესეტ. — 28, 3/4—1 დესეტ. — 8, 1—1 1/2 დესეტ. — 6 კომლი<sup>1</sup>.

მიუხედავად იმისა, რომ მესაკუთრე გლეხთა უმეტესობას მცირე ნაკვეთები ჰქონდა, მაინც გლეხთა ამ ფენის გამოყოფა ნიშნავს ბურჟუაზიული საკუთრების განმტკიცებას სოფლად. მესაკუთრე გლეხთა ფენა შედარებით სწრაფად იზრდება. როგორც უკვე აღვნიშნეთ, 900-იან წლებში მარტო 19 სოფელში 564 კომლი მესაკუთრე გლეხი იყო (სულ მაზრაში 2000 კომლამდე) მაშინ, როცა 1860 წელს ერთადერთი მესაკუთრე კომლი იყო.<sup>2</sup>

კაპიტალისტური მეურნეობის ბატონობის პირობებში წვრილი საკუთრება საწარმოო ძალების განვითარებას აფერხებს, რადგან ეს საკუთრება წარმოების მუშაკის მიწის წვრილ ნაკვეთზე მიჯაჭვას ახდენს. ეს აწინააღმდეგებს სავაჭრო ბრუნვაში მიწის ჩაბმას, ტექნიკა კვლავ ჩამორჩენილი რჩება.

სოფლად, შრომამიგების ბატონობის პირობებში, წვრილი საადგილმამულო საკუთრება პროგრესულ მოვლენას წარმოადგენდა. ის თავისუფლდება შრომამიგებისაგან, რითაც წინ მიჰყავს საწარმოო ძალების განვითარება, ათავისუფლებს გლეხს მემამულის კაბალისაგან. მეორე მხრით, მიწის გლეხთა საკუთრებაში გადასვლა მემამულეებს აიძულებს, იზრუნონ მოწინავე ტექნიკის გამოყენებაზე. ადვილდება მიწის სავაჭრო ბრუნვაში ჩაბმა.

მესაკუთრე გლეხობა ცდილობს საკუთარ მიწაზე მოაწყოს ინტენსიური მეურნეობა, პირველ რიგში, ძვირფასი სპეციალური კულტურების გაშენების ხარჯზე. მაგალითად, თბილისის გუბერნიაში 1895—1900 წლებში გამოკვლეული იმ კომლებიდან, ვისაც მიწა ჰქონდა გამოსყიდული, 165 კომლს გორის მაზრაში საკუთარ მიწაზე ხილის ბაღები ჰქონდა გაშენებული. ამის შესახებ მიმომხილველი აღნიშნავდა: „საკუთარი მიწის ექსპლოატაციის ყველაზე გავრცელებულ სახეს მეხილეობა წარმოადგენს“<sup>3</sup>.

საკომლო (სანადელო) მიწათმფლობელობა გლეხების ცალკეულ ჯგუფებს მკვეთრად არ განასხვავებდა. შემდგომში გლეხთა ერთი ნაწილის მიერ მიწის დიდი ფართობების ხელში ჩაგდება, მისი ყიდვისა თუ სხვა საშუალებით, სურათს მკვეთრად ცვლის. თანდათან გლეხ-

<sup>1</sup> «СССОЧЗТКГ», გვ. 446 — 447.

<sup>2</sup> საქ. ცსა, ფონდი 254, საქმე 2313, ფურც. 138, 1873 წ.

<sup>3</sup> И. Веретенников, По поводу податной реформы на Кавказе, Журн. „Русская мысль“, книга VII, 1902, гв. 131 — 132.

თა მიწების ძირითადი ფონდი მდიდარ გლეხობას უეკარდება ხელში, ე. ი. ხდება მიწების კონცენტრაცია გლეხური ბურჟუაზიის ხელში; აუცილებელი საჭირო ხდება დაქირავებული შრომის გამოყენება მეურნეობის საწარმოებლად. მიღებულ პროდუქტთა რაოდენობა კი გაცილებით აღემატება ოჯახის უშუალო მოთხოვნილებათა დაკმაყოფილებისათვის საჭირო რაოდენობას და ეს პროდუქტები ბაზარზე გადის. ცალკეული გლეხები მიწის დიდ რაოდენობას უყრიან თავს. 90-იან წლებში მაზრაში 20 დესეტინაზე მეტი მიწა ჰქონდათ. მაგალითად: თეიმურაზ მედოშვილს (სოფ. ნიგოზა) 61 1/2 დესეტინა მიწა, გიორგი მურაზაშვილს (სოფ. დირბი) — 25, ზაქარია ნოზაძეს (სოფ. ახალუბანი) — 20 1/2, გიგო ფალელაშვილს (სოფ. ხელთუბანი) — 25 1/2, სოსო პატარაშვილს (სოფ. ფხვენისი) — 25 1/4, პეტრე სამუკაშვილს (სოფ. დიდი ნეჯვრისხევი) — 55, იოსებ თანდიაშვილს (სოფ. ხელთუბანი) — 50, მიხეილ ტატიშვილს (სოფ. ახალდაბა) — 25, დათო წრილაშვილს (სოფ. შამბიეთი) — 50, ბეწინა, გიორგი და გაბრიელ ბეჟაურებს (სოფ. შუბათი) — 86. ზაქარია ბერიაშვილს (სოფ. ყარაღაჯი) — 30, გედევან გაგლოშვილს (სოფ. კოშკა) — 100, სოლომონ გოგიჩაშვილს (სოფ. ქარელი) — 163, გიგო ჟიჟილაშვილს (სოფ. კავთისხევი) — 25 1/4, ალექსი ზაზიკაშვილს (სოფ. წრომი) — 200, პავლე კიკნაძეს (სოფ. ტეზერი) — 26, იორდანე კობახიძეს (სოფ. დვანი) — 45, ზაქარია გუგუტიშვილს (სოფ. კულბითი) — 51, აბრამ ბეგიაშვილს (სოფ. დიდი მეჯვრისხევი) — 700 დესეტინა (აქედან 200 დესეტინა სახნავი და 500 დესეტინა ტყე) და სხვ.<sup>1</sup>

ბატონყმობის ძლიერი ნაშთები, საგლეხო საქმეთა მემამულური დაწესებულებანი ხელს უშლიდნენ სოფლად გლეხთა საკუთრებაში მიწის გადასვლის საქმეს. ნაბატონარმა გიორგი ჭავჭავაძეშვილმა სოფ. ყარაღაჯის მცხოვრებთ, დროებითვალდებულ გლეხებს ზაქარია, ივანე, ანდრია. სოლომონ, დავით, რამაზ, მიხეილ და ალექსი პაპინაშვილებს 1871 წ. წაართვა მათი საკუთარი მიწის რამდენიმე ნაკვეთი. მიუხედავად იმისა, რომ მიწის ნასყიდობაზე შესატყვისი საბუთები არსებობდა. მაინც საგუბერნიო საკრებულომ მიწა მემამულის განკარგულებაში დატოვა. საქმე რამდენჯერმე იქნა განხილული. დაეა 1871 წლიდან 1884 წლამდე გრძელდებოდა და გლეხების დაპარცხებით დამთავრდა<sup>2</sup>.

<sup>1</sup> საქ. ცსსა, ფონდი 254, საქმე 20822, ფურც, 428 — 646, 1894 წ.

<sup>2</sup> საქ. ცსსა, ფონდი 220, საქმე 945, 1871 — 1884 წწ.

გორის მაზრის სოფ. ყანჩავეთის მცხოვრები გლეხები გრიგოლი, გიორგი, ელიოზა და სოსია ტატუნაშვილები მეფისნაცვალს 1871 წელს სწერდნენ: დებულებაში ნათქვამია, რომ „გლეხები მთელი თავიანთი მოძრავი ქონების, აგრეთვე მათ მიერ ნამდვილი შესყიდვით ან სხვა კანონიერი საშუალებებით შეძენილი უძრავი ქონების სრულ მესაკუთრეებად ხდებიან“<sup>1</sup>, ამიტომ ჩვენ მიერ ნასყიდი პატარ-პატარა მიწის ნაკვეთები და პატარა ბაღი, რომლებსაც მემამულე რატიშვილები გვართმევენ, გთხოვთ საკუთრებაში დავიტოვოთ. გლეხთა მოწყობის კომიტეტმა, განიხილა რა ეს საკითხი, აღნიშნა, რომ ტატუნაშვილებმა ჯერ კიდევ 1867 წელს მიმართეს საკრებულოს რატიშვილების მიერ მათი შევიწროვების თაობაზე. საგუბერნიო საკრებულომ გლეხებს თხოვნაზე უარი უთხრა 1876 წელს. იმავე წელს მეფისნაცვლის მთავარი სამმართველო თბილისის გუბერნატორს ატყობინებდა — გლეხებმა აქ კიდევ შემოიტანეს საჩივარი — ან საკრებულოს დადგენილება გააუქმეთ, ან ჩვენი საკუთარი მიწები ნადელში მაინც მოგვეციოთ. გთხოვთ განუმარტოთ გლეხებს, რომ ჩვენ არავითარი განკარგულების გაცემა არ შეგვიძლია — წერდა სამმართველოს უფროსის მოადგილე გენერალი სტაროსელსკი<sup>2</sup>.

გორის მაზრის სოფ. ტეზრის დროებითვალდებულმა გლეხებმა 16 კომლის რაოდენობით (200 სული, ორივე სქესისა) გვარად ჩიტიაშვილებმა და ბეროზაშვილებმა წერილობით მიმართეს მეფისნაცვალს 1878 წლის 13 მარტს: „ხელმწიფევე, ჩვენ მოტყუებული და კვლავ დამონებული ვართ“<sup>3</sup>. 1876 წლის ნოემბერში სურამის სამომრიგებლო განყოფილებაში ჩვენი ნაბატონარის ივანე აბაშიძის ვალის გამო (თვითონ აბაშიძე დიდი ხნის წინათ გარდაიცვალა) საჯარო ვაჭრობით იყიდებოდა ყველა ჩვენი საკარმიდამო ნაკვეთები, სახნავი მიწები, ვენახები, ხეხილის ბაღები და სხვ. ეს რომ გავიგეთ, მივედით ჩვენც, რათა ჩვენივე ქონება გვეყიდნა და მესაკუთრე გლეხებად გავმხდარიყავით. იქ დაგვხვდნენ თავადი დიმიტრი აბაშიძე (მომრიგებელი შუამავლის თანამდებობის კანდიდატი) და აზნაური გიგო ყიფიანი (რომელიც იყო კრედიტორ ზუბალოვის რწმუნებული). აბაშიძემ და ყიფიანმა გლეხებს ურჩიეს ვაჭრობაში არ ჩაბმულიყვნენ, რადგან „მამულებს ისე ძვირად დაათასებენ —

<sup>1</sup> საქ. ცსსა, ფონდი 220, საქმე 112, ფურც. 8 — 9, 1871 — 1876 წწ.

<sup>2</sup> იქვე, ფურც. 43, 1871 — 1876 წწ.

<sup>3</sup> იქვე, საქმე 499, ფურც. 5, 1878 წ.

თქვენ ვერ შესწვდებით, ეს საქმე ჩვენ მოგვანდეთ — თქვენთვის ჩვენ შევისყიდითო“. გლეხებმა ნდობა არ გამოუტყდადეს ყიფიანს როგორც კრედიტორის რწმუნებულს, ხოლო აბაშიძეს, როგორც მომრიგებელი შუამავლის თანამდებობის კანდიდატს. ენდნენ და გასამრჩელოსაც შეჰპირდნენ 800 მანეთის რაოდენობით. აბაშიძის რჩევით გლეხები ვაჭრობას არ დასწრებოდნენ. შემდეგ კი აღმოჩნდა, რომ გლეხების ადგილ-მამული აბაშიძის შვილისა და ყიფიანის ძმის სახელზე იყო შექმნილი.

გლეხები მეფისნაცვალთან ჩიოდნენ: „უბრძანე, ხელმწიფევე, გამოიკვლიონ ეს გარემოება განსაკუთრებული ნდობით აღკუთრებული პირის საშუალებით და დაგვიხსენი მუდმივი ტანჯვისაგან. ჩვენი მამულ-დედულა გაყიდულია მოტყუებით! ჩვენ ყველაფერს მოკლებულა ვართ! დაგვეხმარე, ხელმწიფევე — ბრწყინვალე მზეო ჩვენო, რადგან შენა ხარ სიმართლისა და მართლმარჯულების მფარველი“<sup>1</sup>.

საგუბერნიო საკრებულომ განიხილა საქმე და დაასკვნა: „თავადი დიმიტრი აბაშიძე არ ითვლება მომრიგებელი შუამავლის კანდიდატად“<sup>2</sup>. რაც ეცნობოს მეფისნაცვლის მთავარ სამმართველოს უფროსსო. უკანასკნელმა კი (გენერალმა სტაროსელსკიმ) აცნობა გუბერნატორს. რადგან საჩივარი ეხებოდა კერძო პირებს, თითქოს ამიტომ „მათი (ე. ი. გლეხების. ი. უ.) საჩივრის გამო მთავარი სამმართველოს ხაზით არავითარი განკარგულების გაცემა არ შეიძლება“<sup>3</sup>.

სოფ. ქსუისის მცხოვრები დროებითვალდებული გლეხი ანდრია ჯავახი მეფისნაცვლისადმი გაგზავნილ თხოვნაში 1871 წლის 15 ოქტომბერს წერდა: „მე მივმართე და შევაწუხე თქვენი იმპერატორებითი დიდებულება 27 ნოემბერსა 1867 წელში. რომელიც მე მაქვს კეთილშეძინებული შინაურულის წერილით ვენახი, სახლკარი და წისკვილი სოფელს ქსუისში მდებარე რომელსა მედავებთან ჩემი ნაბატონარის აზნაურის რევახ უთნელიშვილის ობლები“. თქვენ ეს ჩემი თხოვნა ვადაგიციათ საგუბერნიო საკრებულოსათვის, იმას კი I განყოფილების მომრიგებელი შუამავლისათვის. „და დამიფასეს მოხსენებული ჩემს კეთილშეძინებულს მამულში დადებულნი ამაგნი ათს თუმნათა არა ჩემის მოყვანილის კაცითა, არამედ თავიანთის

<sup>1</sup> საქ. ცსსა, ფონდი 220, საქმე 499, ფურც. 6, 1878 წ.

<sup>2</sup> იქვე, ფურც. 7.

<sup>3</sup> იქვე.

ამორჩეულის კაცებითა. რომელიც ამაგნი ჩემნი არიან არა ათის თუმნის ღირებულნი არამედ ხუთის იმტენის ზომისა“. შემდეგ გლეხი ჩივის: „მე ვიყავი მქონებელი ორმოცის დღისაზედ უმეტესის სახნავის მამულის და არც მაძლევს ნადელში იმ ჩემს კეთილ შეძინებულს მამულსა და არც მე მასყიდინებენ“. ბოლოს ეს გლეხი თხოულობს აღნიშნული მიწების ან „ნადელის“ სახით მიღებას, ან შესყიდვის ნებართვას<sup>1</sup>.

საგუბერნიო საკრებულომ გლეხს თხოვნაზე უარი უთხრა, მაგრამ მეფისნაცვლის მთავარი სამმართველოს უფროსი ბარონი ნიკოლაი თბილისის გუბერნატორს მაინც სწერდა — რადგან ობლების მეურვეები თანახმა არიან, შეიძლება გლეხს ნება დაერთოს, რომ მიწა საკუთრებაში შეისყიდოს ან „ნადელში“ ჩაითვალოს<sup>2</sup>.

გორის მაზრაში იყო შემთხვევები, როცა გლეხთა საკუთრებაში არსებულ მიწებს დამატებით ბეგრავდნენ. მეჭვრისხევის უბნის სოფ. ჯარიაშენის მცხოვრები დროებითვალდებული გლეხები დავით ბესარიონ მიხეილ და ისაკ გოგიაშვილები, ალექსი ფარნიაშვილი, მიხეილ და ვლადიმერ კაპანაძეები, ივანე დემეტრაშვილი და გრიგოლ ნატრიაშვილი ჩივიან, ჩვენ გვაქვს არა სანადელო, არამედ საკუთარი მიწები, რომლებიც ჯერ კიდევ ჩვენს მამებს ჰქონდათ შეძენილი. ახლა კი შემოგვაწერეს საადგილმამულო გადასახადი 4 მან. და 95 კაპ., აგრეთვე საგუბერნიო და სახელმწიფო საერობო ბეგარა, რაც ერთად 43 მან. და 57 კაპ. შეადგენს. თუმცა იმ ვალდებულებებს, რაც ჩვენ გვაკისრია, ვიხდით ხაზინაში, რასაც ხაზინის ქვითრები მოწმობს<sup>3</sup>.

ზოგჯერ ქართლში. გლეხის უფლებას მიწის საკუთრებაზე არ სცნობდნენ. ასე იყო, მაგალითად, სოფ. წინარეხში, სადაც მესაკუთრე გლეხები სოსიკა და გაბრიელ მკედლიშვილების საკუთარი მიწები შეტანილ იქნა საწესდებო სიგელში, როგორც მემამულე ესტატე თარხანმოურავის საკუთრება<sup>4</sup>.

მაზრაში გლეხებმა 1864 წლიდან 1888 წლამდე გამოისყიდეს 8090 დესეტინა მიწა. გარდა ამისა, მათ მიერ 1879—1888 წლებში ნაყიდი იყო 2088 დესეტინა მიწა, ხოლო 3 წლის განმავლობაში (1895—1897 წწ.) — 1449 დესეტინა.

<sup>1</sup> საქ. ცსსა, ფონდი 220, საქმე 111, ფურც. 14, 1871 — 1872 წწ.

<sup>2</sup> იქვე, ფურც. 19 — 20.

<sup>3</sup> საქ. ცსსა, ფონდი 254, საქმე 9900, ფურც. 1 — 2, 1906 წ.

<sup>4</sup> საქ. ცსსა, ფონდი 220, საქმე 375, ფურც. 1 — 2, 1875 წ.

მასალების უქონლობა საშუალებას არ გვაძლევს ზუსტად და-  
ვადგინოთ გლებთა კერძო საკუთრებაში მყოფი მიწის რაოდენობა.  
ამასთან, სავარაუდებელია, რომ XIX საუკ. ბოლოსათვის ასეთი  
11700 დესეტინა მაინც იქნებოდა. ამ დროს მაზრაში მესაკუთრე  
გლებთა 1934 კომლი იყო. ამათგან 1237 კომლი მხოლოდ თითო დე-  
სეტინამდე მიწას ჰქონდა, ე. ი. გამოსყიდული და ნასყიდი მი-  
წის დიდი ნაწილი მხოლოდ მესაკუთრეთა უმცირესობას ეჭირა.

მიუხედავად ზემოაღნიშნული დაბრკოლებებისა, მდიდარი  
გლებები მაინც ასერხებენ მიწის მნიშვნელოვან ფონდის ხელში  
ჩაგდებას.

შეძლებულ გლებს მეტი რაოდენობით გააჩნდა არა მარტო  
მიწა, არამედ ინვენტარი და მუშა პირუტყვი. ეს მას საშუალებას  
აძლევდა დაემუშავებინა თავისი კუთვნილი მიწები და აგრეთვე  
იჯარით. „ჩალის ფასად“ აქლო მიწა სოფლის მცირემიწიანი გლე-  
ხებიდან, რომელნიც მოჭამაგირეობას ეწეოდნენ, ან მუშაობდნენ  
ქალაქში და რკინიგზაზე.

მიწების დიდი რაოდენობით დაგროვება ცალკეულ გლებთა  
ხელში გლებური ბურჟუაზიის გაჩენის ერთ-ერთი დამახასიათე-  
ბელი ნიშანია.

## 6. საგადასახლებო მოძრაობა

ვ. ი. ლენინი აღნიშნავდა, რომ „საგადასახლებო მოძრაობის  
განვითარება დიდად უწყობს ხელს გლებობის. განსაკუთრებით კი  
მიწათმოქმედი გლებობის დაშლას“<sup>1</sup>.

ჩვენ ზემოთ უკვე აღვნიშნეთ, რომ XIX საუკ. II ნახევარში,  
განსაკუთრებით კი რეფორმის შემდგომ, ამიერკავკასიაში დიდად  
გაიზარდა არამიწათმოქმედი მოსახლეობის რაოდენობა. ქალაქებისა  
და სავაჭრო-სამრეწველო დაბების მოსახლეობა, შედარებით სოფ-  
ლის მოსახლეობასთან, სწრაფად იზრდება. ეს ხდება უმთავრესად  
მოსახლეობის მექანიკური მოწრობის შედეგად. სოფლის მცხოვ-  
რებნი, განსაკუთრებით მისი ეკონომიურად დაბალი ფენები, გადა-  
დიან ქალაქში. მაგრამ გარდა ქალაქებში გადასახლებისავენ ბის-  
წრაფებისა, გლებებს შორის შეიმჩნევა ლტოლვა სხვა სამიწათმოქ-  
მედო რაიონებრსავენ. ახალ მიწებზე დასახლებისავენ. ამასთან, ეს  
ლტოლვა უმეტეს შემთხვევაში განხორციელებას ვერ პოულობდა,  
რადგან ამიერკავკასიაში ნაკლებად იყო აუთვისებელი მიწები, თუმ-

<sup>1</sup> ვ. ი. ლენინი, თხზ., ტ. 3, გვ. 198.

ლა. ესეც რომ არ ყოფილიყო, თავისუფალ სახაზინო მიწებზე დასახლების უფლება ქართველ გლეხებს არ ჰქონდათ; შავი ზღვის სანაპიროები კი მეფის დიდმა მოხელეებმა გაიყვეს<sup>1</sup>. როგორც ჩანს, შემდგომ ქართველ გლეხებს ყარაიას ველზე დასახლების უფლება მიუღიათ, მაგრამ იქაური კლიმატური პირობების გამო გორელი გლეხებიდან იშვიათად თუ ვინმე სარგებლობდა ამ უფლებით<sup>2</sup>.

გლეხების ერთი ნაწილი იძულებული იყო ჩრდილო კავკასიაში გადასულიყო, სადაც 900-იანი წლების დასაწყისში ქართველ გლეხთა 1600-მდე კომლი იყო. ეს გლეხები ძალიან ვიწროდ ცხოვრობდნენ. ერთი ცნობით, მათგან 14 კომლი ციმბირს მიემგზავრება, იქნებ იქ მაინც ბედმა გაგვიღიმოსო<sup>3</sup>.

გლეხთა საგადასახლებო მოძრაობას მეორე მხარეც ჰქონდა. ეს იყო მოძრაობა მთიდან ბარში დასახლებისათვის. ბარისაკენ ისწრაფიან მთიელები, როგორც ქართველები, ისე ოსები<sup>4</sup>. XIX საუკ. დასაწყისიდან იქმნება ოსთა სოფლები ჩრდილო კავკასიის დაბლობზე<sup>5</sup>. ხოლო გორის მაზრის ბარში და მთისძირა ზონაში დასახლების გაძლიერება გარკვევით შეიმჩნევა XIX საუკ. 50-იანი წლებიდან<sup>6</sup>, რაც რეფორმის შემდეგ ფართო ხასიათს ატარებს.

კავკასიის მთიელები სახლდებიან უნთავრესად თავადების: ჯავახიშვილების, ციციშვილების, ერისთავების, ფალავანდიშვილების, ამირეჯიბთა მამულებში. სახლდებიან მაზრის სამხრეთ მთიანეთში. XIX საუკ. II ნახევარში მაზრაში შეიქმნა 100-მდე სოფელი<sup>7</sup>.

გორის მაზრის ჩრდილოეთ ნაწილში მცხოვრები მთიელები, ოსები და ქართველები, ქართლელი თავადების ყმებს წარმოადგენ-

<sup>1</sup> И. Джаваков (Джавахишвили), Политическое и социальное движение в Грузии в XIX в., 1906, გვ. 42; გაზ. „ველი“, 1895, № 25.

<sup>2</sup> საქ. ცსსა, ფონდი 31, საქმე 259, ფურც. 4, 15. 1868 — 1871 წ.: 6. ლომოური, მოთხრობები, თბილისი, 1951, გვ. 32.

<sup>3</sup> ფ. გოგინაიშვილი, შინაური მიმოხილვა, უბრ. „მთაბე“, 1904, № 1, გვ. 73 — 74.

<sup>4</sup> Свод трудов местных комитетов по Кавказу, области Войска Донского, Сибири, Степному краю и Туркестану, Составил А. Кауфман, С-Петербург, 1904, გვ. 459.

<sup>5</sup> Материалы по истории осетинского народа, т. II, Сборник документов подготовлен В. С. Гальцевым, Орджоникидзе, 1942, გვ. 33; К. Двокася, Экономическое развитие осетинского крестьянства в пореформенный период (1870 — 1900 гг.), Известия Северо-Осетинского научно-исследовательского Института, т. XI, Выпуск 1, Дзауджикау, 1948, გვ. 3.

<sup>6</sup> საქ. ცსსა, ფონდი 48, საქმე 624, ფურც. 2, 1851 წ.

<sup>7</sup> საქ. ცსსა, ფონდი 414, საქმე 3, ფურც. 384 — 385, 1900 წ.



დნენ. ერეკლე II-მ თავადებს წაართვა ქსნის ხეობა და იქ მცხოვრები გლეხები სახელმწიფო გლეხებად გამოაცხადა. 1803 წელს მთავარმმართველ პ. ციციანოვის დროს თავად ერისთავების უფლებები ამ მამულებზე აღდგენილ იქნა და იქ მცხოვრებნი ხელახლა შემამუღეთა ბატონყმურ უღელში მოხვდნენ. მაზრის მთიანეთში მცხოვრები ოსების ბატონები იყვნენ, აგრეთვე, თავადი მაჩაბლები და ამილანვრები<sup>1</sup>. სენატის 1851 წლის დადგენილებით მაჩაბლების ოსებმა პირადი თავისუფლება მიიღეს. ამისათვის მაჩაბლებს დაეწინააღმდეგებინათ პენსია წლიურად 6000 მან. რაოდენობით; ამასთან, მთელი მიწა მცირედი გამონაკლისით (სახაზინო მიწები) აღიარებულ იქნა შემამუღეთა საკუთრებად. რისთვისაც მაჩაბლები მოსავლის 1/10-ს იღებდნენ<sup>2</sup>.

მთის მცხოვრებნი საგლეხო რეფორმამ კიდევ უფრო დახლართულ მდგომარეობაში დატოვა, ვიდრე ბარსა. მიწით სარგებლობისათვის მაჩაბლებს, ერისთავებს და სხვა თავადებს მთიელი გლეხები ორმხრივ გადასახადს უხდიდნენ მთელი საკომლოდან და თითოეული ოჯახიდან. 1905 წლის შემდეგ მაჩაბელთაგან ზოგმა გაყიდა თავისი უფლება მთის მცხოვრებლებში გადასახადის აკრეფისა. ეს უფლება იყიდეს ყარაბეგოვმა, ყირნოვმა, ლამბაროვმა<sup>3</sup>. ამით, რა თქმა უნდა, მთიელების ხვედრი არ გაუმჯობესებულა.

მთის მცხოვრებლები იძულებულნი არიან ეძებონ დასასახლებლად ახალი ადგილები, უმთავრესად ბარსა და მთისძირა ადგილებში. გადასახლების აუცილებლობა ნაკარნახევი იყო როგორც მიწის სიმცირითა და მიწის ნაკლები ნაყოფიერებით, აგრეთვე სათანადო სამომოსვლო გზების უქარგისობით და, რაც მთავარია, ახალი საზოგადოებრივი პირობებით, რომლებიც ახალ მოთხოვნებს უყენებდა მთიელ გლეხებს. საპირო იყო გადასახადის გადახდა, მიწის გამოსყიდვა, იაფი საფაბრიკო-საქარხნო ნაწარმის შექმნა. ყოველივე ამას კი ფული სჭირდებოდა. სწორედ ფულადი მეურნეობის განვითარებამ, კაპიტალისტურ ურთიერთობათა განვითარებამ გამოიწ-

<sup>1</sup> გ. ნ ა ჯ ა ჰ უ რ ი ძ ე, გლეხთა მოძრაობანი საქართველოში მე-19 საუკუნეში, ტფილისი, 1932, გვ. 62.

<sup>2</sup> Материалы по истории осетинского народа, Сборник документов подготовлен В. Гальцевым, т. III, 1950, гв. 12 — 14.

<sup>3</sup> З. В а н е т и, Социально-экономическое положение крестьян Юго-Осетии накануне революции, Известия Юго-Осетинского научно-исследовательского Института, Выпуск III, Сталинир, 1936, гв. 223 — 226.

ვია მთის მცხოვრებთა მისწრაფება ბარისაკენ. კავკასიის მთის მცხოვრებთა შორის, XIX საუკუნეში ფეოდალური ურთიერთობების არსებობასთან ერთად, ჯერ კიდევ ძლიერი იყო თემურ-გვაროვნული წყობილების ნაშთები. XIX საუკ. მეორე ნახევრიდან კაპიტალიზმი აშკარად არღვევს მთის კარჩაკეტილობას. მთიელი თავისი ნებისყოფის გარეშე იძულებულია ყველაფერი ბაზრის მოთხოვნილებას დაუქვემდებაროს და ზოგჯერ თავისი ცოლის რძეც კი ბაზარზე გაყიდოს<sup>1</sup>.

ხიზანთა რიცხვის ძალზე სწრაფი ზრდა მაზრაში, აგრეთვე, მიუთითებს მთის მცხოვრებთა ბარში ან მთისძირა ადგილებში დასახლების უძლიერეს ნაკადზე.

საგადასახლებო მოძრაობა, რასაც რეფორმის შემდგომ პერიოდში ჰქონდა ადგილი გორის მაზრაში და რომლის ერთი ძირითადი დამახასიათებელი ნიშანი იყო სწრაფვა მთიდან ბარისაკენ, იმ დროისათვის პროგრესულ მოვლენად შეიძლება ჩაითვალოს.

ბართან შედარებით მთა უფრო მეტად იყო ჩამორჩენილი როგორც ეკონომიურად, ისე კულტურულად<sup>2</sup>. ჩამოსახლებამდე მთიელები ძირითადად მეცხოველეობას მისდევდნენ, ჩამოსახლების შემდეგ კი ისინი უპირატესობას ანიჭებდნენ ხენა-თესვას.

გორის მაზრის ბარში თუ მთისძირა ზონაში სახლდებიან არა მარტო ქართლის კავკასიონის მთიელები — ოსები და ქართველები, არამედ აქ მოდიან სხვა მაზრებიდანაც (მაგალითად, შორაპნის მაზრიდან). ჩამოსახლებულთა უმრავლესობა მემამულეთა მიწებზე ხიზნის უფლებით სახლდება<sup>3</sup>.

ჩამოსული მოსახლეობა უახლოვდებოდა ქალაქებსა და დაბებს და აქტიურად ებმებოდა ბურჟუაზიულ ურთიერთობაში, რაც იწვევდა მათ გათვითცნობიერებას. ჩამოსულთა ერთი ნაწილი ეკონომიურად ძლიერ დაწინაურდა; იგი თავის სარგებლობაში მრავალათეულ დესეტინა მიწასა და პირუტყვის დიდ რაოდენობას იგდებს ხელში. ჩამოსულთა მეორე და უფრო დიდი ნაწილი უერთდება სოფლის ღარიბთა ფენას. შეძლებული და ღარიბი ფენების გამოყოფის პროცესი თანდათან ძლიერდება.

<sup>1</sup> თბილისში ძიძათა 2/3-ს მთიელი ქალები შეადგენდნენ, მათი უმრავლესობა გორისა და დუშეთის მაზრებიდან იყო მოსული („МДНЭБГКЗ“, т. VI, გვ. 237 — 238).

<sup>2</sup> Журн. «Юридическое обозрение», № 202, 1885, გვ. 162; Сборник сведений о Кавказе, Под редакцией Н. Зейдлица, т. II, გვ. 146.

<sup>3</sup> «МДНЭБГКЗ», т. VI, გვ. 143.

რეფორმის შემდგომ პერიოდში სულ უფრო და უფრო მეტი მნიშვნელობა ენიჭება გლეხთა შრომის გამოყენებას ე. წ. გარესარეწებზე (საშოვარზე გასვლა).

გარესარეწები XX საუკუნის დასაწყისისათვის მოსახლეობის შემოსავლის მეტად სერიოზულ დარგად იყო მიჩნეული. გორის სამაზრო კრებამ, რომელსაც მაზრის უფროსი, საგადასახადო ინსპექტორები, მომრიგებელი შუამავლები და უბნის ბოქაულები ესწრებოდნენ, აღნიშნა. რომ წელს ცუდი მოსავალი იყო ხორბლისა, მაგრამ კარგი მოსავალი იყო ღვინისა და ხილის. გარდა ამისა, მაზრის მოსახლეობას შეუძლია „ხელი მიჰყოს აგრეთვე სხვა ხელსაყრელ სარეწებს, სახელდობრ: სატყეო საქმეს, ქირაზე სიარულს, და სხვაგვარ კერძო სამუშაოს რკინიგზაზე და სხვა“<sup>1</sup>.

მოსახლეობის 1897 წლის აღწერის მიხედვით გორის მაზრის მცხოვრებთაგან გარესარეწებში უშუალოდ ჩაბმული იყო 6 221 მამაკაცი და 218 ქალი, რომელთა ოჯახებში, მათ გარდა. 2330 მამაკაცი და 3078 ქალი იყო<sup>2</sup>. მარტო რკინიგზაზე ჩაბმული იყო გორის მაზრის (ქ. გორის გამოკლებით) 1099 მამაკაცი და 8 ქალი, რომელთა ოჯახებში კიდევ 565 მამაკაცი და 1166 ქალი იყო<sup>3</sup>.

გორის მაზრის სოფლებიდან, 900-იანი წლების დასაწყისში, სამუშაოდ მიდიოდნენ როგორც ქალაქებსა და სხვა სამრეწველო ცენტრებში, ისე სასოფლო-სამეურნეო სამუშაოების შესასრულებლად აღმოსავლეთ საქართველოს სხვა ადგილებში (გარე კახეთი, ქვემო ქართლი, ქართლის მთა), დასავლეთ საქართველოში (იმერეთი) და საქართველოს ფარგლებს გარეთაც (აზერბაიჯანი, ჩრდილო კავკასია და სხვ.). მაგალითად, ს. ქვემო კალიდან ჩრდილო კავკასიაში (კავკავის მიდამოები) მიდიოდნენ სიმინდის საჭრელად და კარტოფილის ამოსაღებად. კავკავში მიდიოდნენ ფეხით, ჯგუფებად, 10—12 კაცი ერთად<sup>4</sup>. სოფ. ტირძნისის გლეხებიდან დაახლოებით 15 კაცი განჯის ვენახებში მუშაობდა<sup>5</sup>.

კავთისხევიდან, კასპიდან, ქვემო კალიდან. მეჯერისხევისა და ბევრი სხვა სოფლიდან გლეხები ყანის სამკალად ჯერ ყარაიის ველზე, ბორჩალოში, კუმისისა და კოდის მიდამოებში მიდიოდნენ,

<sup>1</sup> საქ. ცსსა, ფონდი 254, საქმე 10163, ფურც. 130, 1907 წ.

<sup>2</sup> Первая всеобщая перепись населения Российской империи 1897, т. LXIX, Тифлисская губерния, გვ. 254.

<sup>3</sup> იქვე, გვ. 156 — 157.

<sup>4</sup> ცნობა მოგვაწოდეს ქვემო კალის მცხოვრებლებმა იოსებ წიკლაურმა (75 წლ.) და სოსე პაპუაშვილმა (80 წლ.).

<sup>5</sup> ცნობა მოგვაწოდა ტირძნისის მცხოვრებმა გაბრიელ ბუჩუკურმა (68 წლ.).

ბოლო შემდეგ, როცა თავის სამკალს მორჩებოდნენ, მთის სოფლები-ბისაკენ გასწევდნენ სამუშაოდ. ქვემო მხარეში (ასე უწოდებდნენ აქაური გლეხები ბორჩალოს, კუმისსა და ა. შ.) სამუშაოს ნარდად იღებდნენ და დღეში 1—2 და ხან 3 მანეთზეც გამოდიოდნენ, მთის სოფლებში კი დღიურად მუშაობდნენ, გასამრჯელოდ ფულის გარდა მატყლს, ყველს, ერბოსა და სხვა პროდუქტებს იღებდნენ. დღეში აქ მუშა 40—50 კაპ. იღებდა.

გარესარეწების სახით, გარდა მაზრაში და მაზრის გარეთ არსებული სამრეწველო საწარმოებებისა, აღსანიშნავია ხე-ტყის დამუშავება ბორჯომის ხეობაში. 80-იანი წლების ბოლოსათვის აქაური მრსახლეობის შემოსავალი სატყეო სარეწებიდან თითოეულ კომლზე საშუალოდ 480 მანეთს შეადგენდა<sup>1</sup>. გარესარეწებზე ძალიან დიდი რაოდენობით მიდიოდნენ მთის მცხოვრებნიც. ისინი მუშაობდნენ ფაბრიკა-ქარხნებში, რკინიგზებზე, ჭიათურის მარგანეცის ამოღებაზე, მიდიან ისეთ „სარეწში“, როგორც პოლიციაში სამსახური იყო, და, ბოლოს, ამაყი მთიელი არ უკადრისობდა მზარეული-სა და ლაქიის პროფესიას<sup>2</sup>.

## 7. გლეხური ბურჟუაზიისა და სოფლის პროლეტარიატის წარმოშობა

ზემოთ ჩვენ შევეცადეთ გავვერკვია, თუ რა გზით წარიმართა ეკონომიური განვითარება რეფორმის შემდეგ პერიოდში. როგორც დავინახეთ, რაც უფრო დრო გადიოდა, მით უფრო სოფლად თანდათან მკვეთრად ისახებოდა ორი ახალი კლასი — გლეხური ბურჟუაზია და სოფლის პროლეტარიატი. ახლა ჩვენ ჯერ გასარკვევი გვაქვს საკითხი, კერძოდ, იმ მოქმედი ფაქტორებისა, რომელნიც აფერხებდნენ გლეხობის დაშლას ქართლის სოფელში.

რეფორმის შემდეგ გლეხობის სოციალურ-ეკონომიური ურთიერთობანი სრულიად ახალ პირობებში მიმდინარეობდა. ყველგან, რუსეთის მთელს უზარმაზარ იმპერიასა და, მაშასადამე, საქართველოშიც ხდება გლეხობის კლასობრივი დიფერენციაცია. მაგრამ ეს დიფერენციაცია არსებითად განსხვავდებოდა ქონებრივი დიფერენციაციისაგან. გლეხთა გარკვეულ ქონებრივ უთანა-

<sup>1</sup> Кавказский календарь на 1890 г., გვ. 45.

<sup>2</sup> საქ. ცსსა, ფონდი 414, საქმე 3, ფურც. 396, 1900 წ.

სწორობას, მის ქონებრივ დიფერენციაციას ადრეც ჰქონდა ადგილი. რეფორმის შემდეგ შექმნილ სრულიად ახალ ურთიერთობებთან დაკავშირებით ხდება გლეხობის არა უბრალო დიფერენციაცია, არამედ მისი კლასობრივი დაშლა. გლეხობის ეს დაშლა კი სრულიად თავისებური მოვლენა იყო, მისი თვისობრიობა მისივე კაპიტალისტურ ხასიათში მდგომარეობდა.

ბატონყმობის დროს გლეხობა ძირითადად ერთგვაროვან მასას წარმოადგენდა; მემამულეთა კლასთან მიმართებაში მაინც იმწოლიანი, ექსპლოატირებული კლასი იყო.

რეფორმის შემდეგ კი ძველი პატრიარქალური გლეხობა ძირფესვიანად იშლება და ჩვენ თვალწინ ყალიბდება ორი კლასი: გლეხური ბურჟუაზია და სოფლის პროლეტარიატი. პირველი მათგანი ექსპლოატატორულ, სოფლად გაბატონებულ ბურჟუაზიულ კლასს წარმოადგენს, მეორე კი დაჩაგრულსა და ექსპლოატირებულს. მათ შორის ისეთივე სხვაობა არსებობს, როგორც ქალაქად კაპიტალისტებსა და პროლეტარებს შორის.

გლეხობის ბურჟუაზიული დაშლა დაიწყო რეფორმის შემდეგ. ბაზრის განვითარება არღვევდა სოფლის მეურნეობის კარჩაკეტილ ხასიათს. საგლეხო რეფორმამ, რომელიც არსით ბურჟუაზიული იყო, დასაწყისი მისცა უმიწო და მცირემიწიან გლეხთა ფენის არსებობას. ესენი იყვნენ პირველი წვეულნი, რომელნიც ცხოვრებამ სოფლის პროლეტართა და ნახევრად პროლეტართა არმიის რიგებში ჩააყენა. შემდგომში ძლიერდება პროცესი საშუალო გლეხობის დაშლისა. მათი უდიდესი ნაწილი ღარიბთა ფენაში გადადიოდა.

კაპიტალიზმის განვითარება მხოლოდ აღმავალი ხაზით არ მიდიოდა. აღმოსავლეთ საქართველოში, კერძოდ კი, გორის მაზრაში მოქმედებდნენ რიგი ფაქტორები, რომელნიც ხელს უშლიდნენ გლეხობის კლასობრივ დაშლას, მეურნეობის კაპიტალისტურ საწყისებზე მოწყობას. დაშლის შემაფერხებელ გარემოებათაგან აღსანიშნავია, პირველ რიგში, ბატონყმობის ძლიერი ნაშთები — გლეხთა თავდახსნის შემაფერხებელი გარემოებანი, დამოუკიდებელ გლეხურ მეურნეობათა წარმოქმნის დაბრკოლება, შრომამიგების არსებობა, ნატურალური, კაბალური იჯარის უპირატესი როლი დიდი ხნის განმავლობაში; საეხსო და ნაწილობრივ საეპკრო კაპიტალის დამოუკიდებელი განვითარება; საერთოდ ეკონომიური ჩამორჩენილობა; ცარიზმის კოლონიური პოლიტიკა და სხვ.

ჩვენ ზემოთ მივუთითეთ. რომ საგლახო რეფორმა, რომელიც არსებითად ბურჟუაზიული იყო, ძლიერ ბატონყმურ ხასიათს ატარებდა. ეს ბატონყმური ხასიათი განაპირა მხარეებში უფრო ძლიერად ვლინდებოდა. ცარიზმი ყველა მასზე დამოკიდებულ ზონას ხმარობდა, რათა განაპირა მხარეების მემამულეები, რომელიც მის დასაყრდენს წარმოადგენდნენ, ნაკლებ დაზარალებული გამოსულიყვნენ ამ რეფორმიდან. ცნობილია, რომ საკომლო მიწებით გლახთა უზრუნველყოფა საქართველოში არადამაკმაყოფილებელი იყო თითქმის უფრო მეტად, ვიდრე სადმე სხვაგან მთელს იმპერიაში. როგორც უკვე აღვნიშნეთ, რეფორმამ მაზრაში სრულიად უმიწოდ დატოვა საბატონო გლახთა რამდენიმე ასეული კომლი. გლახთა საგრძნობ ნაწილს ძალზე მცირე საკომლო მიწა ერგო — სულზე 0,5—0,3 დესეტინა. გლახთა დანარჩენ ნაწილს კი მიწები მიეცა არა საკუთრებაში, არამედ მხოლოდ სარგებლობაში — ძველთან შედარებით გადიდებული ბეგარა-გადასახადების საფასურად. გლახთა უმიწოდ განთავისუფლება ამ დროს უფრო მეტად უწყობდა ხელს ძველი კაბალური ურთიერთობის შენარჩუნებას, ვიდრე კაპიტალიზმის განვითარებას.

აღმოსავლეთ საქართველოსა და, კერძოდ, გორის მაზრაში განსხვავება გლახობაში საკომლო მიწების მიხედვით. რა თქმა უნდა, უფრო ნაკლები მნიშვნელობისა იყო, ვიდრე განსხვავება კაპიტალისტური ხასიათისა, რაც გლახობას ორ ძირითად ნაწილად ჰყოფდა: მაღალ და დაბალ ფენებად. გლახთა ცალკეულ თანრიგებს შორის განსხვავება ბევრნაირი სახით გვხვდება. ეს ვლინდება, პირველ ყოვლისა, მიწის განაწილებაში. მაგრამ ისინი განსხვავდებიან არა მარტო მიწის რაოდენობით, არამედ გადასახდელთა რაოდენობით, გამოსყიდვის პირობებით, მიწათმფლობელობის ხასიათით და ა. შ.<sup>1</sup>

XIX საუკ. დასასრულისათვის გორის მაზრაში გლახთა ოთხ ძირითად თანრიგს ვხვდებით: დროებითვალდებულნი, სახელმწიფო გლახები, ხიზნები და მესაკუთრე გლახები. ისინი უბნების მიხედვით შემდეგნაირად ნაწილდებოდნენ:

<sup>1</sup> გ. ი. ლენინი, თხზ., ტ. 15, გვ. 77—78.

ცხრილი 22

გორის მაზრის გლეხური კომლექსის რაოდენობა კატეგორიებისა და უბნების მიხედვით (XIX საუკ. დასასრული)

უბნები	მესაკუთრეები	სახაზინო გლეხები	ზიზნები	დროებით-გაღმდებულნი	სულ
1. ცხინვალის	505 კომლი	1284 კომლი	2700 კომლი	2548 კომლი	7037
2. ხიდისთავის	927 "	1540 "	854 "	2064 "	5385
3. სურამის	224 "	1213 "	1157 "	1617 "	4211
4. ნეჯვრისხევის	278 "	878 "	710 "	2556 "	4422
5. ბორჯომის	—	129 "	373 "	—	502
სულ . .	1934	5044	5794	8785	21557 <sup>1</sup>

ქართლის სოფელში ძლიერად იყო გავრცელებული შრომა-მიგება — საბატონო მეურნეობის ეს ძლიერი ნაშთი. შრომაშიგების სისტემა ქართლში მეტად დიდხანს ბატონობდა. იგი სოფლის მეურნეობაში შრომის დაბალ ნაყოფიერებას იძლეოდა და, ამდენად, მასზე მხოლოდ უარყოფითი გავლენის მოზღდენა შეეძლო, რადგან პროგრესის ხელისშემშლელად გამოდიოდა.

გლეხობის დაშლის სერიოზული შემაფერხებელი მოვლენა იყო რეფორმის შემდეგ საქართველოსა და, კერძოდ, გორის მაზრაში ნატურალური იჯარის ბატონობა. ქართველი ფეოდალების დიდმა ნაწილმა, როგორც ვიცით, ვერ შეძლო სასაქონლო მეურნეობაში ჩაბმა და საკუთარი მეურნეობის ახლებურად მოწყობა. საბატონო სახნავ-სათესს ძველთაგანვე უზნიშვნელო როლი ჰქონდა ფეოდალთა ეკონომიკაში. ახლა, რეფორმის შემდეგ ხანაში, როდესაც მიწის ფონდი კვლავაც ფეოდალების ხელში დარჩა, ხოლო დროებითვალდებულებსა და ახალგაჩენილ მესაკუთრე გლეხებს საკნაო მიწა არ გააჩნდათ, ეს გლეხები კვლავ ძველ მიწისმფლობელებს მიმართავდნენ და იჯარით იღებდნენ მიწებს. საიჯარო მიწისათვის მემამულე მოსავლის გარკვეულ რაოდენობას (1/5-დან 1/2-მდე) იღებდა. იჯარათა გზით მემამულე გარე-ეკონომიურ ზემოქმედებასაც ახდენდა გლეხზე, რომელიც მას თავს ვერ აღწევდა. ეს გარემოება ათეული წლების განმავლობაში უნარჩუნებდა

<sup>1</sup> საქ. ცსსა, ფონდი 48, საქმე 2258, ფურც. 250; 1898 წ.

ბლას ფეოდალებს და აფერხებდა გლეხობის დაშლის შემდგომ გაღრმავებასაც.

გლეხობის დაშლის შემაფერხებელ ფაქტორად უნდა ჩაითვალოს ცარიზმის კოლონიური პოლიტიკა. ეს პოლიტიკა განსაკუთრებით ვლინდებოდა თვით რეფორმის კოლონიურ ხასიათში, როცა გლეხის მიერ მიწის გამოსყიდვა მემამულის სურვილისაგან დამოუკიდებლად ვერ ხდებოდა, ასე იყო დიდხანს რეფორმის შემდეგ ხანაში. მემამულე არ იყო დაინტერესებული იმაში, რომ მისგან გლეხს მიწა გამოესყიდა. მემამულეს ამაში ხელს უწყობდა სარეფორმო ღონისძიებათა გამტარებელი ბიუროკრატია.

ვ. ი. ლენინი მიუთითებდა, რომ „სადაც გლეხებს ყველაზე ნაკლებად აწუხებთ მიწის სიმცირე, შრომამიგება, გამოსაღებთა სიმძიმე, — იქ ყველაზე უფრო მეტად განვითარდა კაპიტალიზმი მიწათმოქმედებაში“<sup>1</sup>. ლენინის ამ სიტყვების საფუძველზე ჩვენ შეგვიძლია გარკვეული წარმოდგენა ვიქონიოთ თვით ქართლის სოფელში კაპიტალიზმის სუსტი განვითარების მიზეზებზეც. აღნიშნული მიზეზები, განვითარების სხვა შემაფერხებელ ფაქტორებთან ერთად, განაპირობებდნენ რა კაპიტალიზმის სუსტ განვითარებას, ამით, მაშასადამე, განაპირობებდნენ გლეხობის დაშლის შედარებით ნელ ტემპსაც.

მეფის მთავრობა ცდილობდა საქართველოში შეენარჩუნებინა პატრიარქალურ-ფეოდალური ჩაგვრა, რაც თავის მხრივ ქვეყნის საწარმოო ძალთა განვითარებას აფერხებდა. მეფის მთავრობის კოლონიური პოლიტიკის საფუძველი იყო რუსეთის ბურჟუაზიის თვალსაზრისი, რომლითაც საქართველო განიხილებოდა, როგორც კოლონია და რუსეთის ნაწარმის გამსაღებელი ბაზარი. ეს თვალსაზრისი პირდაპირ უკარნახებდა მეფის მთავრობისა და ბურჟუაზიის ბლოკს, რომ საქართველო დარჩენილიყო აგრარულ ქვეყნად და აქ შემონახულიყო ფეოდალურ-მემამულური პრივილეგიები. აქვე უნდა გავიხსენოთ ი. სტალინის სიტყვები, რომ „ცარიზმი განაპირა მხარეებში განზრახ ნერგავდა პატრიარქალურ-ფეოდალურ ჩაგვრას იმისათვის, რომ მასები მონობასა და უმეცრებაში ჰყოლოდა. ცარიზმმა განაპირა მხარეების საუკეთესო ადგილებზე განზრახ დაასახლა კოლონიზატორული ელემენტები, რათა ადგილობრივი ნაციონალური მასები ცუდ რაიონებში გაეძევებინა და ნაციონალური შუღლი გაეძლიერებინა“<sup>2</sup>.

<sup>1</sup> ვ. ი. ლენინი, თხზ., ტ. 3, გვ. 741.

<sup>2</sup> ი. ბ. სტალინი, თხზ., ტ. 4, გვ. 388.



ჩვენ ზემოთ უკვე მივუთითეთ, რომ, კერძოდ, ქართლის გლეხობა მიისწრაფოდა ნაკლებად ათვისებულ მიწებზე დასახლებისაკენ. მაგრამ მათ თავისუფალ სახელმწიფო მიწებზე დასახლების უფლება არა ჰქონდათ. საქართველოს ტერიტორიაზე ე. წ. „თავისუფალი“ მიწები ადგილობრივი გლეხებისათვის მიუწვდომელი იყო. აქ ასახლებდნენ კოლონიტებს, რომელთაც მიწები გაცილებით მეტი რაოდენობით ეძლეოდათ, ვიდრე ადგილობრივ გლეხებს ჰქონდათ.

მეფის მთავრობის პოლიტიკას, რომელსაც განაპირა მხარეების მშრომელი მასების კიდევ უფრო მეტი გაღატაკება და დაბეჩავება მოსდევდა, არ შეეძლო ხელი შეეწყო გლეხობის დაშლისათვის.

ვ. ი. ლენინის აზრით „რაც უფრო თავისუფალია გლეხობა, რაც უფრო ნაკლებად აწევბა მას ბატონყმობის ნაშთები... ბოლოს, რაც უფრო უკეთ არის გლეხობა მიწით უზრუნველყოფილი საერთოდ და მთლიანად, მით უფრო ძლიერია გლეხობის რღვევა, მით უფრო სწრაფად ჩნდება სოფლის მეწარმე-ფერმერთა კლასი“<sup>1</sup>.

მეორე მხრით, აღსანიშნავია მეფის მთავრობის ფისკალური პოლიტიკის, როგორც გლეხური მეურნეობის საერთო დონის ამძლვლების, ხელის შემშლელი ფაქტორის როლი. მოსაზრება იმ მკვლევარებისა. რომლებიც გადასახადებს მხოლოდ ოფიციალურად დაწესებული ფულადი რაოდენობით განაზღვრავდნენ და რომელთაც მიაჩნდათ, რომ გლეხი ამიერკავკასიაში უფრო ნაკლებად იყო დაბეგრილი, ვიდრე რუსეთის გუბერნიებში — სინამდვილეში არასწორი აღმოჩნდა<sup>2</sup>. ამიერკავკასიის გლეხობა უფრო მძიმე გადასახადებით იყო დატვირთული, ვიდრე რუსეთის ცენტრალური გუბერნიების გლეხობა. ქართველი ეკონომისტების გაანვარიშებით ამ მხრივ შემდეგი მღგომარეობა გვაქვს:

„80-იან წლებში ამიერკავკასიაში სახელმწიფო გლეხთა ნაღდელის 1 დესეტინა საშუალოდ იბეგრებოდა 78 კაპიკით. შიდა რუსეთში კი — 10,5 კაპიკით. 900-იან წლებიდან ჩვენში იბეგრებოდა 1 დესეტინა მიწა: სახაზინო—3 კაპ., თავაღზნაურთა —20,4 კაპ. ხოლო გლეხთა 45,5 კაპიკით. საერთოდ ამიერ-კავკასიაში მოსახლეობის მთელი დაბეგვრის ტვირთი ბევრად უფრო მძიმე იყო.

<sup>1</sup> ვ. ი. ლენინი, თხზ., ტ. 15, გვ. 154.

<sup>2</sup> Г. Т у м а н о в, Земельные вопросы и преступность на Кавказе. 1900, гл. 27 — 28.

კინემ რუსეთში. პროფ. ფ. გოგიჩაიშვილის მიერ 900-იან წლებში კაცობრივი გამოანგარიშებით ხაზინის წმინდა შემოსავალი მოსახლეობიდან ყოველ ერთ კაცზე უდრიდა: ამიერ-კავკასიაში—2,68 მანეთს, ხოლო შიდა რუსეთის შესაბამ გუბერნიებში — 1,35 მანეთს. ე. ი. ამიერ-კავკასიის (კოლონიის) მოსახლეობა ორჯერ უფრო მეტად იყო დაბეგრული<sup>1</sup>. იმ დროისათვის ეს იყო დიდი თანხა, რომლის გადახდაც უმძიმეს ტვირთად აწვა გლეხობას და ბატონყმობის ნაშთებთან ერთად ხელს უშლიდა სოფლის სწრაფ კაპიტალისტურ განვითარებას.

1907 წლის დასაწყისისათვის გორის მაზრის II საგადასახადო უბანში (მაზრაში სულ ორი ასეთი უბანი იყო) სახელმწიფო გამოსაღებთა მარტო ნარჩენები 457 355 მანეთს შეადგენდა. სახელმწიფო გამოსაღებთა აკრეფის საქმე არადამაკმაყოფილებლად იყო დაყენებული. გორის მაზრის იმავე უბნის საგადასახადო ინსპექტორი მდივანი პირდაპირ აღნიშნავდა: „გამოსაღებების აკრეფა, საერთოდ, დაყენებულია მეტისმეტად არადამაკმაყოფილებლად. სახელდობრ: გამოსაღებების აკრეფა უმთავრესად წარმოებს სოფლის თანამდებობრივი პირების მიერ, რომლებიც ძალიან იშვიათად აკმაყოფილებენ თავის დანიშნულებას განათლებითა და ზნეობრივი დონით“<sup>2</sup>.

ბოლშევიკურ პროკლამაციაში, რომელიც მიძღვნილი იყო 1861 წლის რეფორმის 45 წლისთავისადმი, ნათქვამი იყო, რომ რეფორმის შემდეგ მეფემ გლეხობას თავს მოახვია „უფრო მძიმე სახელმწიფო გადასახადები და, ამგვარად, საბოლოოდ დაარღვია გლეხური მეურნეობის საფუძვლები“<sup>3</sup>.

კავკასიის მეფისნაცვალი ვორონცოვ-დაშკოვი იძულებული იყო ელიარებინა, რომ „კავკასიის გლეხობისათვის შეუძლებელი გახდა მიწის დამუშავების საქმეში რაიმე ისეთი გაუმჯობესების შეტანა, რაც ხარჯებთან იყო დაკავშირებული“<sup>4</sup>.

ამგვარად, მეფის მთავრობის ფისკალური პოლიტიკა, ხელს უწყობდა რა მეურნეობის საერთო დაცემა-გაჩანაგებას, გლეხური

<sup>1</sup> პ. გუგუშვილი, ბატონყმობის გაუქმება საქართველოში. ჟურნ. „ბოლშევიკი“, 1939, № 9—10, გვ. 98.

<sup>2</sup> საქ. ცსსა, ფონდი 254, საქმე 10163, ფურც. 31—32, 1907 წ.

<sup>3</sup> Прокламации большевистских организации Закавказья 1904—1906 гг., 1940, Тбилиси, გვ. 208.

<sup>4</sup> Воронцов-Дашков, Всеподданнейшая записка по управлению Кавказским Краем, Тифлис, 1907, გვ. 86.

მეურნეობის საერთო დონის დაქვეითებას, ამით ხელს უშლიდა კაპიტალიზმის განვითარებას სოფლად, საერთოდ. გლებობის დაშლას, კერძოდ.

გადასახადების სიმძიმე არათანაბრად ნაწილდებოდა იმპერიის არა მარტო სხვადასხვა მხარეში, არამედ მოსახლეობის სხვადასხვა კლასებშიც. გადასახადებს სოფლად ფაქტიურად მხოლოდ გლებობა იხდიდა. ამასთან, გლებობის დაბეგვრა გადასახადებით ეკონომიური შეძლებულობის მიხედვით არ ხდებოდა. „სახაზინო გადასახადებს მიწის შემოსავლის მიხედვით კი არ ახდევინებდნენ, არამედ კომლზე აწერდნენ. ამიტომ შეძლებული გლები, შემოსავლის პროპორციულობის მიხედვით, ორჯერ და სამჯერ ნაკლებს იხდიდა, ვიდრე ღარიბი“<sup>1</sup>. საინტერესოა დაბა სურამის მაგალითი, აქ ყველა გადასახადი ჯერ სამ თანასწორ ნაწილად იყოფოდა ეროვნული შემადგენლობის მიხედვით (ქართველები, სომხები, ებრაელები). ამის შემდეგ თითოეული ჯგუფი ირჩევდა ორ წარმომადგენელს გადასახადის გასანაწილებლად. რადგანაც მთელი სახაზინო მიწები სომხებისა (ვაკრები) და მდიდარი ებრაელების ხელში იყო, ამიტომ ისინი ყველაზე ნაკლებს იხდიდნენ. გადასახადების ასეთი წესით განაწილების წინააღმდეგი იყვნენ ქართველი გლებები და ებრაელთა უმრავლესობა. გადასახადების აღნიშნული წესით განაწილება შემოღებული იყო 70-იანი წლების მეორე ნახევრიდან და ზიზარული იყო ღარიბი ფენების წინააღმდეგ. მხოლოდ ეს ფენები ეწეოდნენ ნატურალურ ბეგარა-გადასახადების ქაპანსაც<sup>2</sup>.

გლებობის დაშლის შემათერხებელ ფაქტორთაგან აღსანიშნავია სავაქრო და სავახშო კაპიტალის დამოუკიდებელი განვითარება. სავაქრო და მევახშური კაპიტალი ისტორიულად კაპიტალის პირველი ფორმები იყო. ისე, რომ კაპიტალის ეს ფორმები არსებობდნენ რეფორმამდე მრავალი საუკუნით ადრე.

საერთოდ, სასაქონლო-ფულადი ურთიერთობის განვითარება და, ამასთან, სავაქრო და სავახშო კაპიტალი ისტორიულად ხელს უწყობდნენ ფეოდალური წარმოების წესის დაშლას, მაგრამ კაპიტალის ეს პრიმიტიული ფორმები არ ქმნიდნენ წარმოების ახალ წესს. კოლონიურ მდგომარეობაში მყოფ საქართველოში სავაქრო კაპიტალი მიმოქცევის სფეროში ფართო გასაქანს პოულობდა და დამოუკიდებლად ვითარდებოდა. ამდენად, იგი სამრეწველო კაპი-

<sup>1</sup> გ. ხ. ჯაკაურიძე, გლებთა მოძრაობანი საქართველოში მე-19 საუკუნეში, 1932, გვ. 100.

<sup>2</sup> «МДНЭНГКЭК», т. VI. გვ. 247.

ტალის განვითარებას აფერხებდა. ამავე დროს ფეოდალური მიწის-მფლობელობისა და ნატურალური იჯარის ბატონობის პირობებში სავაჭრო კაპიტალის დამოუკიდებელ განვითარებას გლახთა კლასობრივი დიფერენციაციის პროცესიც უნდა შეეფერხებინა.

სოფლად შუასაუკუნეების ძლიერი ნაშთების არსებობა დიდ სიძნელეს ჰქმნიდა კაპიტალის წარმოებაში მოსათავსებლად, ხოლო ჩვეულებრივად, „ამის ბუნებრივი შედეგია კაპიტალის დაბალი და უცუდე სიფორმების, სავაჭრო და სავაზმო კაპიტალის უდიდესი გავრცელება“<sup>1</sup> თვით XIX საუკ. მთელ პერიოდში.

სავაჭრო კაპიტალი თუ საქონლის გაცვლის სფეროში მოქმედებდა, სავაზმო კაპიტალი სესხის სახით გვევლინებოდა. ამასთან. ეს სესხი გაიცემოდა ფულის, წარმოების საშუალებათა თუ მოხმარების საგანთა სახით—გლახთა და ხელოსანთა ზედმეტი შრომის მითვისების მიზნით.

რეფორმის შემდეგ, ერთი მხრით. ფულადი გადასახადები. ბეორე მხრით კი, იაფი საფაბრიკო-საქარხნო საქონელი, მიწის გამოსყიდვისა და ყიდვის გარდაუვალი სურვილი, რასაც ეკონომიური აუცილებლობა კარნახობდა, ათასგვარი სხვა გაჭირვება აიძულებდა გლახს მიემართა მევახშეებისა და ვაჭრებისათვის. მევახშე და ვაჭარი ხშირად შერწყმული სახით გვხვდება.

ქართლის მთელი გლახობა, მისი ღარიბი და საშუალო ფენების სახით, გაბმული იყო ვაჭარ-მევახშეთა ქსელში. ისინი, ეს ვაჭარ-მევახშეები, სწოვდნენ გლახობას სისხლს და მემამულეებსა და კულაკებთან ერთად წარმოადგენდნენ ძალას, რომელიც ითვისებდა გლახის ზედმეტ შრომას.

გაზ. „სასოფლო გაზეთის“ კორესპონდენტი 1875 წელს შეზღვევნიარად აგვიწერდა ჩარჩ-ვაჭართა პარპაშს სოფლად: „ამ თვეებში შემთხვევა მქონდა გორის უეზდის ორ-სამ სოფელში დავსწრებოდი პურის ლეწვის დროს;... დაიწყება თუ არა მკა, აიღებენ თავს ქალაქის ვაჭრები (უფრო ურიები და სომხები) და პურის გალეწვამდი ასობით და ათასობით დაეხეტებიან სოფელ-სოფელ, მიადგებიან მოსახლეს კარზედ და ძალაუნებურად აჩეჩებენ ხელში დამპალს და დავარდნილს საქონელს ერთი ორათ და სამ ფასადა.

სოფლის ხალხს, რასაკვირველია, ფული ისე არ ეხერხება ხელად, როგორც ქირანახული, ამისათვის ის აიღებს და აძლევს ვა-

<sup>1</sup> ვ. ი. ლენინი, თხზ., ტ. 4, გვ. 72.

ქარს ნახევარის ფასად მდულარე ოფლით და სიმწარით მოწეულ მარგალიტივით პურსა. ამნაირად, სოფლის ხალხის მოსავალი სხვისი ხდება და ესენი, როცა შემოაკლდებათ პური, პირს ალებენ და ისევ ამ ვაჭრებისაგან წამა-სისხლად უნდა იყიდონ თავიანთი პური“<sup>1</sup>.

მეორე კორესპონდენტი გადმოგვცემს: „ვაჭარი აქლევს გლეხს სესხად ხუთ მანეთს, და ამაში ოთხი კოდი პურის ვექსილს უწერს; მოხდება, რომ მეორე წელიწადს ისეთი ცუდი მოსავალი მოვა, რომ კოდი პური სამ წანეთად ეღირება და გლეხკაცს კი არ მოუვა მოსავალი, რომ გადაიხადოს ვალი. ამითი სარგებლობს ვაჭარი, კოდს სამ მანეთად უანგარიშებს და დაუწერს თამასუქს. აი ამისთანა შემთხვევებიდან მოხდება ხოლმე, რომ ხუთი მანეთი ათი წლის განმავლობაში ორმოც და სამოც თუმნად იქცევა ხოლმე“<sup>2</sup>.

გლეხს ძალიან ხშირად უხდებოდა მიემართა მეევანშისათვის. კ. მარქსი მიუთითებდა: „საკმარისია წვრილ გლეხს ძროხა მოუყვდეს, და მას უკვე აღარ შეუძლია თავისი რეპროდუქცია კვლავ განაგრძოს ძველი მასშტაბით. მაშასადამე, იგი მეევანშეს უყარდება ზელში და, რაკი ერთხელ ჩაუვარდა, მერე ვერასოდეს თავს ვერ დააღწევს იქიდან“<sup>3</sup>.

ფ. ენგელსი ამბობდა: „Налогъ, неурожай, разделы между наследниками, судебные процессы гонят одного крестьянина за другим к ростовщичу, задолженность распространяется все шире и становится для каждого в отдельности все тяжелее“<sup>4</sup>.

ნიკო ლომოური მოთხრობაში „ალი“ შემდეგნაირად აგვიწერდა ნევანშეთა მოქმედებას: „ჩვენს მხარეში ყველამ კარგად იცის ხანამ გაბრიელას სახელი. აქამომდე მისი თამასუქები, რკინის ბადესავით არის გადაშლილი მთელი ჩვენი მხრის გლეხობის შრომასა და ოფლზე; თვისის ეშმაკობით, უღმერთო სარგებლის ართმევით, მოხელეების მოსყიდვით და მათის შემწეობით გლეხთა ტვინის წოვით, ის, უწინ ერთი ღატაკი მეწვრილმანე, რავდენიმე წლიან განმავლობაში გამოჩენილ მდიდარ კაცად გადაიქცა. ყველამ კარგად ვიცოდით მისი უღმერთობა; ყველას გაგვეგონა, თუ სამი ლიტრა მარილის ფასი ხუთ წელიწადს როგორ გარდუქცია ოცდაათ

<sup>1</sup> გახ. „სასოფლო გაზეთი“, 1875, № 9.

<sup>2</sup> გახ. „გუთნის დედა“, 1875, № 23, გვ. 2.

<sup>3</sup> კ. მარქსი, კაპიტალი, ტ. 3, ნაწ. 2, 1934, გვ. 130.

<sup>4</sup> Маркс, Энгельс, Соч., т. XVI, ч. II, გვ. 444.

თუმნად ერთ გლეხსა! შემდეგ უჩივლა, წაართვა ვენახი, ნათუნარი და ღვთის ამარა გაუშვა მათი საცოდავი პატრონი.

ვიცოდით ყველა ესენი და კიდეც ბევრი სხვა რამე, მაგრამ რა გვექნა?... გაჭირვების დროს მაინც ისევ მას მივმართავდით ხოლმე, რადგანაც კარგად ვხედავდით, რომ მისი მეტი გზა ჩვენს ბედობაზე სხვა არ იყო გაჩენილი. მივმართეთ კიდეც, როდესაც გაჭირვება დაგვადგა! ათი თუმანი თავნი ვალი ხუთი წლის განმავლობაში სამოც თუმნად გაგვიხადა<sup>1</sup>. ჩარჩმა გაბრიელამ ვალის დასაფარავად გლეხ დათუას ვენახი გაუყიდა. ამ შემთხვევაში ვაქარ-მევახზე ხელს უწყობდა გლეხის მოწყვეტას შრომის საშუალებებისაგან და დაქირავებულ მუშათა ბაზრის ზრდას, მაგრამ ასეთი შემთხვევები შედარებით მცირე იყო. ფაქტების დიდი უმრავლესობა იმაზე მიუთითებს, რომ ვაქარ-მევახშეები დავალიანებულ წერილმწარმოებელს კაბალურ მდგომარეობაში აქცევდნენ და „სარგებლის“ სახით მათ ზედმეტ პროდუქტებს ითვისებდნენ, შრომის საშუალებისაგან, ამ შემთხვევაში მიწისაგან, მოუწყვეტლად.

გლეხობის ძირითადი მასა მემამულეებისა და ჩარჩ-ვაჭრების კაბალაში იმყოფებოდა. როგორც წესი, გლეხთა მეურნეობის პროდუქტებს ვაქარ-შემსყიდველები ადგილზევე იძენდნენ. შორეული სოფლებიდან მხოლოდ შეძლებულ გლეხებს მიჰქონდათ თავისი ნაწარმი გორში ან თბილისში.

შემსყიდველთა დიდი უმრავლესობა გორის, სურამის, ცხინვალის, ქარელის, ახალქალაქის და ახალგორის მცხოვრები ჩარჩ-ვაჭრები იყვნენ:

„ამ შემსყიდველებმა მაზრაში ერთიანი ორგანიზაცია შექმნეს და ისე მარჯვედ გაშალეს მთელს მაზრაში ქსელი, რომ თავიანთ კაბალაში მოაქციეს გლეხობა და ჩალის ფასად ყიდულობენ მათ ნაწარმს“<sup>2</sup>. ასე იყო 70—80-იან წლებში, ასევე იყო 90-იან წლებში<sup>3</sup> და შემდეგაც. კითხვაზე, რატომ თვითონ გლეხებს არ მიაქვთ თავისი ნაწარმი ქალაქებში, გლეხს მზად ჰქონდა პასუხი: სულერთია, მყიდველამდე არც იქ მიმიშვებენ, ხოლო იქაური ჩარჩი

<sup>1</sup> ნ. ლომოური, მოთხრობები, 1951, გვ. 15.

<sup>2</sup> «МДИЭБГКЗК», т. VI, გვ. 218—219.

<sup>3</sup> П. Кандуралов, Очерк виноградарства и виноделия в Карталинии, Сборник сведений по виноградарству и виноделию, Выпуск VIII, Тифлис, 1897, გვ. 78.

უფრო უსირცხვილოდ მომატყუებს, ვიდრე სოფლის ვაჭარიო<sup>1</sup>. მართლაც, გლეხთა ეს შეხედულება საფუძველს მოკლებული არ იყო. კაპიტალისტურ ხანაში ქალაქი და სოფელი ანტაგონისტურ დამოკიდებულებაში იმყოფებოდა, ქალაქი სოფელს ჩაგრავდა.

ქართლში არსებობდა სირაჯების — ღვინის ვაჭართა — მთელი კორპორაციები. ისინი გლეხებს აიძულებდნენ სწორედ იმ ფასად მიეყიდნათ ღვინო, რა ფასსაც სირაჯები თვითონ დააწესებდნენ. ღვინის „ამორწყვის შემდეგ, სირაჯი პატრონს უთავაზებს საჩუქარს და შეეხვეწება მას, რომ გაყიდულ ღვინის გარდა მან რანდენიმე ჩაფი კიდე დაუმატოს. შესახებ ამ დამატებისა დიდი ლაპარაკი ასტყდება ხოლმე, მაგრამ ბოლოს და ბოლოს პატრონი იძულებულია, ორიოდ-სამიოდ ჩაფი კიდე მეტი მისცეს თავის შოვაქრეს, თუ არა და იგი წინააღმდეგ შემთხვევაში, აწყულ ღვინოს ისევე ქვევრში უშვებს და სამუდამოდაც ესალმება მას. ნასყიდი ღვინო ვაჭარს ქალაქს ჩამოაქვს და აქ თითქმის ერთიორად ჰყიდის“<sup>2</sup>.

მაზრის გლეხობის პური, ღვინო და პირუტყვი, რაც კი გააყიდად იყო გამიზნული, თითქმის მთლიანად ჩარჩ-ვაჭართა ხელში იყო.

ოსი მოსახლეობის დიდი უმრავლესობა ცხინვალელ მევახშეთა ვალებში იყო ჩაფლული. მეცხოველეობის პროდუქტების გაყიდვისას ისინი მთლიანად იყენენ დამოკიდებულნი ცხინვალელ ვაჭრებზე. ვაჭრები ცხინვალში იაფად იძენდნენ პროდუქტებს. რათა ჯაცილებით მეტ ფასებში გაეყიდათ თბილისში. მაგალითად, 80-იან წლებში ფუთი ყველი მათ მიერ 3—5 მანეთად შეისყიდებოდა, ხოლო ყიდდნენ 6—10 მანეთად. ფუთ ერბოს ყიდულობდნენ 6—9 მანეთად, ყიდდნენ 9—12 მანეთად<sup>3</sup>.

„სადაც მიიხედამ, სულთა-მხუთავივით ჩაგვდგომია მოვალე კარებში და ლუკმა-პურს გვართმევს. ცოლშვილის ტანისამოსს გვასყიდვინებს. სუყველა ოჯახში „ვანისა და უის“ მეტს კი ვერას გაიგონებს კაცი“ — წერდა კორესპონდენტი ხაშურტიდან<sup>4</sup>.

<sup>1</sup> П. К а н д у р а л о в. Очерк виноградарства и виноделия в Картлинии, Сборник сведений по виноградарству и виноделию, Выпуск VII, Тифлис, 1897, гл. 218 — 219.

<sup>2</sup> გაზ. „იმედი“, 1881, № 1.

<sup>3</sup> «МДИЭБГКЗК», т. VI, гл. 230.

<sup>4</sup> გაზ. „ღროება“, 1882, № 124.

ჩარჩ-ვაჭრებისა და მევახშეების საძულველობაზე, აგრეთვე, კარგად მიუთითებს ხალხური ლექსი.

ერთი გლეხი ვარ საწყალი,  
სხვა სოფელ მივალ დასთანა,  
იქ პური უნდა ვიყიდო,  
გამოვიკვებო ზამთარა.  
შუა გზაზე დამილამდა,  
მიველი მიკიტანთანა;  
იმ ღამეს ისე დამიხვდნენ,  
როგორც ძმა მივა ძმასთანა.

მეორე დილა გათენდა,  
ფირცხლავ წამოხტა ვართანა,  
ასატურას ხელი წაკკრა,  
სომხურად სიტყვა გათალა<sup>1</sup>.  
ხუთი მანეთი წამართო,  
ერთი აბაზი დამრჩა-ლა,  
ისიც მიკიტანს გადუგდე.  
—მაგის წამლები გამქრალა.

ჩოთქო, მოგიკვდა გამთლელი,  
რომელმა ხელმა გაგთალა.  
აგასხა წინდის ჩხირზედა,  
მიკიტნის დახლში გაგგზავნა.  
დავწყველი, აღარ გავივლი  
ჩემს დღეში მიკიტანთანა.  
ყოველი ჩვენი ცხოვრება  
სულ მიდის ვაჟარ-კაცთანა<sup>2</sup>.

ჩარჩ-ვაჭრები უდარაჯებდნენ გლეხს არა მარტო სოფელში. არამედ გზებზედაც, რათა სისხლი ამოეწოვათ მათთვის.

გაზ. „მეურნეს“ კორესპონდენტი აღნიშნავდა, რომ „ჩარჩე-ბი საშინლად სჩაგრავენ და ხელს უშლიან სოფლის მაწარმოებ-

<sup>1</sup> აქ აღსანიშნავია, რომ, თუ ვიმსჯელებთ გვარების მიხედვით, გორის მახ-რაში XIX საუკ. 60 — 70-იან წლებში ვაჭრები ძირითადად სომხები და იბრაელები ჩანან. ხოლო 80-იანი, განსაკუთრებით კი 90-იანი და 900-იანი წლებშიცაა უკვე ბევ-რია ვაჭარი ქართული გვარით (ჩაჩანიძე, კეკელიძე, ბერიაშვილი, ბუჯიაშვილი, დარსაველიძე, ყანჩაველი, მოწონელიძე, სხირტლაძე, სანდაძე და სხვ.). საქ. ცსსა, ფონდი 254, საქმე 6655. 6656, 6901, 6902, 6903 და სხვ.

<sup>2</sup> ხალხური პოეზია. 1934, გვ. 155.



ლებს მათი ნაწარმოების გასყიდვაში და ისე აცლიან ხელიდან ნაწარმოებზე, რომ გაცარცვის თანასწორება მათი მოქმედება<sup>1</sup>.

მიმომხილველი უკვე 80-იან წლებში შემდეგნაირად ახასიათებდა მევენახეთა და ჩარჩ-ვაჭართა ტიპს:

„ყოველ საზოგადოებას, თითქმის ყოველ მათგანს, ჰყავს თავისი „სისხლისმსმელი“, რომელიც, მოხერხებულად სარგებლობს ოა ფულზე გლეხების გასაკირით. უმთავრესად ბეგარის გადასახდელად, ითრევს მათ თავის ქსელში, ბოკავს სხვადასხვა ვალდებულებათა და უპირობის ჯარიმებით, ერთი სიტყვით, „ატყუებს მათ თაღლითური გზით“, ხოლო ზოგჯერ „კანონიერი საფუძვლითაც“, შემდეგ კი რაიონში მბრძანებლობს ამ სიტყვის სრული მნიშვნელობით.

ის არის „ბ.ტონი“, რომლის სურვილი კანონია, „მებატონე“, რომლისათვისაც მუშაობს იმ მიღამოების ყმადქცეული მოსახლეობა, „გავლენიანი პირი“, რომელიც წამდაუწუმ გადააყენებს და დასვამს სოფლის ხელისუფალთ, „პატრეცემული კაცი“, რომლის წინაშე ენის ბორძიკით ლაპარაკობენ მაზრის ხელისუფალნი<sup>2</sup>.

სავაჭრო კაპიტალის სარგებლის დონე მაზრაში ძალზე მაღალი იყო. სარგებელი 80-იან, განსაკუთრებით კი 90-იან, 900-იან წლებში საშუალოდ 30%-ს უდრიდა<sup>3</sup>. თუმცა ზოგჯერ 100-დან 200%-დე აღიოდა წელიწადში. სესხის გაცემა ხდებოდა უმეტესად გირავნობის ქვეშ ან ნაწარმისა და შრომის დაკვეთით. ქართლში 150—200 მანეთის ვალში, ხან კი 60-100 მანეთად შეიძლებოდა 1/2 ჰექტარი ვენახის დაგირაობა. ვენახის პატრონი ვალდებული იყო თავისი ხარჯით შეენიშნა ვენახი და მოსავლის ნახევარი მეცა ვალის

<sup>1</sup> გაზ. „მეურნე“. 1888, № 11.

გლეხობის დამლა უბრალოდ ლატაკთა რაოდენობის გამრავლებით არ ამოიწერება. გლეხობის დამლა რთული მოვლენაა ან მთელ რაგ რთულ სოციალურ-ეკონომიურ მოვლენათა ერთობლიობა. ის პირველყოვლსა. ახალ წარმოებით ურთიერთობათა შექმნა-განმტკიცებას ნიშნავს. სავაჭრო და ნაწილობრივ სავაჭრო კაპიტალის და მოუკიდებელი განუითარება კი ხელს უწყობდა გლეხური მეურნეობის საერთო დონის დაქვეითებასა და საერთო დაბეჩავეების გაძლიერებას და არა პროგრესულ წარმოებით ურთიერთობათა შექმნას.

<sup>2</sup> «СМННБНКЗК», т. I, გვ. 257 — 259.

<sup>3</sup> ცნობა მოგვაწოდეს: კასპის მცხოვრებმა მიხა დალაქიშვილმა (89 წლ.), შეჯჯრისხევის მცხოვრებმა ისტატე მღებრიშვილმა (90 წლ.), ტირაძისის მცხოვრებმა ჩიტა ხშიადაშვილმა (98 წლ.), ავლევის მცხოვრებმა არჩილ ჯახველაძემ (91 წლ.) და სხვ.

სარგებელში. ზოგჯერ გლეხი ვალიდან ველარ ამოდიოდა და მევახშის მიერ მისი ექსპლოატაცია უფრო ხანგრძლივ ხასიათს ატარებდა, რაც იწვევდა გლეხის მეურნეობის დაქვეითებას<sup>1</sup>.

ამგვარად, ჩარჩ-ვაქრები სოფლად გაბატონებულ მდგომარეობას აღწევენ, ხოლო სოფლის მდიდარი გლეხობა (კულაკობა) თავის მხრავ აგრეთვე ეწევა მევახშეობასა და გლეხობის სხვა ფენებიდან სასოფლო-სამეურნეო პროდუქტების შესყიდვას მათი გაყიდვის მიზნით, ე. ი. მოგების მისაღებად. მაშასადამე, კულაკად: მდიდარ მეურნე გლეხად ითვლებოდა არა მარტო ისეთი დამოუკიდებელი მეურნეობის მქონე გლეხები, რომლებიც სავაქრო მიწათმოქმედებას ეწეოდნენ, არამედ სავაქრო-საწარმოო დაწესებულების მფლობელი და სხვა მათი მსგავსი ტიპები.

სავაქრო და სავახშო კაპიტალს აქვს რა ექსპლოატაციის უნარი, ზედმეტი შრომისა და მისი პროდუქტის მითვისების უნარი, თუ დამოუკიდებლად ვითარდება, მაშინ ის პროგრესს ხელს არ უწყობს. დამოუკიდებლად განვითარებისას „მევახშეობა არ სცვლის წარმოების წესს, მაგრამ მას მიეკვრის როგორც პარაზიტი და მას საბრალოდ ხდის. იგი სწოვს მას, სისხლიდან სცლის და რეპროდუქციას აიძულებს სულ უფრო და უფრო უბადრუკ პირობებში სრულდებოდეს. აქედან — ხალხის სიძულვილი მევახშის მიმართ“<sup>2</sup>.

ვ. ი. ლენინი მიუთითებდა, რომ „რაც უფრო ძლიერად არის განვითარებული სავაქრო და სავახშო კაპიტალი, მით უფრო სუსტად არის განვითარებული სამრეწველო კაპიტალი (=კაპიტალისტური წარმოება), და პირიქით“<sup>3</sup>. ლენინი ასკვნიდა, რომ „სავაქრო და სავახშო კაპიტალის დამოუკიდებელი განვითარება ჩვენს სოფელში აფერხებს გლეხობის დაშლას“<sup>4</sup>. ცოტა უფრო ქვემოთ ლენინი ამბობს: ჩვენ განვაყენებთ „დაშლის შემათერხებელ ამ ფაქტორ-

<sup>1</sup> ლენინი წერდა: „რაც უფრო მაღალია გლეხობის კეთილდღეობა საზოგადოდ, მით უფრო ჩქარა მიმდინარეობს გლეხობის ეს დაშლა კაპიტალისტურა სოფლის მეურნეობის ანტაგონისტურ კლასებად“. ვ. ი. ლენინი, თხზ., ტ. 13, გვ. 295.

<sup>2</sup> ვ. მარქსი, კაპიტალი, ტ. 3, ნაწ. 2, 1934, გვ. 127.

<sup>3</sup> ვ. ი. ლენინი, თხზ., ტ. 3, გვ. 200.

<sup>4</sup> იქვე, გვ. 202.

რებს: კაბალას, მევახშეობას, შრომამიგებას და სხვ.<sup>1</sup> ამგვარად, მევახშეობა შრომამიგების მსგავსად წარმოადგენდა გლეხობის კლასობრივი ღიფერენციაციის შემადგერხებელ ფაქტორს.

სავაქრო და სავახშო კაპიტალის როლის განხილვისას უეჭველად შეინიშნება განსხვავებული მნიშვნელობა სავაქრო კაპიტალსა და სავახშო კაპიტალს შორის. სავაქრო კაპიტალი აჩქარებდა სასაქონლო მეურნეობის განვითარებას, ხელს უწყობდა სხვადასხვა ქვეყნებსა და თვით ერთი ქვეყნის შიგნით ეკონომიურ კავშირ-ურთიერთობათა განმტკიცებას, მნიშვნელოვან როლს ასრულებდა ნაციონალური ბაზრის შექმნის საქმეში.

ამასვე ვერ ვიტყვივით სავახშო კაპიტალზე. მევახშეებისადმი დავალიანება წვრილ მწარმოებლებს აიძულებდა თავისი პროდუქციის სულ უფრო და უფრო მეტი ნაწილი გაეყიდათ ბაზარზე, რათა გადაეხადათ ვალი და ვალის პროცენტი. მევახშეთაგან აღებულ სესხს, როგორც წესი, მევალე როგორც კაპიტალს ისე კი არ იყენებდა, არამედ როგორც საგადასახადო ან შემსყიდველ საშუალებად. ამიტომ, მევახშეობის ფართო განვითარება ხელს უწყობდა მევალეთა მეურნეობის რღვევასა და, საერთოდ, საწარმოო ძალების დაცემას. მევახშეობა დამოუკიდებლად განვითარებისას გლეხის მეურნეობას ეკვრის, როგორც პარაზიტი, რის შედეგადაც გლეხის მეურნეობაში რეპროდუქცია უფრო და უფრო უზადარუკ პირობებში სრულდება.

სავაქრო და სავახშო კაპიტალის შესახებ მარქსი და ლენინი მიუთითებენ, რომ ისინი, ერთი მხრით, ხელს უწყობენ საკუთრების კაპიტალიზმამდელი ფორმების რღვევას, ხოლო, მეორე მხრით — დამოუკიდებლად განვითარებისას არ ჰქმნიან წარმოების ახალ წესს, არამედ აქვთ წარმოების ძველი წესის შენარჩუნების ტენდენცია. სავახშო და სავაქრო კაპიტალი დამოუკიდებლად განვითარებისას მწარმოებელს მევახშესა და ვაქარ-შემსყიდველთან კაბალურ ურთიერთობაში აგდებს, მწარმოებელი მათგან პირადად დამოკიდებული ხდება. ამასთან ერთად, სავახშო და სავაქრო კაპიტალი ხელს უწყობს ფეოდალურ-ბატონყმური ნაშთების შენარჩუნებას.

მევახშისათვის სასარგებლო არ არის, რომ გლეხი წარმოების საშუალებებისაგან სავსებით გაათავისუფლოს, რადგან შემდეგ მას ბევრს ვერაფერს გამოჩეხება, არსებულ წვრილ მეურნეობაზე მი-

<sup>1</sup> ვ. ი. ლენინი, თხზ., ტ. 3, გვ. 202

წებებით კი ნახულობს მოგებას, ითვისებს გლეხის ზედმეტ შრომას. კ. მარქსი აღნიშნავდა: „მევახშეობა, ისე როგორც ვაჭრობა, ბოცეპული წარმოების წესის ექსპლოატაციას ეწევა, არ ჰქმნის მას, მისდამი გარეგნული დამოკიდებულება აქვს. მევახშეობა პირდაპირ ცდილობს მის შენარჩუნებას, რათა შეეძლოს ისევ და ისევ გასწიოს მისი ექსპლოატაცია; მევახშეობა კონსერვატიულია, იგი მხოლოდ აჩანაგებს არსებული წარმოების წესს“<sup>1</sup>.

ამრიგად, ლენინის მიერ გამოთქმული დებულება რეფორმის შემდგომი ხანის რუსეთის მიმართ საქართველოს მაშინდელ სინამდვილესაც შეესაბამება. აღვნიშნავთ რა სავაჭრო და სავაზრო კაპიტალის შემაფერხებელი როლის შესახებ, ამით, რა თქმა უნდა, არ უარყოფთ ვაჭრობა-მევახშეობის როლს წარმოების ძველი წესის დაშლისა და ახლისათვის პირობების მომზადების საქმეში. სავაჭრო კაპიტალი წარმოებაშიაც იღვამდა ფესვებს. გორის, სურამისა და ცხინვალის ვაჭრები იძენენ უმთავრესად წისქვილებს. ბალვენახებსა და სახნავ მიწებს სხვადასხვა სოფლებში<sup>2</sup>.

გორელ მოქალაქე დიმიტრი ქიტიაშვილს სოფ. ხიდისთავში საკუთარ მიწაზე ჰქონია გაშენებული 8,5 დესეტინა ბალვენახი. მასვე ეკუთვნოდა ორთვლიანი წყლის წისქვილი და სამკედლო. იმავე სოფელში საკუთარ მიწაზე მოწყობილი ჰქონდათ ორსართულიანი, სამთვლიანი წისქვილი გორის მცხოვრებთ ზაქარია და გიორგი როლანოვებს<sup>3</sup>.

სოფელ ახალქალაქში საზიაროდ ჰქონდათ ორთვლიანი წყლის წისქვილი თავად დიმიტრი და ივანე თარხანმოურავებსა და თბილისის მცხოვრებთ სტეფანე და იაკობ ნაზაროვებს. ამავე სოფელში ორთვლიანი წისქვილი ეკუთვნოდათ თბილისელ მოქალაქეებს სიმონ და არტემ დავილოვებს. სოფ. ერთაწმინდაში თბილისელ მოქალაქეებს ნაზარ და ივანე ნაზაროვებს ეკუთვნოდათ, აგრეთვე, ორთვლიანი წისქვილი<sup>4</sup>.

ვაჭართა შორის, ცხადია, იყვნენ ისეთებიც, რომლებიც მხოლოდ ვაჭრობით არ კმაყოფილდებოდნენ, არამედ მარჯვედ ახამებდნენ სავაჭრო და სავაზრო ოპერაციებს ან ქმნიდნენ სავაჭრო-სამრეწველო დაწესებულებებს.

<sup>1</sup> კ. მარქსი, კაპიტალი, ტ. 3, ნაწ. 2, გვ. 140.

<sup>2</sup> საქ. ცსსა, ფონდი 126, საქმე 1234, ფურც. 2, 1845; ფონდი 48, საქმე 1248, 1873 წ.

<sup>3</sup> იქვე, ფონდი 254, საქმე 374, ფურც. 326, 338, 359, 1887 — 1888 წწ.

<sup>4</sup> იქვე.

გორელი ვაჭარი ესტატე მთვარელიძე თხოულობდა 1904 წელს მისთვის დამატებითი გამოსაღების შემცირებას, რადგან მას ღუქანი კი არა, ღვინის სარდაფი ჰქონდა, რის გამოც, მისი თქმით, ბრუნვა ნაკლები იყო. მთვარელიძის საჩივარი განუხილავს გორის საგადასახადო დაწესებულებას, რომელსაც აღნიშნული აქვს: „მთვარელიძე წინასწარ ყურძნის დაკრეფამდე ფულის გაცემის გზით ღვინოს იაფად იძენს, რის გამოც შესაძლებლობა აქვს აწარმოოს არა მარტო წვრილი გაყიდვა, არამედ საცალოც სხვა სამიკიტნობზე, რის გამოც მისი სავაჭრო ბრუნვა მნიშვნელოვნად გაიზარდა“<sup>1</sup>.

ქართლში სავაჭრო-სამრეწველო დაწესებულებათა შორის აღსანიშნავია გიგო სოლოლაშვილის მეურნეობა (ს. პატარა მეჯვრისხევი). გიგო სოლოლაშვილი, რომელიც ფართლითა და სხვა საქონლით ვაჭრობდა, სოფლის მეურნეობასაც ეწეოდა. მას ღუქნები გახსნილი ჰქონდა პატარა მეჯვრისხევში, ნადარბაზევში, ფლავისმანში, მერეთში, ქვეშში. ჰქონდა საქსოვი სახელოსნოც, სადაც 2 კაცი მუშაობდა. ქსოვდნენ საჩოხე შალებსა და იარღალს (ბამბის უხეში ქსოვილი, რომელსაც საცვლებად და ლოგინისათვის ხმარობდნენ), ჰქონდა საკუთარი სამღებროც. სახელოსნოსა და სამღებროში მანქანებს არ იყენებდა. ჰქონდა არაყის სახდელი ქარხანა, სადაც ერთდროულად ამუშავებდა სამ ქვებს, რომელთაც 5 კაცი ემსახურებოდა. გამოხდილ არაყს თბილისში სარაჯიშვილს აბარებდა. ჰქონდა წისქვილი. ფართოდ იყენებდა დაქირავებულ შრომას, მარტო 20-დე მოჯამაგირე ჰყავდა. აბამდა საკუთარ გუთნეულს, ჰყავდა 10 ცხენი, 6—7 ძროხა და სხვა საქონელი. მემამულე ერისთავებს მასთან 50 დესეტინამდე მიწა ჰქონდათ დაგირავებული. ამ მიწას თვითონ ამუშავებდა. ჰქონდა 3 დესეტინა საკუთარი ვენახი. დაახლოებით 5 დესეტინა ვენახი კი გირაოდ ჰქონდა აღებული. ვენახებს ამუშავებდნენ მათი პატრონი გლეხები, რომლებიც მოსავლის ნაწილს სოლოლაშვილს აძლევდნენ<sup>2</sup>.

სავაჭრო-სამრეწველო დაწესებულების ასეთივე ნიმუშად შეიძლება ჩაითვალოს ცხინვალში ანა მურადოვას საკუთარ შენობაში გახსნილი ღუქანიც. ამ ღუქანს ემსახურებოდა დახლიდარი და ორი პუშა. ღუქანთან ერთად მურადოვას საკმაოდ მოზრდილი საკუთარი ვენახიც ჰქონია.

<sup>1</sup> საქ. ცსსა, ფონდი 254, საქმე 20070, ფურც. 12, 1904 წ.

<sup>2</sup> ცნობა მოგვაწოდა მეჯვრისხევის მცხოვრებმა დავით ზონასურიძემ (88 წლ.).

ვაკარ მურადოვას შესახებ გორის საგადასახადო დაწესებულება (Раскладочное Присутствие) შემდეგი სახის საინტერესო ცნობას გვაწვდის: „დაწესებულების თავმჯდომარის მიერ შეკრებილი მონაცემებისა და აგრეთვე მისი სხვა თანამშრომლების ხელში მყოფი ცნობების მიხედვით, მურადოვა თავის დუქანში ჰყიდის ლვინოს, რასაც ან საკუთარი ვენახიდან (3 1/2 დეს.) მიღებული მოსავლიდან აყენებს, ან ყიდულობს ცხინვალის რაიონის სხვა მევენახეებისაგან; მისი დუქნიდან მარაგდებიან დაბა ცხინვალის დუქნები და სამიკიტნოები; ამის გამო მურადოვას სავაჭრო ბრუნვა არავითარ შემთხვევაში არაა 4000 მანეთზე ნაკლები“<sup>1</sup>.

მართლაც, გორის მაზრაში ვაჭრები თუ კაპიტალს აბანდებდნენ სავაჭრო მიწათმოქმედების ამა თუ იმ დარგში, ეს პირველ რიგში ითქმის მევენახეობასა და მეხილეობაზე.

ვაჭრები საკუთრებაში შექმნილ ბალ-ვენახებს ან იჯარით აღწევდნენ გლეხებს დასამუშავებლად (უმეტესად სანახევროდ), ან თვითონ უძღვებოდნენ მეურნეობას. უკანასკნელ შემთხვევაში დაქირავებულ შრომას იყენებდნენ.

გორის მაზრაში სავაჭრო დაწესებულებების მეპატრონეთა შესახებ სხვადასხვა მონაცემების განხილვის დროს ყურადღებას იქცევს ის ფაქტი, რომ მათი უდიდესი უმრავლესობა დაკავებული იყო წმინდა სახის სავაჭროებში და რომ სავაჭრო-სამრეწველო დაწესებულებები ძალზე იშვიათი იყო. ჩვენ უმთავრესად გვხვდება წვრილი სავაჭროები, ფართლეულის მაღაზიები, ტრაქტორები, დუქნები და სხვა. ზოგჯერ არის შემთხვევები, როცა სავაჭროთა მეპატრონენი დაკავშირებულნი არიან სოფლის მეურნეობასთან, განსაკუთრებით მევენახეობასთან. საკუთარ მამულებში მოყვანილი ღვინით ამარაგებენ თავის სავაჭროებს (დუქანი, ტრაქტორი, ღვინის სარდაფი და სხვ.). ამასთან, ასეთ ვაჭარ-მრეწველთა რაოდენობა მაზრაში XX საუკუნის დასაწყისშიაც კი ძალიან ცოტა იყო. ასეთი ფაქტები იმაზე მიუთითებდა, რომ თუმცა ნელი ტემპით, მაგრამ მაინც ძირი ეთხრებოდა სავაჭრო კაპიტალის დამოუკიდებელ განვითარებას, მის ამ გაბატონებულ ფორმას. უკვე სამრეწველო კაპიტალისადმი დაქვემდებარებული სავაჭრო კაპიტალი, რა თქმა უნდა, სწრაფი ტემპით შეუწყობდა ხელს გლეხობის კლასობრივ დაშლას.

<sup>1</sup> საქ. ცსსა, ფონდი 254, საქმე 20070, ფურც. 12, 1904 წ.

გორის მაზრაში XIX საუკ. მეორე ნახევარში სავაჭრო და სავაზრო კაპიტალს (განსაკუთრებით უკანასკნელს) უფრო მეტად აქვს დამოუკიდებლად განვითარების, ვიდრე სახეცვლილების, ტენდენცია, რადგანაც წარმოებაში კაპიტალის მოთავსება უფრო ნაკლები რაოდენობით წარმოებს. მართალია, სავაჭრო და სავაზრო კაპიტალი წარმოების კაპიტალისტურ წესებზე გადასვლის ზოგიერთ წინაპირობას ჰქმნიდა, მაგრამ სავაჭრო და სავაზრო კაპიტალის დამოუკიდებელი განვითარება, რასაც ადგილი ჰქონდა ქართლში XIX საუკ. მეორე ნახევარში, ამ გადასვლას ამუხრუჭებდა. მევახშეები და, აგრეთვე, ვაჭრები იშვიათად მიმართავდნენ ფულის წარმოებაში დაბანდებას, რადგან სავაზრო ან სავაჭრო კაპიტალი ამავე სახით, ე. ი. დამოუკიდებლად, უფრო დიდ შემოსავალს იძლეოდა მოგებისა და სარგებლის მოტანით. თვით 1904 წელს მიმომხილველი ა. კოფოდი მიუთითებდა, რომ მევახშეები და ვაჭრები უმეტესად ფულადი სიმდიდრის დაგროვებით კმაყოფილდებიან, ვიდრე, ვთქვათ, მიწის შეძენით. მხოლოდ გორის მახლობლად მდებარე ადგილებში ვაჭრები არ უშვებდნენ შემთხვევას, შეეძინათ ბაღ-ვენახები და წვრილი მამულები ყოვლად იაფად<sup>1</sup>.

\* \* \*

ჩვენ საშუალება არა გვაქვს ზუსტად დავადგინოთ კულაკურ კომლთა რაოდენობა მაზრაში. ცნობილია, რომ გლეხურ კომლთა ეკონომიური სიძლიერის დასადგენად საჭიროა ვიცოდეთ, რამდენი ნათესი აქვს კომლს, რამდენი სული მუშა პირუტყვი ჰყავს მას და სხვა.

რუსეთის საერობო სტატისტიკისაგან განსხვავებით იმ დროინდელ სტატისტიკას თბილისის გუბერნიაში ძალიან ნაკლებად მოეპოვება მონაცემები ჩვენთვის საინტერესო საკითხებზე პასუხის გასაცემად. თბილისის გუბერნიის სტატისტიკა გლეხური კომლების მიმართ უმთავრესად მიწის რაოდენობის ჩვენებით კმაყოფილდება. ჩვენ იძულებული ვართ გამოვიყენოთ ზოგი რამ აქედან.

გორის მაზრაში კულაკურ მეურნეობათა რაოდენობის დადგენისათვის ჩვენ იძულებული ვართ საზომად ბარსა და მთისძირა ზონაში ძირითადად მიწა მივიღოთ. რაც შეეხება მთას, აქ გლეხის ეკონომიური სიძლიერის გადამწყვეტი ფაქტორი ოთხფეხი საქონელი იყო.

<sup>1</sup> А. К о ф о д, Сельскохозяйственные очерки Закавказья, 1904, გვ. 77.

ამასთან დაკავშირებით ჩვენ გვაქვს ვ. ი. ლენინის უმნიშვნელოვანესი მითითება იმის შესახებ, რომ „მიწა, უეჭველია, წარმოების მთავარი საშუალებაა სოფლის მეურნეობაში; ამიტომ მიწის რაოდენობის მიხედვით ყველაზე სწორად შეიძლება ვიმსჯელოთ მეურნეობის ოდენობაზე, და, მაშასადამე, მის ტიპზეც, ე. ი., მაგალითად, იმაზე, წვრილ, საშუალო, მსხვილ კაპიტალისტურ მეურნეობაზეა ლაპარაკი თუ ისეთ მეურნეობაზე, რომელიც დაქირავებულ შრომას არ იყენებს“<sup>1</sup>.

პირველ ყოვლისა, გათვალისწინებული უნდა იქნეს ის გარემოება, რომ ამიერკავკასიასა და, მით უმეტეს, გორის მაზრაში შიდა რუსეთის გუბერნიებთან შედარებით გლეხობას გაცილებით ნაკლები მიწა ჰქონდა<sup>2</sup>. ასე მაგალითად, თუ რუსეთში იმ გლეხებს, რომელთა მეურნეობაზეც საშუალოდ 7 დესეტინა მიწა მოდიოდა, ლენინი ლატაკებს უწოდებს, ჩვენს პირობებში, კერძოდ გორის მაზრის ჩრდილო მთიანეთში, 7 დესეტინაზე მეტი ვარგისი მიწის მქონე გლეხური მეურნეობანი ერთეულები იყვნენ<sup>3</sup>.

საბატონო გლეხებმა თბილისის გუბერნიაში 1864 წელს კომლზე საშუალოდ 3,9 დესეტინა მიწა მიიღეს, ნაცვლად 5,9 დესეტინისა, რაც მათ ჰქონდათ რეფორმამდე. 1900 წლისათვის დროებითვალდებულ გლეხთა თითოეულ კომლზე საშუალოდ 1—1<sup>1</sup>/<sub>2</sub> დესეტინა მიწა მოდიოდა, ხოლო გლეხის ოჯახის ყველაზე მცირე მოთხოვნილებათა დასაკმაყოფილებლად საჭირო იყო გლეხს მოეხსნა და დაეთესა 6—10 დესეტინა მიწა მაინც<sup>4</sup>. იმ პერიოდში, მიწათმოქმედებაში ერთი და ორმინდვრიანი სისტემის ბატონობასთან დაკავშირებით, გლეხს რომ ყოველწლიურად 6—10 დესეტინა ნახნავი ჰქონოდა, ამისათვის საჭირო იყო მისთვის მიწა 10—20 დესეტინის რაოდენობით. სწორედ 10—20 დესეტინა ვარგისი მიწა მაინც უნდა ჰქონოდა საშუალო გლეხს, რომ მისი ოჯახის შემოსავალს გასაევალი დაეფარა. აგრონომ ა. დეიჩმანს მიაჩნდა, რომ ჩვენთან ყოველი გლეხის ოჯახს მინიმალურ მოთხოვნი-

<sup>1</sup> ვ. ი. ლენინი, თხზ., ტ. 16, გვ. 538.

<sup>2</sup> Ф. Гогичайшвили, Малоземелье среди крестьян Закавказья, Тифлис, 1903, გვ. 11.

<sup>3</sup> З. Н. Ваняев, Крестьянский вопрос и крестьянское движение в Юго-Осетии в XIX веке, Сталинири, 1956, გვ. 325.

<sup>4</sup> А. Кипшидзе, Исторический очерк деятельности Тифлисского губернского по крестьянским делам Присутствия (1864—1900 гг.), журн. „Кавказский вестник“, 1901, № 9, გვ. 107.



ლებათა დასაკმაყოფილებლად სკირდებოდა არანაკლებ 24 დესეტინა მიწისა. სწორედ 24 დესეტინა ნაყოფიერი მიწა სკირდება გლეხის ოჯახსო — ამბობს ის<sup>1</sup>. ვ. ი. ლენინი განსაზღვრავდა, რომ „ვიანაჩრობით ცხოვრებისათვის შექმლებულ საადგილმამულო მეურნეობაში საჭიროა სულ ცოტა 15 დესეტინა“<sup>2</sup>.

გლეხობის ის ნაწილი, რომელიც 20—25 დესეტინაზე მეტ მიწას ამუშავებდა, შეიძლება მდიდარ გლეხებად ჩაგვეთვალო (900-იან წლებში მაზრაში გლეხთა დაახლოებით 500 კონლი თითოეული ფლობდა 20 დესეტინაზე მეტ მიწას), რადგან ისინი პროდუქტებს აწარმოებდნენ უმთავრესად ბაზარზე გასატანად. ანავე დროს, 20—25 დესეტინა და მეტი მიწის დამუშავება. როგორც წესი, დაჭირავებული შრომის გამოყენებას გულისხმობდა.

რატომ ვიღებთ, სახელდობრ, მიწის რაოდენობას არანაკლებ 20—25 დესეტინისა შექმლებული გლეხის ეკონომიური სიძლიერის დამადასტურებელ მინიმალურ ზღვარად? რუსეთის გუბერნიებში, ჩვეულებრივად, ეს მინიმალური ზღვარი 25 დესეტინა ნათესს შეადგენდა. იქ გლეხის ოჯახის მინიმალურ ნოთხოვნილებათა დასაკმაყოფილებლად ანგარიშობდნენ 16—18 დესეტინა ნათესს. მაგრამ ეს იყო რუსეთში. ჩვენი აზრით, საქართველოს მაშინდელ პირობებში შესაძლებელია დავუშვათ შედარებით ნაკლები რაოდენობა. ვიღებთ რა შექმლებული გლეხისათვის მიწის რაოდენობის მინიმუმს 20—25 დესეტინის რაოდენობით, ჩვენ ვთვლით. რომ აქაური გლეხი მხოლოდ მარცვლეულის ნათესებზე არ იყო დამოკიდებული. მას თავისი ფართობის გარკვეულ ნაწილზე გაშენებული ჰქონდა ძვირფასი სპეციალური კულტურები (გორის მაზრაში ყველაზე მნიშვნელოვანი იყო ვაზი და ხეხილი). ეს გარემოება კი მკვეთრად სცვლის სურათს მფლობელის სასარგებლოდ. რადგან ბალი ან ვენახი გაცილებით მეტ შემოსავალს იძლევა, ვიდრე ჩვეულებრივ შეუძლია მოგვეცეს სხვა სახის სპეციალურმა კულტურამ (კარტოფილი, კანაფი და სხვ.).

მეორე მხრით, ტექნიკურ თავისებურებათა გეო მიწათმოქმედების ინტენსიფიკაცია ხშირად მეურნეობის წარმოებისა და კაპიტალიზმის ზრდას იწვევს ისე, რომ მეურნეობაში დამუშავებული

<sup>1</sup> Занискии Канказского Общества Сельского хозяйства. 1856, кн. III, 83-96.

<sup>2</sup> ვ. ი. ლენინი, თხზ., ტ. 15, 83-77.

მიწის საშუალო რაოდენობის შემცირებაც კი ზღვება. ამ დროს შეძლებულ გლეხთა მეურნეობაში მიწაზე კაპიტალი მოქმედებს. ეს კი იწვევს ტექნიკურ ცვლილებებს, მიწათმოქმედების ინტენსიფიკაციას. სასოფლო-სამეურნეო მანქანა-იარაღების გაუმჯობესებისა და მათი გამოყენების ზრდას. დაქირავებული შრომის გამოყენების ზრდას და ა. შ.

ბარად. როგორც წესი, ყოველი შეძლებული გლეხი ცდილობდა ნათესების ფართობის გადიდებასა და ბალ-ვენახების ფართობების გაზრდასთან ერთად საკმაო რაოდენობით მუშა პირუტყვის ყოლას. ბარის მძიმე ნიადაგები დიდი რაოდენობით მოითხოვდნენ გუთანში შესაბამელად მუშა საქონელს. საშუალო გლეხს 3—4 სული მუშა საქონელი მაინც უნდა ჰყოლოდა, რომ სხვა გლეხებთან ერთად გუთანი შეეხა. მდიდარ გლეხს კი, სავარაუდებელია, რომ 5 სულზე მეტი ეყოლებოდა. ისეთ კომლთა რიცხვი. რომელსაც შეეძლო გუთნეული დამოუკიდებლად გამოეყვანა მაზრაში, დაახლოებით 4<sup>1</sup>/<sub>2</sub>-ს არ აღემატებოდა<sup>1</sup>.

ვ. ი. ლენინი აღნიშნავდა: „კომლზე 15 დესეტინამდე მიწის მფლობელობანი მივაკუთვნოთ პირველ ჯგუფს. — ესაა გაჩანაგებული, ბატონყმური ექსპლოატაციით წელში გაწყვეტილი გლეხობა. მეორე ჯგუფს შეადგენს საშუალო გლეხობა — 15-დან 20 დესეტინამდე მფლობელობა. მესამეს — შეძლებული გლეხობა (გლეხური ბურჟუაზია) და კაპიტალისტური მიწათმფლობელობა, 20-დან 500 დესეტინამდე“<sup>2</sup>. მეორე ადგილას ლენინი მიუთითებდა, რომ „მდიდრებად ჩაითვლებიან მხოლოდ 30 დესეტინაზე მეტის მფლობელები“<sup>3</sup>. გამოვდივართ რა ლენინის ამ მიუთითებებიდან, ჩვენ ვფიქრობთ, რომ ქართლის ბარსა და მთისძირა სოფლებში 20—25 დესეტინისა და მეტის მფლობელი გლეხების ძირითადი ნაწილი შეიძლება მივაკუთვნოთ გლეხობის ზედა ფენას. ამასთან, გამორიცხული არ არის. მაგალითად, იმის შესაძლებლობა, რომ მთელი მიწის ფართობის ნაწილი უეარგისი იყო. გორის მაზრაში ყველგან ერთნაირად ნაყოფიერი მიწები არ ყოფილა. ურწყავი და მით უმეტეს ხრიოკი ნიწები ჩვეულებრივად ძნელი დასამუშავებელი იყო და ნაკლებ მოსავალს იძლეოდა.

<sup>1</sup> И. Веретенников, По поводу податной реформы на Кавказе, журн. «Русская мысль», 1902, книга VII, гл. 125.

<sup>2</sup> ვ. ი. ლენინი, თხზ., ტ. 15, გვ. 80.

<sup>3</sup> ვ. ი. ლენინი, თხზ., ტ. 13, გვ. 272.

მნიშვნელობა იმასაც ჰქონდა, თუ რისთვის გამოიყენებოდა ეს ფართობი. გორის მაზრაში ხელსაყრელი პირობების გამო ხვნათესვასა და მესაქონლეობასთან ერთად დიდად შემოსავლიანი კულტურები მევენახეობა და მეხილეობა იყო განვითარებული. ამიტომ, შეძლებული გლეხური კომლის საკუთრებაში არსებული მიწის დიდ ფართობზე ვენახი და ბაღი მნიშვნელოვანი რაოდენობით იგულისხმებოდა.

გლეხური კომლის ეკონომიურ სიძლიერეზე როცა ვლაპარაკობთ, უნდა გავითვალისწინოთ, აგრეთვე, კომლის სულადობა, საერთოდ. მუშახელის რაოდენობა, კერძოდ. გორის მაზრაში კი 11 და მეტი სულისაგან შემდგარ ოჯახთა რაოდენობა 1897 წელს 3226 კომლს უდრიდა<sup>1</sup>.

დიდ ოჯახებს. ცხადია. უფრო მეტი რაოდენობით შეეძლოთ გამოეყენათ მუშახელი. შეძლებულ გლეხურ კომლებში ჩვეულებრივად სულადობა უფრო მეტი იყო და, ცხადია. სამუშაოდაც მეტი მუშახელის გამოყვანა შეეძლოთ. ამასთან, ოჯახში მუშახელის სიმრავლე სრულიადაც არ გამორიცხავს დაქირავებული შრომის გამოყენებას, მით უფრო. როცა კომლს დიდი რაოდენობით გააჩნია სახნავ-სათესი, ვენახი, ბაღი, ჰყავს ბევრი მუშა საქონელი.

ამგვარად. კულაკთა რუგებში იყვნენ ის მეურნე გლეხები ან მოიჯარადრეები. რომელნიც სავაჭრო მიწათმოქმედებასა და სავაჭრო მეცხოველეობას ეწეოდნენ. მათ მოჰყავდათ არა მარტო მარცვლელი კულტურები. არამედ, და უფრო მეტად, ისეთი სპეციალური კულტურებიც. როგორიც იყო ვაზი, ხეხილი. სიმინდი, კარტოფილი და სხვ. მისდევდნენ პროდუქტული, მუშა და სახორცე პირუტყვის მოშენებას დაქირავებული შრომის გამოყენებით და გაყიდვის მიზნით. ასეთთა რაოდენობა მაზრაში სავაჭრო-სამრეწველო დაწესებულებების მფლობელებთან ერთად დაახლოებით 5—6%-ს შეადგენდა.

ამრიგად. გორის მაზრაში სავარაუდებელია როგორც კულაკურ მეურნეობათა შედარებით ნაკლები რაოდენობა, ისე თვით ამ მეურნეობათა მცირემიწიანობა. გლეხობის უხვმიწიანობა გლეხური ბურჟუაზიის მეტ სიმრავლესა და მეტ სიმდიდრეს მოასწავებდა, გლეხთა მცირემიწიანობა კი საწინააღმდეგო შედეგს გვაძ-

<sup>1</sup> Первая всеобщая перепись населения Российской империи 1897 г., LXIX, გვ. 6 — 7.

ლევს — დიდია გლეხთა მასის სილატაკე, შედარებით მცირერიცხოვანია და ნაკლებ შექმნილი გლეხური ბურჟუაზია.

ჩვენს განკარგულებაშია მასალები ცალკეულ მდიდარ გლეხურ კომლთა შესახებ 900-იანი წლების დასაწყისისათვის. ქვემოთ მოვკაქვს ზოგიერთი ცნობა.

თ ე დ ო გ ზ ი რ ი შ ვ ი ლ ი (სოფ. კასპი) სამთელიანი წისქვილის, სამი დღიური ვენახისა და საკუთარი გუთნეულის მფლობელი იყო (გუთნეულში 8 უღელ ხარ-კამეხს ანუ 16 სულ საქონელს აბამდნენ). საკუთარი მიწა შედარებით ცოტა ჰქონდა. რადგან მემზბულეებმა მას მიწა არ მიჰყიდეს. მეურნეობა უმთავრესად იჯარით აღებულ მიწაზე ჰქონდა მოწყობილი. ყოველთვის ჰყავდა ერთი ან ორი მოჯამაგირე. მუშებს სეზონურად დ დღიურადაც ჰქირაობდა. ყიდიდა 20—25 კოკა ღვინოს (კოკა=75 ლიტრს) და დიდი რაოდენობით პურს — „ნაკლები ხალხი (ღარიბები — ი. უ.) სულ მის კართან იღვა. ზოგს ფულზე მიჰყიდდა პურს, ზოგს კი მუშაობაზე აძლევდა“<sup>1</sup>.

ვ ა ს ი ლ კ ა რ ბ ე ლ ა შ ვ ი ლ ი (სოფ. ქვემო ჰალა) ყოველწლიურად 15 დესეტინა მიწას მაინც თესავდა. საკუთარი მიწა მას 12 დესეტინა ჰქონდა, აქედან ერთ დესეტინაზე მეტი ვენახი. დანარჩენს იჯარით იღებდა მემამულეებისაგან ან ღარიბი გლეხებისაგან. ჰყავდა ოთხი უღელი (8 სული) შესაბამელი საქონელი. ოჯახი 11 სულისაგან შედგებოდა. მათგან 4 მუშახელი იყო. ჰყავდა მოჯამაგირე, აგრეთვე სეზონურად და დღიურადაც ჰქირაობდა მუშებს. ყოველწლიურად 400 ფუთზე მეტ პურს ყიდიდა ვაჭრებსა და გლეხებზე (გლეხი ხშირად წაღებულ პურის ღირებულებას შესატყვისის სამუშაოს შესრულებით იხდიდა). ღვინო მოსდიოდა 100—150 კოკა (ამ სოფელში კოკა=72 ლიტრს), რომლის 2/3-ს ყიდიდა<sup>2</sup>.

ი ვ ა ნ ე ო ჩ ქ ი თ ი (სოფ. მეჯვრისხევი) ფლობდა 20 დესეტინა საკუთარ სახნავ მიწას, 2 დესეტინა ვენახსა და ორთელიან წისქვილს. დაახლოებით 10 დესეტინა სახნავ მიწას იჯარითაც იღებდა. ღვინისა და მარცვლეულის მოსავლის 3/5-ს ბაზარზე ყიდიდა<sup>3</sup>.

<sup>1</sup> ცნობა მოგვაწოდა კასპის მცხოვრებმა, გიგო მერებაშვილმა (86 წლ.).

<sup>2</sup> ცნობა მოგვაწოდეს ქვემო ჰალის მცხოვრებლებმა ნიკოლოზ თავშავაძემ (66 წ.) და იოსებ წიკლაურმა (75 წლ.).

<sup>3</sup> ცნობა მოგვაწოდა მეჯვრისხევის მცხოვრებმა დავით ხომასტრიძემ (88 წლ.).

მიხაფსუტური (სოფ. ნაწრეტი) საკუთარი გუთნეულის მფლობელი იყო. 2—3 მოჯამაგირე ყოველთვის ჰყავდა. წელიწადში 4800 ფუთამდე პური და 3200 ფუთამდე ქერი მოსდიოდა. მოსავლის უდიდეს ნაწილს ბაზარზე ყიდიდა. ოჯახში 12 სული იყო, ამთგან — ოთხი მუშახელი<sup>1</sup>.

ადიკო ღვინაძე (სოფ. კოდისწყარო), რომლის ოჯახში ორი ძმა იყო, წელიწადში 4000 ფუთ პურსა და 2000 ფუთ ქერს ლებულობდა<sup>2</sup>.

აბრამ ბეგიაშვილი (სოფ. მეჯვრისხევი) 700 დესეტინა მიწას ფლობდა, აქედან 500 დესეტინა ტყე და 200 დესეტინა სახნავი იყო. ჰყავდა საკუთარი გუთნეული, მუშახელს დიდი რაოდენობით ქირაობდა. მიწას სხვა გლებებსაც აძლევდა იჯარით<sup>3</sup>.

ზაქარია ზანგურაშვილი (სოფ. მეჯვრისხევი) 10 დესეტინა საკუთარ მიწასა ფლობდა. მიწას იჯარითაც ბევრს იღებდა. ჰქონდა 4 დესეტინა ბაღ-ვენახი. ჰყავდა საკუთარი გუთნეული და 200 სული თხა და ცხვარი. ყოველთვის ჰყავდა 2—3 მოჯამაგირე. ხოლო ყანის მკის ან სიმინდის თოხნის დროს 30—35 მუშას ერთ-ერთოვლად ქირაობდა. ერთი თვის განმავლობაში ყოველდღე ორ კალოს ლეწავდა. პური 1200 ფუთზე მეტი მოსდიოდა. წლიურად ყიფდა 800 ფუთზე მეტს პურს, ღვინის მოსავლის ნახევარს და ხილის მოსავალს თითქმის მთლიანად<sup>4</sup>.

ვანო წკრიალაშვილს (სოფ. შავშეები), რომლის ოჯახში ორი სული იყო, წელიწადში 2800 ფუთა პური და ქერი მოსდიოდა. ჰყავდა საკუთარი გუთნეული, 3—4 მოჯამაგირე. სეზონურად და დღიურადაც ბევრ მუშას ქირაობდა. 200 სულამდე ცხვარი ჰყავდა. წელიწადში 2400 ფუთ მარცვალს მაინც ყიდიდა<sup>5</sup>.

ალექსი ხმიადაშვილს (სოფ. ტირძნისი) 5 უღელი შესაბამელი ხარკამეჩი ჰყავდა. ჰქონდა 10 დესეტინა საკუთარი მიწა, ამასთან კიდევ 15 დესეტინას იჯარით იღებდა მემამულე სულხანიშვილისაგან, რისთვისაც სულ 30 მანეთს უხდიდა. ჰქონდა 2 დესე-

<sup>1</sup> ცნობა მოგვაწოდა მეჯვრისხევის მცხოვრებმა აბრამ უმეკაშვილმა (72 წლ.).

<sup>2</sup> მისივე ცნობა.

<sup>3</sup> ცნობა მოგვაწოდა მეჯვრისხევის მცხოვრებმა თედო ბეგიაშვილმა (65 წლ.).

<sup>4</sup> მისივე ცნობა.

<sup>5</sup> მისივე ცნობა.

ტინა ვენახი და წისქვილი. ჰყავდა 4 მოჯამაგირე. მუშას სეზონურად და დღიურადაც ქირაობდა. წელიწადში მას 1200—1600 ფუთი მარცვლეული მოსდიოდა. პურისა და ღვინის მოსავლის ნახევარზე მეტს ბაზარზე ყიდდა.

სოფ. ტირძნისში ასეთივე მდიდარი გლეხები იყვნენ ვ ა ნ ო და რ ა ე დ ე ნ ტ ე ტ უ ნ ა შ ვ ი ლ ე ბ ი. ვანოს ყოველთვის ჰყავდა 3-4 მოჯამაგირე, ხნავდა 24 დესეტინას (10 დესეტინა საკუთარი მიწა, დანარჩენი იჯარით). რაედენი კი წელიწადში 25 დესეტინას მაინცა სთესავდა და 1200 ფუთამდე პურსა ყიდდა. მას 4 ტონა ხილიც გაჰქონდა ბაზარზე. ჰყავდა 5 მოჯამაგირე. ორი ურემი ქირაზე დაჰყავდა<sup>1</sup>.

ს ო ლ ო მ ო ნ გ ო რ გ ი შ ვ ი ლ ი ს (სოფ. მერეთი) წლიური ნახნავი 20 დესეტინაზე მეტს შეადგენდა. მასვე ჰქონდა ბალი და ერთი დესეტინა ვენახი. ამის გარდა, მემამულე ფურცელაძეებისაგან 5 დღიურ ვენახს იჯარით იღებდა. ჰყავდა 30 სული მსხვილფეხა საქონელი. ორი ურემი ქირაზე დაჰყავდა. ბაზარზე ყიდდა ხორბლისა და ქერის მოსავლის ნახევარს, სიმინდის მოსავლის 5/6-ს, ღვინის მოსავლის 2/3-ს, 2—3 სულ მსხვილფეხა საქონელს და 15—20 ღორს, ამასთან 3—4 სულ მსხვილფეხა საქონელს კლავდა და ხორცს სოფელში ყიდდა. ყოველთვის ჰყავდა მოჯამაგირე, მუშახელს დღიურადაც ქირაობდა. ოჯახში სულ სამი მუშახელი იყო<sup>2</sup>.

ვ ა ს ო ბ ე რ უ ა შ ვ ი ლ ი (სოფ. რუისი) ფლობდა 15 დესეტინა საკუთარ მიწას. მიწას იჯარითაც იღებდა. ჰქონდა ერთი დღიური ვენახი. ჰყავდა 20 სულამდე მსხვილფეხა საქონელი (4 ულელი შესაბმელი, 3 ძროხა, 1—2 ფურკამეჩი, მოზარდი საქონელი). 300 სული ცხვარი. ოჯახში ორი მუშახელი იყო. ქირაობდა მუშას დღიურად. ჰყავდა ორი მოჯამაგირე<sup>3</sup>.

ი ა გ ო რ გ ო ქ ა ძ ე ს (სოფ. მოხისი) ოჯახში 4 მუშახელი იყო. იაგორს ჰქონდა 20 დესეტინა საკუთარი მიწა, 7—8 დესეტინას იჯარით მემამულეებისაგან ან ღარიბი გლეხებისაგან იღებდა. საიჯარო გადასახადს უმეტესად ფულად იხდიდა. ჰყავდა 27 სული მსხვილფეხა საქონელი, აქედან: შესაბმელი 4 ულელი, 4—5 ძროხა, 3 ფურკამეჩი და სხვ. ერთი ურემი ქირაზე დაუდიოდა. წელი-

<sup>1</sup> ცნობა მოგვაწოდა ტირძნისის მცხოვრებმა გაბრიელ ბუჭუქურმა (68 წლ.).

<sup>2</sup> ცნობა მოგვაწოდა მერეთის მცხოვრებლებმა შიო გორგიშვილმა (85 წლ.) და ვასო გორგიშვილმა (75 წლ.).

<sup>3</sup> ცნობა მოგვაწოდა რუისის მცხოვრებმა გიორგი ქარქუზაშვილმა.

წადში 1300 ფუთამდე მარცვლეული მოსდიოდა. აქედან ყიდილ-  
700 ფუთ ქერს და 300 ფუთ ჰურსა და სიმინდს. წელიწადში 100  
მუშაზე მეტს ქირაობდა<sup>1</sup>.

ამავე სოფლის მცხოვრებ დ ი მ ი ტ რ ი ქ ე ლ ე ხ ა შ ვ ი ლ ს  
ედგა ორსართულიანი თუნუქდახურული 8 ოთახიანი სახლი.  
ოჯახში 11 სული იყო, მათში 6 მუშახელი; ჰყავდა 40 სულამდე  
მსხვილფეხა საქონელი. აქედან 4 ფურკამეჩი, 5 ძროხა, 3 ცხენი და  
დანარჩენი მოზარდი საქონელი. აბამდა საკუთარ გუთნეულს.  
ქონდა საკუთარი მიწა 50 დესეტინამდე, აქედან ყოველ-  
წლიური ნათესი — 40 დესეტინა. მოსდიოდა 6000 ფუთი მარცვ-  
ლეული. ყიდიდა რამდენიმე ვაგონ მარცვალს (ვაგონში 766 ფუთი  
ჩადიოდა). ყოველთვის ჰყავდა მოჯამაგირე, აგრეთვე დღიურად  
ბევრ მუშას ქირაობდა<sup>2</sup>.

ი ვ ა ნ ე ნ ო ზ ა ძ ე ს (სოფ. მოხისი) 60 დესეტინა საკუთარი  
მიწა ჰქონდა. ყოველწლიურად 50 დესეტინას ხნავდა და თესავდა.  
მოსდიოდა 7500 ფუთი მარცვლეული, აქედან 6000—6500 ფუთაა  
ყიდიდა. ჰყავდა 200 სული ცხვარი, 100 დედაღორა; წელიწადში  
40—50 სულს ცხვარსა და 200 სულზე მეტ ღორსა ყიდიდა. აბანდა  
საკუთარ გუთნეულს. გუთნეულში უხარო მეხრეებს ამუშავებდა,  
სამაგიეროდ კი უხნავდა. 2 მოჯამაგირე მანც ყოველთვის ჰყავდა.  
წელიწადში 100 კაცზე მეტს დღიურად ქირაობდა. ოჯახში სულ  
ექვსი მუშახელი იყო<sup>3</sup>.

მოხისში ასევე მდიდარი იყო პ ე ტ რ ე ა მ ბ ო კ ა ძ ე, რომელ-  
საც ჰქონდა 50 დესეტინა საკუთარი მიწა. აქედან ყოველწლიური  
ნათესი 40 დესეტინა. ყიდიდა 1—2 ვაგონ მარცვლეულს, ჰყავდა სა-  
კუთარი გუთნეული, სულ — 40 სულამდე მსხვილფეხა საქონელი<sup>4</sup>.

კ ო ტ ე უ რ ო ტ ა ძ ე ს (სოფ. ქვენატკოცა) ჰყავდა 60 სული  
მსხვილფეხა საქონელი (საკუთარი გუთნეული, 7—8 ფურკამეჩი,  
2—3 ძროხა, 3—4 ცხენი და სხვ.). ათასი სული ცხვარი; ყიდიდა  
მატყლს, ყველს, 200—300 ცხვარს. ჰქონდა 100 დესეტინა მიწა  
(აქ შედის 10 დესეტინა ტყე). მისი ყოველწლიური ნათესი 80  
დესეტინას უდრიდა (პური — 30, სიმინდი — 10, ქერი — 40).  
ქერს ვაგონობით. სიმინდს კი ასეულ ფუთობით ყიდიდა. ჰყავდა  
10 მოჯამაგირე (მათგან 6 მწყემსი)<sup>5</sup>.

<sup>1</sup> ცნობა მოგვაწოდა მოხისის მცხოვრებმა ალექსი ლობჯანიძემ (81 წლ.).

<sup>2</sup> ცნობა მოგვაწოდა მოხისის მცხოვრებმა იასე ქელუნსაშვილმა.

<sup>3</sup> მისივე ცნობა.

<sup>4</sup> მისივე ცნობა.

<sup>5</sup> ცნობა მოგვაწოდა მოხისის მცხოვრებმა მიხეილ მესხმა (75 წლ.).

ლ ე ქ ს ო ი ო რ ა მ ა შ ვ ი ლ ს (სოფ. დირბი) ჰქონდა 80 დესეტინა საკუთარი მიწა, ყოველწლიური ნათესი კი 60 დესეტინას მაინც შეადგენდა. ჰყავდა 60 სული მსხვილფეხა საქონელი, აბამდა საკუთარ გუთნეულს. ჰყავდა 3 მოჯამაგირე, ხოლო დღიურად წელწადში 100 კაცზე მეტს ქირაობდა. 3 დესეტინა საკუთარი ვენახი ჰქონდა. ეს გლეხი მეფავშეობასაც ეწეოდა: მას ვალის სარგებელში გირაოდ წელიწადში 6 დესეტინამდე ვენახი ჰქონდა აღებული. საკუთარი ვენახიდან და გირაო ვენახებიდან მიღებული ღვინის 5/6 მაინც ბაზარზე გაჰქონდა. მარცვლეულსაც ვაგონობით უღიდა<sup>1</sup>.

ზ უ ნ ა მ ა ი ს უ რ ა ძ ე ს (სოფ. კნოლევი) 35 დესეტინა სახნავი მიწა და 1 დესეტინა ვენახი ჰქონდა. აბამდა საკუთარ გუთნეულს: 7 სროხა, 3—4 ფურკამეჩი და 200 სული თხა და ცხვარი ჰყავდა. წელიწადში 2 ვაგონ ქერს, 60—70 ცხვარს და 3—4 სულ მსხვილფეხა საქონელს ყიდიდა. ჰყავდა 3 მოჯამაგირე.<sup>2</sup>

ო ლ ა რ ო ო დ ი კ ა ძ ე ს (სოფ. შინდარა) ბევრი ჰყავდა მსხვილფეხა საქონელი, აგრეთვე ცხვარი და ღორი. აბამდა საკუთარ გუთნეულს, მარცვლეულს ვაგონობით ყიდიდა<sup>3</sup>.

გ ი ო რ გ ი კ ა პ ა ნ ა ძ ე ს (სოფ. წალელი) ჰყავდა 300 სული ცხვარი, 30 ღორი; აბამდა საკუთარ გუთნეულს. ჰქონდა 1,5 დღიური ვენახი. ჰყავდა მოჯამაგირე. ბაზარზე დაახლოებით ერთ ვაგონ ქერსა და ნახევარ ვაგონ პურს ყიდიდა<sup>4</sup>.

ა ნ დ რ ო კ ი ლ ა ძ ე ს (სოფ. წალელი) 4 საცხოვრებელი სახლი ედგა. აბამდა საკუთარ გუთნეულს. ჰყავდა 300—400 ცხვარი, ყიდიდა 1,5—2 ვაგონ მარცვლეულს. 2 ურემი ქირაზე დაუდიოდა<sup>5</sup>.

გ ლ ა ხ ა ტ ი ტ ვ ი ნ ი ძ ი ს (სოფ. არადეთი) ოჯახში 4 მუშახელი იყო. ჰქონდა 30 დესეტინა მიწა. ჰყავდა საკუთარი გუთნეული. ყიდიდა 800 ფუთ მარცვლეულს. ჰყავდა მოჯამაგირე, ქირაობდა მუშახელს დღიურადაც<sup>6</sup>.

ლ ა დ ო ბ ა ს ი შ ვ ი ლ ს (სოფ. ქურთა) ჰქონდა 20 დესეტინა საკუთარი მიწა. აბამდა საკუთარ გუთნეულს. ბაზარზე 1800—2000

<sup>1</sup> ცნობა მოგვაწოდეს მოხისის მცხოვრებლებმა: მიხეილ მესხმა და ალექსი ლობჯანიძემ.

<sup>2</sup> ცნობა მოგვაწოდა ოქონის მცხოვრებმა ალექსი ხარებოვმა (35 წლ.).

<sup>3</sup> ცნობა მოგვაწოდა ოქონის მცხოვრებმა მიხეილ ბუხალაძემ (75 წლ.).

<sup>4</sup> ცნობა მოგვაწოდა წალელის ყოფილმა მცხოვრებმა (ამჟამად სურამში მცხოვრებმა) სოლო კილაძემ (72 წლ.).

<sup>5</sup> მისივე ცნობა.

<sup>6</sup> ცნობა მოგვაწოდა ქარელის მცხოვრებმა იასონ ბუსიშვილმა (70 წლ.).



ფუთ მარცვლეულს ყიდიდა. ჰქონდა სამი ვენახი. მოსავალი 50 კოკა (კოკა=5 ფუთს) მოსდიოდა. ღვინის მოსავლის ნახევარს ბაზარზე ყიდიდა. მუშას დიდი რაოდენობით ქირაობდა<sup>1</sup>.

ე ფ რ ე მ ნ ე ბ ი ე რ ი ძ ე ს (სოფ. კეხვი) ჰქონდა 15 დესეტინა სახნავი, 4 დესეტინა ბალი, 3 დესეტინა ვენახი და ოთხთვილიანი წისქვილი; აბამდა ორ საკუთარ გუთნეულს, ჰყავდა მოჯამაგირეები. ამის გარდა წელიწადში 200 კაცს მაინც დღიურად ქირაობდა<sup>2</sup>.

ს ო ს ო ბ ა დ უ ა შ ვ ი ლ ს (სოფ. სასირეთი) 50 დესეტინა მიწა ჰქონდა. თესავდა 30—35 დესეტინას, მოსდიოდა 2000 ფუთამდე მარცვლეული. აქედან ყიდიდა 1500 ფუთს. ჰქონდა 1 დესეტინა ვენახი და ორთვლიანი წისქვილი. მოჰყავდა და 60 ტონამდე კომბოსტოს ბაზარზე ყიდიდა. აბამდა საკუთარ გუთნეულს. ჰყავდა მოჯამაგირე, საჭირო შემთხვევაში ქირაობდა მუშას დღიურად, ხშირად 20—30 კაცს ერთდროულად<sup>3</sup>.

ე დ ი შ ე რ გ ო გ ი ჩ ა შ ვ ი ლ ს (სოფ. ქარელი) ჰქონდა 25 დესეტინა სახნავი მიწა, 1 დესეტინა ხილის ბალი. სამთვლიანი წისქვილი. ჰყავდა 40 სული მსხვილფეხა საქონელი (აბამდა საკუთარ გუთნეულს, აგრეთვე ჰყავდა 6 ძროხა, 4 ფურკამერი და სხვ.). წელიწადში 20 დესეტინას თესავდა. ყიდიდა მოსავლის დიდ ნაწილს. კომბოსტოსა და ქარხალს დათმობილი ჰქონდა 1—2 დესეტინა მიწა. მიღებულ ბოსტნეულს თითქმის მთლიანად ყიდიდა. ჰყავდა 2 მოჯამაგირე. დღიურადაც ბევრ მუშას ქირაობდა<sup>4</sup>.

გ ა ბ ო შ ე რ დ ი ყ ო შ ვ ი ლ ს (სოფ. ბობნევი) ჰყავდა 1500 თხა და ცხვარი, 60 სკა ფუტკარი. ორი გუთნეული ხარკამერი, 10 ძროხა. წელიწადში 20 დესეტინა ნათესი ჰქონდა. ბაზარზე უმთავრესად მატყლს, თაფლს, ყველს. საკლავსა (წელიწადში 400—500 ცხვარს) და მსხვილფეხა საქონელს ყიდიდა<sup>5</sup>.

ბ ე ძ ე პ ი ლ ი ე ვ ს (სოფ. ჯომალა). ლ ე ვ ა ნ შ ა ვ ლ ო ხ ო ვ ს ა (სოფ. სლუბირა) და ყ ა რ ა მ ა ნ ბ უ რ ა ე ვ ს (ს. კახუზთა) თითოეულს 30 სულ ძროხაზე მეტი და 200 სულზე მეტი თხა და ცხვარი ჰყავდა.

<sup>1</sup> ცნობა მოგვაწოდა ქუთთას მცხოვრებმა პეტრე მინდიაშვილმა (83 წლ.)

<sup>2</sup> მისივე ცნობა.

<sup>3</sup> ცნობა მოგვაწოდა რუისის მცხოვრებმა გიორგი ქარქუზაშვილმა (74 წლ.).

<sup>4</sup> ცნობა მოგვაწოდეს ქარელის მცხოვრებლებმა: იაკობა გოგიჩაშვილმა (78 წლ.), იასონ ბუსიშვილმა (70 წლ.) და დავით ბაბლიძემ (73 წლ.).

<sup>5</sup> ცნობა მოგვაწოდა ბობნევის მცხოვრებმა (ამჟამად ატენში მცხოვრებმა) ესტატე ქერდიყოშვილმა (77 წლ.).

გბი ჩიკაევს (სოფ. მალი) ჰყავდა 28 ძროხა, 60 თხა და ცხვარი და 12 ხარი.

კოსტა ჩიოევს (სოფ. წონა), გარდა ადგილობრივი ჩიშის ძროხებისა, ჰყავდა 15 სული გერმანული ჩიშის წითელი ძროხა<sup>1</sup>.

გაუს სლანოვს (სოფ. ბრითათა) 160 სულამდე ძროხა ჰყავდა. ამ რაოდენობის ნახევარი მას ღარიბ გლეხებზე ჰყავდა გაყვანილი შესანახად<sup>2</sup>.

ქსნის ხეობაში მდიდარი გლეხები უფრო მეცხვარეობას მისდევდნენ. სოფ. ბალანში ვანო ფოცხვერაშვილს ჰყავდა 700 სული ცხვარი, ხოლო სოსიკა ბალაშვილს — 800 სული. სოფ. დადიანეთში ბარამბერიანიძეს ჰყოლია 800 ცხვარი. ტუჩაბერიანიძეს — 800—900 სული, ხოლო სოფ. ქურთაში ყარამან ბზიკიშვილს — 1000 — 1500 სული. ამ გლეხებს დაქირავებული მწყემსები ჰყავდათ, მაგალითად. ყარამან ბზიკიშვილს 4—5 კაცი<sup>3</sup>. ისინი დიდი რაოდენობით ყდიდნენ მატყლს, ყველს, საკლავს.

ასევე სავაჭრო მეცხოველეობას ეწეოდა დიმიტრი კალხიტაშვილი (სოფ. დრე), რომელიც სესხად ფულს შეძლებულ თავადებსაც კი აძლევდა<sup>4</sup>, და სხვა.

ახალდაბელი, ტაშისკარელი, ქვიშხეთელი და ზოგი სხვა სოფლის ბევრი მცხოვრები ბორჯომის ხეობაში სატივე ხეების დამზადებაზე მუშაობდა. ნაკლებ შეძლებულები ამხანაგობებს ადგენდნენ 2—3 კაცის რაოდენობით (აგრეთვე 2—3 უღელი ხარკამეჩით), მდიდრები კი ხშირად უსაქონლო ხალხს ქირაობდნენ. ჩიბროქურდაძე (სოფ. ქვიშხეთი) წელიწადში 18 ტივს მაინც ამზადებდა და ჰყიდიდა<sup>5</sup>; ასევე წარმატებით ამზადებდა სატივე ხეებს პაატა ლომსაძე (სოფ. ტაშისკარი), რომელსაც საკუთრად 10 უღელი შესაბმელი ხარკამეჩი ჰყავდა<sup>6</sup>.

მდიდარი გლეხებიდან ზოგი დამზადებულ ტივებს ყიდულობდა და 3—4 ტივი ერთდროულად თბილისში ჩაჰქონდა გასაყიდად.

<sup>1</sup> ცნობა მოგვაწოდეს სტალინირის მცხოვრებმა ზაქარია კუმარიტოვმა (74 წლ.) და ჯომალის მცხოვრებმა (ამჟამად სტალინირში ცხოვრობს) ხასაყო ძუგაევმა (100 წლ.).

<sup>2</sup> В. Д. Абаев, Экономическое развитие Юго-Осетии в период капитализма, часть II, Тбилиси, 1956, გვ. 64.

<sup>3</sup> ცნობა მოგვაწოდა ლენინგორის მცხოვრებმა ვანო ხაჩატუროვმა (72 წლ.).

<sup>4</sup> ცნობა მოგვაწოდა ატენის მცხოვრებმა ესტატე ქერდიყოშვილმა.

<sup>5</sup> ცნობა მოგვაწოდა ქვიშხეთის მცხოვრებმა ანდრო ქურდაძემ (81 წლ.).

<sup>6</sup> ცნობა მოგვაწოდა ტაშისკარის მცხოვრებმა მაქსიმე ლომსაძემ (78 წლ.).

ასე იქცეოდა. მაგალითად, ან დ რ ი ა ბ ლ ი ა ძ ე, რომელიც თვითონაც იყო მეტივე და სხვებსაც ჭირაობდა (თითო ტივზე ორ-ორი კაცი იყო საჭირო)<sup>1</sup>. ახალდაბიდან ტივების ადგილზე ყიდვასა და თბილისში გაყიდვას 6 კომლი აწარმოებდა<sup>2</sup>.

ჩამოთვლილთა გარდა შეიძლება დავასახელოთ მაზრის ბევრი მდიდარი გლეხი, რომელიც მარცვლეულს ვაგონობითა ჰყიდდა. ასეთები იყო — სოფ. შინდისიდან მ ი ხ ა თ ვ ა ლ ი ა შ ვ ი ლ ი, სოფ. ქვენატოცადან — ან დ რ ო ჩ ო ჩ ი შ ვ ო ლ ი, ს ი ნ ო თ ო თ ლ ა ძ ე (ამ უკანასკნელს, გარდა სხვა ქონებისა, ორი წისქვილიცა ჰქონდა: ერთი ხუთთვლიანი. მეორე — ოთხთვლიანი), ზ ვ თ ი ს ო თ ო თ ლ ა ძ ე და მ ი ხ ა გ ე ლ ა შ ვ ი ლ ი; სოფ. აბილიდან — ს ო ლ ო კ ი ლ ა ს ო ნ ი ა და გ ა ბ ო ბ ე რ ა ძ ე და სხვ.<sup>3</sup>.

ჩრეთორმის შემდგომი პერიოდის გლეხურ მოსახლეობაში ღარიბები უმრავლესობას შეადგენდნენ. შემდეგშიც მათი რაოდენობა როგორც შეფარდებით, ისე აბსოლუტურად უფრო მატულობს. ეს საშუალო გლეხობის გადატყეობისა და დაშლის პირდაპირ შედეგს წარმოადგენს.

როგორც ზემოთ აღნიშნა, 900-იანი წლების დასაწყისში მაზრის გლეხურ კომლთა თითქმის 44% ფლობდა კომლზე მხოლოდ თითო დესეტინამდე მიწას, 45% კი სრულიად მოკლებული იყო მუშა პირუტყვს. ეს მონაცემი საფუძველს გვაძლევს ვითეიქროთ, რომ მაზრის გლეხურ კომლთა 40—45% მინც ღარიბ გლეხობას, სოფლის პროლეტარებსა და ნახევრად პროლეტარებს შეადგენდა. ამასთან, უნდა აღინიშნოს, რომ ღარიბი და უღარიბესი გლეხობის რიდი რაოდენობა (60%-მდე) სხვა უბნებთან შედარებით ხიდისთავის უბანზე მოდიოდა.

ი. სტალინი შემდეგნაირად ახასიათებდა ღარიბ გლეხებს: „ვინ არიან ღარიბი გლეხები? ეს ისეთი ადამიანებია, რომლებსაც მეურნეობისათვის ჩვეულებრივ არ ჰყოფნიდათ ან თესლი, ან ცხენი, ან იარაღები, ან არ ჰყოფნიდათ ყოველივე ეს, ერთად აღებული. ღარიბი გლეხები — ეს ისეთი ადამიანებია, რომლებიც ნახევრად-მშიერიანი ცხოვრობდნენ და, როგორც წესი, იმყოფებოდნენ კულაკების კაბალაში, ხოლო ძველ დროს — როგორც კულაკების, ისე მემამულეების კაბალაში“<sup>4</sup>.

<sup>1</sup> ცნობა მოგვაწოდა ახალდაბის მცხოვრებმა ზაქარია ცხველაძემ (81 წლ.).

<sup>2</sup> ცნობა მოგვაწოდა ახალდაბის მცხოვრებმა ალექსი ქველაძემ (83 წლ.).

<sup>3</sup> ცნობა მოგვაწოდა მოხისის მცხოვრებმა მიხეილ მესხმა.

<sup>4</sup> ი. სტალინი, თხზ., ტ. 13, გვ. 209.

რეფორმის შემდეგ სოფლად კაპიტალისტურ ურთიერთობათა განმტკიცების მიხედვით, სავაჭრო მიწათმოქმედების განვითარებასთან ერთად, ქალაქებისა და რკინიგზების ქსელის ზრდასთან დაკავშირებით, განუწყვეტლივ ხდება გლეხობის დაშლა ანტაგონისტურ კლასებად. იზრდება ლარიბ გლეხთა რაოდენობა. გლეხთა რაოდენობის სულ ცოტა 60%-ს ოქტომბრის რევოლუციამდე ლარიბი გლეხები შეადგენდნენ<sup>1</sup>.

ვ. ი. ლენინი რუსული სოფლის პროლეტარიატის ტიპიურ წარმომადგენლად ლარიბ ნადელიან გლეხსა თვლიდა: „სოფლის პროლეტარიატის უადრესად ტიპიური წარმომადგენელი არის მოჭაპაგირე, დღიური მუშა, შავი მუშა, მშენებელი ან სხვა რომელიმე მუშა ნადელით“<sup>2</sup>.

ვ. ი. ლენინის ეს სიტყვები სავსებით უდგება თბილისის გუბერნიის იმ დროს არსებულ მდგომარეობას.

მეტად მძიმე იყო ქართლის სოფლის ლარიბი გლეხობის ცხოვრება.

სოფ. დიცის ლარიბი გლეხების შესახებ კორესპონდენტი წერდა: „სისხლი ყელში გებჯინება, როდესაც უყურებ უპერანგო გლეხს რუსის ფარაჯაში, რომელიც ათი-ათასგან მიკერებულ მობრასტნულია ათასგვარი კონკებით; თეთრისა და წითლის ძაფით, დაკონკილ ჩოხაში კლიკები ნახევრობით ტიტველა უჩანს. იმის ტანისამოსის ძაფის წვერს რომ ჩამოსწიოთ, ადამის სამოსელით დაინახავთ, ისე გაიცრიცება და დაირღვევა ბეჩავის ტანისამოსი. თვით საბრალოს ხელის სისქედ აძევს მტვერი, ტალახი, მური და ვაგლახი“<sup>3</sup>. სურათი ლარიბი გლეხის უკულმართი ცხოვრებისა ცოცხლად არის დახატული.

მეორე კორესპონდენტი, აღწერდა რა უმიწო გლეხის მდგომარეობას. წერდა: „ჩვენში ბევრ მუშაკთ არა აქვთ მამული და იძულებული არიან სხვის მამულზედ მოიყვანონ იმოდენა საზრდო, რომელიც რის ვაი ვაგლახით ჰყოფნით დასაკმაყოფილებლად უპირველესთა თვისთა საჭიროებათა.

...რა მოელის მოუსავლიანობის დროს უმამულო გლეხს? შიმშილი და სიკვდილი... რა არის უმამულო გლეხ-კაცი? ის არის უბე-

<sup>1</sup> ი. სტალინი, თხზ., ტ. 13, გვ. 209.

<sup>2</sup> ვ. ი. ლენინი, თხზ., ტ. 3, გვ. 191.

<sup>3</sup> ციტირებულია ფ. გოგინაიშვილის სტატიიდან „შინაური მიწობილვა“, ჟურნ. „მომბე“, 1904, № 1, გვ. 86.

ღუარი ქმნილება: იმის მდგომარეობა ისეთივეა, როგორც ფრთა შეკვეცილი ჩიტისა და წყალმოკლებული თევზისა...

სხვასთან მოჯამაგირეთ დადგომით გლეხი იშოვნის ნახევარ საზრდოს, თუ კიდევ ნაკლებსაც არა; მეორე ნახევარი საზრდოსი საიდგანლა იშოვოს თუ რომ იმას არ ექნება მამული? სიღარიბე და სიღატაკე მალე ეწვევა უმამულო გლეხს და ეს დღითი-დღე უფრო და უფრო გაძლიერდება. სიღარიბეს მოაქვს თვისი ჩვეულებრივი მწარე ნაყოფები: გადაგვარება ხალხისა ზნეობით, გონებით და ფიზიკურად“. გლეხი მიწაზე არის დამოკიდებული, „მამული კი ყველას არა აქვს, და თუ თითო-ოროლა დღის მიწა აქვს ეს თითქმის ისევ უქონლობას შეედრება, რადგანაც იმითი იმას ცხოვრება არ შეუძლიან“<sup>1</sup>.

მძიმე იყო ცხოვრება. საერთოდ, მემამულე-კაპიტალისტთა ბატონობის დროს, მძიმე იყო მუშა ხალხის მდგომარეობა. განსაკუთრებით სოფლად, რადგანაც აქ „მიწათმოქმედებაში კაპიტალიზმის მხრით ჩაგვრას ემატება წინაკაპიტალისტური ექსპლოატაციის ფორმების სიმძიმე“<sup>2</sup>. ვ. ი. ლენინი აღნიშნავდა: „ისეთ დაბეჩავებასა და ჩაგვრას. ისეთ სიღატაკეს, როგორც რუს გლეხებშია. არათუ დასავლეთ ევროპაში, თურქეთშიც კი ვერ ნახავთ“<sup>3</sup>. მძიმე იყო მდგომარეობა რუს გლეხთა უმრავლესობისა. მაგრამ კიდევ უფრო მძიმე იყო მათი ქართველი თანამოძმეების ბედი. ქართველი თავადაზნაურობა და მეფის ხელისუფლება ყოველი დონით ცდილობდა, რაც შეიძლება ურყევად დაეცვა ძველი „მამა-შვილური“ ურთიერთობა ყოფილ ბატონსა და მის ნაყმევებს შორის. მემამულეები და მევახშეები, მდიდარი გლეხები და მეფის სახელმწიფო მოხელეთა ხროვა წარმოადგენდა უზარმაზარ პარაზიტს. რომელიც ძირითადად ღარიბ და საშუალო გლეხთა სისხლის წოვით ცოცხლობდა.

გლეხთა გაპროლეტარება იწვევდა მათ საშინელ ეკონომიურ პირობებში ჩაყარდნას. „უმთავრესად მცირემიწიანობის გამო გლეხობის უმრავლესობა თანდათან ღარიბდება და ადგება გაპროლეტარების გზას. გასულ ზაფხულს მე შემოვიარე გორის მაზრა და იქ მნახველი ვიყავ გლეხთა ისეთი სიღარიბისა. რომლის აღწერაც კი შეუძლებელია“ — წერდა ფ. გოგიჩაიშვილი<sup>4</sup>.

<sup>1</sup> გახ. „გუთნის დედა“. 1875. № 21.

<sup>2</sup> ვ. ი. ლენინი, თხზ. ტ. 3, გვ. 307.

<sup>3</sup> ვ. ი. ლენინი, თხზ. ტ. 12, გვ. 319.

<sup>4</sup> Ф. Гогичаишвили, Малоземелье среди крестьян Закавказья, Тифлис, 1903, გვ. 21 — 22.

ჩვენ აქ მოვიტანთ რამდენიმე ღარიბი გლეხის ოჯახის მოკლე აღწერას (900-იანი წლების დასაწყისისათვის).

**ზ ა ქ ა რ ი ა ვ ე შ ა პ უ რ ი** (სოფ. მეჯვრისხევი) ცხოვრობდა მიწურ სახლში, რომელსაც ბანი ნიადაგის პირას ჰქონდა<sup>1</sup>. სახლში ხის ტახტი ედგა, რომელზედაც ჭილობი იყო გადაფარებული. აქვე იდგა კილობანი (გამომცხვარი პურის შესანახად), სკივრი, გოგროხა (წნელის გოდორი საქონლის პატივით გალესილი), რომელშიაც მარცვალს ან ფქვილს ინახავდნენ. ზ. ვეშაპურს მხოლოდ ერთი ჩარეჟი ვენახი ჰქონდა და ერთი ძროხა ჰყავდა. ოჯახს მოჯამაგირეობით არჩენდა<sup>2</sup>.

**მ ი ხ ა ხ ა რ ხ ე ლ ი** (სოფ. მეჯვრისხევი) მიწურ სახლში ცხოვრობდა, 1/2 ჩარეჟი ვენახი და 1 დღიური მიწა ჰქონდა. მოჯამაგირეობითა და დღიური მუშაობით ირჩენდა თავს<sup>3</sup>.

**ვ ა ნ ო კ ა პ ა ნ ა ძ ე** (სოფ. რუისი) მიწურ სახლში ცხოვრობდა. ბანი მიწისპირას იყო. სახლში მიწის ტახტი ედგა, რომელსაც ჭილობი ეფარა; ტახტზე დაგლეჯილი ლოგინი ელაგა, სკამების მაგივრობას ხის კუნძები ეწეოდა. პურს მიწის ტახტზე სჭამდნენ. სახლში კილობანი და პატივით გალესილი გოდორი იდგა. ვანო კაპანაძეს სულ ერთი დღიური მიწა ჰქონდა. ოჯახს მოჯამაგირეობით, უფრო კი დღიური მუშაობით არჩენდა<sup>4</sup>.

**გ ი ა ხ ვ ე დ ე ლ ი ძ ე** (სოფ. რუისი) ცხოვრობდა ბანიან, მიწურ სახლში. სადაც მიწის ტახტი ედგა, დაგლეჯილ ჭილობგადაფარებული. სკამად ალიზის ნაქერი ან ქვა იყო გამოყენებული. მქადის შესანახად დანგრეული ხის ყუთი იდგა. აქვე იყო პატივით გალესილი გოდორი. ჰქონდა 2 ჩარეჟი ვენახი. თავს დღიური მუშაობით ირჩენდა<sup>5</sup>.

**ა ლ ე ქ ს ი ბ ა ს ი ა შ ვ ი ლ ი** (სოფ. კავთისხევი) ასევე მიწურ სახლში ცხოვრობდა. არც სახნავი მიწა და არც ოთხფეხი საქონელი მას არ გააჩნდა, მხოლოდ ორი ჩარეჟი ვენახი ჰქონდა. ეწეოდა

<sup>1</sup> უნდა აღინიშნოს, რომ გორის მაზრის გლეხთა დიდი ნაწილი 900-იანი წლების დასაწყისში ჯერ ისევ მიწაში ცხოვრობდა. მათი ბანიანი საცხოვრებელი სახლები მიწაში იყო ჩათხრილი, სახურავი (ფ. ი. ბანი) ნიადაგის პირას იყო ისე, რომ ადამიანები, საქონელი და ურმებიც კი მათზე ისე დადიოდა როგორც ჩვეულებრივ მინდორზე. გლეხთა კულაკური კომლემები ჭვიტკირის ან ხის კარგ სახლებში ცხოვრობდნენ.

<sup>2</sup> ცნობა მოგვაწოდა მეჯვრისხევის მცხოვრებმა დავით ხომასურმაძემ.

<sup>3</sup> ცნობა მოგვაწოდა მეჯვრისხევის მცხოვრებმა თედო ბეგიაშვილმა.

<sup>4</sup> ცნობა მოგვაწოდა რუისის მცხოვრებმა მიხა გურასპაშვილმა (74 წლ.).

<sup>5</sup> ცნობა მოგვაწოდა რუისის მცხოვრებმა გიორგი ქარქუზაშვილმა (74 წლ.).

დღიურ მუშაობას — დადიოდა გუთანზე, სამკალად, საბარავადა და სათოხნად, მუშაობდა კალატოზთან ხელის მუშად<sup>1</sup>.

ა ბ რ ა მ შ ა ტ ა ტ ი შ ვ ი ლ ი (სოფ. ბობნევი) ბანიან, მიწურ სახლში ცხოვრობდა. ტახტი სულ არ ედგა. ოჯახის წევრები პირდაპირ მიწაზე წებობდნენ. ჰქონდა კიღობანი, პატივით გალესილი გოდორი და ხის კასრი წყლისათვის. მიწა ჰქონდა ერთი დესეტინა, შაგრამ ბიძაშვილს მიჰყიდა. მოჯამაგირეობით, უფრო კი დღიური მუშაობით ცხოვრობდა — უმთავრესად ფერდობებზე ბაქნებს აკეთებდა (ავაქებდა) ვენახისათვის<sup>2</sup>.

ქართლის ზოგიერთ სოფელში ეულები ცხოვრობდნენ. ეული სრულიად უმიწაწყლო, უქონელ ადამიანს ეწოდებოდა. ბევრ მათგანს ლოგინიც კი არა ჰქონდა. მაგალითად, სოფ. რუისში ეულების 10—12 კომლი იყო (ქარქუზაშვილები, სულაშვილები, ხუქიაშვილები, ლომიძე და სხვ.)<sup>3</sup>.

XIX საუკ. დასასრულისათვის გაზ. „კვალის“ კორესპონდენტი ქართლის სოფლის ყოვლად უნუგეშო სურათს გვიხატავდა: „ისეთი რაე მინებებულ. უპატრონო ხეობას ვერსად ნახავთ, როგორიც არის შოვრეთის (საციციანო) ხეობა; არსად სკოლა, არსად სამკითხველო, არსად ექიმი. ასე გაშინჯეთ. ეკლესიაც კი ისე თავ მინებებულია, რომ გეშინიათ. მინამ წირვა გამოვა თავზე არ დაგენგრეთ, ამას ზედ დამატებია ახლა რალაც ცხელების ნაირი ავთამყოფობა, რომელიც სოფერასავით მოსდებია ამ ხეობის სოფლებს. ოჯახს ვერ ნახავთ, რომ სამი ავთამყოფი არ იწევს“<sup>4</sup>.

მაშინდელი სოფლის ტრადიკულ მდგომარეობაზე მიუთითებს, აგრეთვე, სოფ. ალაიანის მაგალითი. აქ, ისე როგორც ბევრ სხვა სოფელში, მძვინვარებდა მალარია. რომლის შედეგადაც 1873—1885 წლების განმავლობაში სრულიად ამოწყდა გლეხთა 7 კომლი. ანუ ამ სოფლის მოსახლეობის 12%<sup>5</sup>.

უმიწო და მცირემიწიანი გლეხების საგრძნობი ნაწილი ქალაქებისაკენ მიისწრაფის, რათა იქ იშოვოს ლუკმა-პური. ბევრი გლეხი, — ამბობს ზიმონხილველი. — ცდილობს ჩქარა დაამთავროს

<sup>1</sup> ცნობა მოგვაწოდა კავთისხევის მცხოვრებმა ხაქარია ბასიაშვილმა (80 წლ.).

<sup>2</sup> ცნობა მოგვაწოდა ბობნევის მცხოვრებმა (ამჟამად ატენში ცხოვრობს) ჯსტატე ქერდიყოშვილმა.

<sup>3</sup> ცნობა მოგვაწოდა რუისის მცხოვრებმა გიორგი ქარქუზაშვილმა.

<sup>4</sup> გაზ. „კვალი“, 1897. № 40.

<sup>5</sup> «МДИЭБГКЗК», т. VI, გვ. 141.

რთველი, რათა შეუდგეს მეორე სამუშაოს, იშოვოს გარე სამუშაო<sup>1</sup>. 90-იანი წლების ბოლოს გამოკვლეული გორის მაზრის 654 კომლიდან გარე სამუშაოზე იმყოფებოდა 151 კაცი<sup>2</sup>. ეს მხოლოდ იმათი რაოდენობაა, ვინც სოფელს სრულიად მოწყვეტილია და არ შეიცავს ყველა მათ. ვინც. საერთოდ, შრომას აქირავენ.

ვ. ი. ლენინი მიუთითებდა, რომ გლეხობა იტანჯებოდა არა მარტო კაპიტალიზმისაგან, არამედ უფრო მეტად კაპიტალიზმის განუვითარებლობის გამო<sup>3</sup>. შიდა გუბერნიებთან შედარებით, მრეწველობის სუსტი განვითარება საქართველოში ვერ უზრუნველყოფდა უმიწო და მცირემიწიანი გლეხების სამუშაო ძალის გამოყენებას და ისინი იძულებულნი იყვნენ დარჩენილიყვნენ სოფლად და არაადამიანურ პირობებში გასეგრძოთ არსებობა. ქალაქში წასული გლეხი ძალიან ძნელად შოულობდა სამუშაოსა და თავშესაფარს. „ჩვენს ქალაქებს. ეკონომიური განუვითარებლობის გამო არ შეუძლიათ თავშესაფარი მისცენ იმ ზედმეტ მოსახლეობას, რომელიც სოფლად უმიწაწყლოდ რჩება“ — აღნიშნავდნენ 900-იანი წლების დასაწყისში<sup>4</sup>.

აღნიშნული გარემოება ხასიათდება, აგრეთვე. 1904 წლის „მოამბეში“. „უმიწო ქართველ გლეხობისათვის ძნელია ქალაქებში სამუშაოს შოვნა. რადგან ჩვენში ჯერ მოქალაქეობრიობა, ვაქრობა და სამრეწველო წარმოება განუვითარებელია. ასევე ძნელია მისთვის, „გარეშე მიზეზთა გამო“, თავისუფალ მიწებზე დასახლება და მეურნეობის გაუმჯობესება. მას მეტი გზა არა აქვს, — ისევ ძველს ადგილას უნდა დარჩეს და ეცადოს ავად თუ კარგად ხვნა-თვისის საშუალებით არსებობის სახსრის მოპოვებას და ცხოვრებაში თავის ვატანას“<sup>5</sup>.

XIX საუკ. II ნახევარსა და XX საუკ. I მეხუთედში ქართლის სოფელში მთელი მიწის ფონდის უდიდესი ნაწილი მემამულეთა ხელში იყო. მათ უპირისპირდებოდა მთელი გლეხობა, რომელსაც

<sup>1</sup> П. Кандуралов. Очерк виноградарства и виноделия в Карталинском, Сборник сведений по виноградарству и виноделению, 1897, гл. 80.

<sup>2</sup> И. Веретенников, По поводу податной реформы на Кавказе, журн. «Русская мысль», кн. 7. 1902, гл. 130—131.

<sup>3</sup> ვ. ი. ლენინი, თხზ., ტ. 4, გვ. 521; ტ. 17, გვ. 121.

<sup>4</sup> ციტირებულია კ. ბაბილოძის ნაშრომიდან: აკარაული ურთიერთობა საქართველოში XIX საუკ. მეორე ნახევარში, რუსთაველის სახელობის ბათუმის სახელმწიფო პედაგოგიური ინსტიტუტის შრომები, I, 1950, გვ. 46.

<sup>5</sup> ფ. გოგოჩაი შვილი, შინაური მიმოხილვა, ჟურნ. „მოამბე“, 1904, № 1, გვ. 76.



მემამულეებთან შედარებით 7—8-ჯერ ნაკლები მიწა გააჩნდა. ნაგ-  
რამ თვითონ გლეხობაც ერთგვაროვანი მასა აღარ არის, არამედ  
ერთი მხრით, ღარიბი და უღარიბესი გლეხობაა, რომელთა ეკონომი-  
ური მდგომარეობა უარესია ქალაქის პროლეტარიატის მდგომარეო-  
ბაზე. და, მეორე მხრით, შეძლებული გლეხობა, კულაკობა. რომლის  
ხელშია გლეხობის მიწის მნიშვნელოვანი ფონდი, სასოფლო-აწე-  
ვრნეო ინვენტარი, მუშა პირუტყვი; სპეციალური კულტურების  
ნარგავების დიდი ნაწილი.

წინააღმდეგობა არსებობს როგორც მემამულეებსა და მთელ  
გლეხობას შორის, ისე გლეხთა მდიდარ და ღარიბ ფენებს შორის.  
ამასთან მეორე სახის წინააღმდეგობა უფრო და უფრო ძლიერდება.

შეძლებული გლეხობა. როგორც წესი, მიმართავს მუშახელია  
დაქირავებას, ღარიბი გლეხობა ჰყიდის თავის სამუშაო ძალას.

სოფლად დაქირავებული შრომის ძირითადი სახეებია მოჯამა-  
გირეობა და დლიურად მუშაობა. მოჯამაგირეთა შრომა უფრო იაფი  
ჯდება, ვიდრე დლიური მუშისა. ყველაზე შეძლებული გლეხები  
უმთავრესად მოჯამაგირეთა შრომას მიმართავენ (დაქირავებული  
შრომის მუდმივი გამოყენება), გლეხთა ნაკლებ შეძლებულ ფენებ-  
ში კი უფრო მეტად იყენებდნენ დლიურ შრომას. მოჯამაგირეთა  
შრომა უფრო ნაკლებ ფასობდა, იგი, მაგალითად, 90-იანი წლების  
ბოლოს უდრიდა წელიწადში 25—50 მანეთს; თუ დაქირავება სეზონ-  
ური იყო და მხოლოდ ზაფხულს მოიცავდა. მაშინ ხელფასი  
უდრიდა 15—30 მანეთს, დლიურად დაქირავებული მუშის  
ხელფასი კი დღეში 40 კაპიკიდან 60 კაპიკამდე აღწევდა<sup>1</sup>. ამგვარად,  
მოჯამაგირეები ექსპლოატაციას ყველაზე მეტად განიცდიდნენ, მათ  
მისდევდნენ სეზონური და. ბოლოს, დლიური მუშები.

გორის მაზრაში ფართოდ იყენებდნენ დაქირავებულ შრომას.  
XIX საუკუნის 90-იანი წლების ბოლოს მაზრაში 29637 მეურნეობა  
იყო. ამ მეურნეობათაგან სისტემატურ დაქირავებულ შრომას მო-  
ჯამაგირეთა დაქირავების სახით მიმართავდა 1341 კომლი. მათგან

<sup>1</sup> ცნობები მოგვაწოდეს კავთისხევის მცხოვრებლებმა ზაქარია სუსიკლა-  
შვილმა (87 წლ.) და ზაქარია ბასიაშვილმა (80 წლ.), რუისის მცხოვრებმა მიხა  
გურასპაშვილმა (74 წლ.), მოხისის მცხოვრებმა იასე ქელესაშვილმა (75 წლ.)  
და სხვ.

ითომ მოჯამაგირე ჰყავდა 1005 კომლს,

2 — 3 მოჯამაგირე ჰყავდა 272 კომლს,

4 — 5 „ „ 41

6 — 10 „ „ 20 „

11 „ და მეტი „ 3 კომლს<sup>1</sup>.

ცნობილია, რომ შედარებით ნაკლებ შეძლებულ კულაკთა ღენა. მოჯამაგირეების გარდა, უმთავრესად სეზონურ და დღიურ მუშებს ჰქირაობდა. სეზონური და დღიური მუშახელის გამოყენებას მიმართავდნენ ძალიან შეძლებული კომლებიც. ასეთი სახის დაქირავებულ გლეხთა რაოდენობაზე ჩვენ ზუსტი ცნობები არა გვაქვს.

რეფორმის შემდეგ გლეხობის დაშლა განუწყვეტლივ მიმდინარეობდა. ეს პროცესი დამთავრებული არ იყო ოქტომბრის რევოლუციის დროისათვის. დაშლის პროცესი მეტ-ნაკლები სისწრაფით მიმდინარეობდა მთელი ამ პერიოდის განმავლობაში. დაშლა შეეხო გლეხთა ყველა კატეგორიას (დროებითავალდებულნი, სახაზინოები, აიზნები), რომლებიც, მიუხედავად თავისი გამძლეობისა, მაინც ექვემდებარებიან ჯერ ნაწილობრივ დეფორმაციას. შემდეგ კი სრულ რღვევას. რღვევა-დაშლის პროცესი არათანაბრად მიმდინარეობდა გლეხთა სხვადასხვა კატეგორიაში, დროის სხვადასხვა მონაკვეთში, განსხვავებული იყო მთასა და ბარში. ბარში დაშლა უფრო სწრაფად წარმართა. მთამ უფრო მეტად და უფრო დიდხანს შეინარჩუნა ნახევრად ფეოდალური ურთიერთობანი.

თბილისის სასაზინო პალატას მმართველი გორის მაზრის ორ მაზრად გაყოფის საკითხთან დაკავშირებით აღნიშნავდა: „მაზრის გაყოფით შეიქმნა აუცილებლობა ახლად შექმნილ მაზრაში ხაზინის დაარსებისა. ამჟამადაც კი ხაზინის ყოფნა ქალაქ გორში, რომელიც მნიშვნელოვნად დაშორებულია ისეთ შედარებით მსხვილ სავაჭრო-სამრეწველო ცენტრებთან, როგორიცაა ბორჯომი, მიხაილოვო<sup>2</sup> და სურამი მათთან მისამზარი რაიონებით, რომლებიც მოსახლეობის სიმჭიდროვითა და სიმდიდრით მნიშვნელოვნად აღემატება მაზრის დანარჩენ ნაწილს, იწვევს უხერხულობას და წარმოადგენს დაბრკოლებას ამ რაიონის დროულსა და წესიერ მომსახურებაში“<sup>3</sup>.

ამგვარად, მაზრის ის რაიონები, რომლებიც სავაჭრო-სამრეწველო დაბებსა და მის გარშემო მდებარე სოფლებს შეიცავდნენ (განსაკუთრებით ზემოთ მითითებულ, აგრეთვე ქარელის, გომის,

<sup>1</sup> Первая всеобщая перепись населения Российской империи 1897 г., LXIX, გვ. 6 — 7.

<sup>2</sup> მიხაილოვო ანუ ხაშური.

<sup>3</sup> საქ. ცსსა, ფონდი 254, საქმე 11750, ფურც. 10, 1910 წ..

ცხინვალის, გორის გარშემო მდებარე ადგილებში). ერთი მხრით, ზასიათლებიან მოსახლეობის მეტი სიმჭიდროვით მაზრის სხვა ადგილებთან შედარებით, მეორე მხრით — მეტი „სიმდიდრით“. ჩვენ სიტყვა სიმდიდრე იმიტომ ჩავსვით ბრჭყალებში, რომ გაჯარჩიოთ თავადაზნაურობის გარეშე მოსახლეობის ზედა ფენების მართლაც მეტი სიმდიდრე ამავე ფენების ეკონომიურ მდგომარეობასთან შედარებით წარსულში. ეს ფენები აქ უფრო ძლიერნი ჩანან, ვიდრე, ვთქვათ, მაზრის ჩრდილო ან სამხრეთ ნაწილში.

მეტი „სიმდიდრე“ მიუთითებს, რომ ამ ადგილებში, მაზრის ბევრ სხვა ნაწილთან შედარებით, კლასობრივი დიფერენციაცია თავადაზნაურობის გარეშე მოსახლეობისა უფრო შორს არის წასული.

აქვე უნდა შევნიშნოთ, რომ გლეხთა კატეგორიების მიხედვით გლეხური ბურჟუაზია უფრო დიდი რაოდენობით სახელმწიფო გლეხებიდან გამოიყოფოდა. ამას განაპირობებდა ამ უკანასკნელთა „უხვნიწიანობა“ სხვა კატეგორიების გლეხებთან შედარებით. სახელმწიფო გლეხები უფრო ნაკლებად იტანჯებოდნენ მემამულეთა კაბალისაგან. ნათ შორის უფრო ჩქარა ვითარდებოდა ბურჟუაზიული ურთიერთობა.

1905—1907 წლების რუსეთის პირველი რევოლუცია წარმოადგენდა იმ ნიშანსვეტს, რომლის შემდეგ კიდევ უფრო გაძლიერდა კაპიტალიზმი როგორც ქალაქად. ისე სოფლად: ბატონყმობის ნაშთებს კიდევ ერთხელ ჩაეცა ლახვარი. სოფლის დიფერენციაციამ დიდი ნაბიჯი გადადგა წინ.<sup>1</sup>

აღსანიშნავია, რომ თვით 1905 წლის რევოლუციის შემდეგაც კი მაზრის ჩრდილო მთიანეთის ბევრ სოფელში გლეხობის უმრავლესობას საშუალო გლეხობა შეადგენდა. ასეთები იყო სოფ. ვანელი (80% საშუალო გლეხობა, 10% ღარიბი), თლია (90% საშუალო, 2,3% ღარიბი), ზღუდერი (77% საშუალო, 6% ღარიბი). ედისა (80% საშუალო, 12,5% ღარიბი), ხოჯა (78% საშუალო, 7% ღარიბი) და სხვ. მაგრამ ამ დროისათვის მთის უმრავლეს სოფლებში დაშლა ისე შორს არის წასული, რომ იქ ღარიბები მოსახლეობის უმრავლესობას შეადგენდნენ. ასეა, მაგალითად, სოფლებში—ქალეთში (10% საშუალო, 62% ღარიბი), ჭავაში (30% საშუალო, 60% ღარიბი), მსხლებსა (41% საშუალო, 51% ღარიბი) და სხვ.<sup>2</sup>

<sup>1</sup> ი. სტალინი, თხზ., ტ. 2, გვ. 312.

<sup>2</sup> З. В а н е т и, Социально-экономическое положение крестьян Юго-Осетии накануне революции, Известия Юго-Осетинского научно-исследовательского института, Выпуск III, Сталинир, 1936, გვ. 235 — 236.

მიუხედავად წელი ტემპისა, რუსეთის შიდა გუბერნიებთან შედარებით, ქართლის სოფელი სახეს იცვლის, სოფლად იქმნებიან წვრილი კაპიტალისტური მეურნეობები. შემდგომში უფრო მსხვილი კაპიტალისტური მეურნეობანი განდევნიან წვრილ მეურნეობებს, რომლებიც აღარ შეესაბამებიან კაპიტალისტური ბაზრის გაზრდილ მოთხოვნილებებს; ისე რომ, წვრილი კაპიტალისტური მეურნეობები თავისი დროისათვის მეურნეობის მოწინავე ფორმებს წარმოადგენდნენ და ნიშნავდნენ პროგრესს ბატონყმურ-ნატურალურ მეურნეობასთან შედარებით<sup>1</sup>.

განვითარების ამგვარი წარმართვა სოფლად გარდუვალია კაპიტალიზმის პრუსიული გზით განვითარების დროს.

<sup>1</sup> ი. სტალინი, თხზ., ტ. 1, გვ. 213.

## დასკვნები

1. რუსეთთან საქართველოს შეერთებას უდიდესი მნიშვნელო-  
ვა ჰქონდა ქართველი ხალხისათვის. საუკუნეთა განმავლობაში  
ნტრულ გარემოცვაში მყოფი ქართველი ხალხი და, საერთოდ, ამი-  
ერკავკასიის ხალხები რუსეთთან შეერთებით გადაურჩნენ ფიზიკურ  
განადგურებას. შეერთების შემდეგ ეს ხალხები აქტიურად ებმებიან  
წსოფლიო ეკონომიურ ურთიერთობაში. ჩვენი ქვეყანა ნელა, მაგრამ  
განუხრელად მიდის კაპიტალისტურ ურთიერთობათა განვითარე-  
ზის გზით.

2. ფეოდალიზმიდან კაპიტალიზმზე გადასვლის უნიშვნელოვა-  
ნეს ეტაპს წარმოადგენდა ააგლეხო რეფორმა. სოფლია მეურნეობაში  
განვითარდა კაპიტალიზმი, რაც შეუჩერებლივ დევნიდა ფეოდა-  
ლურ-ბატონყმურ ურთიერთობას. ეს გამოწვეული იყო საზოგა-  
დოების ეკონომიური კანონის — წარმოებითი ურთიერთობის სა-  
წარმოო ძალების ხასიათთან აუცილებელი შესატყვისობის კანონის  
მოქმედებით.

საგლეხო რეფორმა, რომელიც აზსებითად ბურჟუ-ზიული იყო,  
გატარებულ იქნა მემამულეთა მიერ, ფეოდალური სახელმწიფოს  
რნიციატივით. ეს კი რეფორმას უაღრესად შეზღუდულ ბატონყმურ  
ხასიათს ანიჭებდა. რეფორმამ დიდხანს შეინარჩუნა ბატონყმობა,  
რომლის ძლიერმა გადმონაშთებმა ჩვენში თებერვლის რევოლუ-  
ციამდე მოაღწია.

რეფორმის ბატონყმური ხასიათი განსაკუთრებით მკაფიოდ  
მოჩანდა რუსეთის განაპირა-კოლონიურ მხარეებში. კერძოდ. ქარ-  
ოლში. აქაც გლეხობა, ფაქტიურად, უმიწოდ იქნა განთავისუფლე-  
ბული, ხოლო ჩამონაჭრებმა 37% შეადგინა. გლეხთა 13% თავიდან-  
ვე თითქმის სრულიად მოკლებული იყო მიწას. რეფორმამ ქართველ  
თავადაზნაურობას ბევრი განსაკუთრებული შეღავათი მიანიჭა, კერ-  
ძოდ, მან დამატებით მიიღო 7 მილიონ მანეთზე მეტი—ყმების პირა-  
დი განთავისუფლების ნაცვლად. ქართველ თავადაზნაურთა განსა-  
კუთრებული პრივილეგიები ნიშნავდა ქართველ გლეხთა ექსპლოა-  
ტაციის კიდევ უფრო გაძლიერებას. ცარიზნი ქართველი გლეხობის

მდგომარეობის პირდაპირი გაუარესების ხარჯზე ახდენდა ქართველი თავადაზნაურობისათვის განსაკუთრებულ „წყალობათა“ გაცემას.

3. საგლეხო რეფორმის შემდეგ, მიუხედავად ფეოდალიზმის ძლიერი ნაშთებისა, თანდათან იმარჯვებს კაპიტალიზმი.

ქართლის სოფელში კაპიტალიზმის განვითარებას განსაკუთრებით უწყობდა ხელს რკინიგზების გაყვანა, მრეწველობის განვითარება. ქალაქების მოსახლეობის სწრაფი ზრდა, სავაჭრო-სამრეწველო დაბების წარმოქმნა. ყოველივე ეს კი წარმოადგენდა რუსეთის ფართო ბაზართან ამიერკავკასიის დაკავშირების შედეგს. ქართლის სოფელი არა მარტო თვითონ წარმოადგენდა ბაზარს რუსეთის მრეწველობისათვის, არამედ, თავის მხრივ, აქაური სოფლის ნაწარმები, განსაკუთრებით ღვინო, შემდეგ კი ხილი იჭრება რუსეთის ბაზარზე.

ამიერკავკასია, რუსეთის კაპიტალიზმის მეშვეობით, ხდება საქონლის მსოფლიო ბრუნვის მონაწილე.

4. კაპიტალიზმის განვითარება ქართლის სოფელში დაიწყო რეფორმის გზით. ეს გზა განსაკუთრებით მძიმე და მტკივნეული იყო ქართლში იმის გამო, რომ ექსპლოატაციის კაპიტალისტურ ფორმებს ემატებოდა ექსპლოატაციის ფეოდალური ნაშთები, აქ კაპიტალიზმი ვითარდება ე. წ. პრუსიული გზით და წარმოადგენს განვითარების ამ ტიპის უცუდეს ვარიანტს.

5. რეფორმის შემდეგ გლეხური მეურნეობა ვითარდება სასაქონლო-ფულადი მეურნეობის საფუძველზე და დამოკიდებულია ბაზართან.

რეფორმის შემდეგდროინდელი მიწათმოქმედება სულ უფრო და უფრო იღებს სავაჭრო ხასიათს, რაც, პირველ ყოვლისა, სოფლის მეურნეობის სპეციალიზაციაში ვლინდება.

ქართლის მთაში ვითარდება სავაჭრო მეცხოველეობა, განსაკუთრებით მატყლისა და რძის პროდუქტების დამზადება-გაყიდვის მიზნით. ბარში დიდ გასაქანს პოულობს მევენახეობა-მელვინეობა და მეხილეობა. სავაჭრო მიწათმოქმედების ზრდასთან დაკავშირებით თანდათან შორეულ ბაზრებზე გადის სოფლის ნაწარმი. იზრდება სოფლის მეურნეობის მოთხოვნილება მრეწველობის პროდუქტებზე, პირველ რიგში, პირადი მოხმარების საგნებზე; იზრდება მოთხოვნილება წარმოების საშუალებებზე (იარაღები, ნაგებობანი და სხვა). ფართოვდება დაქირავებული შრომის გამოყენება სოფლის მეურნეობაში.

6. რეფორმის შემდეგ ფართო გასაქანს პოულობს მიწების ყიდვა-გაყიდვა და დაგირავება. ეს ეკონომიური მოვლენები ატარებენ ბურჟუაზიულ ხასიათს. მიწას ყიდულობს უმთავრესად გლეხობის ზედაფენა; ჰყიდის ან იჯარით იძლევა არა მარტო თავადაზნაურობა, არამედ ლარები გლეხების მნიშვნელოვანი ნაწილიც. ამასთან ერთად, ქართლში ნელა, მაგრამ შეუჩერებლივ, იზრდება კაპიტალისტური იჯარაც, რასთან დაკავშირებითაც თანდათან ძლიერდება და 900-იან წლებში გაჩვეულ ადგილს იკავებს კაპიტალისტური რენტა, რაც უმთავრესად სოფლის მეურნეობის კაპიტალისტურ სიათზე მიუთითებს.

7. ქართლის სოფელში მიმდინარეობს გლეხობის არა უბრალო ქონებრივი უთანასწორობის წარმოქმნის, „დიფერენციაციის“ პროცესი. გლეხობა არა მარტო „დიფერენციაციას“ განიცდის, არამედ საფასვებით ნადგურდება, არსებობას სწყვეტს, რადგან თანდათან გამოადევნება სოფლის მოსახლეობის სრულიად ახალი ტიპებით<sup>1</sup>; სოფლის ბურჟუაზიისა და სოფლის პროლეტარიატის სახით. გლეხობა შეუჩერებლივ იშლება ორ მოპირდაპირე, ერთმანეთს შორის ანტაგონისტურად განწყობილ კლასად. დაშლა მიმდინარეობს საშუალო გლეხობის ხარჯზე.

8. იქმნება სოფლის ბურჟუაზია, ე. წ. კულაკობა. რომლის როდენობა ქართლში XX საუკ. დასაწყისში კომლთა დაახლოებით 5—6%-ს აღწევს. შეძლებული გლეხობის ეს შედარებითი სიმცირე აიხსნება მთელი გლეხობის ეკონომიური ჩამორჩენილობითა და მცირე მიწიანობით (როგორც რეფორმამდე, ისე რეფორმის შემდეგ).

კულაკთა ჯგუფში შედიან როგორც დამოუკიდებელი მეურნენი, რომელნიც სავაჭრო მიწათმოქმედებას ეწევიან, ისე სავაჭრო-სამრეწველო დაწესებულებათა მფლობელები და სხვები.

შეძლებული გლეხობის არსებობის აუცილებელ პირობას წარმოადგენს გლეხობის ისეთი ფენის გაჩენა-არსებობა, რომელიც თავის შრომას აქირავებს. სოფლის ბურჟუაზია, როგორც წესი, მიმართავს დაქირავებული შრომის სისტემატურ გამოყენებას. ყველაზე შეძლებულნი უმთავრესად მოჯამაგირეთა შრომას იყენებენ. გლეხური ბურჟუაზიის უფრო ნაკლებად შეძლებული ფენა კი მიმართავს უმთავრესად დღიური პუშების დაქირავებას. გლეხობის მაღალი ჯგუფები ახდენენ გლეხური მიწების კონცენტრაციას თავის ხელში. XX საუკ. დასაწყისში გლეხთა დაახლოებით 480 კომლს

<sup>1</sup> ვ. ი. ლენინი, თხზ., ტ. 3, გვ. 187.

ექირა ნაზრის გლეხურ კომლთა უშუალო გამგებლობაში მყოფი მიწის 23 % მანც. ამასთან. გლეხურ კომლთა 4%-ს გუთნეულის დამოუკიდებლად გამოყვანა შეეძლო.

9. ქართლის სოფლის პროლეტარიატი არის „დაქირავებულ მუშების კლასი ნადელით“. ამ სოფლის პროლეტარს უმეტეს შემთხვევაში გააჩნია მიწის მცირე ნაკვეთი, რომელსაც ზოგჯერ იჯარითაც იძლევა. ამასთან. ღარიბები მიწას თანდათან კარგავენ. ქართლის სოფელში პროლეტარები და ნახევრადპროლეტარები ისეთ გაქირავებას განიცდიან. „რომლის აღწერაც კი შეუძლებელია“, ეს უნდა აახსნას ბატონყმობის ძლიერი ნაშთების არსებობითა და კაპიტალიზმის შედარებით სუსტი განვითარებით. ამიერკავკასიის ქალაქი სამუშაოთი ვერ უზრუნველყოფს ქართლის სოფლის ამ პროლეტარებს, რომლებიც ქალაქისაკენ მიილტვიან. ამიტომ, ძირითადად სოფელია ის ადგილი, სადაც ღარიბ გლეხს სამუშაო ძალის გაყიდვა შეუძლია.

სოფლის პროლეტარებისა და ნახევრადპროლეტარების (რომელთა რიცხვიც 900-იანი წლების დასაწყისში დაახლოებით გლეხურ კომლთა 40—45%-ს შეადგენდა) საარსებო დონე ქალაქის პროლეტარებისაზე დაბალაა.

10. გლეხობის უკიდურეს ჯგუფებს შორის დგას საშუალო გლეხობა. იგი ხ.ს.იათდება სასაქონლო მეურნეობის ნაკლები განვითარებით. მისი მდგომარეობა ფრიად მერყევია. ყოველი მოუსავლიანი წელი. ყოველი სტიქიური უბედურება (სეტყვა, გვალვა, მინდვრის თავვი. კალია და სხვა) მას პროლეტარიატის რიგებისაკენ ერეკება. შეძლებულ გლეხთა რიგებში ხვდება საშუალო გლეხობის იზოლოდ მცირე ნაწილი. საშუალო გლეხობის რაოდენობა იმავე 900-იანი წლებისათვის, სავარაუდებელია, შეადგენს სოფლის მოსახლეობის 45—50%-ს.

11. გლეხობის ბურჟუაზიულ დაშლას დიდად უწყობდა ხელს საგადასახლებო მოძრაობა. ქართლში ეს მოძრაობა. ორი სახისაა: ერთი მხრით, გადასახლება ხდება სოფლიდან ქალაქში, მეორე მხრით — გლეხური მოსახლეობა მთიდან ბარისაკენ მიდის.

12. გორის მაზრაში გლეხობის დაშლას აფერხებდა სავაზშო და ნაწილობრივ სავაქრო კაპიტალის დამოუკიდებელი განვითარება (ამასთან, XIX საუკუნის ბოლო ხანებიდან სავაზშო და განსაკუთრებით სავაქრო კაპიტალის დამოუკიდებელ განვითარებას ძირი ეთხრება) და ფეოდალურ-ბატონყმური მეურნეობის ნაშთები, პირველ რიგში, შრომამიგების არსებობა. გლეხობის დაშლას, ე. ი. კაპიტა-



ლიზმის განვითარებას, ამიერკავკასიის სოფელში აფერხებდა ცარიზმის პოლიტიკაც, რაც მნიშვნელოვნად განაპირობებდა განაპირა კოლონიური მხარეების მშრომელი მოსახლეობის ექსპლოატაციის მაღალ დონესა და ამ მოსახლეობის კულტურულ-ეკონომიურ ჩამორჩენილობას.

## ლიტერატურა

- კ. მარქსი, კაპიტალი, ტ. 3, ნაწ. 2, 1934 წ.
- К. Маркс и Ф. Энгельс, Сочинения, т. VIII, XV, XVI.
- ვ. ი. ლენინი, თხზულებანი. გამოცემა მე-4, ტ. 1, 3, 4, 5, 6, 8, 9, 10, 12, 13, 15, 16, 17, 18, 19, 22, 32.
- ი. ბ. სტალინი, თხზულებანი, ტ. 1, 2, 4, 6, 7, 10, 11, 12, 13.
- ი. ბ. სტალინი, დიალექტიკური და ისტორიული მატერიალიზმის შესახებ, 1954.
- ი. ბ. სტალინი, სოციალიზმის ეკონომიური პრობლემები სსრ კავშირში, 1952.
- И. В. Сталин, О статье Энгельса «Внешняя политика русского царизма», журн. «Большевик», 1941, № 9.

### I. ქართულ ენაზე არსებული ლიტერატურა

- ს. ავალიანი, ხიზანი, ტფილისის უნივერსიტეტის მოამბე, 1919, № 1.
- ს. ავალიანი, მიწისმფლობელობა საქართველოში ქუთაისი, 1920.
- ა. ასათიანი, მიწის საკითხი საქართველოში, თბილისი, 1919.
- კ. ბაბილოძე, აგრარული ურთიერთობა საქართველოში XIX საუკუნის მეორე ნახევარში, შ. რუსთაველის სახელობის ბათუმის სახელმწიფო პედაგოგიური ინსტიტუტის შრომები, I, 1950.
- ბახტაძე, ანტონ ფურცელაძის ეკონომიური შეხედულებანი.
- ა. წულუკიძის სახ. ქუთაისის სახელმწიფო პედაგოგიური ინსტიტუტის შრომები, ტ. VII, 1947.
- ბერძენიშვილი, ი. ჯაფახიშვილი, ს. ჯანაშია, საქართველოს ისტორია, ნაწილი I, უძველესი დროიდან XIX საუკუნის დამდეგამდე, ს. ჯანაშიას რედაქციით, თბილისი, 1947.
- აღ. ბუჩუკური, ხილის მაღალი მოსავლის ოსტატები, თბილისი, 1955.
- გ. გიორგაძე, საზოგადოებრივი ურთიერთობა საქართველოში. ბატონ-ყმობის გადავარდნიდან პირველ რევოლუციამდე, 1864 — 1905, თბილისი, 1928.

- ფ. გოგიჩაიშვილი. შინაური მიმოხილვა, ჩვენი ეკონომიური გაკვირვება, ჟურნალი „მოამბე“ № I, 1904.
3. გუგუშვილი, ბატონყმობის გაუქმება საქართველოში (რეფორმის 75 წლისთავისათვის), ჟურნალი „ბოლშევიკი“. № 9—10, 1939.
3. გუგუშვილი. მევახშეობის განვითარება საქართველოში მე-19 საუკუნეში, ი. ბ. სტალინის სახელობის თბილისის სახელმწიფო უნივერსიტეტის შრომები, X, 1939.
3. გუგუშვილი. გუთნეულის ეკონომიური ორგანიზაცია, საქართველოს სსრ მეცნიერებათა აკადემიის მოამბე, ტ. V. № 3. 1944.
3. გუგუშვილი. თემური მიწათმფლობელობა ამიერკავკასიაში 1801—1921 წწ., საქართველოს სსრ მეცნიერებათა აკადემიის ეკონომიკის ინსტიტუტის შრომები, ტ. I, 1946.
- გუგუშვილი, მიწათმოქმედების გაუმჯობესებელი იარაღები საბჭოთამდელ ამიერკავკასიაში, ეკონომიკა ინსტიტუტის შრომები, II, 1947.
3. გუგუშვილი, შინამრეწველური მეღვინეობა საქართველოსა და ამიერკავკასიაში 1801—1920 წწ., ეკონომიკის ინსტიტუტის შრომები, ტ. III, 1949.
3. გუგუშვილი, საქართველოს და ამიერკავკასიის ეკონომიური განვითარება XIX—XX საუკუნეებში, თბილისი, 1956.
3. გუგუშვილი, შინამრეწველობა საქართველოსა და ამიერკავკასიაში 1801—1920 წლებში, ეკონომიკის ინსტიტუტის შრომები, ტ. IV, 1950.
3. გუგუშვილი. აგრარული ურთიერთობანი ამიერკავკასიაში XIX—XX სს. მიჯნაზე, 1905—1907 წლების რევოლუცია საქართველოში, თბილისი, 1955.
- მ. დუმბაძე. დასავლეთ საქართველო XIX ს. პირველ ნახევარში (რუსეთთან შეერთება და სოციალურ-ეკონომიური განვითარება), თბილისი, 1957.
- დუმბაძე, საქართველოს სოციალურ-ეკონომიური განვითარება XIX საუკუნის რეფორმის შემდგომ პერიოდში (ხელნაწერი), საქართველოს სსრ მეცნიერებათა აკადემიის ივ. ჯავახიშვილის სახ. ისტორიის ინსტიტუტის ბიბლიოთეკა, II—101.
- ა. იოსელიანი, ილია ჭავჭავაძე და საქართველოს ისტორიის საკითხები (ქართული საზოგადოებრივი აზრის ისტორიიდან), თბილისი, 1951.

- ლ. კარბელაშვილი, სასოფლო-სამეურნეო სტატისტიკის ისტორიისათვის საქართველოში (1921 წლამდე), ი. ბ. სტალინის სახელობის თბილისის სახელმწიფო უნივერსიტეტის შრომები, 1948. XXXIV a—B.
- ა. კიკვიძე, საქართველოს ისტორია (XIX საუკუნე), თბილისი, 1954.
- ბ. ლომოური, მოთხრობები, თბილისი, 1951.
- დ. მაქავეარიანი, პროექტი და საშუალება (გორის მაზრის შემამუღეთა სინდიკატის მომავალ მოქმედების შესახებ?), ტფილისი, 1900.
- ფ. მახარაძე, ჩვენი ქვეყნის ეკონომიური განვითარება, თხზულება. ტ. VIII, თბილისი, 1932.
- ფ. მახარაძე, საქართველოს ეკონომიური მდგომარეობა მეცხრამეტე საუკუნეში, თხზ., ტ. VIII, თბილისი, 1932.
- ფ. მახარაძე, ამიერკავკასიის სოფლის მეურნეობის შესახებ, თხზ., ტ. VIII, თბილისი, 1932.
- ფ. მახარაძე, ზოგიერთი კითხვები მიწათმფლობელობის შესახებ ჩვენში, თხზ., ტ. VII, თბილისი, 1930.
- ფ. მახარაძე, გლეხკაცობის მდგომარეობის შესახებ ამიერკავკასიაში, თხზ., ტ. II, თბილისი, 1925.
- ფ. მახარაძე, წარმოების წინანდელი ფორმების ნაშთები და კაპიტალისტური სისტემა, თხზ., ტ. III, თბილისი, 1926.
- ფ. მახარაძე, საგლეხო რეფორმა, თხზ., ტ. III, თბილისი, 1926.
- ფ. მახარაძე, სათავად-აზნაურო მიწათმფლობელობა ამიერკავკასიაში, თხზ., ტ. III, თბილისი, 1926.
- ფ. მახარაძე, ამიერ-კავკასიის გლეხკაცის მდგომარეობა, თხზ., ტ. III, თბილისი, 1926.
- ფ. მახარაძე, აგრარული საკითხი ჩვენში, თხზ., ტ. VII, თბილისი, 1930.
- ს. მგალობლიშვილი, რჩეული მოთხრობები, თბილისი, 1951.
- ა. მურაჩაშვილი, გლეხკაცობის საფაშო კაბალა და სოფლის წვრილი კრედიტის ორგანიზაცია საქართველოში ბატონყმობის შემდეგ 1905 წლის რევოლუციამდე, ი. ბ. სტალინის სახელობის თბილისის სახელმწიფო უნივერსიტეტის შრომები, X, 1939.
- ნ. ნიკოლაძე, რჩეული ნაწერები, ტფილისი, ტ. I, 1930; ტ. II, 1932.
- სულხან-საბა ორბელიანი, სიტყვის კონა, თბილისი, 1949.
- პოლიტიკური ეკონომია, სახელმძღვანელო, 1954.

3. რ ა ტ ი ა ნ ი , ილია ჭავჭავაძე. ფილოსოფიური და სოციალურ-პოლიტიკური შეხედულებანი, თბილისი, 1954.
- ს ა ქ ა რ თ ვ ე ლ ო ს სოციალისტ-ფედერალისტთა საჩევოლუციო პარტია, № 6, გლეხები და პარტიები, ტფილისი, 1906.
- ნ. უ რ ბ ნ ე ლ ი, ეკონომია თუ აგრონომია? გაზ. „დროება“ № 248. 1883.
- ა. ფ უ რ ც ე ლ ა ძ ე , მამულის საერთო მფლობელობა, თბილისი. 1905.
- დ. ქ ო რ ი ძ ე , მიწის ნაციონალიზაცია საბჭოთა საქართველოში, ეკონომიკის ინსტიტუტის შრომები, ტ. III, 1949.
- შ. ჩ ხ ე ტ ი ა , რუსული მმართველობის სისტემა საქართველოში (1840—1864), საქართველოს სახელმწიფო მუზეუმის მოამბე. XII—B, თბილისი, 1944.
- შ. ჩ ხ ე ტ ი ა , ნატურალური ბეგრის საკითხისათვის რეფორმამდელ საქართველოში, ა. ს. პუშკინის სახ. თბილისის სახელმწიფო პედაგოგიური ინსტიტუტის შრომები, ტ. VI, 1949.
- შ. ჩ ხ ე ტ ი ა , გლეხთა მოძრაობა გურიაში 1862 წელს, თბილისი, 1953.
- შ. ჩ ხ ე ტ ი ა , ბრძოლა საგლეხო რეფორმის გარშემო აღმოსავლეთ საქართველოში, ა. ს. პუშკინის სახ. თბილისის სახელმწიფო პედაგოგიური ინსტიტუტის შრომები, ტ. VIII, 1950.
- ი. კ ა ვ კ ა ვ ა ძ ე , თხზულებანი, ტ. IV—IX. ტფილისი, 1927—1928. ხ ა ლ ხ უ რ ი პოეზია. 1934.
- გ. ხ ა კ ა ჰ უ რ ი ძ ე , გლეხთა მოძრაობანი საქართველოში მე-19 საუკუნეში. ტფილისი. 1932.
- ხ ე ხ ი ლ ე ბ ი ს სანერგეები და ბაღები ძმები გ. და მ. ფრიდონოვებისა სადგურ სკრას მახლობლად; ა/კ რკინის გზა, გორის მახრა, თბილისის გუბერნია, თბილისი, 1905.
- ს. ხ უ ნ დ ა ძ ე , სოციალიზმის ისტორიისათვის საქართველოში. ტ. I, II, ტფილისი, 1927.
- ს. ხ უ ნ დ ა ძ ე , ნიკო ნიკოლაძე. წინასიტყვაობა. ნ. ნიკოლაძე. რჩეული ნაწერები, ტ. I, ტფილისი, 1930.
- 1905—1907 წლების რევოლუცია საქართველოში, საბჭოთა კავშირის ჯომუნისტური პარტიის ცენტრალურ კომიტეტთან არსებული მარქს-ენგელს-ლენინ-სტალინის ინსტიტუტის საქართველოს ფილიალი, გაზ. „კომუნისტი“ № 291 (10377), II/XII, 1955.

## II. რუსულ ენაზე არსებული ლიტერატურა

- В. Д. А б а е в, Экономическое развитие Юго-Осетии в период капитализма (1864—1917—1921 гг.), часть вторая, Тбилиси, 1956.
- С. Л. Авалиани, Крестьянский вопрос в Закавказье, тт. 1—IV (1912, 1913, 1914 и 1920 гг.).
- А. А в е р ь я н о в, Кулак-мирод, С-Петербург, 1889.
- И. Г. А н т е л а в а, Реформа поземельного устройства государственных крестьян Закавказья в конце XIX века, Сухуми, 1952.
- И. Г. А н т е л а в а, Государственные крестьяне Грузии в первой половине XIX века (до крестьянской реформы 1864 года), 1955.
- А н - П а р и, Грузинские хизаны и идеологи хизанства, Тифлис, 1913.
- А. Н. А р а с х а н я н ц, Закавказская хлебная торговля в связи с развитием сельского хозяйства, Тифлис, 1887.
- М. Б а л а с, Историко-статистический очерк виноделия в России (Кавказ и Крым), Санкт Петербург, 1877.
- Т. Б о л о т о в, Горийский уезд и его ветеринарно-санитарные условия, Сборник кавказского общества сельского хозяйства, Выпуск IV, Тифлис, 1882.
- К. Б о р и с е в и ч, Хлебные жуки в Горийском уезде, Сборник императорского кавказского общества сельского хозяйства, 1894.
- И. Г. Б у д а к, Развитие капитализма в сельском хозяйстве Бессарабии в пореформенный период, Кишинев, 1954.
- З. Н. В а н е е в, Крестьянский вопрос и крестьянское движение в Юго-Осетии в XIX веке, Сталинири, 1956.
- З. В а н е т и, Социально-экономическое положение крестьян Юго-Осетии накануне революции, Известия Юго-Осетинского научно-исследовательского Института, Выпуск III, Сталинир, 1936.
- Е. Г. В е й д е н б а у м, Хизаны в Грузии, Тифлис, 1913.
- И. В е р е т е н н и к о в, По поводу податной реформы на Кавказе, журн. «Русская мысль», книга VII, 1902.
- Н. В о р о н о в, Статистические этюды, Газ. «Кавказ», №№ 73, 78, 79, 1866.
- В о р о н ц о в - Д а ш к о в, Всеподданнейшая записка по управлению Кавказским краем, Тифлис, 1907.
- Л. В. Г а н т о в е р, О происхождении и сущности вечно-чиншевого владения, С.-Петербург, 1884.
- М. Н. Г а р с е в а н о в, Очерк виноделия Кавказа, Сборник сведений о Кавказе, т. III, Тифлис.

- Р. Гвоздев, Кулачество-ростовщичество и его общественно-экономическое значение, С-Петербург, 1899.
- В. Геевский, Краткий очерк земледелия за Кавказом, Тифлис, 1887.
- Я. Гогешвили, Правда о Тифлисе, Тифлис, 1897.
- Ф. Гогичайшвили, Малоземелье среди крестьян Закавказья, Тифлис, 1903.
- К. Гоциридзе, Положения о крестьянах Закавказья с правительственными распоряжениями и разъяснениями Правительствующего Сената, Кутаис, 1904.
- П. Гугушвили, Подготовка крестьянской реформы в Закавказье, Сельское хозяйство и аграрные отношения, т. II, Тбилиси, 1950.
- С. Гулишамбаров, Обзор фабрик и заводов Тифлисской губернии, Тифлис, 1888.
- С. Гулишамбаров, Виноградное вино на всемирном рынке, С-Петербург, 1895.
- С. Гулишамбаров, Виноградное вино в России в XIX столетии, Одесса, 1896.
- И. Джавახов (Джавахишвили), Политическое и социальное движение в Грузии в XIX в., 1906.
- А. Джавახов, Город Гори, 1882.
- М. Г. Джанашишвили, Гори и его окрестности, Сборник материалов для описания местностей и племен Кавказа, Тифлис, 1904.
- К. Х. Дзобаев, Экономическое развитие осетинского крестьянства в пореформенный период (1870—1900 гг.), Известия Северо-Осетинского научно-исследовательского Института т. XI, Выпуск 1, Дзауджикау, 1948.
- С. А. Егизаров, Исследования по истории учреждений в Закавказье, Часть I, Казань, 1889.
- Н. Е. Ермолаев, Аренда владельческой земли государственными крестьянами в Закавказье, Труды кавказского общества сельского хозяйства, № 12. 1888.
- Журналы заседаний первого съезда податных инспекторов ведомства Тифлисской казенной палаты, С 15-го по 28-е апреля 1896 г., Тифлис.

- С. М. Заваров, Выводы из данных по урожаю хлебов в 1893 году и некоторые меры помощи населению неурожайных мест, Сборник императорского кавказского общества сельского хозяйства, Тифлис, 1894.
- П. А. Зайончковский, Отмена крепостного права в России, Москва, 1954.
- Г. В. Зерцалов, Юбилей крестьянской реформы в Тифлисской губернии, Тифлис, 1914.
- И. О. Иосселиани, Сельское хозяйство и правовые отношения сельского населения, Труды кавказского общества сельского хозяйства, № 7—8, 1887.
- И. О. Иосселиани, Данные об урожае хлебов по сообщениям корреспондентов Общества в 1893 году в Закавказье, Сборник императорского кавказского общества сельского хозяйства, Тифлис, 1894.
- И. О. Иоссеѐлиани, 1850—1900 гг. Обзор деятельности императорского кавказского общества сельского хозяйства за 50 лет, Выпуск I, Тифлис, 1901.
- История СССР, т. II, Россия в XIX веке, Под редакцией проф. М. В. Нечкиной, Москва, 1949.
- Кавказский календарь, Тифлис, 1846—1915 гг.
- Г. Калантаров, Крепостное право в Грузии в начале настоящего столетия, Сборник сведений о Кавказе, т. II, Тифлис, 1872.
- Е. Канчер, Ввоз и распространение сельскохозяйственных машин, Журн. «Кавказское хозяйство», № 2, 1910.
- П. Г. Кандуралов, Очерк виноградарства и виноделия в Карталинии, Сборник сведений по виноградарству и виноделию, Выпуск VIII, Тифлис, 1897.
- Д. Кипиани, Хизанский вопрос, Журн. «Юридическое обозрение», № 165, 1884.
- А. Кипшидзе, Исторический очерк деятельности Тифлисского губернского по крестьянским делам Присутствия (1864—1900 гг.), Журн. «Кавказский вестник» № 9, 1901.
- А. Кипшидзе, Очерк крепостного права и крестьянская реформа, Журн. «Кавказский вестник», № 6, 1902.
- А. А. Кофод, Сельскохозяйственные очерки Закавказья, С-Петербург, 1904.
- И. И. Левашов, Кустарные промыслы Тифлисской губернии, Отчеты и исследования по кустарной промышленности в России, т. II, С-Петербург, 1894.



- П. И. Лященко, История народного хозяйства СССР, т. т. I—II, Ленинград, 1950.
- Материалы для изучения экономического быта государственных крестьян Закавказского края, т. т. I—VII, Тифлис, 1885—1887.
- Материалы по вопросу о распространении действий крестьянского поземельного банка на Закавказский край, С-Петербург, 1904.
- Материалы по истории осетинского народа, т. II. Сборник документов подготовлен В. С. Гальцевым, Орджоникидзе, 1942 г.; т. III, Дзауджикау, 1950.
- МПС, Казенные железные дороги, Сводные статистические таблицы о перевозках пассажиров и грузов по Закавказским железным дорогам за 1902 год (отчет коммерческой статистики). Тифлис, 1904.
- А. П. Николаи, Воспоминания из моей жизни, Москва, 1892.
- А. П. Николаи, Отчет по главному управлению наместника Кавказом, 1873.
- Об обязательном выкупе помещичьих, владельческих и церковных крестьян в Закавказском крае, Канцелярия наместника его императорского величества на Кавказе, Отделение крестьянское, 25-го февраля 1909 года, Общия соображения, Тифлис.
- Обзор Тифлисской губернии за 1899 год (приложение к Всеподданнейшему отчету), Тифлис, 1900.
- Отчет по главному управлению наместника Кавказского за первое десятилетие управления Кавказским и Закавказским краем его императорским высочеством великим князем Михаилом Николаевичем, 6 декабрь 1862—6 декабрь 1872 г. Тифлис, 1873.
- Отчет сельскохозяйственного товарищества землевладельцев Горийского уезда, Тифлисской губернии за время с 1 января 1901 года по 1-е января 1902 г.
- Л. Л. Першке, Обзор отраслей промышленности в Закавказском крае, служащих источником косвенных налогов. и поступление по акцизного по краю дохода за 1901 год, Тифлис, 1902.
- А. С. Пирлов, Аграрный вопрос и крестьянские беспорядки в Закавказье, Тифлис, 1905.
- По устройству быта государственных крестьян (осетин). Тифлис. 1904.
- Прекращение хизанских отношений в Грузии, Тифлис, 1914.

- Прокламации большевистских организации Закавказья 1904—1906 гг., Тбилиси, 1940.
- Д. Пурцеладзе, О необходимости улучшения материального положения временно-обязанных крестьян Тифлисской губернии, газ. «Кавказ», 1884, № 73.
- Д. Пурцеладзе, Крестьянский вопрос в Грузии. Журн. «Юридическое обозрение», 1884, № 159.
- В. Б. Пфаф, Описание путешествия в южную Осетию, Рачу, Большую Кабарду и Дигорию, Сборник сведений о Кавказе, т. II, 1872.
- М. Н. Романов, Всеподданнейшая записка от I. VII. 1865 г. Сборник императорского кавказского общества сельского хозяйства, Тифлис, 1894.
- Сборник материалов для описания местностей и племен Кавказа, Выпуск III, Тифлис, 1883.
- Сборник материалов по изучению полевого хозяйства на Кавказе, Выпуск III, 1908.
- Сборник правительственных распоряжений и решений по устройству быта крестьян и поселян Кавказского края, Составил управляющий канцеляриею по делам устройства крестьян при главном управлении наместника кавказского Кучаев. Тифлис, книга I, 1880, книга II, 1883.
- Сборник сведений о Кавказе, Изданный под редакцию главного редактора статистического комитета Н. Зейдлица, тт. I—IX, 1871—1885.
- Сборник сведений по виноградарству и виноделию на Кавказе, Выпуск VIII, Тифлисская губерния (Горийский и Душетский уезды). Издание кавказского филлоксерного комитета, Тифлис, 1897.
- Сборник сведений по культуре ценных растений на Кавказе, Выпуск I—VI, Тифлис, 1895—1905.
- Сведения об отношениях между помещиками и их крестьянами в Грузии, Имеретии и Гурии, собранные в 1841 году, О крестьянах Грузии.
- Свод материалов по изучению экономического быта государственных крестьян Закавказского края, тт. I—V, Тифлис, 1887—1888.
- Свод сведений о экономическом положении хизан Тифлиской и Кутаисской губерний, по данным губернских по крестьянским делам присутствий, собранным в 1883 году.
- Свод трудов местных комитетов по Кавказу, области Войска Донского, Сибири, Степному краю и Туркестану, Составил А. А. Кауфман, С-Петербург, 1904.
- И. Л. Сегаль, Крестьянское землевладение в Закавказье, Тифлис, 1912.

- Сельскохозяйственный обзор по Закавказью за 1909 год, Императорское кавказское общество сельского хозяйства, Статистическое бюро, Тифлис, 1910.
- Орест Семиц, Великая годовщина, Аграрный вопрос и крестьянская (крепостная) реформа на Кавказе, Исторический очерк, Киев, 1911.
- Н. Н. Спешнев, Очерк плодоводства Горнийского уезда, Тифлисской губернии, Сборник сведений по плодоводству в Закавказском крае, Выпуск I, Тифлис, 1895.
- Статистическое описание Закавказского края, Составил Орест Евецкий, Санкт-Петербург, 1835.
- Труды Кавказского общества сельского хозяйства, Тифлис, 1856—1893.
- Труды Кавказской шелководственной станции, т. XII, Выпуск I, Тифлис, 1904.
- Труды местных комитетов о нуждах сельскохозяйственной промышленности, LII, Кавказский край, С-Петербург, 1903.
- М. Туманов, Статистические данные о крепостном владении в Тифлисской губернии. О крестьянах в Грузии.
- М. Туманов, О хизанском состоянии в Грузии. О крестьянах в Грузии.
- М. Туманов, О крепостном праве в Грузии. о крестьянах в Грузии.
- Г. Туманов, Земельные вопросы и преступность на Кавказе, С-Петербург, 1900.
- Граф. Уварова, Кавказ, Рача, Горнийский уезд. Горы Осетии, Пшавия, Хевсуретия и Сванетия, Путевые заметки, Часть III, Москва, 1904.
- Фабрично-заводская промышленность и торговля России, С-Петербург, 1896.
- К. Хатисов, Кустарные промыслы Закавказского края. Отчеты и исследования по кустарной промышленности в России, т. II, С-Петербург, 1894.
- Г. В. Хачапуридзе, Грузия во второй половине XIX века, Журн. «Историк-Марксист», № 8, 1940.
- Г. В. Хачапуридзе, К истории Грузии первой половины XIX века, Тбилиси, 1950.
- П. А. Хромов, Экономическое развитие России в XIX—XX веках, Москва, 1950.
- Н. А. Цаголов, Очерки русской экономической мысли период падения крепостного права, Москва, 1956.
- В. Чередииченко, К истории осетин-хизан, Известия Юго-Осетинского научно-исследовательского Института Краеведения, Выпуск I, Сталининр, 1933.

С. Э с а д з е, Историческая записка об управлении Кавказом,  
тт. I—II, Тифлис, 1907.

### III. პერიოდული პრესა

- გაზ. „გუთნის დედა“  
№ 7, 1873 წ.  
№ № 21, 22, 23, 1875 წ.
- გაზ. „ღროება“  
№ 19, 1873 წ.  
№ № 444, 454, 1874 წ.  
№ № 128, 135, 1878 წ.  
№ № 75, 81, 169, 1880 წ.  
№ № 34, 250, 1881 წ.  
№ 124, 1882 წ.  
№ 248, 1883 წ.  
№ № 46, 190, 1884 წ.  
№ № 106, 107, 108, 191, 196, 1885 წ.
- გაზ. „ივერია“  
№ 3, 1905 წ.
- გაზ. „კვალი“  
№ № 24, 25, 26, 27, 38, 39, 1895 წ.  
№ 40, 1897 წ.  
№ 9, 1898 წ.  
№ № 22, 35, 1900 წ.  
№ 10, 1903 წ.
- გაზ. „მეურნე“  
№ 11, 1888 წ.
- გაზ. „სასოფლო გაზეთი“  
№ 9, 1875 წ.
- ქურნ. „ივერია“  
№ 1, 1877 წ.
- ქურნ. „იმედი“  
№ № 1, 3—4, 1881 წ.
- ქურნ. „მოამბე“  
№ 1, 1904 წ.

Газ. «Кавказ», №№ 84, 85, 86, 92, 93, 94, 1864 г., № 76, 1867 г.,  
№ 2, 4, 6, 12, 19, 1881 г.

Газ. «Обзор», № 470, 1880 г.

- Журн. «Кавказское хозяйство» №№ 3, 10, 1910 г.; №№ 23, 24 1914 г.  
 Журн. «Колокол» №№ 198, 199, 1865 г.  
 Журн. «Научное обозрение» № 10, 1910 г.  
 Журн. «Русское обозрение», 1894 г.  
 Журн. «Юридическое обозрение» №№ 113, 115, 1883 г.; №№ 145, 187, 1884 г.; №№ 198, 200, 202, 210, 1885 г.

#### IV. წყაროები

- შ. ჩხეტია, საგლეხო რეფორმის ისტორიისათვის საქართველოში, თბილისი, 1950.
- Акты собранные кавказскою археографическою комиссиею, тт. I—XII.
- Документы по истории Грузии, Грузия в период буржуазных реформ (1862—1872 гг.), т. I, часть I, Под редакцией проф. Ш. К. Чхетия, Тбилиси, 1954.
- Первая всеобщая перепись населения Российской империи, 1897 г. LXIX, Тифлисская губерния, Под редакцией Н. А. Троицкого, 1905.
- Полное собрание законов Российской империи, т. XXXVI, Санкт-Петербург, 1863, т. XI, С-Петербург, 1894.
- Сборник статистических данных о землепользовании и способов хозяйства в пяти губерниях Закавказского края, Закавказский статистический комитет, Под редакцией Е. Кондратенко, Тифлис, 1899.
- Сборник статистических сведений о частном землевладении в Тифлисской и Кутаисской губерниях, Изданный Тифлиским дворянским депутатским собранием под редакцией Ф. Г. Гогичайшвили, Тифлис, 1910.
- Сборник статистических сведений о Тифлисской губернии, Издание Тифлисского губернского статистического комитета, Тифлис, 1903.
- Сборник статистических сведений о Кавказе, Издаваемый кавказским отделом императорского русского географического общества, т. I. Составлен и издан под редакцией действительного члена отдела Н. И. Воронова, Тифлис, 1869.
- Сборник статистических сведений по Закавказскому краю, Составлен по постановлению Закавказского статистического комитета, Под редакцией старшего редактора отдела Е. Кондратенко, Часть I, Тифлис, 1902.
- Сборник материалов для описания Тифлисской губернии, издаваемый при канцелярии Тифлисского губернатора под редакцией правителя оной К. Л. Зиссермана, Выпуск I,

II, Тифлис, 1871, 1872.

С в о д статистических данных о населении Закавказского края, извлеченных из посемейных списков 1886 г., Издан по распоряжению Главноначальствующего гражданского частую на Кавказе, Закавказским статистическим комитетом, Тифлис, 1893.

С в о д статистических данных о землевладении в Тифлисской и Кутаисской губерниях, Издано Закавказским статистическим комитетом под редакцией члена того же комитета Е. Кондратенко, Тифлис, 1893.

С е л ь с к о е хозяйство и аграрные отношения. т. II, Отмена крепостного права, Составил проф. П. В. Гугушвили, Тбилиси, 1950.

Т р у д ы Тифлисского губернского статистического комитета, Выпуск I, сведения за 1884 и 1885 гг., Издано под редакцией секретаря комитета Игнатовского, Тифлис, 1886.

Центральный государственный Военно-исторический Архив

Фонд «ВУА»

Дела №№ 19100, 19103

Фонд № 400

Дела №№ 17, 45, 76

Фонд № 414

Дело № 301.

საქართველოს სსრ ცენტრალური სახელმწიფო საისტორიო არქივი  
ფონდი № 5.

საქმე №№ 25, 146, 820, 2377, 2446, 2639, 2668, 3371, 3975.

ფონდი № 26.

საქმე №№ 2091, 2095.

ფონდი № 31.

საქმე №№ 10, 222, 854, 888, 957, 999, 1035, 1065, 1084, 1145,  
1349, 1543, 21180, 21181, 21188, 21191, 21192, 21195, 21204,  
21209, 21219, 21225.

ფონდი № 48.

საქმე № № 2, 9, 16, 24, 36, 38, 55, 94, 102, 107, 120, 222, 223, 224,  
229, 245, 267, 268, 277, 285, 296, 624, 781, 992, 1111, 1112,  
1120, 1151, 1153, 1173, 1182, 1183, 1191, 1194, 1200, 1578,  
1745, 1758, 1775, 1778, 1807, 1808, 1812, 1815, 1834, 1836,  
1844, 1868, 1872, 1877, 1917, 1928, 1927, 1992, 1995, 2032,  
2033, 2140, 2198, 2258, 2290, 2293, 2302.

ფონდი № 126.

საქმე №№ 750, 759, 768, 769, 770, 773, 776, 784, 800, 817, 819, 822, 823, 829, 833, 834, 837, 838, 862, 883, 898, 981, 986, 987, 989, 990, 995, 997, 1059, 1060, 1066, 1077, 1108, 1157, 1162, 1234, 1242, 1243, 1246, 1247, 1263, 1447, 1448, 1450, 1451, 1457, 1459.

ფონდი № 138.

საქმე № № 2, 3, 7, 9, 16, 29.

ფონდი № 139.

საქმე № № 8, 23, 25.

ფონდი № 220.

საქმე № № 5, 7, 10, 11, 13, 14, 17, 39, 50, 54, 56, 57, 69, 75, 78, 79, 98, 109, 111, 112, 115, 116, 143, 147, 148, 166, 167, 203, 225, 300, 302, 318, 360, 375, 391, 396, 495, 499, 525, 593, 597, 608, 667, 676, 766, 832, 833, 834, 837, 839, 841, 843, 844, 845, 851, 853, 855, 857, 861, 870, 872, 879, 880, 881, 896, 897, 914, 935, 945, 956, 993, 1021, 1023, 1038, 1054, 1055, 1066, 1057, 1064, 1065, 1020.

ფონდი № 254.

საქმე № № 52, 54, 62, 64, 76, 78, 79, 102, 103, 128, 138, 139, 143, 146, 281, 379, 800, 2076, 2313, 3127, 3566, 3740, 4996, 5007, 6599, 6600, 6604, 6618, 6619, 6626, 6655, 6656, 6668, 7000, 7974, 7999, 8793, 9353, 9527, 9900, 10163, 10165, 10208, 11750, 19208, 19210, 19211, 19212, 19213, 19214, 19215, 19216, 19217, 19267, 19328, 19364, 19365, 19419, 19486, 19607, 19608, 19609, 19610, 19904, 19917, 19958, 19994, 19995, 19996, 19997, 19998, 20070, 20805, 20806, 20807, 20811, 20822, 20844, 20875, 20891, 20915, 20923, 20961, 20962.

ფონდი № 255.

საქმე № 2361.

ფონდი № 414.

საქმე №№: 3, 5, 6, 7, 8, 9, 10, 14, 15, 16, 19, 22, 23, 27, 28, 29, 30, 31, 32, 34, 35, 36, 40, 48, 50, 52, 54, 57, 58, 60, 63, 65, 82, 89.

## შ ი ნ ა ა რ ს ი

შესავალი	3
თ ა ვ ი პ ი რ ვ ე ლ ი. საგლეხო რეფორმა აღმოსავლეთ საქართველოში და გორის მაზრის გლეხობა	16
1) გორის მაზრის მოსახლეობა	16
2) საგლეხო რეფორმის გატარება აღმოსავლეთ საქართველოში	17
3) საგლეხო რეფორმა და გორის მაზრის გლეხობა	31
ა) დროებითვალდებული გლეხები	31
ბ) სახელმწიფო გლეხები	41
გ) ხიზნები	59
თ ა ვ ი მ ე ო რ ე. ვაკრობა-მრეწველობისა და სოფლის მეურნეობის განვითარების გავლენა გლეხობის დაშლაზე	61
1) ვაკრობა-მრეწველობის განვითარება	61
ა) სავარეო და საშინაო ვაკრობის ზრდა	61
ბ) შინამრეწველობა და ხელოსნობა	72
გ) კაპიტალისტური წამოწყებები მრეწველობაში და მათი განვითარება	77
დ) საგზაო მშენებლობის განვითარება	84
2) ქალაქების ზრდა-განვითარება	93
ა) ქალაქი თბილისი	93
ბ) ქ. გორი და გორის მაზრის სავაკრო-სამრეწველო დაბები	96
3) სავაკრო მიწათმოქმედება და სოფლის მეურნეობის სპეციალიზაცია	104
ა) სოფლის მეურნეობის ეკონომიური ზონები	101
ბ) მორწყვის საქმე მაზრაში	113
გ) მეცხოველეობის განვითარება	115
დ) ხენათესვა რეფორმის შემდეგდროინდელი ქართლის სოფელში	123
ე) მევენახეობის განვითარება	130
ვ) მეხილეობა და მებოსტნეობა	137
ზ) გაუმჯობესებული მანქანა-იარაღების გამოყენება	139
თ ა ვ ი მ ე ს ა მ ე. გლეხობის დაშლა	147
1) მიწათმფლობელობა მაზრაში	147
2) მიწის გამოსყიდვა და ყილვა-გაყიდვა	156
3) მიწის დაგირავება	163
4) მიწის იჯარა	166
5) მიწების კონცენტრაცია გლეხობის უმცირესობის ხელში	175
6) საგადასახლებო მოძრაობა	183
7) გლეხური ბურჟუაზიისა და სოფლის პროლეტარიატის წარმოშობა	188
დასკვნები	229
ლ ი ტ ე რ ა ტ უ რ ა	234



დაიბეჭდა საქართველოს სსრ მეცნიერებათა აკადემიის  
სარედ.-საგამომც. საბჭოს დადგენილებით

\*

რედაქტორი მ. დუმბაძე

გამომცემლობის რედაქტორი ო. გიორგაძე

ტექნიკური ა. თოდუა

კორექტორი გ. ჯაყელი

გადაუვა წარმოებას 13.9.1957; ანაწყობის ზომა  $6 \times 10$ ; ხელმოწერილია

დასაბეჭდად 7.2.1958; ქაღალდის ზომა  $60 \times 92\frac{1}{16}$ ;

ქაღალდის ფურცელი 7,75; საბეჭდი ფურცელი 15,5; საავტორო

ფურცელი 13,72; სააღრიკზვო-საგამომცემლო ფურცელი 14,18;

შეკვეთა 1608; რე 04761; ტირაჟი 1000

ფასი 10 მან. 25 კაპ.

---

საქართველოს სსრ მეცნიერებათა აკადემიის გამომცემლობის სტამბა  
თბილისი, ა. წერეთლის ქ. 3/5